


XVII/2054
<http://20ib.org.pl>





ZODIACUS

CÆLI SARMATICO
IN PALMARI SOLEA
SOLI EUCHARISTICO
MVSARVM OFFICIO
EXPORRECTUS.

L U M E N

AVITÆ GLORIÆ, VIRTUTIS, & HONORIS
ILLUSTRISSIMO DOMINO,

D. STANISLAO
MATTHEO
RZEWUSKI,
in Rozdol & Rejowiec

Palatino Podlachiæ, Duci Campi Regni
Capitaneo Chelmensi, Lubomlensi, Drohowicensi, &c.

REFUNDENS.

SEV

LYRICORUM LIBRI IV.
& EPODON Liber Unus.

AUTHORE

JOANNE DAMASCENO à Matre DEI,
Scholarum Piarum Sacerdote.

Anno 1715. Mensē

Die

VARSAVIA, Typis Scholarum Piarum.

<http://rcin.org.pl>



IN ARMA ILLUSTRISSIMÆ RZEWVSCIORVM Domûs.



I.

Non ego Signiferi rutilos emetiar Arcus,
Unde suas terris Sol dare frevit opes.
Zodiacus SOLEÆ nova portat Sidera Regnî,
Unde refert magnum purpura quæq; jubar.
Hic pro Sole nitens CRUCIS aurea flamma, beatos
RZEWINIÆ Domui signat, alitq; dies.

II.

Quando vides. Patrias magno de sanguine Ceras,
Hinc SOLEAM, simul hinc irradiare CRUCES;
Disce, quod hic quævis signat vestigia Cælum,
Absq; suo palmæ munere, ne quod eat.



ILLUSTRISSIME DOMINE.

Cælo receptos credidimus Ducum
In fulgurantis Sidera Balthei
Catus reaccendi, serenus
Quos rutilo beat igne Titan,
Quotannis alta lucida permeans
Gemmante curru limina Curiæ,
Totumq; lustraturus Orbem
Æthereas celer intrat arces ;
Sed Tu Polorum lux animosior,
Juxtaq; terræ flos, & honor recens,
DUX Magne, Cælestem Polono
Zodiacum reparabis Orbi ;
(a 2) Quem

Quem Martiali de SOLEA artifex

Format vetusti gloria Stemmatis,

Quem tot triumphorum corusca

Signa replent, memoresq; palmæ.

Hic vellus, inquam, purpureum nitet,

Quod præliaris fert Aries Tibi,

Non ille dives pelle Colchus,

Jasoniam quod amicit Argo,

Hic subiugati cornua Bosphori,

Qui more torvi littora colligit,

Fretumq; Tauri, cum trecentis

Massagetum radiant trophæis,

Par dulce Fratrum, seu Geminos voces,

Honoris implet tergeminum iubar,

Et nata Bellonæ venustis

Progenies generosa fertis;

Duo, sed ingens corrigit indoles,

Capaxq; mentis spes numerum brevem,

Virtutis Hæredes Paternæ,

Sarmaticum decus, astra lucent.

Hic, qui severæ Balthidis è sinu,

Ipsi timendus Cancer Orioni,

Che-

Chelā vagabatur rapaci,
Indomito retro pulsus ense.
Idemq; magni qui tulit Herculis
Clavam minacem, Protheus insolens;
Leo coronatus, Tuarum
Subsidis Aquilarum abactus.
Hic Virgo Pallas mitibus eminens
Palmis coruscat, quæ potius Tuō
Cunas capaces, quam Parentis
In cerebro Jovis, ambiūset.
Tu pondus ingens es Themidos Libra,
Cuius Tribunal si pretium probet
Sensūs honesti, mentis æqua,
Pompilios, Fabiosq; mille
In lance contra porrigit alterā,
Et unus illis maior babeberis,
Sententiarum suave lumen;
Justitiæ vigor exequentis,
Intoxicati scorpius hic gelu,
Palude repens è Zaporovia;
Virtutis ignitæ tropbaeis
Ardet in obsequium, decusq;.

RZEWUSCIANÆ nobile laurea,
Quem sape fausto Marte cōercuit,
Nimbos Cosacorum feroce

Dum validis premit illa signis.

Hic fortis arcu, pars homo, pars equus,
Audace quondam, nunc tremulo nisi
Vestrīs triumphatus maniplis,

Hæmonius micat igne Chiron.

Hic in Budensi barbaricus Caper
Nutritus arvo, per sata Lechica
Cūm dirus invasor pererrat,

Laurigeris cicuratus armis;

Laxoḡ regnans fonte, Maeothicus
Crymeus undis implet Aquarius

Arcum trophyorum capacem;

Et liquida illachrymatur urna.

Hic celsa, non in flumine turbido,
Sed in vetusti Sanguinis æquore
Piscatur auratas frequentes

Sors trabeis, solysq; præstans.

Hæc astra portat cladibus hostium
Incensa, tantis sub spolijs nites,

Hæc

*Hæc signa præsentat reflexæ
Zodiacus SOLEÆ, faventi
Quæ Sol beatus lumine recreat
In orbe Panis Triticei latens,
Pluresq; palmas, plura sertæ
Purpureos iaculatus ignes,
Maturat; ut Te, MAGNE DUCUM, sibi
Plus ornet, à quo diligitur magis,
Et gaudet insigni sacratam
Te Cererem coluisse ritu.
Noſti, supernâ quælibet ut venit
Ex arce laurus; quidquid ad Iſtiam,
Tyræq; Serethiq; ripam
Magnanimo parat ensis ausu,
Perenne durat, fidereâ manu,
Basiq; nixum; maxima sit licet,
Laborat infringenda virtus,
Astra negant cùi grande fulcrum.
Quodcunq; flagret, nil noeet ignei
Onus Gradivi; nulla pericula
Duceſ fatigant, si ealentem
Sustineat DEUS ipſe pugnam.*

Hæc

Hâc arte Thraces, hâc Arabum manus,
Hâc Tu triumphas, DUX Probe, barbaros
Arcus Gelonorum, supernis
Associans Tua castra castris.
Semperq; pulchris laudibus afflues,
Exuberantem dum Tibi strenuo,
Nos, Imperatori Corymbam
Pieriâ refovenus undâ-

Prout vovet

Illustrissimæ Dominationi
Vestræ

Devincissimus Servus

JOANNES DAMASCENUS à Matre DEI
Scholarum Piarum.

L E -

L E C T O R I
A R G U M E N T U M
Pòésèos Lyricæ,

ex vetustissima Origine Illustrissimæ

R Z E W U S C I O R U M P R O S A P I A È
D E S U M P T U M.

SI quando, certè hic ad illuſtrandum Augustæ Do-
mūs RZEWUSCIORUM gloriā, veritas de terra or-
ta est. Nisi theſaurum magnarum mentium dixeris, qui
in agro abſconditus, pretium non amisit, sed auxit; ut aurum, ita
aurea Nomina, diu humata latent, ut Regum Coronas tutius ē
litteris involent. Coronanda ſuo flore ſementū, pingui prius
intumulatur glebae. Adeoq; fertiſſis laudum, RZEWUSCIAE
gentis Majestas, quia ē terra ſacra lucem auſpicatur. Quid
enim veterum monumenta? niſi Religionis Sanctuaria? qua
ut Reges, ita leges inter res ſacras conſtituunt. In ruderibus
funebraliſ coloſſi quiſ crederet tot Heroum Nomina vixiſſe?
ſcilicet Phœnices animæ; id eſt rare Indolæ, ē cineribus re-
naſcuntur. Et licet, Regum Mausolea, plerumq; fiunt aranearum
domicilia; at non hæc, qua Duxes corpoře implent, qui prius Or-
bem famâ repleverunt: nulla illorum laudis vacua acies, ideoq; nec
ſepulchri. Woynik Wolnoſti ex etkymo Nominis Propugnator
Libertatis, ut equeſtri ſago, ita trabcā inſignis Minifter Regni,
dum immortali multorum Procerum vita conſulit, ſepulchralis
Pyramidi eorum geſta & Nomina commendavit, opiumo Stra-
tagemmate, ut manes tuerentur heroiſca manūs decora; aut
quia funebrali marmori illatæ majorum ceræ longius durar e-
gebuerant, quam ut aliquo eſtu bellorum liquarentur. Nem-

(b)

pè ab

pè ab Anno Christi circiter 81. Historiam Regni emensus, in
monumento Filij pignus illud Prosapiarum depositum, quasi ma-
gnis haeredibus semper Regnorum contumuletur felicitas. Coa-
ccervata tot Optimatum curæ in illo lapidum acervo, ad Ste-
phani Bathorei tempora, annos lucis ferebant, donec Corona-
tum hujus Principis Nomen, tot gemmas Republicæ in apri-
cum evocavit. Nam vetustate premente, dilapsa est suâ spon-
te Colossi moles, tot viribus & stipendijs erecta; utinam tan-
to Illy lucro muri cecidissent! Dum saxis & lateribus expolia-
tur Sacra Pyramis, grande illud depositum Orbi detexit. Ab
omni inuidice dente immunes ejusmodi Annales, neq; edax ti-
nea lafit. cortex arborum, supplevit vices paginarum. Hæ
veterum Fastrorum tabulae è monumenti saxis eruitæ, in curam
Illustrissimi ZBOROVIJ commendataæ, quas ille multo Slavo-
num labore explicari fecit. Adeoq; ex Woynik Wolnosti an-
nalibus Elementa RZEWUSCIANÆ Gloriæ collegimus, que
compendiosissime, & primis labris delibo, donec pleniori alveo
in publicam lucem cum Historia emanaverint. Revinas Chama-
leontes, Corvinus seu Kruk, Hesperum felicem nivose Arcto,
Tyberim Vandalos, Romana Castra, Jazygarum & Jadzvin-
gorum Aquilis, Patriam, exoticæ Coloniae commutavit. Dux
ut ad Solis, ita & gloriæ meridiem natus, facile æstu armorum
Jazyges accedit. Supremus armorum Ductor toties assumitur,
quoties sub signa Jazyges evolarunt. Vnde magno metu, ma-
jori clade Hungariam, Lithuania, Russiam, Prussiam affecit;
sterilem alias bellorum arenam hostili inundans sanguine, ut
sibi palmarum fertilem redderet. Tot ferti, aras meruit, &
ornavit, cultus à gentili protunc populo pro Numine. Patri
Filius Buczny seu Magnanimus Rzewin, Dux Duci, Victor
Victori successor. Vicinorum Principum spolijs, Jazygarum au-
xit copias continua serie per aliquot saecula regnantes; qui o-
mnes Laurearum avidissimi, omnes Jazygarum Duces, trium-
phis

phus Patriam, vicina Imperia bellis illustrarunt. Tandem ex Hercule Rzevin natu Lubicz, à quo soie Lubicz dicta, Nomen non animos Rzewingos mutavit. Hie Jazygas, & vicia Buniak ac Tuman Ducibus, Russiam Poloniae, cui Lechus imperabat adjunxit. Ex hoc Pomiā Ducibus Poloniae Patrem se fecit, vite & imperij purpuratus Author. Nam Wisimirus Pomiā Filius ad Supremos Ducatus Poloniae fasces assumptus, RZEWINIIS summum adscivit decus; sed cum ille thronum, invida Magno Sanguini sterilitas occupavit thorū. Vnde in Fratrem suum Ḡowniak suscep̄tam molem depositus. Hic dum filios impuberes Julianum, & Corniculum sub tutela Craci reliquit, & Successores, & Regnum amisit; communi Tutorum vitio, qui pupillorum fortunā ditescunt. In tantum enim Cracus RZEWINIOS splendores tunc attrivit, ut per quinq̄ secula latuerint, donec cum Lescone nigro, Paulus RZEWINSKI Krzynus primus Author ex hoc sacerdorum naufragio enatasset, non sine lucro gloria, cui tot gemmas Regni in Illustrissimus hujus avi Nepotibus RZEWUSCIJS debeamus. Hinc Gervillus Episcopus Plocensis, Praeclaus Castellanus, & Capitanus Brestensis in Lithuania, trabeata Reipublicae Sidera; hinc Martinus Colonellus Cataphractæ cohortis, Stanislaus Subdapifer Bracławiensis, Laurentius Bracławiensis itidem Subdapifer, Petrus Camerarius Bracławiensis, Joannes Cataphractæ Militia Herros, Stanislaus Judex Leopoliensis Terræ, Joannes Pocillator Terræ Leopoliensis, Franciscus Dapifer Livensis, Illustrissimus Florianus Michael ex Stanislae Thesaurarius Curiæ Regni, Illustrissimus Stanislaus Matthæus ex Floriano Palatinus Podlachia, Imperator Campi Armorum Regni, Illustrissimus Adamus Castellanus Podlachia, Mauritius Capitaneus Drohovicensis, Josephus Capitaneus Olchoviensis, Franciscus Capitaneus Czuscensis Colonellus exotica militie, Fratres Illustrissimi Palatini; Severinus Capitaneus Chełmensis, Lubomlensis, Venceslaus Capitaneus

(b 2)

Dro.

Drohovicensis, Swiniensis Filij Illustrissimi Palatini, & quæ nascentur ab illæ Sidera Sarmaticum merita flammantia Cælum. Quam in uno Fortunæ sudū, sub Imperio tot Luminum sortitur. Petris & maximè cum majora quæcæ Luminaria, illis conjuncta veneremur, ut ex tot siderum constellatione felicissima Reipublicæ tempora, nullam crism ominari licet. Avia Illustrissimi Palatini Podlachia Imperatoris Armorum Campi, quæ & Mater Illustrissimi Thesaurarij Curie Regni Czerniejska Succameraris Leopoliensis, Pontificibus Coronu, Cardinalitüs Curulibus in Caraffis, Regalibus Sceptris, in Zoardu Hungariae Principibus, Ducalibus Mitræ, in Ducibus de Bibel, triumphis de Cælo in Joanne Korczak ejusdem Prosapie Heroe, qui cum Exercitum duceret, ad Fluvium Dwina associatus Equitæ candido amictu insigni, Moschos triumphavit, toti Orbi inclaruit. Hujus Magnæ Parentis Magna Paren, & Abavia Illustrissimi Palatini Snopkowsca, Patre, Filio Castellani Lubaczoviensis spectatissima, Serenissimum Sanguinem in JOANNE III. Rege Poloniae, cuius Aviae Zoiskiewsca Mater, de Snopkowsijs Parentibus ortum dedit, quæ fuit germana Soror Abavia Illustrissimi Palatini, RZEWUSCIJS propinavit; adeoque, ut Jagellonijs Scirpos, ita Snopkowsijs non belli tandem, sed & Clavarum, imò & Sceptrorum debemus manipulos. Soror Aviae Serenissimi JOANNIS III. & Abavia Illustrissimi Nostri Palatini, Jacobum Sobieski Castellanum Cracoviensem Primiceriæ in Regno Curuli dedit, prout & filias eborū; ex quibus Catharina Radziejowska Palatina Lanciciensis primos Regni honores in Principe & Cardinali Radziejowio, prout & Prazmovio occupavit. Illustrissima Rozrazenwska Castellana Posnaniensis Opalinios, semper purpurata Nomina; Sophia Wodynska, Palatina Podlachia, Sapiechæ, Zalescios, Lubomirscios, Wielopolscios, Tarlones, ut Castrorum ita Cu-
riarum Sidera; Hedvigis Gutowska Kostkas, Egcios, Szczawinos;

vinis; Anna Karnkowska, Palatina Derpatensis, quæq[ue] pri-
ma Reipublicæ Columina ex Sobiescijs RZEWUSCIORUM
gloriae associavit. Tantæ lucis opes Avio de Sanguine manant!
Mater vero Illustrissimi Palatini, Anna Dzierzkowna Filia
Castellani Rospiriensis & Capitanci Zydaczoviensis gloriostissimis
Splendoribus in Vlrico primo Bohemæ Senatore, in Dzierzstavio
Pocillatore Regni Boleslai Krivousti Ministro, in Palatino Sen-
domiriensi Duce Magno Exercituum sub Mieciislao Sene, &
Vladislao II. in Luca, Christophoro, Joanne, Adamo Dzier-
zek, Castellanis Kijowicæ, Belze, Sanoci, Rospiricæ, hoc ævo
in Antonio Dzierzek Vexillifero Podoliæ, ex Sorore Illustrissimæ
Palatini Wolhyniae Stadnicka procreato, & omnibus ferme pri-
mæ dignitatis purpuris spectatissima. Non minor illi ex affinitate
gloria accedit in Illustrissimo Georgio de Buczacæ Jazłowiec-
ki Palatino Russie, Duce Magno, qui per abneptem suam He-
lenam ex Czuryłovijs Dzierzkowam Castellanam Rospiriensem,
Capitancam Zydaczoviensem, Illustrissimam RZEWUSCIORUM
Prosapiam maximis quibusq[ue] in Regno Proceribus adjunxit, &
sociavit, præsertim in Nicolaø, Hieronymo, Andrea Jazłowiec-
cijs Capitanci, Palatinis &c. Marianna, Anna ex Jazłowiec-
cijs Czuryłoviæ Filijs Heroib[us] eximijs, Georgio, Nicolaø, Mar-
tino, spectatissimæ Parentes, eodem affinitatis vinculo Dzidusyce-
cios, Fablonovios, Stepkowscios, Lanckoronscios, Kosakowscios,
Grochowscios, Mieleccios, Gumiowscios, Bogusios, Zamoyscios,
Danielovcios, Ossolinscios, Odrzynwolscios, Duninovios, Hodoro-
wscios, Morawscios, Lazecios, quam prosperrimè innodarunt.
Auget tot Confæratorum in Illustrissima Dzierzkowna Siderum
Majestatem Illustrissima Febronie Elizabetha, ex RZEWUSCIJS
Konicpoljska Palatina Siradiensia Soror Illustrissimi Palatini Podla-
chia, quæ innumeras prope Palatinæ, Castellane, Ministrorum
Regni, & Patriæ dignitatis Curules, prout & plurimas Regni E-
xercituum Ductorum Laureas in Hymenali RZEWUSCIÆ Do-

mui offert arrhabone. In Illustrissima Oberscia secundi voti Consorte Illustrissimi Thesaurarū Curia Regni, quo exardescunt Phenomena cuius unica filia, cum Maternis Oborsciorum splendoribus, & Paternis RZEWUSCIAE Domūs trophaeis, luminosissima Karczenſciorum Nomina commisicut, Consors Illustrissimi Castellani Czerniechoviensis Karczenſki aſpiciatissima. Afflit tanto Sangvini Illustrissimorum Aborigineum, teto ferme Archipelago decumana Illustrissimi Potocſciorum Sangvinis Gloria, tum in Anna Potocka Castellana Camenecensi tertia Consorte Illustrissimi Thesaurarū, ideoq; gratiosissima, tum in Marianna ex RZEWUSCIJS Potocka Illustrissimi Excubitoris M. D. L. Consorte, Filia Illustrissimi Palatini Podlachiae; quorum ut affinitatem ſtingam, omnia Regni Familias, Regum etiam & Imperatorum Sceptra pagina inferre tenebor. Claudunt agmen tot purpuratorum Siderum Illustrissimi Cetnerorum splendores, in Illustrissima Cetnerowna Illustrissimi Palatini Podlachiae primo voto leclifflima conjugē, quorum Palatinos fæſces, Castellanas Curules, Patriiſos & Curia Regni edifferere Honores, ut arduum, ita non unius pagina labor est. Illustrissimi Kunicciorum Aborigines, in Illustrissima Ludovica ex Kuniccijs Rzewuska Illustrissimi Palatini Podlachiae & Campideturis Regni secundo voto dignissima Consorte, Praefularibus Insulis, Castellanis, Palatinis fæſcibus, Ministerialibus Regni trabeis, in Baranowſcijs, Świeciccijs, Kierdeijs, Bienienſcijs, Zahorowſcijs, Leſczynſcijs, in Ducibus Szolomereccyjs, Źolkienſcijs, Sobiescijs, Brzestowſcijs, splendidiſſimi; Illustrissimi Comites Krasickij in Illustrissima Eleonora ex RZEWUSCIJS Krasicka Illustrissimi Castellani Chełmensis Consorte; Illustrissimi Zbrozkowij, in Illustrissima N. ex Zbrozkowijs RZEWUSKA, Illustrissimi Castellani Podlachiae Consorte, & ex horum vinculo Illustrissimi Kroſnoviej, Illustrissimi Wychowſcijs in Illustrissima N. ex Wykowſcijs RZEWUSKA Capitanei Olechoviensis ſpe Etatissima Conjuge; ea omnibus virtutum & Honoris Gloria, & Procerum nexus, hac animi, & virium magnitudo, ut non ex una Gente, sed ex toto Terrarum Orbe electos putares. Habes Benebole Lector Illustrare Lyricæ Poëſeos Argumentum, ut ſcias quod in Augusta RZEWUSCIORUM Genesi

*Per fæſces numerantur Avi; quemcunq; requiras
Hac de stirce Virum, certum est ad culmina nati*

Ad




Ad Lectorem.

Cur ego Divinam Cererem conjungere Ceris
RZEWINIÆ studui laurigeræq; Domûs?
Jam video tacitâ libras indagine mentis;
Ut faveas; causam candide Lector habe.
Hostia facta DEUS, Ducibus conjungitur illis,
Hostia pro Patria qui cecidere sua.



Imprimatur.

M. BARTHOLOMÆUS
Episcopus Posnaniensis.



FACULTAS
R. P. PROVINCIALIS.

DAtà mihi potestate ab Admod. Reverendo Pa-
tre Nostro ANDREA à S. SEBASTIANO
Præposito Generali, Typis edi permitto libros 4. LY-
RICORUM & EPODON Librum Unum, quos P. DA-
MASCENUS à Matre DEI conscripsit, quosq.
Patres Religionis nostræ Theologi, quibus id commis-
sum fuerat, prævio Superiorum permisso, censuerunt
& approbarunt. Eam in rem subscribo, & signo.
Chelme, die 8. Septembr. Anno 1714.

DOMINICUS à S. THOMA Aquinate
Præpositus Provincialis,
mpp.

DAMIANUS à Purificatione B.M.V.
Assilens Provincialis,
mpp.



LIBER PRIMUS LYRICORVM ODE I.

*Fons Eucharistici Solis, pro Hippocrene
Musis propinatur.*

IESU sub niveis abdite nubibus
Divinæ Cereris, Triptolemi decus
O! & deliciæ, & dulcis amor meus!
O! Fons ambrosiæ nectare svavior!
Sunt, quos Pieriæ frigus aquæ levat,
Et potus superos erigit ad Deos
Humor Castalidum; fertaque; Daphneæ
Umbrant perpetuo vere sacrum caput:
Hunc Cyrrhæ Dominus svaviter aureâ
Dignatur Cytharâ, quæ Cyprias aves,
A Amphry-

Amphryſiq; pecus mulceat, & freta,
Ac Amphionios excitet incolas.

Illum Mercurij ſvada perennibus
Commiscet ſuperis, Regnaq; Civico
Obſtrigit ſtudio, cum fluida prece
Orator Populos, ſceptraq; commovet;
Est qui Palladijs ambiat imbribus
Offundi prius, ac naſcitur aureæ
Mentis Progenies, par pretio Iovis;
Est, qui barbarico ſanguine gestijt
Aras Threijcij tingere Numinis,
Et frontem tepido pulvere ſordidam
Otentare Dijs, aut lituos graves,
Aut victos gemitus ferre animosior.

Multos flava Ceres, vel Lybicuſ Iigo,
Saturniſ juvant aurea germina,
Multos cæruleo Nereides vitro
Laffant naufragijs, non tamen exules
Jratae Tethydis ſuffugiunt ſinus.

Hos Dyctinna ſuis arcubus evocat;
Illiſ turbat aves accipiter rapax;
Me caſtae Cereris ſub nive conditum
Numen, ſidereis aptat honoribus;
Hoc de fonte novos eloquij ſales,

Hoc

Hoc vatum celebres haurio spiritus,
 Musis ille fluat Pegaseus latex;
 Hinc æterna salus Gentibus enat.
 Etsi Tantalea conficeret siti,
 Etsi vel Tytio vulture pascerer,
 Hic tam dira siti, quam dolor excidit.
 Ergo de Siculis currite pascuis,
 Seu Paestum colitis, seu juga Tyburis,
 Agmen dulce, Rosæ, Lilia currite,
 In sertum Dominæ Vos Cereris feram,
 Ac in siderei Fontis amabile
 Pignus, florigenæ spem Zephyritidis.
 Illuc semper ego carmine defluam;
 Illuc magnamini serta RZEVUSCII
Quæ DUX ex acie, quæ tulit in toga
 Civis Purpureus, quæ sibi Curia
 Divinæ Themidos nexuit, offeram.
 Ut sic nectareis tincta liquoribus,
 Æternâ vireant laude Propaginis,
 Ad fontem redeunt, unde meant aquæ.

Λ,

ODE

ODE II.

*Ad Spiritum Sanctum
Musæ Calasantine auspicem.*

Summe Regnorum Pater, atq; Princeps,
Mens, & Os, & Vis superi Tonantis,
Mutui, Patris, Genitiq;, felix
Partus amoris.

Quo fretum, tellus, viget, atq; dives
Jupiter nimbi, sine quo diserti
Conticent Cæli, cui docta verbum
Sidera fari.

Tu meam condi chelyn, & Latinas
Edoce Musas recalere molli
Spiritu, seu Rex superum canetur,
Seu caput Orbis.

Seu triumphatæ fera bella Dirces,
Seu Palatinos recitabo fasces,
Seu jocos, adsis, & inominatae
Funera Parcæ.

Omne fæcundæ Tibi carmen alæ,
Innocens, sacri vice, charta Libi
Immolat, pieno Tibi nostra manat
Sepia rivo.

Mc

Me lacernosis ubi pusionem
 Fascijs Divæ tenuère Musæ,
 Me Tuus, Vatem, Tibi tinxit almo
 Fonte Sacerdos.

Incapax tanti puerile pectus
 Numinis, rumpi voluisse fertur,
 Non minus toto fluis amne flammæ
 Sideribusq.

Hinc, tuus Vates ego dicar olim
 Doctus a primis cecinisse cunis,
 Tu meo, carmen quoties sonabo,
 Pectore regne:

Non ego Dælo genitum natante
 Cynthium quæram, puerumve Majæ,
 E throno Cæli mihi, devolutus
 Sufficis ales.

Ales argento niveæ columbae
 Fulgidus; seu Te pia cura mundi,
 Seu Poli tangat, celeras juvante
 Remige pennâ.

Novimus largo cecidisse nimbo
 Igneam mentem, pluviásq; linguas,
 Quæ Tuo sparsos procul imbuerunt

Lumine Vates;

A₃

Et

Et simul toto stetit orbe Numen,
 Fluxit ignotus simul ore sermo,
 Seq̄z miratur noya lingva Parthas
 Fingere voces.

Si iubes, bellum posuere Cives,
 Et rigorosas acies abhorrent,
 Hoc ubi nolis, acuere ferrum,
 Bellaq̄z ducunt.

Curias imples; fugit unde rectum,
 Et profanati vitiola juris.
 Bella, conformi superis tenore
 Dirigis author.

Torpet horrenda jecur obstinatum
 Nocte peccati, stygis umbra cæcas
 Occupat mentes, nisi tu sereno
 Fulgure certes.

Et mihi tandem precor entheato
 Corde respires, Tua penna nostros
 Recreet partus, venias secundo
 Igne Camænis.

Tu velis nostri radiosus auspex
 Carminis dici, Tuus in tenellis
 Spiret æternâ pietate chartis
 Flammeus æther.

Tu

*Tu prout flammâ generofiore,
Martium pectus DVCIS author implcs
Arma cùm sumit, rege destinatum*

Nunc melos illi.

ODE III.

*Illustris: DVCI STANISLAO MATTHÆO
RZEWUSKI Romanorum Ducum Ma-
gno Nepoti.*

Summis Orte viris, optime Lechicæ
Ductor Militiæ, non humili venis
Cantandus Cythara, sed Capitolij
Mavortis lituo mihi.

Nam, qui, tot veterum restituis Patrum
Gentis Romuleæ strenua sidera,
Tot censere DUCES Ausonios potes,

Vestri ex ordine sanguinis;
Lucem quam Patriæ DUX bone, gloriæ
Quos auges titulos? & seriem Tibi
Laudum perpetuam? cui minor est meæ

Quantuscunq; labor Chelys.
Instar grandis, enim, Nomen ubi Tuum

Inter



Internetto libris, historiæ datur,
Quod de tot Procerum Nominibus fluit,

Quod tangit juga Daunia.

CORVINUS Latia gloria purpuræ,
 Augustiç Parens, & caput ordinis,
 Et sol, & melius, si quid habet Polus,

Vestrīs fulget honoribus.

Hujus nosse volens juraç, sertacç,
 Sêu quæ Pannonicis urbibus intulit,
 Sêu forti Litavo, sive Borussicis

Quæ victor populis dedit:

Russorum validas sive quibus manus,
 Gentis Iazygiæ DUX probus obruit,
 Daci sive quibus pingvia jugera,

Lustravit Domitor gravis;

Quot fastos referam? quam seriem Ducum?
 Ut justâ memorem laude REVINIOS
 Ortus, quanta mihi materies fluet

De tot ducta Parentibus?

Ipsis jure licet vatibus Ausonum
 Quos vel Roma sibi, vel juga Mantua
 Foverunt, memores dicere laureas,

Invicti Tyberis Ducum;

Nos tardâ, fateor, consequimur chely,

Celsum

L Y R I C O R V M

Celsum Romulei culmen Horatij,
Sed laus exterior, quam Patrij soli
Semper gratius affuit.

Laudat sidereum vulgus amabile
Titanis regimen, lucis opem sue;
Hic vero Rhodij terrigenus cani
Mavult aeris honoribus.

Multum de rapido Danubij vado
Fert Euxina Thetis, si tamen Es Tyras,
Nostris si veniat lympha Borysthenis
Majori tumet equore.

Et nos à Calabris inferius licet
Musis ingenium promovet, attamen
Non commune decus Regibus Hesperi,
Externo recoli genu.

Terrent astra quidem, terret apex Tui
Imbellis generis, Pieridum Choros,
Quem tot gesta Patrum, tot tituli Ducum
Librant ad superos propè;

Pænus victor, ubi Scipio fixerat
Enses, quos trepidæ diripit Africæ;
Cimbræ Drusus, ubi, ferta potentia

Tarpejo retulit Iovi,
Ianus claudit, ubi vel, reserat fores,

B

Cum

Cum vel bella sago Mars adamantino
Indutus cohibet, vel moderatius

Pacis consilium placet.

Quo Parthi pharetras, quo spolium Getæ,
Indi dentis opes, divitias Padi,

Quo miles Lybico pulvere squallidus

Regum insignia contulit;

Quo tot sæpe Duces, hostibus obrutis,

Erecti niveis pertigerant equis,

Et Ius Ausonius dixit, ubi, Numas,

Hinc deducis originem.

Tot laudum Titulos, castraq; Regnaq;

Auctus tergeminis fascibus oceupas;

In Te mundus habet, quid quid in Hespero,

Vnquam vidit, & Adria.

Quo tam grande, igitur, dicere barbito

Ausit Musa jubar? quo tot opum Ducem!

Et mox non metuat, ne Phætonticos

Casus inde resuscitet.

Conatus tenuis grandia deterit;

Pelide Clypeum non bené sustinet

Patroclus, validâ qui caruit manu,

Nec vim junxit Achilleam.

Formidant, euidem, Pierides meæ

Miscen

Misceri Clypeis, mite sed erigit

Nomen spes humiles, adjuvat Optimus

Manvetudo Ducis Chelym.

Quod si nostra probes carmina, quam feret

Laudem Musa favens, quod pretium suis,

Affulgere metris sentiet? Ausoni,

Cum scribetur, & Appulo.

O D E IV

Panegyris

Illustrissimo CORVINO seu RZEVINO Chamaleonti

Invincissimo Iazygarū seu Iadzvingorum DVCI, Bul-
garorum, Pannorum, Dacorum, Prussorum, Russo-
rum, debbellatori, primo in Sarmatia RZEWVSCIO-

RVM PARENTI.

CElsæ, REVINAS & Pater, & caput

Insigne gentis, Iazygionij

Spes alta Martis, fluctuantum

Firma basis, Clypeusq; rerum.

Polona iam Te sideribus suis

Præfecit Arctos, non satis Hespero,

Tuos adornari Triumphos

Teste, putans, Capitolijq;

B 2

Emascu-

LIBER I.

Emasculatis fulminibus Jovis,

Cessit coruscum lætior essemus,

Novum redonatura solem,

Æthereis animosa Regnis.

Excedis alto vertice sidera,

Vbi minorem Iuppiter occupat,

Te pone sedem, bellicamq;

Iam tremulo colit igne clavam,

Os expavescit; non opus est Tibi.

Phæbi caballis, nec volucri rotæ,

Id præstat Arctos, quâ ferente

Astra super veheris timendus..

Sed dum cōacto federis altius

Circum fluentum concilio facum,

Martem Planetarum feroce

Plus radio procul æstuantem

Proscribe Cælo, Lechica barbaris

Quod cingat armis undiq; mænia,

Et Regna tot passim ruinis

Intumulet, cinericq; parvo.

En, quam severis cornibus increpat;

Tubâq; tristi bella Cydonibus

Inclusa saxis? quam cruento

In populos, trepidasq; gentes:

Evadit.

L Y R I C O R V M

B.

Evadit Hæmo? quam Rhodopeijos
Inauspicatâ cum face fulminat

Præ se furores, & solutis

Regna, super, vehitur quadrigis,
Quæ Tu potenti fronte subegeras,
Cum sub nivosis strenuus Alpibus

Dux Iazygarum, præliari

Castra manu regeres, & Arcton;
Vidit superbis Dalmata Laureas,
Euboâ vidit, Coaq., & Arcadum.

Robusta pubes, quas perenni

Illyrium Tibi laude littus
Offundit, ultra Caspia marmora,
Rheteaq. vastam, vitifer Hungarus;

Cruore pingvi purpuratæ

Officium toleravit uvæ.

Quo se Tibiscus, quo vada porrigunt
Istri capacis, plurima pullulat.

Tibi Corollarum propago,

Belligeræ monumenta dextræ.

Quot serra quondam Danubius Tibi,
Hinc, inde largis cædibus affluens,
Nutrit! aut emancipati-

Ripa tulit populosa Rheni

B. 3.

Pon.

Pontus cruentis decolor amnibus,
 Hastas, & arcus, & Glypeos vago
 Vexisse tergo, Civiumq;
 Fertur opes, ubi substitisti.
 Borussa tellus, quot tibi detulit
 Palmas, & urbes? quot vaga Littavi
 Delera? quantis Roxolanæ
 Planities viruere fertis?
 Hæc Regna forti Mars modò cuspide
 Divexat, in nos tela vi brat sua,
 Necdumq; dat pænas, Deorum
 Pullus ab eximio Senatu;?
 Sed tot malorum conscius igneas
 Reliquit arces, anteq; bellicas
DVCTORIS augusti Gradivus
 Se posuit, gladiumq; plantas.
 Quem nunc Poloni cura tenet boni,
 Cui signa pronis ensibus accubant,
 Quem post Palatinas curules,
 Major adbuc honor ambit Orbis.
 Hunc Mars perenni vincitus adorèa
 Miles sequetur; tu cape sidera
 Novum RZEYUSCIANA virtus
 Ut recolat super astra Numen.

Sic

Sic sic Polonas pax Aquilas Gotho
 Iungerit Leoni, picta Draconibus
 Sic signa, Parthorumq; Lunas,,
 Sarmaticis sociabit armis..

ODE V.

Panegyris:

*Illusterrimo Buczny: seu Magnanimo Rzewin, &
 reliquis successoribus Iazygarum Ducibus in
 omni expeditione bellicâ gloriofissimis.*

AT tollè frontem vulgus iners supra,
 Suprà protewi funera Tænari,,
 Omnem triumphatura nubem
 Immemoris mea Musa lethi.
 Quò bellicosæ robora dexteræ,,
 Quo te cruentis laudibus evocat
 Bellona fulgens, Martioq;
 Te accumulat; sociata cælo.
 Hæc illa nobis supplice Nomina.
 Colenda metro, cladibus integrum
 Quæ prorsus offudere mundum
 Iazygiæ genus acre gentis.

Quæ

*Quis credat unquam? posse perennibus
Obliviosæ grande decus tegi*

Etatis umbris, aut ademptâ

Protinus occubitura luce,

Quæ gesta magno pectore vidimus?

Certe futuris usq; nepotibus,

Durat legendum, quod severa

Forte sibi manus apparavit.

Quot nos ab Argis sæcula dimovent?

Quot à potenti tempora Dardano?

Tamen minacis bella Teucri

Et Priamum, Sthenelumq; fortem,

Et præliares Hectoris impetus

Vt inde, Gracos, ac Agamemnona,

Achillis immortale robur,

Vsq; hodie legimus, sagaxq;

In arma lumen Dulichij Ducis;

Res tua fame, non pavet oblinie

Etate longa, quam frequenti

Posteritas novat ipsa cultu.

Nihil sepultæ debet inertie

Heroa virtus; quanta tuos agi

INVICTE RZEVIN, ad triumphas

Agmina, purpureosq; falces,

Et sub-

E subjugatis conspicor urbibus?

Quam liberali sanguine victimas?

Flectiq; dedignata colla,

Vindicibus gladijs flagellas?

Expertus Ister, Thrax didicit fugax,

Quid ense posse; quis benè DUX Tuam

Tentavit iram, nec trecentis

Funeribus simul id redemit?

Invadit Hænum, Bisthonio gravis

Vis vestra Marti, ne temeret suos

Cornu rigoroso Triumphos,

Et famulas jubet ire palmas

Sub jus lacerti; sensit Athos Duces,

Sensit repexo vertice Concanus,

Fugere Daci, limen ultra

Bosphoreum, quocies in armis

Fulgere, magnâ laude potentiae,

Et Iazygarum nominis ardui.

Quæ ferta BUCZNY; quod sequentes

Præsidium movet in nepotes?

Quo Marte rupes Carpathias fudit?

Stravitq; Russos, implacidum genus?

Scythesvè saevos, Theutonesvè

Quo toties tremefecit ense?

C

Silere

Silere crimen; sed licet improbae
Litare tantas vellet adoreas

Oblivioni livor audax,

Eximeres generosione

Fatis lacerto DVX bone patrias

Laurus, avitis qui Tua sidera

Imples Trophœis, ac Avorum

Restituis proba gesta solus.

Canêris Orbi, de DVCIBVS Nepos,

DVX ipse belli, quem studium grave

Commendat armorum, Gelonos

Dum peragrant Tua signa campos.

ODE VI.

Panegyris

*Illusterrimo Lubiszyo Rzewin, qui primus Solea
in stemmate usus; Unde ab ipso stemma denomi-
natum LVBISZ. & reliquis Successoribus DU-
CIBUS Iazygarum, longissimis in varia Regna
excursionibus admodum claris, LUBISZYIS.*

Qualem superbis Oceanum fretis

Exæstuantem, sol super enatans,

Fulvoq; prætervectus auro

Assiduj vaga monstra Prothæi,

Reve-

Revelat Orbi, qui tumido nimis
Regnat profundo gentibus ultimis
Thules, & hinc Samojedorum,

A vitreo tamen orbe primis
Propinat æquor, mox varias procul
Offundit urbes, scissus in alveos,

Testante quovis amne vasto,

Vnde fluat, generisq; quanti
Derivet undas. debet Arar suos
Illi liquores, debet opum ferax

Pactolus, Euphratesq; grandis

Vandalicæ spatiofa ripæ
Fluenta debent. unus in omnibus
Rivis vigescit, sit licet extimo

Regnator Undarum sub axe

Æquor humo dirimente totum.
Tali fluentem laude, *Revinij*

In Regna mens est cernere Sangvinem,

Cujus Trophæorum secundis

Posteritas cumulata fertis,
Præsente terras quasq; periculo,
Ensisq; forti fulmine perculit,

Virtute non ferente magnâ,

Limitibus latitare parvis.

Sensere cives, quos silices Athos
Tutantur, & quos Pelion obsidet,

Pinu coronatis virenti

Culminibus, quid avita virtus

Reviniorum, quid potuit manus

Infrausta Lubisz, cum celer arduis

Tot Regna signis, ad Pelasgum

Vsq; fretum pugil involaret

Dilectus armis, armaq; diligens,

Vt nomen ipsum, quod sibi Martius

Indulxit ardor, rite signat,

Signat honor soleæ, quæ & ipsa est

Vocata Lubisz, Dacus, & effero

Cruore potus, (quos eques antea

Insedit) ater Trax equorum,

Et refugo metuendus arcu

Trucis sagittæ barbarus, impigram

Sensit Revini vindicis Indolem,

Veloce palmâ, qui ruentes

Dicitur anteijisse ventos.

Quid iam Polonus post tot adoreas

Debet orbis? famaq; nobili

Censu redonatura pulchros

Lubisijs Patribus Triumphos?

Quæ

Quæ consecrabit præmia Martiæ
 Menti? perennem Iazyge milite
 Cum flexit aulæ Sarmatarum
 Congeriem populosioris
 Servire Russi; testis erit Tyras
 Et nigra Thetis, quas tulit Istrio
 Ex hoste palmas, quo fugaci
 Institerat Scythiæ calore;
 Testis Moravus, Pannoꝝ, qualibus
 Vt arma Regum frangeret, artibus
 Est usus, unde Nomen,
 Traxit in historia legendum
 Honore magno, cui ratio caput,
 Palmaræ ferrum munierat manum,
 Minore defectu fuorum,
 Innumeræ populatus arces.

O D E VII.

Illusterrimo Lubicz Rzevin Duci & Consiliario
 Magno Lechi Ducis Poloniae, cui Iazygas, & mox
 viciis Bania, Tumano, invasoribus Russiae, Russos
 univit, ante tempus Vendæ, dictus postea a Lecho
 Rzenus, ob brevem staturam, vocavitq; a nomine
 suo solea Lubicz, quæ Lubisz a Lubiszyo dicta fuit.

NOvi triumphos, & decus Ilij
 Ferro petitum, non Agamemnoni
 Cessisse tantum, Dux Achivæ
 Qui fuerat, Dominusq; pubis.
 Multas Achilli, quem sua ter Thetis
 In amne tinxit sulphureæ stygis,
 Durasset, ut quosvis in usus,
 Ferrigerum sine clade corpus,
 Debere Laurus; Dulichio seni
 Multas fatetur Græcia Laureas,
 Hic ense præstans Martiali,
 Consilio fuit ille clarus;
 Augusta Regum, scilicet, atria,
 Belliq; robur, fertaq; frontium,
 Laudesq; successusq; magni,
 E Procerum ratione majus
 Tulere fulcrum, fronteq; cassidis
 Ab orbe tuta, quam solijs ubi
 Res cessit omnis; rara longum
 Regna vigent, quibus excubitrax
 Deest bonorum cura Quiritium;
 At purpurato culmen Olympicum
 Honore tangunt, que potentum
 Fulcit amor procerum, fidesq;.

Hoc

L Y R I C O R V M

23

Hoc noster Arcto Sarmaticæ *Lubicz*,

Regnante Lecho præsidium tulit,

Cum signa Ductor Iazygarum,

Imperio, populisq; Regni

Adjunxit, & se; Rossia mænia

Subegit armis, & docuit pati.

Leges Polonorum vetustas

Vulgus atrox, nimiumq; forte.

Videre binos, tunc licuit Duces

Tinnire stricta compede ; vertice

Sqvallere dejecto, hinc Tumanum;

Inde ferâ sine bile Buniak;

Iam contumaci murmure cornuum

Vasto feriri limine dissitas

Gentes Mæotæcæ Paludis,

Iam dubio fluitare motu;

Quo se tueri robore Pannones,

Quo Marte vellent, proximus ultimâ

Cum Roxolanus clade civis,

Auxit opes, spoliumq; *Lubicz*.

Sed non minori fænore gloria

Optat videri *Revinij* *Ducis*,

Quanto, cōercitus enses

Barbaricos, celeravit aufas?

Quo

Quo Militares jecit in ordines
 Fervore pectus? pulvere quo caput
 Tinctum ferebat, ut Polono,
 Imperium solidasset orbi.

ODE VIII.

*Illusterrimo Huffio Rzevin palmarem in campo Martis
 auspicianti morte, cum adversus Buniak Russorum Du-
 cem depraeliaretur.*

Quo tela centum pectore sustinet
 Massylus atrâ cæde calens Leo,
 Regnator, & metus ferarum,
 Et Dominus Nemæes jugosæ;
 Aut quâ torosos sternere pertinax
 Cervice tauros tollitur, aut vagum
 Gregem molosorum fatigans,
 Quo memores agit ungve palmas;
 Qualis severos currit in hostium
 Enses, & iras, cum vigil undiq;
 Venator assultat capacem,
 Imperij caput, in cavernam.
 Nunc uncta tabo succutitur juba,
 Nunc dens Gelono par vel acinaci
 Armatur in campestre murmur,
 Iacta feras modo lingva fauces.

Monet

Monet cruoris, fulmine missili

Mox ocyori se vibrat impetu

Sævos in ictus, propriumq;

Vltrò per exitum triumphat.

Tulere Daci, Rossia pertulit

Talem potestas, & vigor, Huffium

RZEWIN, Triumphales corymbos

Afferuit sibi qui per ipsam

Lethi ruinam; quanta pericula

Fervore mentis non imitabili,

Quot arma, bellacesq; turmas

Herculeo propè fregit ausu?

Videre, quid mens ignea, quid manus

Assveta telis posset, ab algido

Hostes reacciti trione,

Per medios ubi victor enses

Immane Buniac fulmineo latus

Haurire ferro quæreret, & nisi

Crudele Parcarum vocasset

Imperium Ducis in sepultos

Æstus, Tyrannum non priùs arduo,

Vtcunq; cinctus militibus foret,

Cessasset infestare nisu,

Quam jugulo miseri potitus.

D

Quam

Quamvis perempto, sic quoqz debitas
Mox ipse manceps inferias dedit,

Cum quo , tot armorum trophea ,
Tot fera succubuere castra !

Sic dulce semper pro Patria mori

Illi, perennes sanguine nobili

Debere mercari triumphos ,

Qui didicit , patriosqz fines ,
Et jura Regni , pluris habet suae

Amore vitae ; nec melior viret ,

Quam parta per cedes virorum

Qui Patriae studuere , laurus ;
Fecunda laudis palma cruoribus
Rigata , quae fit , patriitiae manus ,

In tot refrondescit coronas ,

Quot maduit proba plaga stillis .

O D E IX.

Illusterrimo Pomian ex clade grandi RZEVVSCIO-
RVM in bello Rossio unico reliquo Successori.

Avgusta non sic occidit, ut nova
In laude virtus non retro fulgeat,
Ipsos per occasus serenam
Indolis exhibitura lucem.

Et

Et si protervo tunditur Africo
 Iovisq; dextrā, stat tamen integra,
 Plagasq; mox quercus recentes
 Propitijs inamicit astris
 Virore pulchro; si quoq; concidat
 Sevis Coloni victa bipenibus,
 At Sylva de radice nascens
 Restituet nova ferta trunko.
 Vis illa magnæ durat Origini,
 Quæ sēu trecentis atteritur malis,
 Inominosā sēu procellā
 Luctiferæ latet hausta Lethes,
 Sēu jura Parcæ ferre animosior,
 Fæcunda partæ semina gloriæ
 Post se relinquit, & Parentūm
 Laude suos fluit in nepotes.
 Tercenta Romæ nomina bellicis
 Adscripta signis, de Fabio genus,
 Instante Vejentūm furore,
 Vnā acie cecidere victi;
 Illis peremptis, & decus, & domum,
 Restaurat unus, quem patrij Lares
 E clade servavere tanta,
 Laus Italæ Fabius coronæ.

Externa narrō; nostra recentius,
 Par fama sceptris exhibuit jubar,
 Cultu *RZEVINORVM* perenni,
 Rossiacis ubi cæsus armis
 Flos ille gentis, pulchrius emicat
 Post atra lethi funera, Principis
 In sorte *Pomian*, qui superstes
 E numero potiore fratum
 In bella crevit, regnacq; Vandali,
 De cuius alto sanguine strenuos
 Tulere Ductores Poloni,
 Et Dominos popularis Arctos,
Aduicq; seris, in Duce Maximo,
 Ferent futuræ germinibus spei
 Munus coronarum, potenti
 Cum venient sua sceptra Clave.

O D E X.

*Serenissimo Vismiro Rzevin Principi Magno
 Poloniae.*

Quantus Dardanijs venit ab arcibus
 Dux Tros in Latium, fata domestica
 Correcturus opum fænore, Regij
 Ac Hæredibus Hesperi;

Quo

Quo grandem Priamum , quo numerat gradu
 Fasces Affaraci , quo genus Attali,
 Et priscam scriem Pygmalioniae

Gentis, quærat ab hinc Maro;

Quærat Papinij gloria pectinis,

Quantum laurigero distat ab Inacho

Cadmus, Sidonio natus Agenore ,

Thebas quo posuit situ?

Atræænè nitet major honor domus ?

An laudata Codri sceptræ, vel Æaci,

Ves si quid recitant sœcula dignius,

Iam nunc quærere distuli ;

Cum me RZEVINII lumina sangvinis ,

Augustum veteris cum genus evocat

KRZYWDÆ, cuius Avos tangere laus mihi ,

Cunctis major honoribus.

Et iam multa Dūcum de Duce maximo,

Quem Romana Lechis nobilitas dedit ,

Noster multa labor continuat suæ

De splendore propaginis.

Sed plus fert reliquis murice Lechico

VISMIRVS radians, quem Rhodope ferox ,

Quem Rossus metuit , bella sub algido

Princeps cum gereret polo.

Illum nec gelidis Caucasus imbribus,
Nec vis flammiferi torrida Syrij
Movit, barbaricos quo minus ordines

Forti pectore frangeret;

Nil damnosa novæ cornua Cynthiæ
Offecere bonis ignibus ardui
Ductoris, media nocte ferocibus

Se permiscuit hostibus.

Hinc, è belligeri pulvere cespitis,

In culmen solij promeritis Patrum,

Quamvis obstiterit, vectus amoribus,

Regnavit probius Numæ.

Nil sceptro melius, quod sibi bellica

Virtus affruit; purpura sepius,

Quæ sit barbaricis tincta cruxribus,

Pius ultra solitum nitet.

ODE XI.

Serenissimo GŁOWNIAK, seu Sapienti RZE-
WIN Magno Principi Poloniae

Cui Vismirus frater imperium cessit.

A Les tritulci fulminis arbitra

Postquam minores in spolium sibi,

Hinc

L Y R I C O R V M

51

Hinc inde pervagata campos,
Afferuit, niveumq; plumæ
Decus, ferino sanguine polluit,
Colles in altos nititur, eminens
Structura Regnum, culmen orbis.
Imposito super omne nido,
Vt hinc agrestes Imperio Iovis
Vicina, terras despiciat, sui
Hinc jussa prospexit Tonantis,
Grandis honor, volucrum, metusq;
Nil inquieti vis nocet ætheris,
Aut grando bellax, nil manus invida,
Affeta prædari minores.
Sæpe greges avium, triumphat
Vtrumq;, celsis nubibus altior;
Herða tanto fænore proficit,,
Nunquam tot in castris lâborum
Aut pluvij Iovis, aut ruinæ,
Pertæsa virtus; in medios vigor
Primus Gradivi currere turbines,
Tranare Pontum, mutiformes
Carpathio sene pectus infra
Vrgente Phocas, quodlibet aggredi
Amnis profundum, frangere mænia,

Et

Et quid quid hic obstaret, iactu
 Fulmineo propè docta vincit;
 Nullum cruenti Martia prælij
 Commendat usquàm gloria sangvinem,
 Quem parte non majore fudit,
 Barbaricis redimita fertis;
 Spes nulla fulsít nominis inclyti,
 Quod non per ipsos quæsít exitus,
 Donec triumphatâ malorum
 Congerie, caput excitatis
 Inferret astris, & chalybem fero
 Cruore tinctum Bistonis aut Daci
 Mutaret auro, purpuræ
 Acre sagum, galeamq; mitris.
 Hæc scepta nostro mille per igneos
 Belli furores, grandius ob lucrum
 Famæ perennantis parata,
 Hæc titulum Ducis, hæc fideles
 Sub jus Lechorum detulit ordines,
 Cùm dulce Regni munus Heracliâ
 Submisit in mitra potenti
 RZEWINIO, Dominumq; toti
 Porrexit Arcto; quantus honor Domus
 RZEWVSCIANE? murice Principum,

Mitræq;

Mitræq; , sceptrorumq; donis,
Sarmatico radiare Cælo ?
Sed tu Parentum , DVX Bone , fulcies
Sublime fatum , Regia , cum Tibi
Lechi ter insignes Triumphos ,
Sors titulo meliore reddet.

ODE XII.

Serenissimis Principibus Poloniæ, Iuliaco & Cor-
nico fratribus RZEVVSCIIS, Hæredibus Sapi-
entis sub tutela Craci bonis & fortunâ exspolia-
tis.

Diræ in Cracum

AVara Regum Nomina, posthumam
Odere magno de Patre gloriam ,
Quæ non sub augustos honores
Crevit adhuc , tenerisq; se se
Metitur annis. Multa pati jubet
Fortuna major, cùm vel in hosticos
Propellit enses, vel relictam
Insidijs premit undequaq;

E

Ortūs

*Ortūs sereni progeniem, suas
Vt per ruinas alter in eminens
Evadat insignis cacumen,
Tantaleos imitatus æstus.*

*Et hæcnè sceptris? hæc solijs fides?
Non usitatâ cur trabe regias
Ornatis ædes? quam vel Indæ,
Vel Lybicæ peperêre sylvæ?
Cur dives auri de laquearibus
Se vibrat ignis? cur ebur innocens
Servit coronato tumori,*

*Gemmaq; purpurei profundi?
Cur jam sepultum cladibus Ilij
Regnare rursus poscimus Attalum?*

*Qui mille normas colligendæ
Instituat, revocetq; gazæ;
Cùm de jugosis montibus erui
Opes propinquo sanguine sordidas,
Cùm flumen omne fulguranti
Pergimus exscoliare limo?
Ipsos superbis cur animus viget
Intrare Cælos culminibus? freta
Arcere terris, & ruentes
Obicibus cohibere rivos?*

Ut

Ut ampliori sœviat areâ
 Erecta suprà stelligeras Domos
 Sedes, & æmulante flammâ
 Sidereos jaculetur ignes?
 Si fastuosæ nixa potentiae
 Fortuna quævis corruit, & suis
 Premit ruinis innocentes
 Sæpe duces; scelus est id unum
 Fuisse natum sangvine Regio;
 Ingrata, Dij! te sors perimant, probos
 Qui flore Regnatricis aulæ
 Exspolias Juvenes, paterno
 Quorum nitori Regia laureas,
 Tu ferta quævis, sceptraq; , bellaq;
 Debes, at infausto Tyranni
 Malueras pepigisse voto!
 Vsurpat aulæ jura *RZEVINIAE*
 Sibi, Parentis non memor inclyti
 Cracus, minorenæ reliquit
 Cui geminum decus ille, fratres.
 Nam dissipatis censibus, & bonis
 Nec dum peritæ quid noceat, aut quid
 Proficit juventæ, purpuratam
 Infiluit metuendus augem;

Cessere prædæ , parta RZEVINIO

Sudore Regni culmina , nobiles

Cessere Palmæ , sed perennis

Extat honor , viget alta virtus.

O D E XIII.

Illusterrissimo PAULO RZEWUSKI Primo Krzywdæ Posseſori ex collatione Lesconis Nigri Principis Poloniæ , ejusdem ab intimis Confiliario.

EXcede terris tristior Eumenis ,
Et omne funus , non querimoniæ ,
Non luctus hinc regnabit ullus ,

Omne sacrum tumularis umbræ

Evitet aras ; vivit , & inclytis

Potitur astris , post sua funera ,

PAULUS RZEWUSKI , cùi perennes

Conciliat generosa virtus

Vitæ triumphos , qui toties vetus ,

Prætervoluti Sangvinis , & Domus

Ævum redorditur , potentes

Subſtituit quoties nepotes .

Vi ſemper ortu posteritas ſuo ,

Quamvis ſepulchri marmor atrox vetet ,

Red

*Reddit perennatura Patrum
 Serta, forent quasi morte nullæ
 Regnis adempti; floret in arduo
 DVX Tros Iulo; restituit genus
 Sequens Neronum, consepultum
 Iuliace grave nomen aule.*

*Quidni severæ prævolet Atropos
 Immite limen, tot genitor DUCUM*

*PAULUS? coronandosq; Manes
 Excitet armigeri Parentis?*

*Ventura magni gloria Sangvinis
 Chari nepotes & vivit adhuc Lechia*

*In Te, videntes, quem morantur
 Longius ex Oriente palmae,*

*DVX magne belli, vivit amor Throni
 Avus, beatis quem crucibus, Niger*

*Lesca notavit, quo veniret
 Imperijs, populisq; cultu,*

*Dum sceptra fortis protegis egide,
 Fidemq; nullo turbine mobilem,*

*Per ipsa detimenta sortis
 Patritiæ retinens Monarchis,*

*Vigore summo belligerantium
 Sanguis Parentum prælia conseris,*

*Vt nil Polonorum Senatus
Dêesse sibi Duce Te queratur.*

ODE XIV.

*Illusterrimorum Aboriginium Gentis RZEWU-
SCIANÆ*

*Gloriosissima origo ex Palatinatu Sandomiriensi
in Bonis RZEWUCHY.*

*Magnorum Procerum Natalibus commendantur
Imperia.*

VIdes? ut altis sidera turribus
Invadit ipsi terribilis Iovi,
Et usq; Martiale totâ
Sede movet jubar inquietum?
Ut æmulanti verberat aureas
Faces Olympi lumine Civium,
Urbesq; florentemq; terram
Celsa ferè locat inter astra?
Ut se beatis arcibus implicat?
Gentesq; magnas gentibus ætheris
Junxisse Sandomiriense
Gaudet, abhinc, populare Castrum?

Post

L Y R I C O R V M

39

Postquam colonus cessit honor sibi
RZEWUSCIANI Sangvinis, ultimo

Noscendus Orbi, qui vetustam

Jmmemori prope jure Regni

Illi sub astris fixit originem?

Vides? canoræ Dux chelys, & vigor

Apollo vatum, quam superbâ

Laude fori tumet aula quævis?

Cui nempe tanti gloria Nominis

Asserta pulchro fædere contigit,

Aut prima cunas in capaces

Patritium sibi stravit ostrum?

Natale magnis gentibus, & viris

Non emovendâ laude viret solum;

Hec unda felix, quâ tepentem

Halcyones posuere nidum.

Depræliantis nil timet Africi,

Nil bella Cori, tuta volucribus

Pullis, soporato fretorum,

Quos agitat Thetis ipsa fluctu.

Quantis id explet censibus Jlium

Genus, feroci quod dedit Hectori?

Post busta nil palmare Troje,

Quam Priami Patriam fuisse?

Quo

Quo Græca fastu Regia vindicat
Clarum trecentis cædibus Herculem?

Quo dives agrorum potentem
Creta Iovem? cui lacpropinat;
Achille floret syrtibus imperans
Jolcus, audax Pella sui tumet
Cunis alumni, quem subactus
Post Macetas veneratur orbis.

Quas ergo laurus? quæ sibi postulet
Æterna ferri præmia? fortium
Perinde Sendomiriensis

Gleba ferox, ut opum, virorum?
Qua munerari debet adorea
RZEWUSCIORUM florida laureis?
Certe Palatinos honores
Exsuperat proba spes nepotum.
Vtroḡ flores, Dux probe, nomine;
Et Regna fasces contribuunt Tibi,
Et non recessuro decore
Progenies animosa crescit.

ODE

L Y R I C O R V M
O D E XVI.

41

*Invidissimis Jazygarum, Theutonum,
& Pruthenorum Domitoribus RZEWU-
SCIIS, in Podlachiam ex Sandomiriensi
Palatinatu Coloniā moventibus.*

Omne solum fortis Patria est.

O ! Marte fortis , dextera fortior ,
Centum protervis tincta cruaribus ,
Sêu Iazygarum, sêu Magistri
Theutonicâ Cruce fulgurantis !

O ! dura virtus , & patiens mali
RZEWUSCIORUM , sive per igneas
Iuisse liventis procellas

Glandis , in exitium pedestre ,

Sêu per solutos militis impetus ,

Cui citatis spes in equis fuit

Plerumq; tota , sêu sub æstu ,

Sêu rigido glaciante Cælo

Immota semper ; nempe perennibus

Quem fama crescens urit adoreis ,

Crudumq; Bellone decenter

F

Lauri-

Laurigeris alit uber armis,

Non ingruentis more periculi,

Non cede multâ, non pluvio Iove,

Sitivè frangetur molestâ,

Vel nimium dape tardiori.

Majora viso sangvine prælia

Intentat hosti, comprimit altera

Hians, recrudescensq; vulnus,

Fronte minax, animæq; largus,

Manu farissam proijcit alterâ;

Illum nec æquor frangere Caspium

Pigebit, adversoq; densos

Pectore sustinuisse fluctus;

Nec toxicatas Thracis arundines,

Aût triste ferrum centimani Gyges,

In corpus admisso totum,

Clade suâ magis incalescens.

Audet profundam Curtius armiger

Intrare lœtâ fronte voraginem,

Servata grande cui sepulchrum

Roma fuit, cinericq; merso.

In mille Cocles tela ferocior,

Post terga fracto ponte ruit, nisi

Partis regressurus trophæis

Romuleæ bonus hospes Urbi.

Sed

Sed cur ab Austro? cur ego ab Adria
Exempla duco? quanta *RZEWVSCIIS*

Trophæa, florentesq; palmas

Fervor init? quot inurit hosti

Notas pudoris? sub juga Iazygen

Lechæa cogens, qui Tyberim prius

Victor bibebat, parte magna

Cæsareas comitatus alas;

Qui multa Regum mænia diruit,

Pompèjanos contudit ordines,

Adusq; Calpen, & Pelorum,

Æmathijs gravis ense campis?

Hic ille cessit præda *RZEWVSCIIS*,

Cessere victi Theutones, & ferox

Borussus, infestis ad Ossam,

Et Pregelam retro pulsus hastis.

Tibi superbe prælia Prussiae

Ei Iazygarum fusus erat crux,

Vt aucta, magne DVX, vigeret

Præteritis Tua palma palmis.

ODE XVI.

*Gloriosissimis Tartarorum, Dacorum, Valachorum, & totius Turcici Orientis expugnatoribus, Russiae, ex Podlachia Sacros Penates inferentibus
Hæredibus in Rozdot RZEWUSCIIS.*

Fortes Deus adjuvat enses.

CEler nivosum, Sarmatiæ jugis
Permutet Hæmum Mars adamantina
Indutus arma; sub Rutheno
Sithon habet, Rhodopenq; Cælo!

Cui bellicosi signaq;, castraq;
Dat aula Rozdot, sed Geticas nives
Dissolvit ignito calentûm
Sub galea Procerum Vesovo.

RZEWUSCIANIS inclyta prælijs
Hic tuta pulchram ferta coloniam
Fixere, mite laurearum

Flante levi nemus undat Austro;
Magnis foveri conditionibus
Hic palma quævis impetrat, & genus
Insigne bellatoris armi,

Quem Scythicæ tremuere sortes,

Dū

Dum Roxolanos barbarus incolas
Prægressus Istrum, & claustra Mæotidos.

Veloce Thrax infestat arcu,
More lupi fugiens rapacis,

Qui se latenti condit in arbuto,
Pollutus atro pectora sangvine

Palantis armenti, novasq;

Velleribus parat inde clades.

Sed hic Laconum Thermopylas habet,

Parcas Lechæis cædibus, Istriâ

Quæ cæde laxantur; cruentas

Dacus habet, Lybiæq; Cannas.

Utcunq; fido provolet impetu

In rura, & urbes, mellea pascua

Apum perrerret, & cubantem

Turbet equis, jaculisq; matrem;

Cœu pulsa duro Thessalici senis

Sagitta cornu, ceu Notus aliger,

In Tauricanas retrò prædæ

Immemor, accelerat paludes,

Vix arm a Rozdol Patritiæ manus

Objecit, æstrum vix tuba Martia

Dedit, perhorrendumq; murmur

RZEWINIIS speciale signis.

Sic Martiales vindice Spiritus
 Ardent orexi; Sic Polus arduos
Tuetur herōes, adeptis
Qui Superos coluere fertis,
Et plus avite, quam sibi, gloriae
Semper laborant; non ita Noricum
Trophea ferrum, non manipli
Quam pietas animosa firmat.
Cordi Supremo vis proba Numini;
Et quas ab armis non habet, ab Iove
Calchas, ut arā sic ē enī,
Suppetias feret, expeditus.
 Hæc serta Rozdorff educat, hic Deus
RZEWVSCIANIS viribus afferit
Cælestē robur, hic potentis
Fulget honor penes astra Clave.
Quā Tu Poloni, Dux bone, prælia
Logis Gradivi, quā Crymeum pecus,
Cimbrumq; Balticumq; Martem,
Qua Serethi caput omne iundes.

ODE

ODE XVII.

In obliviousam antiquitatem.

*Quæ tot Illustrisimorū RZEWUSCII Sangvinis
Aboriginum sago, togāq; memoranda suppressit
Nomina.*

Diræ minaces.

Nata de Circes, vel Erynnis atræ
Improbo fertur soboles abortu,
Strenuis, ætas, sua quæ negavit.

Nomina factis.

Quàm bonum terris, placidæq; dextræ
In scelus Numen fuit expiandum,
Quod soporati putre tempus ævi.

Currere sivit.

Cur nives Hæmi, glaciesq; Ponti,
Grando cur segnes Rhodopæa, menses,
Hædus immitti, ferus ac Orion

Præterit ense?

Debuit rufus pluviale tristes
Plejadis sidus tumulasse gentes,
Debuit vindex rediisse Pyrrhæ

Urbibus æquor;

Quasq;

Quasq; laxavit face somnolentâ
 Morpheus stertens , pecus Amphitrites
 Squammeum , motis habitasse fedes ,
 Debuit undis.

Conqueror Vates ? paciente fluctu
 Quod pigras fastis , memoriq; laudi
 Vandalus noster rudioris aulæ
 Pertulit Arces !

Cur procelloſa , vagus , & superbis
 Auctior prædis , super alta Phæbi
 Tecta non ivit rabie , silentes
 Mergere Musas !

Nescio , quæ nox onerosa primam
 Texerat vitam ? fucritnè torpor ,
 Sive neglectus ? quod honora famæ
 Fugerit aſtra.

Novimus pulchras peperisse laurus
 Patribus nostris , toties in Iſtrum
 In venenatos toties reſumpta

Arma Gelonos ;
 Clade quâ frænos tolerare jussum
 Littus Euxinum , dominantis aulæ ,
 Atq; Lechæos , modò Tauricana

Mænia , Cives .

Quo

Quo Pomerani grave vulgus arvi

Marte sub nostras abiēre leges!

Quo tot insignes populi , Ducesq;

Sangvine parti ?

Novimus tantum , quibus est Polono

Viribus juri , quibus est lacertis

Robur assertum , tacet illa socors

Nomina tempus.

Molle quod virgà metit impudenti

Tarqvinî fastus , recitant , papaver ,

Debiles muscas , Tyberina narrant

Acta Tyranni.

Auream Persæ platanum , breviq;

Artis inclusam nuce Myrmecæ

Posthumâ multum celebrat juventus

Laude quadrigam.

Turpis Æsopi studium , jociq;

Inverecundi , vel habere siquid

Fæx potest orbis , canitur ; virorum

Fama tacetur..

Fulmen offensi Iovis illud omne

Sæculum perdat , gravibusq; fastis

Urat indignum , tacuit , quod ingens

Lumen avorum.

G

Sed

*Sed Tibi, quod nunc inimica, munus
Grandibus Regni Patribus negavit,
Reddit, & claros vigil implet ævi*

Fama Triumphos.

*Tutus in seram, patiens laborum
Ibis ætatem, tuiturus ibis
Curias Regum, metuendus acri*

Milite Ductor.

O D E XVIII.

*Illusterrimo Gervillo RZEWUSKI Episcopo Plo-
censi Antistiti Vigilantissimo.*

Musa vocalis, Iove nata magno,
Matre, clarorum generosa ferta
Quæ perennanti memor Attavorum
Condit acervo.

Tu mihi Sanctum decus, & Plocensis
Infulæ gemmam refer, insepultæ
Laude *Gervillum*, grave quo peregit
Robore munus !

Dicis? an parvis ego cogar æquor
Icari solus peragrare lembis?
Sed Tuæ nostro chelys adsit optem
Gloria plectro.

Ille

Ille felices revocasse fertur,
Civibus Regni trabeatus author,
Ille Divinis pepigisse Presul

Ritibus, annos.

Candor innubem sibi lacte puro
Alluit mentem, nihil hic dolo sae
Frontis Autumnus, nihil oris anceps

Protheus egit.

Cura templorum, teneriq; mores,
Ac amor Sacri gregis excitatam
Iure possedit meliore fundi

Pectoris arcem.

Fortius tantas gravis orcus audet
Agredi dotes, sua cum frequenter
Grandibus ductor probus inquietat

Spectra ruinis.

Sed Tyaratæ pede pressus iræ
In paludosas retro cessit umbras,
Quæq; fallenti quatiebat arcu

Castra, reliquit.

Ille DUX solers animas minaci
Erutas pugnæ stygis, in supernas
Prospera sedes radiantis aulæ

Sorte reponit.

G 2

Aure-

Aureos menses daret usq; nostris
Sæculis, & mox, rapiente letho,
Involat cælum, populis abundè

Gratus & aris.

Sed Tuus Ductor galeate, mucro,
Quod Pedi Virtus animosa necdum
Præstítit, reddet, chalybemq; fulvo.

Induet auro

ODE XIX.

Illusterrimo Praclao RZEWUSKI Castellano
Brestensi Litvanensi.

Quem mihi Delphus, vel acuta Thracis
Orhei, tantæ lyra fuscitabit
Laudis Herœm? cui pluſ. Hyadne
Florida plaudit?

Quis Deus Graijs maculosis aris?

(Ficta sint quamvis ea sacra diræ
Moribus plebis), speciosiore:

Claruit ausu?

Quæ pari vidit studio calentem
Hectorem tellus? prout excubitrix
Gesta Preclai notat irretoris

Vultibus ales?

Iuppiter

L Y R I C O R V M

53

Iuppiter pulchro Ganymede pectus
Gaudet incendi, tamèn absqñævo
Non fuit, quamvis puer ille magnos

Fovit amores.

Quid soror Iuno, simul atq; conjux?
Quam vigil multo tenet Argus igne,
Iam coloratæ volucris superbo.

Syrmate pennæ.

Mercuri mollis grave virga lumen
Sopijt, quo se nimium fetebat:
In Deæ primos oculatus usq;

Pastor honores.

Par in æternas studio Minervæ
Ire Tydides violentus arces,
Cedit immanem tamen ille diræ

Falcis adictum.

Iactat Æneam Dea fortis Idæ,
Quod velut sparsos rosa celsa supra
Eminet flores, pietate quævis

Nomina vincat.

Hic tamen ventis, pelagoq; fractus
Invidas nubes orientis Hædi
Pertulit, Teucris ubi Tybrin ille

Involat armis.

G 3

Casta

Casta Thaumantis capitur decori
 Flore Thitoni, reparatq; lapsam
 Nobili rursus senis egelati

Sangvine formam.

Sed quid, æstatem tulit ille præter,

Strenui? multis viguisse lustris

Absq; nervosæ probitate dextræ

Infima laus est.

Enatet vastæ freta pigra lethes

Fama Victrici redimita fronde

Grandis Alcidæ, genus omne crescat

Utile bellis.

Noster hos inter rutilantiori

Fulget Heroás face clarus Heros,

Purpuratarum cui Bresta nutrit

Sidera laudum.

Ore facundo, Ganymede quovis

Comptior, Lechi vigil Argus orbis,

Seû fuit signis eques adjuvandus,

Seû fora Curis.

Vim novam sensit sibi fabulosi

More Thitoni redijsse, Thracis

Victor Auroræ, quoties Gelonos

Contudit arcus.

Canus

Canus Ædonas hyemes sub acri
 Cassidis rictu quoties ferebat,
 Fortibus gestis magis, ac senili
 Providus ævo.

Quid prius dicam? sed ad hæc minoris
 Tibiæ vires nequeunt levari;
 Thressa testudo nisi Martiales
 Par canet æstus.

ODE XX.

Illustrissima MARTINO RZEWUSKI Colono-
nello cataphractæ militiæ gloriofissimo.

C Antaris rapidum civibus effteris,
 C Cantaris gravidis Matribus, ad Tyram,
 Dacorum metus, & fulmen, & Istrij
 Debellerat Orionis.

O! lux Sarmaticæ prima Propaginis!
 O! Martis specimen grande RZEWUSCII!
 Scriberis tabulis, ac ebori, frequens
 Seris cura nepotibus.

Quæsecunq; Tui gloria Nominis
 Porrexit, memores excitat incolas
 In laudum pelagum, quo Duce Te ruit
 Miles certus adoræ.

Dum sævas acies, barbara prælia,
Magni Bessus atrox roboris elicit,
Te mox de viridi cespite cogitat

In se surgere vindicem.

Hinc, cum pulvreat, quo velit ordine
Decertare, notat mole, Tuum prius
Nomen Bishonijs cladibus horridum

Hastæ sculpit eburneæ.

Et tanto timidus sstitur obice,
Aut totis in eam viribus erigi
Alam constituit, quam sibi finxerit

Fleæti Marte RZEWVSCIO.

Sic quos belligere laurea dexteræ
Commendat Proceres, perpetuos alunt
Inter Castra metus hostica; frigidus

Fert in bella facem cinis.

Vmbræ magnanimi frangitur arduus
Cecrops Merionis; quantus, Achillei
Manes, terror erant? Iliacæ licet

Stipato Paridi manu.

Nescit fama mori, quam suis evicit
Suprà vulgus honor, multaq; laurea;
Celtas, terret adhuc Oëta gravi minax

Alcidæ tumulo Duces.

Nos

Nos, septemgeminio sub bove, nec gravem
 Ajacis Clypeum, cuspide nec potens
 Pelidæ jaculum quærimus in Scytham,
 Plus est dextra RZEWUSCII.

Qui suprema feræ jura licet pati
 Est jussus Lachesis, posthuma sed viget
 Virtus, laurigeris inclyta prælijs,
 Et vires reparat Lechi.

O D E XXI.

*Illusterrimo STANISLAO in Rozdot RZE-
 WUSKI Subdapifero Bracłaviensi.*

*Heroum animi Avitos parietes exteris impu-
 gnatorum hostium permutant limitibus.*

Musæ? quæ Calabri mihi,
 Quæ Vatis Tyrij dulciloquam chelym,
 Annæoq; venustius

Carmen, nectareis amnibus instruet?

Ut RZEWUSCIA Dardano

Par Bellona Duci, par Danais cani
 Posit Regibus &c viris,

Quæ per Threijcas ivit arundines

H

Telis

Telis omnibus altior,

Quâ tot Bassarabum fronte tonitrua
STANISLAUS abegerat,

Cum nigri premeret littora Nerei,
Effrenemq; Propontidem;

Vastaret trepidæ mænia Daciæ,
Parthis terror, & Ortui;

Campis assiduus miles in Istrijs,
Hospes ratus in urbibus.

Pugnaces aquilæ non nisi sub Iove
Puro nidificant bene,

Docture radios progeniem pati.
Ignavi nota pectoris

Nativis animum cogere sepibus,
Quem spes Herculeæ vocant,
Pelleig; ciet gloria nominis.

Isthmo vilis inertiae,

Mentem Carpathio, vel Siculo parem
Ponto, quis bene clauserit?

Et natam Geticis cladibus Indolem
Agro foderit Apulo?

Non quòd Bithoniae non placeant sibi
Laurus, urit adorea,

Sed quòd ruricolæ scindere fertilem

Glebam

Glebam svevimus Attavo;

Invitat cupidus pulvis olympicus
Frontes, sed piget erigi;

Arctamarq; brevi, quo trahimus dies
Indignas repeti, loco.

Arrident calidi prælia Dardani,
Et classes Agamemnonis;

Aut Chiron rigidis artibus imbuens
Pelidam Dolopejum;

Sed nec nos Asiae jungere viribus,
Nec Phtio volumus duci.

*Librari superis vix poterit bonū
Increscens animus solo;*

*Et quāvis avidum peccus edant nimis
Celsē munera glorie,*

*Sed durū est Lybico currere tramite,
Fossis quod patet Alpibus.*

Sic morem pecorum, quæ stabulis retro
Dicit rorifer Hesperus,

Sectamur; solitis hæc nisi semitis
Ad notas celerant casas,

Nec quā sit melius curritur orbita,
Sed quā sæpe cucurrerant.

Stagnantes patrijs aggeribus, vagum

Odetunt animi fretum,

Sed frangi scopulis dum metunt, rudi
Limo segniter innatant.

Transvectus Numida stipes ab arbore
Externo melius folo

Frondet, sollicitâ dum colitur manu.
Sic celos feriet polos,

Ornant divitiæ quod caput hosticæ;
Sic Martis prope sidera

STANISLAUS opes Tauridos, & Scythæ
Ereptas jaculo locat,
Æternusq; suis vivet adoreis.

ODE XXII.

*Illustrissimo LAURENTIO in ROZDOLRZE-
WUSKI Subdapifero Bractaviensi STANISLAI
Filio.*

*Martialis indoles castrenisibus magis oblectatur
penurijs, quam Vitellij epulis.*

Quo Te Cynthus entheo?
Quo germana cohors Pieridum canent
LAURENTI, decus arduæ,
Et laus Subdapifer prima Bractaviæ?

Omn̄es illecebras Tibi

Supplevit vitidis culcitra cespitis,

Auratosq; Vitellij

Panes, sicca Ceres, & paleis rigens,

Flumen, Cæcuba præstigit;

Non Te Pygmalion, non Sybaris chorus,

Non ullus tenuit sopor;

Belli sæpe famem plus docilis pugil

Quam molles epulas pati,

Aut inter Phrygias stertere purpuras.

Plus Thressas hyemes amas

Et tristes Hyadas, & Boream trucem

Castrorumq; pericula,

Quam spes Attalicas, regnaq; Persica,

Aularumve superbiam.

Offusus Dominæ sidere Regiæ

Et splendoribus aulicis,

Nil tantis animus frangitur ictibus.

Nam lux hæc oculo gravis,

Non menti, tenues quæ magis æstimat

Famæ divitias suæ,

Quam vellus Tyrium, vel Siculas dapes.

Quod si parva repullulet

Spretæ luxuries inde superbæ,

H;

Hanc

Hanc frons ardua corrigit;
 Non mutant Gabiae pectus Achilleum
 Merces, nec jubar aureum,
 Sed motu simili concutitur vitro,
Quod mens fregit, ut attigit;
 Advertens rutikæ fulgura gloriæ,
 Ictum vincere palpebræ;
 Cur æger Cyprios aspiciat thoros?
 Et martis Scythicæ cutim?

Pantheres maculis terga notantibus
 Hæres concolor induat?

Cur vulpis spolium? cur ferat exteræ
 Pelles hic varias ferae?

Quem lorica trilix, quem clypeus magis
 Et comit juba cassidis;

Hæc tentant aciem pectoris ærcam,
 Non de limite submovent,

Mox discussa gravis judicij librâ,
 Infrâ tela cadunt sua.

Fluxum, nempe, bonum, quod micat, & perit;
Sed quid quid parit improbus
Sudor belligeræ frontis, & ignea
Virtus, sæcula possidet.

Sic audit memori robore floridus

Sic

Sic LAVENTIVS Atticos
 Quosvis exsuperat militiae Duces,
Qui tot sub galea nives,
 Castrorum toties pauperiem tulit.

O D E XXIII.

Illusterrimo PETRO in ROZDOL RZEWÜSKI Camerario Braciavensi Viro consultissimo.

Consilio potius, quam ferro Regna proteguntur.

Non armis, neq; vitibus,
 Tantum Patritiaz lumina gloriae,
 Sed nec divitijs Pattum
 Augentur, meritis clara nepotibus,
 Quantum consilio gravi
 Auxit Sarmaticas PETRVS adreas,
 Cum res ardua civium:
 Cervicem validam, & fortia postulat.
 Grandi brachia sarcinæ,
 Quæ jus Imperij sustinet integrum;
 Tunc nec trux Scytha, nec Dacus
 Tutæ sede latent, ingenio suæ

Cum

Cum RZEWSCIUS, omnium
Exemplar, Patriæ, militat, & Deo.

Non solus Marebitæ

Laurus tergeminis frondet honoribus,
Qui magnis aciem toris

Proceriq; premit pondere corporis;
Nec qui nimbigenas ferox

Nubes Threijcia vexat arundine,
Nudis conserit ensibus,

Et fuso maculat pectora sanguine,
Aūt clavam cerebro horridam.

Plures consilijs, quam gladijs parat
Bell'i gloria laureas.

Dūm pugnat Nicias, laurigerā ducem
Pallas protegit ægide;

Victrices aquilas sulphureus fragor,
Et nox exosculat nitri,

Ni lessas acies lampade Cynthia,
Et chartæ reparent die.

Non sic Æmoniæ cassidis æreo
Complexu caput obrutum,

Ut doctæ Galea Palladis eminens
Expugnat ratio malum.

Musis Mæonijs ivit in ultimos

Indos

Indos Dux Macedonius,

Lassatum toties ex acie caput,

Prudens cùi levat Ilias;

Vaginis melior pagina ferreis;

Illas ingrauidat chalybs,

Hec servat pretium consilij grave.

Bellum Roma brevi sago,

At longâ domuit Cesaribus togâ.

Quid ferro rigidæ manus?

Quam regnis adigunt ferrea tempora?

Fatum frugibas insolens;

Is tantum merito pulvere squallidus

Bessum, contudit, & Scytham,

Qui sensu pharetras reppulit optimo,

Et mentis stationibus,

Lethi præcipitem sustinuit gradum.

Is stipendia perferat,

Cùi miles ratio, consilium mænus.

Ex utroq; RZEWVSCIVS,

Ut felix clypeo, sic rationibus.

J

ODE

ODE XXIV.

*Illusterrissimo IOANNI in ROZDOL RZEWV-
SKI cataphractæ militiæ eximio Heroi.*

Factis ætas, non annis, distingvenda est:

MAvors cuspide Thraciâ
Grandes in Pario marmore laureas,
Exantlata RZEWVSCIO

Heroi celerat sculpere prælia,
Tinctos sangvine Barbaro

Campos Podoliæ, castraq; regnaq;
Aucturus spolijs, Duce m ,

Mundi, ni tenero mors inimicior
Flori purpureæ Domûs,

Præcidisset eas spes nece lugubri.
Vixit non minùs hic diu,

Gestis nobilibus sœcula qui gravat ;
Non annis, neq; mensibus,

Pulchrae canities Indolis eminet.

Non quem longa trahit dies.

Partiri meruit cum Iove Sidera,
Sed qui vindice fulmine

Titanas validos, Enceladum gravem

Stravit

Stravit cladibus altior.

Canam cæsariem Carpathiæ nives
Et rupis senium ferunt,

Nullis saxa tamen vivere laudibus,
Dicuntur, licet arduos

Colles in superos, astraq; porrigant
Terræ pondus inutile;

Commendat meriti premia verticis
Virtus dignior aspici,

Non ætas gravior, non pretium pili.
Et frons pulvere bellico

Fulgens, ac oleâ, Nestoream Pylon,
Non crinis meruit senex;

Tithonus roseæ vix bene conjugi
Ignavo senio placet,

Ni mentem superis excitet æmulam.
Quercus sideribus minax,

Non quot Parrhasios occubitus tulit,
Sed quot verbera fulminum,

Et quantis, numerat, belligeri Iovis
Tolis usta refronduit,

Quot sævas hyemes, bellaq; Caspij
Fregit vertice turbinis.

Is demum Pylio tempore vinerit

Quem virtus decorat vetus ,

Provectæq; capax gloria laureæ est.

Et qui fascibus additis

Aût palmis Scythiae , vel necibus Phrygum ,
Non ætatibus imperat:

Nec quantum vacuam rexerit Atticam ,
Sed quot Pergama vicerit ,

Quantis incaluit cæstibus , æstimat .
Hic nostrum stimulat DUCEM ,

Ut per magna sibi funera gentium
Ævum sufficiat , vigor ,

Et quam longa dies denegat , inclytâ
Aptat canitiem manu .

Sat vixit Thetidi , quo jacet Ilium
Et pubes Priamèia ;

Impubi facie jam tulit Hectorem ,
Annos ense recuperans;

Qui vitæ spatiū , fataq; langvida
Sola decrepita cute ,

Metitur; potius dic puerum senem .
Factis clarus , & arduis

IOANNES studijs laurigeræ manūs ,
Non fastis , neq; Nestore

Palmarum numero sœcula computat .

ODE

ODE XXV.

Illiusterrissimo STANISLAO in ROZDOŁ RZE-WUSKI Iudici Leopol: Avo Illusterrissimi Palatini Podlach:

VATICINUM MARTIS.

De Illusterrissima ex STANISLAO Propagine.

Cum Lucina Parens divite purpurâ,
Et centum gravibus sternet hostium
Insignes spolijs, Patrio Duci,

Cunas egregiæ spei:

Armorum dominus, stridula, Mars, juber

Hæmi Bessarabis cedere murmura,

Clangoremq; tubæ, talia provolans,

Hastâ nixus, in omina:

O ! quam fausta dies, & nimium probâ

Phæbi luce means ! candidus hanc nisi

Cives , inter , Olor, sidereos feret ,

Bubo sit procul Atticus;

Quam cornu niveo Luna notet polis,

Quæ tantâ gremium nobile sarcinâ,

Orbis præsidio liberat, & gravi

Hostes compede mancipat.

Hic, est, ille, sacræ sidere fasciæ
 Circumplexus, opem sanguine maximam
 Qui regnis tribuet, qui juga Caucasi
 Celsâ progenie premet.

Héù quot jam video Martia pectora !
 Quantos stare Duces! quot sub Othry viros,
 Armatas hyemes vincere, quot feri
 Passim funera Bisthonis!

Nil Dictinna suis noxia spiculis
 Pugnacem Scythidem, semideus fero
 Arcu Phyllirides nil juvat; ibitis
 Daci, præda RZEWVSCIIS.

Num limosa palus, Taurica mænia,
 Aût Xerxis pelagus, viribus igneis
 Iuratiq; globo militis eruent ?

Qui gaudet Dominos sequi?
 Si Busiris equos, cædibus hospitum
 Nutritos adigat, Bosphorus omnibus
 Exundet populis, præcipitem vago

Fluctu corripiet fugam.
 Non Sithon Boreâ, non Rhodope nive
 Est munita satis, Dacica fraxinus
 Victori gladio, strage decemplici,

E radicibus accidet.

Quantâ

Quantā pernicie! quot necibus Scythæ,
Incumbet Tanai tot Genitor Ducum!
Quot iam bella parit filius Ortui!

Et clavæ Dominus Nepos.

Fecundi Proceres, quo proba pignora
Gestant, Regna, sinu; lactat idem ferè,
Terris, uber, opem, quod tenerum decus,
Prolem moribus inclytam.

Uno culta pyrus fertilis est sibi,
Pomonæq; modo; quippè minus suam
Conservat speciem, Trinaciæ, nemus,

Fructus quod parit & Deæ.

Spartanis Cilices Græcia Matribus
Dehebat tumulos, quæ clypei magis
Natos esse suos, quam Patrimonij

Aût gemmæ, memores jubent.

O D E XXVI.

ILLUSTRISSIMO IOANNI in ROZDOL RZEWV-
SKI POCILLATORI Terra Leopol: Dignissi:

Mors semper Marti invida.

Quis

Quis desiderio Patriæ Domus
Iustum ferre potest temperiem modus?
Quæ semper queritur, non sibi vivere
Carum militiæ decus.

Æterno satagit, nempè, *RZEWVSCIAE*
Flammari studio sæcula gloriæ,
Immortale cui vis animosior:

Dextræ conciliat jubar.

Sed quem non Atropos dira necessitas
Certâ lege premat? nascimur, ut mori,
Emensâ modici temporis-orbitâ,

Possimus, cinis impotens.

Hæc, hæc omnimodâ difficilis prece
Evinci, medijs è stationibus
Heròém, Lechici mite jubar poli,

Vix usu, rapuit, dato.

Frustrà fatidicis Euridicen suam
Ad vitam revocat cantibus Orpheus,
Cûi prorsus vetitum turbida ferreæ

Lethes flumina transgredi.

Varus, jussa licet præcipiant Iovis,
Æneæ labor est, Matriç amabile
Ut speret retrahi pignus, ubi fames

Fructus Elisi; negat.

Nec

Nec stipes sanie pinguis Achaica
 Alcidæ, nec amor, famaque Thesei
Quemquam de rigidis juribus eximet

Lethi, quæ patimur simul.

Æquâ sorte thronos, ac humiles casas
Tristis Parca gravat; sed cineres probæ
Nescit cura manus, & tumulos suprà

Affurgit meritis vigor.

Quod si nostra aliquid proficeret chelys,
Illum Threijcio cautius Orpheo,
Hinc conarer ego reddere Sarmatis,

Luci reddere pristinæ.

Illum vestra mibi, fortior Herculis,
Thracum fulmen atrox, clava reponeret;
An plus quis Procerum plangitur, ut Tibi
Ductor Maxime, Patrius?

ODE XXVII.

Illusterrimo FRANCISCO in RozdorZEWU-
SKI Dapifero Livenſi, qui perſuadet verbo &
exemplo, bellum commodiùs extra, quam intrà
vicerca Regni tractari.

K

FRAN-

FRANCISCUM, decus inclytum
Gentis Sarmaticæ, præsidium Poli,
Ac fulmen grave Daciæ,

Regum, scribo, famem, qui dapibus præst,
Et virtutibus optimos

Suppleuisse cibos, atq; Vitellij
Panes creditur aureos.

Quis, cùm Patriijs, de Lechico Statu
Decertatur honoribus,

Audit magnanimâ voce disertior?

Quis præstantius arduas

Libertatis opes, consilio gravi,
Ferro texerat, & manu?

Ut noster solitâ laude RZEWUSCIUS?
Fultus Palladis ægide;

Hic, dùm Barbaricis irruerent Scythæ
In nos undiq; cladibus,

Sic Regni Proceres, sic Equites monet:
Signis faustiūs obvijs

Franguntur tumidæ cornua Tauricæ,
Inter septa Mæotidis;

Sed cùm per medios bella ruunt sinus,
Ac in visceribus calent,

Seu vicitor redeas, civibus es gravis,

Seu

Sēu vīctas acies trahas;

Hinc hostis rapidus fulgurat ensibus,
Hinc miles patrius premit;

Altera miserum strage cadit pecus:
Externis bene censibus

Mercamur celebres Martis adorcas;

Hostilisq; feracior

Verbenas generat campus Eléufæ:

Quodsi luserit alea,

Bellacesq; retro compulerit minas,
Aūt nos cedere juss erit,

In tuto Patria est, quò cuneus fugax,
Quò se signa recuperent.

Æneas Danaos fugit, & Ilium,
Turnum vicit, & Ausones.

Hoc fregit Latium milite, quo truci
Impar est Agamemnoni;

Pugnatum Rutulo prosperius solo.

Vires, scilicet, advenæ

Perstringunt oculos, & cumulat metum
Ignoti litui sonus.

Majores clypei, fulget Eques magis,
Et vis fortior in manu,

Quām si quis Patrio robore polleat.

Armorum Macedo potens

Prægressus Scythiam, regnaq; Græciae,
Persis incubuit jugis,

Ex ipsis Asiam visceribus movens,
Et ferro Macetum soli,

Aurum purpureæ Persidis obtudit.
Xerxes fregit Athon viris;

Euphraten tenues in latices scidit,
Ut Græcos peteret domi,

Efferretq; suo prælia de Lare;
Alpes contudit Annibal,

Ut Romam Latios quæreret ad focos;
Nil est ensibus arduum,

Aptant subsidijs ipsa pericula:
Obstat nullus obex mihi,

Non Dircæa palus, non juga Carpathos,
Sunt frangenda, vel os Stygis.

Cur non in Scythiam tendimus, & Getas?
Aût in Colchica littora?

Extra Sarmaticos quærere limites
Nunquam bella docebimur?

Ne nos patritium non toleret solum,
Frontem sol maculet novus;

Ne desint populi, funera qui fleant.

Dixit

Dixit, fronteꝝ Martiâ

Ardescens, gelidos moverat in Scythaſ

Robur nobile Sarmatæ,

Et primus Geticos fregerat impetus.

O D E XXVIII

*Illusterrimo MICHAELI FLORIANO in
Rozdorꝝ RZEWUSKI Thesaurario Curie
Regni, Illusterrimi Palatini Podlach: Parenti,
Turcarum, Tartarorum, Valachorum Daco-
rū, Pannorum, Bulgarorū Victori; Europæ, Po-
loniæ, Pannoniæ, & aliarum Provinciarum ar-
mis & victorys illustratarum ludus super mor-
tem eiusdem.*

E U R O P A.

QUæ verba tantis apta doloribus?

Ut ægra tangent pectora Principum,

Unaꝝ solentur legendo,

Per Proavos, Atavosqꝝ Iuctu!

Caput Quiritum, Cor jacet Urbium!

Iacet supremo vertice non minor

Cervix

Cervix Atlantis! & potenti

Inferior nisi lege sceptro;

Infracta cælo, par superum gravem

Tulisse molem! Sarmatiæ Pater,

Ingensq; Mavortis lacertus,

Quem validi tremuere Brennū:

Qui tot Gelonos contudit integer

Enses, ad urnæ corruit objicem!

Stravisse, vix, credente tantum

Morte Ducem; poterat vel ipso

Rigore vultus, quæ satis abstrahi,

Ni vellet ultro, jam patiens mori,

Cessisse fatis, ex humoq;

In superas celerasse sedes.

Jacet propinquis Manibus ardua

Timendus umbrā! quem sibi tot viri,

Tot Martis invidere campi,

Tot Clypei, populiq; fortem

Sensere dextram, milite cum prior

Invasit atcus, castraq; Bistonum;

Corona, quis credat? Lechææ

Occubuit memoranda famæ!

Aut ipse totis Nereus amnibus

Plorabit, aut nos lugubris obruet

Undante

Undante singultu procella,

In lachrymas oculiqz luctum.

Sed bellicosi gloria pectoris,

Et Martiales occubitus Ducum

Odere plorari, cadensqz

Per galeas nisi sudor oris,

Aut fusus udos in Clypeos crux

Parentat armis; præfica lachryma,

Et mæror imbellis, minores

Tantum animas juvat, atqz vulgus;

Confossus hastâ vel jaculis leo,

Nullo gementis funere pectoris

Testatur iustum, sed silenti

Magnanimus jacet in cubili:

Parvisqz non vult, signa, leonibus

Patere lethi, dum sibi vindicem

In bella rugitum coercet,

Atqz truci secat ungue terram.

Et nos severis nonnisi luctibus,

Vel Martiarum, qui decet Hectorem,

Lesso tubatum, vel quod ingens

Semicanon dare murmur optat,

Vacare fas est; quos satis erudit,

Armatqz magni vis animi potens

In fata

In fata, lethalesq; casus;

Nam gemitus vetat ipse Ductor.

Quisquamne fleri debuerat minus?

Qui nil avitis egit honoribus,

Castrisq; lugendum, nec ullas

Elicuit lachrymas subactis

Per bella terris? oderat improbos

In hoste fletus; pluris habens eos

Fregisse, quos nec movit iactus,

Et domitis viget ira constans.

Videre Reges; vidimus integrum

Ad arma mentem, seu clypeo, seu

Rectore vocum scipione

Consilijs, acieq; viator,

Instare vellet; fulmina pro Jove

Tulisse dignus, cum tonitru scelus

Quodquam merebatur; fereni

In populum fuit oris ille;

Si bella jussit summa necessitas?

Suo probari debuerant Stylo;

Qui fudit hostem, Dux priusquam

Visus erat, capulumve nosset.

Sensere Cives; quid ratio potens,

Armata quid mens, celsa quid indoles,

Nutrita

L Y R I C O R V M

81

Nutrita bellorum trophæis ,

Eloquio, gladiove posset.

Intensa docti vis bona verticis

Exira regentis limina curiae

Componit arma, quod cōdactæ

In rigidas acies cateruæ

Diu nequirent; & capiti puto

Vitata belli, non galeæ, mala

Debere viçores; quid illi

Cassidibus, Clypeisq; tecti

Iuvêre trunci, castra Primisq; ?

Consulta parvam dextera fortius,

Molemq; sustentat Gradivi,

Viribus Herculeis demandam.

Vim cauta virtus promovet igneam;

Pectusq; bellax jure caput regit:

Vicunq; defecere vires,

Continuat ratio triumphos.

Hos ergo, magno pro lachrymis Duci

Europa luctus deferet; at mea

Camæna cessabit, perennes

Ne temeret minor ipsa laudes.

L

ODE

ODE XXIX.

Eidem strenuo ad Viennam & Strigonium, bellatori, funebrales Pannonia ex manubys hostium excitat rogos, ubi multâ Turcas affecit clade, & Basam Sylistriæ cœpit. Anno 1674.

INter funereæ sidera gloriæ,
Bellorumq; rogos, ignea fulmina,
Uruntur lachrymæ, nullus erit locus
Ægro tristitiæ salo.

*Luget flamma Viros, cùm vice fletuum
Dissolvit galeas, scutay; ferrea,
Et rorat liquidis ignibus, æreæ,
Vel testudinis aureæ.*

*Ambusti gemitus grandis ahenei,
Armorumq; fragor dissilientium,
Lucius pulcher ijs, quos sua lux obit
Ac incendia Nominis.*

*Ergo Panno veni? belligeras faces,
Victrices aquilas, & Cydares Getæ,
Et Peltas Arabum collige, funebrem
Regnis elicies pyram!*

Arcus

Arcus Bisthonios , & pharetras Daci,
 Plumatas volucris Thracis arundines ,
 Et molles tunicas , hirtaque tegmina ,

Setis texta camelicis:

Cristarum rabiem, collaque tigrium ,
 Ac Hæmi spolium , fraxineas trabes ,
 Ingenti cumulo , tela Gelonica,

Enses confer Otryfios:

Sêu belli canones, Martia fulmina ,
 Incudis pretium Mulcibereiæ ,
 Sêu sclopos graciles, & nitrium genus ,

Flammas junge volatiles:

Quales exuvias Strimonis accolæ ,
 Et gens septa sui marmore Caspij ,
 Quales fractus Athos , vel juga Caucaſi

Invictis dederant viris;

Quot Cimber Mario , Theuto quot obtulit
 Druso , Scipiadæ quot dedit Africa
 Laurus , ac oleas , clara RZEWUSCIO

Urat gloria funeri.

Et quas pampinifer Danubius vehit ,
 Oppresso jaculis exuvias vado ,
 Et quot Threjicio sangvine decolor

Portat Rhenus adoreas.

L 2

Audaces

Audaces scopulos Illyrici sinūs,
Captivas acies, regnaq; Bulgari;
Quid quid Carpathijs jungitur Alpibus,

Stagnantiq; Propontidi;

Crescat mole labor; Turcica Cynthia,
Parthorumq; jubæ, desuper involent,
Et quid quid domitis amnibus alluit,

Lymphæ ripa Tibiscidis.

Non tot Cynthia habet ferta perennia,
Aut palmare nemus tot sibi frondibus
Sylvescit, quot eunt undiq; laureæ,

Et Regum diademata.

Hic Victoris honor; quæ sibi vindici
Adscivit gladio munera reddimus,
Aut quas obtinuit per juga Pannonis

Multo sanguine laureas;

Qui tot Barbaricos fregit acinaces,
Tot palmas Latio, fertaq; Cæsari
Pulso Thrace talit, perpetuis modo

Regum flagret honoribus.

Vidit Panno fugax (si volucris pavor
Aspexisse dedit, cæsaq; tergora)
Quanto fulmineæ robore dexteræ

In cervicibus hæserat !

Quis

Quis frontem rigidam sustinuit diu
 Adversis jaculis barbarus obstrepens?
 Quem non ipsa levi retro dedit fugæ,

Majestas Duciſ ardui?

Collatas acies primus equo scidit,
 Fregit signa prior, quæq; repullulans
 Vires Hydra tulit, fortior Hercule

Fauces obtudit igneas;

Per cædes animum, bellaq; nutrijt,
 Et victum toties, cum renovat minas,
 Hostem vincit adhuc, donec ad ultimos

Hæmum protulit Artaces;

Impendens trepidæ cladibus Austræ,
 Ferro motus Otrys, quod vel ab Aulide,
 Vel Bactris rapuit, vel Tenedo brevi,

Indulſit spolium Lecho.

Sed jam Panno faces, Martia lumina

Claris adde rogis, proxima lugubris

Stet Bellona fago, Mars volucris nigræ

Luctum casside præferat;

Phænices animæ, gens clypeo potens,

Hoc nascentur Avo; quot cineres tepent,

Tot Bellona sinu mox feret Hectores,

Ortus fulmina Barbari.

ODE XXX.

*Eidem ad oppidum Gotq; accepto super totum
Exercitum Regni à Duce Czarneccio regimine
gloriosissimo Svecorum triumphatori lugubres
Polonia instituit neniae.*

Quis luctus ? aut quæ lachrymæ !
 Tanto DUCI laborent !
 Cum quo recumbunt aurea
 Sceptri regentis astra ;
 Et quid quid orbis maximi ,
 Stirpesq; Sarmatum ,
 Quid quid Gradiyus extulit ,
 Una jacet ruinâ .
 Collapsa Regni culmina ,
 Flos gentis , Urbiumq; ,
 Illius hærent marmore ,
 Spes civium peremptæ .
 Avita divi sanguinis
 Fortuna , posteriq; ,
 Illa tot æstus gloriæ ,
 Conduntur in favilla .

Singultus

Singultus ingens pectorum ,
 Solem lacescit ipsum ,
 Tristiq; mundi lachrymâ
 Mærens natat feretrum .
Quod cùm Gelonus audijt
 Graves trahens catenas ,
Offudit orbes asperos ,
 Luctu genas lavante .
Luget Cytheron , mæstaq;
 Plebs Cynthij , Camænæ ,
Deliq; fontes fletibus
 Laxant , & Hippocrenen .
Hæc ferta fronti diripit ,
 Hæc ungve scindit ora ,
Vox una cunctis , DUX jacet ?
 Victor jacet ? Paterq;
O! quam Polonis invida
 Fortuna semper armis !
Quam Martiales insolens
 Fatum premit triumphos !
Confundit altæ sidera
 Famæ brevi tumultu ,
Auctosq; belli laureis ,
 Tollit rapax honores ;

Aut

Aut astra, vobis defuit
 Fulmen Iovis trisulcum?
 Aut tarda miti vis Polo
 Ultore langvet igne?
 Cur Parca tantum pertinax
 Credit sibi licere;
 Duce timendum gentibus
 Sævâ metendo falce?
Quod sub frequenti casside
 Brumâq; Tartarorum,
Ætate longa canuit,
 Semper manu vigente;
Quod tela Parthi, quod Scythæ
 Caput ferire nolunt,
 Imbelle lethi classicum
 Brevi cōercet urnâ.
 O! frons amæno sidere
 Lechi nitens coronæ,
 Ipsiq; tantum Bisthoni
 Rugas alens minaces!
 Non nos sereno jam die,
 Non intueris astris,
 Attracta magno funere
 Morti timeris ipsi.

Qualis

Qualis severos AEdones,
 Arcton feram subisti,
 Qualis Gothorum prælia
 Gołąbq; vindicatam;
 Adhuc minari classica,
 Adhuc videris enses,
 Et præter ipfos Spiritus,
 Nihil viri recessit.
 Quæ bellicosos aggredi
 Sunt ausa fata vultus?
 Quæ non domanda pectori,
 Vim ferre par ruina?
 Ni cæcus erro, mors foret,
 Posset minas mereri;
 Quæ falce sævit rusticā
 Ignara cùi noceret.
 Quām parva laudis prodigam,
 Arctavit urna dextram?
 Quæ liberali gurgite
 Tot templa, Cælitesq;,
 Augusta Regum tempora
 Lauru sacrâ coronat,
 Et instar amnis aurei
 Larga fluit procellâ.

M

Sed

Sed quod proterva sors rapit,
 Reddunt decus nepotes,
Victrice clava jam potens
Pensat trophya Ductor;
Vigescit in Natis Pater,
Ævumq; fert perenne,
Iniqua fati, quod sibi.
Libido denegabat

O D E XXXI.

Eidem ad Polongam Sveco transitum cum exercitu neganti, globo per os vulnerato, Regimentero dignissimo, & victori hostium celeberrimo, Prussia, Livonia, Curlandia, illachrymantur, mortuo.

Quis majora pati vulnera? quis potest
 Sic deflere DUCEM? tristibus Atropo
 Inculare querelis!
 Ut nos Balthidis accolæ!
Quas forti toties pectore Michael
 Multâ clade Gothi, quas bene, Dux probus
 Agris morte refertis,
Lecto milite texerat. **Quantis**

Quantis aggeribus cingere corporum

Vilus Livoniam! mænia Prussiæ

, Quanto sangvine lavit,

Dum nos Vandalus impetūt.

Quot Sveci tumulis obruerat vias!

Quamvis ipse globo, dum vetat, ictus est,

Pertransire Połongam,

Oris, non scapulæ nota.

Hoc hoc nos feretro deferimur simul,

In quo summe jaces Dux, & amor Lechi!

Unâ clade perimus.

Tecum spes bona Patriæ.

O! grandes obitus! qui tot amantium

Involvunt lachrymis pectora civium!

Qui tot gaudia secum

Defensi tumulant throni.

Arctois columen fascibus unicum,

Regni dulce decus, gloria militum,

Uno concidis ictu!

Parvo marmore clauderis?

Tantum fata dolent posse ferocia,

Et damnant Lachesis jus temerarium;

Sed jam tuta severis

Tarde vapulat ictibus:

M 2

Nos

Nos una cadimus ! nos patimur simul
Vitales retrahi , cum Duce , spiritus !

Jlli contumulatur

Florens imperium Lechi!

An raptis animæ morte vigoribus

Posset Patrij gloria corporis ,

Et spes vivere gentis ,

Quæ vita steterat suâ ?

An Tartessiaco mersus in æquore

Aût , sol Cimmerijs noctibus obrutus ,

Rapto sideris usu ,

Lucem redderet , & diem ?

Quis se stare , sui parte superstite ,

Vitæ deposito munere , dixerit ?

Cum totos simul artus ,

Mors præ occupet improba ?

Num sperent gelidis fluctibus allui

Euphratis Syrij , dum caput obruit

Xerxes amnis , utramq;

Ripam scindit , & alveum ?

Sed mersas citius sol retrahet faces ,

Euphrati pluvius reddet aquas liquor ,

Quam nos abq; ministro

Regni vivere fas foret ;

Aût

Aût uno rapimur funere , cum Duce ,
Aût illum superi restituant solo ,

 Unâ nempe ruinâ

 Orbis grande decus jacet.

Quantos illa dies Sarmatiæ viros !

Quas laurus Patriæ ! quæ bona Civica

 Subtraxit , tot honorum

 Cùm terris rapuit virum !

Quis non in lachrymas diffluat ? immemor

Quàm frons blanda sibi , quàm fuerit Duci

 Svavis gratia vultûs ,

 Et quis , cum decuit , rigor ?

Quo mentis placito concilium Patrum

Inter barbaricos juvit acinaces ,

 Quali robore fregit

 Regni summa pericula .

Sed quorsum lachrymæ ? fata nimis diù

Hærent nostra ; Ducem jam Polus occupat ,

 Jllo , quâ , moriente

 Nos hic fronte supersumus ?

Cum quo dulce fuit vivere , mors bona est .

Hinc , si Parca volet stamina texere ,

 Si Mars obstrepat ipse ,

 Invito morimur Polo .

ODE XXXII.

*Eidem ad Chocimum Turcicas è castris irruptio-
nes reprimenti disciplinæ militaris Vigilantissi-
mo Conservatori, Dacia Fatorum audaciam in
crepans luget.*

Sic nos fata lacesritis?
*Sic fortes animæ, Martia pectora,
 Armorumq; duces, brevis*
Semper fama tenet? nil vetus & bonum?
Magnis, invida Numinis,
Nunquam stare diu fascibus annunt;
Et quo spes magis eminent,
In se præcipites Eumenides cident;
Alto culmine glorie
Quid sedisse juvat? si gravius cadit,
Quem jam summus apex habet,
Ac ingens spatium dimovet à solo.
Quo quis fulgurat altius
Plus jactura sui luminis afficit.
Magno funere gentium,
Et mundi tenebris occubitus stetit
Solis, quem Deus ætheri, Stella-

Stellarumq; choro præposuit Ducem:

Nam cùm deficit, omnium

Mærentes oculos evocat Urbium;

Paucis Hesperus occidens,

Depexæq; comæ Gnossias, aut Capra

Altrix sidere lacteo,

Aùt quod vis aliud conspicitur jubar.

Cùm tot funera Dardanæ

Pubis conciderint, non gemit Ilium;

Strato plangitur Hectori:

Uno tot Phrygiæ robora vulnere,

Debellata videt Paris.

Cùm fontes modicis deficiunt aquis,

Vix hoc æstimat accola;

Cùm septem geminis aruit ostijs

Nilus, spes Phariæ cadunt,

Ac immensa vacant messibus horrea:

Quanto vulnere tangimur!

Arent nostra quibus regna doloribus!

Cùm gentis Lechicæ jubar,

Orbis præsidium, delicias Poli,

Fulmen perpetuum Scythæ,

Fatum triste rapit! qui potuit suis

Immortale trionibus

Accendif-

Accendisse decus , sceptraque cum Iove
 Partiri , superum Parens.
Qui tot laurigeris fultus adoreis
 Hæmo Threijcium Deum ,
 Mavors ipse , fugat , se satis arduus ;
 Sed longè melius vagam
 Compescit Scythiam , castraque Bisthonum ,
 Quam Mars sciverat Istrius ,
Se quando Chocimi cinxerat aggere
 Ortus Sarmatiæ gravis ,
 Sparsis unde Tyram velibus premit ,
 Damno non sine civium.
 Primus namque Gethis signa RZEWUSCIUS
 Objecit populantibus ,
 Et retrò pepulit viribus igneis
 Infestum Daciae Scytham .
 Non , hic , signa putas bellica fervere ,
 Sed divas acies magis ;
 Sic illo nituit militiae Duce
 Castigata licentia.
 Et mores domiti , militis , & manus ,
 Dacis prætereuntium
 Armorum satis est visa modestia .
 Qua bellis iter in Scythas ,

Quâ

Quā mos Sarmaticis ire cohortibus ,
 Aut hyberna reducere
 Iussu castra Ducis ; Dacia carpitur.
 Hic Bellona ferocibus
 Alis, & rigido milite perstrepit ,
 Sēu Thraces gelidos petat ,
 Seū Moschias acies , sive Mæotidem.
 Pax est nulla Borystheni :
 Aut nos Æmoniæ prælia Tauricæ ,
 Errantesq; domus premunt ,
 Aut servile genus , plebs Zaporovia ;
 At tanto quoties Duce
 Effulgere aquilæ, signaq; bellica ,
 Nullus ruricolas pavor ,
 Nullum crimen agit castra coercita ,
 Excessusq; Satellitum ;
 Securæ pecudes prata perambulant ,
 Et bos impatiens jugi
 Cornu non domito pulvereas movet
 Nubes , aut tumido pede
 Tellurem vacuam spargit in àera,
 Agros læta Ceres colit ,
 Illæsisq; calent jugera messibus ;
 Et vis nulla pudoribus ,

N

Non

Non culpata fides militis audijt.

Hoc quis robore Tauricam,
Aût Otrym metuat, bellaç Pontica?

Non nos Sauromatas feros,
Non Martem Lybiæ, non pecus Istrium,

Non nos, stante RZEWUSCIO,
Clades Theutonicas, non Senonum faces

Curamus, neç Balthidem;
Solamur vacuis funera gaudijs.

Et jam grande RZEWUSCIJ.
Se miscet Superis non solitum jubar;

*Qui terras ope bellicâ
Protexit, domino fidere proteget.*

O D E XXXIII.

*Eidem ad Zaslaviam 24 millia Tartarorum
cum Muradino Duce profliganti Podolia im-
mortale nomen postfata attribuit.*

IN astra raptum cur querimur Ducem?
Incomprehensi Regia Numainis
Qua lucet, & gentes supernæ
Semideum genus innocentia

Iesses

Ieses redemptum Sangvine Principis,
 Quò Sancta tantum Nomina pertineant,
 Quò jam triumphales Avorum
 Præierant animæ, Paterq;
 Quò fulgidarum sidereæ faces
 Cessere Matrum, quo proba pignora,
 Et clara Majorum propago,
 Conspicuis cumulantur astris?
 Ipsiq; grandis curia lumen
 Relicta, quo, post parta Mæotidis
 Trophæa, Dalmatasq; laurus,
 Post domitas Aquilonis alas,
 Bis dena Thracum millia, vel truci
 Permissa ferro, compede vel gravi
 Adstricta, dum latè patentes
 Zaslaviæ populatur agros,
 Spe Muradinus fretus inutili,
 Opima nostri præda RZEWUSCIJ.
 Quò post perennatura ferta
 Ex Arabum, Scythiæq; regnis
 Collecta victor cederet, ultimæ
 Ætatis, inquam, jam satur; ac ubi
 Centum coronatus triumphis,
 Fluxa volet posuisse regna.

N 2

Non

Non nos bicornis concava Cynthiæ,
 Aût fabulosos Manibus inclytis
 Sphæræ meatus, in perennes
 Sidereis animabus arces
 Aptamus extra limina siderum,
 Supraqz terras; congenitæ Deo
 Mentes beatorum, teneri
 Non poterunt statione Phæbes;
 Si tanta divis spiritibus nisi
 Sors est, & omnem, credo, RZEWUSCIO
 Cum luce sol donaret aulam,
 Ius volucres daret in quadrigas;
 Illi polorum sceptra volentibus
 Astris, & ipsum Iuppiter æthera
 Locaret, excitante pulchram
 Orbe, Viro, Proavisqz pompam.
 Quocunqz tandem sidus amantibus
 Regnis haberi, quod fieri jubat
 Vellet, Planetarum modesto
 Concilio legeretur ille.
 Sed hæc minorum nomina siderum
 Sub eminenti quæ pede fulgurant,
 Rectoris immensi, suoqz
 Obscurio radiosa sceptra

Cogenitus

Cogentis , &c qui nec solio parem ,
 Nec se priorem sustinuit Deum ;
 Hic regna fulgentesq; sedes
 Innocuis animabus auget ;
 Et quos trecentis luminibus Polus
 Vidit calentes , Martia pectora ,
 Ducesq; virtutumq; claris
 Eximum genus attributis ,
 Secum beatis admovet ignibus ,
 Ac incolendum munere prodigo
 Partitur axem , quò potentes
 Regum animæ subiisse gaudent .
 Hic laureato sidere fulgurat
 Inter suorum ferta micantia
 Vultusq; Majorum , Gradivi
 Splendidior face *FLORIANVS* ;
 Multaq; stirpis luce RZEWUSCIAE
 Multo sereni stemmate Sangvinis
 Offusus , amplexum capacem
 Dividit in superos Parentes ,
 Aut nota miti pectora pectore
 Inter cohortes sidereas premit ;
 Aut quos vetustis jam triumphis
 Anterior sibi junxit zetas ,

Longissq; fovit gloria sacerdatis

Ab usq; Lecho , Purpureo Patre

Monstrante cognoscit ; polorum

Læta novis calet aula flammis.

Hæc, certa vitæ Magnanimi Ducis ,

Quem nulla lædunt fata , Podolia

Dixisse fertur ; si mat æther

Plus rutilo sibi Give clarus.

Sed o! Tuorum curaç; famaç;

Ingens Nepotum , gloria Sangvinis !

O! sidus æternum , nitensç;

Sarmatico Cynosura mundo !

Parata nostris fulmina cladibus

Exæstuanti pectore dimove ,

In Arcton , Australemq; Tethym ,

Ambracios scopulos , Rhodumvè:

Et sola fessis otia , miteç;

Iubar polorum civibus expedi,

DEO probante postulata ,

Si meruit Tua Gens juvari.

ODE

ODE XXXIV.

*Eidem ad Danaioniee 3 millia Turcarum absq;
nuntio cladis delenti, & septies in varijs parti-
bus Tartaros triumphanti, Mars Volhyniae ex
armis & signis militaribus aram molitur.*

Quid tristes sonuere tubæ? quid classica belli
Insveto clangore minantur?
Funestæ volucres, & lamentabile signum
Arrectis luctantur in hastis?
Campos triste premit dejectis vultibus agmen,
Non bellis, alacriq; duello,
Sed lachrymis magis apta manus, gelidoq; dolori,
Elisijs ea funera pratis
Excessisse putas; sic mæsto lumine Tròes,
Sic steterat gravis Hectoris umbra;
Tercentum Fabij, Vejo superante Senatu,
Sic lucos petiere quietos:
Sic coéunt, se seq; suis mirantur in umbris
Et non exarmantia fata.
Stant bellatores clypei, rorantibus undis
Militiæ plorantis onusti.

Ec

Et lachrymæ per scuta natant , maculasq; cruentæ
 Auxerunt nigra vellera pardi,
 Dum patulis lambunt cataphractos faucibus armos ,
 Nervoso suspensa lacerto ;
 Per galeas it stilla gemens , & ahenea claustra
 Singultu laxantur amaro:
 Attonitas acies sævi pressere dolores ,
 Et luætu squalentia castra:
 Omnis plorat Eques , quem frons non flere severa ,
 Et virtus animosa docebant;
 Ipse triumphalem Mavors adnixus in hastam ,
 Collatis ex ordine signis ,
 Auricomâ quatiens rugosam casside frontem ,
 Concilio legit arma , Ducesq;
 Et queritur ; quæ tanta , viri fiducia letho !
 Sic fatis mea castra patebunt?
 Sic imbelli genus Parçarum , signa sequetur
 Martia , victurosq; triumphos ? -
 Plus potuisse pudet , si nostræ staminæ vitæ
 Fæminea sub forfice nutant:
 Nam gladijs assveta manus , quid fusæ sororum
 Quid Rhamnusia vellera curet?
 Cui rigidus sacra fila chalybs , nerviq; potentes
 Sarmatici vel Bisthonis arcus ,

Æternos

Æternos pepigêre dies , & stamina reddunt
Parcarum potiora labore.

Excedit sua jura dolor ; cum flere deceret,
Nos morti , superisq; minamur.

Sed norunt cæli gemitus , lachrymasq; Gradivi;
Invito nisi lumine flemus.

Bellaces litui lugentia murmura supplent ;
In fletus crux undat & ignes.

Non solitâ mihi lege venit RZEWUSCIUS Heros ;
Nam toto prope sangvine Thracum ,

Et vincto lugendus Otry , cùi cessimus hastam ,
Scutum, Threijciasq; sagittas ,

Cùi Rhodope , Strimonq; meo sub nomine servit ,
Sed nostris fuit aptior armis ,

Et mihi si coram licuit sudasse , timendus.

Illius agnovere Geloni

Pugnaces animos , & certum vulneris ensem ,

Cùm Dunajowieccia castra

Bisthonijs ter mille viris obsessa cecidit

Subsidio, numeroq; minori ;

Cùm sylvas , camposq; novis & mænia palmis

Bessarabum, Scythiaeq; fugacis ,

Implevit, vario reparans certamine bellum ;

Passim jactabatur in Hæmo ,

O

Quot

Quòd laurus, quæ ferta tulit, quibus ensibus Arcton
 Et gelidos tremefecit Alanos !
Quos tanta pro laude Duci pendemus honores ?
 Aùt qualis dignabitur ara ?
 Hùc clypeos, hùc scuta viri, pharetrasq; , trabesq;
 Fraxineas , & cornua Bessi ,
 Thoraces Arabum , cydaresq; , tubasq; , jubaç; ,
 Ingenti cogamus acervo ;
 Ferte meas Aquilas , pulchrisq; coloribus aucta
 Signa Ducum , belliç; figuris.
 Iam frameas , jam pila fero respersa cruore ,
 Iam sclopos , galeasq; , spathasq; ;
 Et quid quid Marti sacrum fert Caucasus usquam ,
 Una deponatur in ara.
 Pyramidum superet molem , Siculoq; sepulchro
 Invidiæ , sit machina crescens ,
Quam centum Geticis prætexet laurea sertis ,
 Æterno MICHAELIS honori.
 Dixit ; & armigeræ simul assensere cohortes ;
 Porrectum sub sidera culmen ,
 Ut divos tegeret Manes , vel in aggere tanto ,
 Ut solium probus occupet Heros .

ODE

ODE XXXV.

Eidem Mochiloviam non educto de vaginis ferro, & Raczkowiam exciso Turcarum præsidio Heroica agilitate occupanti, Russia lacrymis adstipulatur.

Si voluptatis fuit ansa quædam,
Gesta dilecti revocare Patris,
Svavè, quàm nobis meminisse, Ductor
Quos tulit æstus!

Quà manu Dacos, agilesq; Turcas,
Quà Cosacorum genus inquietum,
Et Scythæ Russos populantis agros
Cornua fregit!

Quam potens Thraces, Mochiloviamq;
Ense vaginas patiente, solis
Nutibus jussit tolerare magni

Sceptra IOANNIS!

Quo Gelonorum numerosa signa
Impetu fregit, penitusq; cladis
Nuntio presso, dedit arma Raczkow

Militis iræ!

O 2

Lenit-

*Lenit amissæ mala damna lucis
Prisca pupillæ species recurrens;
Et vices fratris vaga luna pleno*

Lumine reddit.

*Pensat erepti grave vulnus oris,
Savitas crebris iterata verbis,
Ac amor dulcem Pyladem dolenti*

Reddit Oresti.

*Castor alterna radiare luce
Iussus, absentis sibi mite sidus
Fratri affingit, nimioq; fratre*

Mulcet amores.

*Sic graves semper juvat illa luctus
Forma, victuro memoranda sensu,
Quam parentali sibi vis honoris*

Pectore fixit.

*Quas tulit laudes, ubi sedit, & quâ
Fronte pollebat, quibus affluebat
Gratijs; multum gemitus relicti*

Lenit amici.

*Tanta si parvis speciebus est fors,
Atq; privatæ rata cura vitæ;
Quos feret luctus Patriæ salutis*

Publicus Author?

Ibimus

L Y R I C O R V M

109

Ibimus , quâ Mars generosus ivit
Parte RZEWUSCJ , quibus in Budenses
Passibus campos celeravit , & quo

Substitit orbe?

Ibimus , qua DUX metuendus ense
Irruit Thraces , profugosq; Parthos ,
Iunxit infecto Serethum cruenta

Clade Tibisco.

Quâ capillosos , jugulis inhærens ,
Tartaros victor gladio totondit ,
Atq; dispersam canibus per agros

Siverat escam.

Daciæ pingves necibus paludes ,
Stagna compulsi sub aquas Alani
Artibus , crebro Scythicas replevit

Aggere sylvas.

Ibimus , quâ gens fera Moldavorum
Cinxit ALBERTI , rapuitq; castra ;
Sed Duci nostro luit insolenti

Sangvine pænas.

Qui Polonorum veteres recenti
Cæde Dacorum tumulos inultus
Vindicat , cæsi memoranda lustrat

Funera Regis.

Ibimus;

Ibimus; sed jam satis attinetur
 Luminis mæsti pluviosus humor;
 Tempus, ut largis cineres beati
 Fletibus undent.

Ille ferali tumulatur urnâ!
 Qui Getis claras Lechiæ redemit
 Mortibus laurus, & adhuc timendo
 Fulgurat astro!

O D E XXXVI.

*Eidem ad oppidum Zorawno DUCEM Tar-
 tarorum cum exercitu, donec Regiæ copiæ acce-
 lerassent, dextro stratagemmate sustinenti, ac
 tandem obfesso a Turcis Regi subsidia ferenti
 per ipsa castra Turcarum, liberata Regia Ma-
 iestas ferta perennia necit.*

Comportet orbis, ut corymbos bellicas,
 Sic proba ferta mihi,
 Laurusq; præceptas Getæ;
 Qvibus fidelem grandibus sceptris Virum,
 Armigeramq; manum,
 Vincire supremus labor.

Quibus

L Y R I C O R V M

III

Quibus timendum Thracibus semper caput ,
Emeritusq; cinis ,

Pulchrâ coronetur vice.

Huc , huc comatas ferte Musæ laureas ,
Quas lavat humor equi ,

Victrice pulsus ungulâ ;

Quas fronte vester aureâ Phæbus tulit ,
Ardua colla domans

Squammis cataphractæ feræ ;

Sed laxiori fronde , quam cum Delphicas
Victor honoriferis

Intrabat arces plausibus ;

Ut Martialis sint capaces cassidis ,
Belligeramq; comam ,

Ambire possint debite .

Actæa tela , Gnossios arcus humi
Ad monumenta DUCIS

Reponat , & gratam chelym ;

Ut solus illis applicet sertis manus ,
Quæ sacer implet apex ,

Quæ frons Olympi porrigit .

Secuta Phæbum stirps Tonantis inclyta ,
Ut solet arma ferens ,

Pallas minaci cuspidè ,

Quæ

Quæ bellicoso dum videt RZEWUSCIO

Funera magna trahi,
Recinxit arma luctui.

Et quas Mycenæ, quas Pelasga classica
Contribuere Deæ,

Illi, coronas, devovet.

Excindit oleas, mite baccarum nemus,
Nexilibusq; thoris,

In ferta canorum jugat.

Mox posthaberi penniger Cyllelius,
Et sua dona ratus,

Tondet capillosum Arcadon,

Cogitq; Daphnen nobiles sylvas dare,
Quas Tegeæa juga,

Quas Regna servant Thessala:

Quâ svevit, imò, gentibus pacem suis,
Fronde referre, simul

Jllam coaptat laureæ;

Nec sic quiescit; quid quid Alpheus sacræ
Nutrit Olympiadi,

Aût servat Elæo Iovi;

Vel quas reportat laureas, adhuc puer
Curriculis, & equo

Vinctis Alexander comis;

Solers

Solers Atlantis colligit passim Nepos,
 In diadema novum,
 Decusq; crinis Martij.
 Nysæa saxa frondibus, Taygeticos
 It spoliare celer
 Colles corymbo flexili;
 Et quo severas ipse svevit Hercules
 Dux redimire comas,
 Extorquet apium Græciæ;
 Hæc ergo serta concidens Heros feret,
 Accumulata Getis,
 Ponti, vel Istri laureis!
 Qui Tartarorum signa Marte strenuo
 . Longius attinuit,
 Vim præstolatus Regiam;
 Nunc arma sævis imminentि prælijs
 Objiciens Scythia;

Nunc arte ludens bellicā;
 Donec Zoranvi Rex adisset oppidum,
 Atq; Polonus Eques,
 Fastu gravati Thraciæ.
 Quamvis iniquam, movit hic sors aleam,
 Sarmatiæq; caput,
 Cinxit corona ferreâ;

P

Premente

Premente nostros undequàq; milites,

Thrace, Dacoq; simul,

Spes una tunc RZEWVSCIUS:

Per castra prorsus qui Getarum, congruam

Auxiliator opem

Regi tulit perterritio.

Illi, quot Arctos nostra laurus educat,

Quot vetus aula Lechi,

Debemus, illi, Satmatæ :

O D E XXXVII.

Eidem in Valachia Duci Regimentario, ad oppidum Zmurec 5. mill: Turcar: 4. Tartaror: item ad fontem Strahan. innumeram Barbariem profliganti, Valachia funebrales auget triumphos.

Tantane de magno, restat nisi, nomine moles,

Quàm brevis urna capit,

Et parvus involvit cinis?

Sic terris placidi riget inclemensia cœli?

Invida fata viris,

Nullo cōercentur modo?

Quis

Quis tantum licuisse putet mortalibus umbris?

Sidera magna sagi

Ambire tristi funere?

Et secere tamen, nimiā dum luce calentem,

Quo minus omne jubar,

Tulere de vivis Ducem:

Qui tot barbaricis populosas mortibus Urbes,

Ossibus arva replens,

Nestor merebatur canī;

Nam quos in jugulis Scythiae præciderat annos,

Annumerare sibi

Favore justo debuit.

Qui juga Mołdaviae pallente cadavere texit,

Vastaq; castra Getæ

Centum subegit cladibus;

Zmuria Tartarico, Turcaeq; cruore trophæa

Millia dena metens,

Mucrone forti tinxerat.

Ac iterum sitibunda necis dum prælia tentant,

Sangvine Thraca suo

Offundit ad fontem Strahan.

Hic vi succubuit mortis! quæ fulmina Paræ?

Quot meruere minas?

Lex ista ni cunctos premat.

Plangite siderei vultus, pia Regna Polorum,

Funereasq; faces,

Accendar æther squallidus!

Vestrum, nempe, jacet tumulato lumine s; dus;

Et propè luce poli,

Quid plus, ademptum est Patriæ.

Sæpè diem pro sole dedit, dum funera noctis,

Cimmeriamq; stygem,

Ardore mentis sustulit:

Viximus influxu radiosí sideris omnes;

Vis pretiosa manūs

Pectus trahebat Civium.

Plangite Sarmatici præstantia robora Regni,

Quæ generosa Ducis

Virtus trophæis imbuit!

Hic jacet! Emonios vobis servire Tyrannos,

Barbariemq; feram,

Qui jussit armorum metu;

Ad Serethi perrupit aquas; Tanaimq; bibisset,

Ni Libilitina gradum

Summæ stitisset indolis.

An, non emeritos saltim bene flere triumphos?

Et gemuisse decet?

Si plus negarunt Numina?

Belligeri

*Belligeri cineres, lachrymâ tingente, vigescunt;
Fusus abunde crux,
Amat refundit fletibus..*

ODE XXXVIII.

Eidem in oppido Zwaniec hostile præsidium exscindenti; & eadem die 6. mill: Tartarorum ad internacionem delenti, ad arcem Cameneciam 5. mill: armatae plebis debellanti; Turcarum, Moldavorum metuendo Fulmini, Camenecum Regna in luctum concitat.

Ille mei columen, fortunaq; maxima castr! :

Quo Duce certa salus,

Rigore fati stringitur?

Ille vagos toties compescens milite Thracas

Mænia nostra propè,

Terrore replens Tauricam;

Seu cùm præsidio Zwanecchia valla tuentem,

Fulminis instar adit,

Et cedit exangvem Getam;

Seu cùm Barbariem numero robore fultam;

Millia sena fere,

Profligat Heros arduus;

Seu

Seū cūm fædifragæ plebis, nascente tumulu,
 Obvia signa tulit,
 Multo potitus sanguine;
 Urbis ad excidium nostræ, cui porta fugacis
 Plebis aperta metu,
 Jam tunc patebat vindici;
 Ille mori potuit! quem virtus ardua belli
 Militiæq; labor,
 Optavit æternum sibi?
 Plangite defensi Boreali Theutones ense!
 Cæsare clara fleat,
 Nectens cupressos Austria!
 Quas Parthus, quas Panno ferox in vincula dextras
 Non trahit, ultrò Duci
 Lugubre pectus verberent.
 Imponant feretro laurus, fractasq; sarissas
 Queis pepulere Getas,
 Instante vi RZEWUSCIO;
 Emonios arcus, Arabes ferat Istria peltas,
 Funera tanta decet
 Ornare signis bellicis;
 Mecum Regna germant, quæ Carpathus ambit & Alpes;
 Quo viguere throni,
 Ductor jacet par Herculi!

Flete

Flete rigoroso gemitu, qualemq; Gradius
Ipse dedisse volet,

Nutrita castra laurcis !

In Scythiam, Dacosq; comes, Pangæaç; lustra,
Tristibus ora fretis

Offundat Heros Lechicus.

Quo Duce, barbaricas acies, quo fregerat Arcton,
Vindice colla pede

Thressæ premebat Cynthiæ ;

Dux, vel si peteret, gelidum transasset Araxem,
Et freta rubra Maris,

Phasinq; miles Colchicum:

Nunc lachrymis exhaustus eat, planctuq; fevero
Pectora pulsa sonent,

Extrema belli munera ;

Plangite Podoliæ populi, Prutumq; bibentes,
Edomitumve Tyram,

Gives Rutheni lugeant ;

Quos toties Otry, toties exemerat Hæmo,
Nullaq; damna quibus

Inferre passus militem.

Threjicij quoq; flete Duces ! quos ille modesto,
Gum subiere jugum,

Usus triumpho, dejicit.

At

At vos Pierides quali lugebitis amne?

Vix Aganippis aqua

Explebit oculi debitum;

Nec satis est fleuisse; simul discerpite crinem:

Pulvere sparsa coma

Per colla neglectim fluat;

Sidonio de more genas lacerate, gravesq;

Det furibunda manus

Ictus cruento pectori;

Flete virum mæsto volucres Helicone receptæ,

Thressia ploret avis,

Cygni gemant Permessij;

Fient Cives, & Regna Lechi, rutilæq; Polorum

Immaduere genæ,

Orbis gemit RZEWVSCIO.

O D E XXXIX.

*Eidem ad oppidum Lopuszno ultra sylvam fagorū
Turcas, & Tartaros felici Marte superanti, ad
Soczaviam 7 millia Scytharum fundenti, glorio-
fissimo victori Prosapia Illustrissimæ RZEWU-
SCIORUM Domus dat gemitus grandes.*

Plus mihi lugendum reliquis; ut sentiat Orbis
Vulnus id esse meum. Esse

Esse meos gemitus, & tristis munera svadæ;

Quid quid ab inde venit.

Qualicunq; madent socialia regna dolore,

Funus id omne meum.

Lugubres fundunt quævis mihi mænia nimbos;

Lachryma quæq; mea est.

Scilicet insignem cognato sanguine Gentem,

Plus genuisse juvat.

Hæc Genialis honor jubet esse piacula mortis,

Patritiusq; favor.

Augusto Proavum connexæ fædere mentes,

Hoc meruere decus.

Quis mihi sufficiet fluvius? quæ frigida Balthis

Sat cumulabit aquas?

Quæ par offundet tumulos, cineremq; Sagati

Lachryma justa Ducis?

Mille oculos bustis, & aquosæ flumina Vendæ,

Res mea mille petit.

Aut quod Echioniam sepelivit fluctibus Hellen;

Innatet ora salum;

Aut quod ab Icario, contraxerat æquora, casu,

Lechica fata float.

Nam quæ luctiferis stillant humoribus undæ;

Parva querela mihi.

Q

Vulgares

Vulgares gemitus lachrymis satiantur amaris ,
Eggeriturq; dolor;
Heròum fatus majori munere flendum ,
Quo magis ipsa gravant.
Sed neq; fæcundum portu septemplice Nilum ,
Nec vada Cœa petam.
Non qui gemmiferos Ganges circumluit Indos ,
Divite fonte cadat:
Et qui de gelidâ Rhodopes nive solvitur imber ;
Barbarus esset honor,
Otrysius , Scythicusq; crux, quo Dacica fagus ,
Quoq; Crimea palus ,
Quo rubet exuvijs Thracum spoliata Lopuszno ,
Longius arma trahens ,
Et nitrio nostras affligens igne phalanges ,
Sed tamen inferior ;
Quo cæsis septem Soczavia millibus Ortus
Undiq; tintæ fuit ;
Hic nisi perpetuo RZEWUSCIA funera rivo ,
Sive Propontis aquis ,
Aut Thetis affuso jugulorum Caspia tabo
Turgida flere potest ;
Addimus id lachrymis, Siculumq; rependimus æquor :
Sic nisi justus honor ,
Sic

Sic merito claros plangemus gurgite Manes.

Stet rubicunda Thetis;

Et rursus fortem pelago deploret Achillem,

Vel Simoëntis aquis;

At Larissæis potior radiare triumphis

Dux fuit iste meus?

Nam Chalybis duri, longè patientior illo,

Fortius arma premit.

Nec Scyro latuit, nec solis notus Achivis,

Plurima regna domat.

Et Macedo tremefactus Athos, dum Pannonia vincit,

Dalmaticosq; sinus.

Quò raperis gemiture dolor? jam fletur ubiq!

Astra liquantur aquis!

In lachrymis sacra busta natant, tepidisq; nepotum

Amnibus ora madent;

O! decus æternum Lechia! palmaribus orbem

Sæpe remensus equis?

Sic aliquo tandem patieris funere tangi?

Sic tua dextera vacat?

Nec centum redimi Getici vis cladibus Ortus?

Nec regione Scythæ?

Sed patiere tamen nostris altaria busti,

Immaduisse genis.

Q₂

Ex

Et genus, & mæftæ suspiria conjugis ægra,
Sentiet usq; cinis.

Decumbit simul alta Domus, tumulumq; relaxat,
Magna ruina Patrum.

Nempè quis aut Heros, aut gens vixisse, superstes
Te moriente volet?

O D E XL.

*Eidem ex consilio Buczaczensi ad castra profici-
scenti, cum aciem contra Turcam in campis Ca-
meneci instrueret, paralyfi tacto, Leopoli mortuo,
litigium Mars Morti in foro Themidis Leopo-
liensis intentat.*

Abstine nudo Themis alma ferro;
Consulum nusquam rigeant secures,
Non reus tristis, neq; licitor audax
Sangvine manent.

Rusticas scimus, reticente lege,
Ferias mortis, quibus illa grandes
Cote ferali metit asperata

Falce triumphos.

Scimus

L Y R I C O R V M

187

Scimus urbanas , male nundinantis
Ferias Parcæ , qvibus insolutas
Sangvinum merces , pretiumq; vitæ
Tollit avara.

Tu vide Clotho , (dabis id dolori)

Ne quis hâc usquam moriatur horâ;

Integer tanti pateat Ministri

Manibus orbis.

Sic triumphabit ! nec agente quoquam ,

Parca securō pede per cruentos

Jbit umbones , vigilemq; fallet

Militis ensem ?

Sic ubi dextrum latus , & sinistrum

Strenuis Ductor generofus armat

Copijs , quæ frons , quis adacta , mandat ,

Agmina claudet ;

Qualis adversum petet hasta Thracem ,

Quis feret sangvis violentiores

Impetus , & quo Cameneca rupes

Marte dometur ;

Sic ubi fortes coiêrō turmæ ,

Mille propendent aquilæ minaces

In Getas , morti medios per enses

Ire licebat ,

Vig

Vic^z lethali paralysis , artus

Atq^z bellacem gelidare dextram ?

Quæ tot hostiles animosa semper

Contudit iras ?

Tende victorem , metuende Mavors ,

In feras arcum , calamosq^z Parcas ,

Quæ caput belli temerare s^ezvo

Funere passæ.

Aut rigorosis , sua ne graventur

Iura balistis , gladioq^z vinci;

Provoces ad jus : Themis utriusq^z

Iudicet ansam.

Helluo vitæ , fera prædo bellî ,

Mars

Hoste majorem , jaculoq^z quovis

Stravit Heròém , nimis ausa multùm

Parca nocere.

Iure , quo summos mihi Principatus

Fatium

Aggredi fas est , spatiofa castra ,

Atq^z robustos Ducis imperantis

Tangimus artus.

Ius in humanas tibi scimus arcès ,

Mars

Et mori viles animas minorum

Civium , sed non in eos , Deorum

Quos honor ambit.

Vitrex ,

Vitreæ, quos fert levis aura, vitæ,
Pulverum fratres, luteæq; matris
Subjacent letho, cinis ille parvus,
 Séu foret ingens.

Fatim

Igneæ mentis, superoq; Ductor
Spiritu felix; quid humi jaceret?
Cana, cui pulvis nisi Martialis,
 Tempora comit.

Mars

Non ego feci; priùs obstinatæ
Febrium vires, sitis ora torrens,
Aggregi tandem paralysis ausa
 Pectoris arcem.

Fatim

Sed tibi jurant, tua cura morbi,
Hoc mihi solo rea judicaris,
Quod simul tantas acies malorum
 Ipsa fecuta es.

Mars

Quem simu[m] mater tenuisse primo
Fertur, hic semper mihi præda vivit,
Hocq; quo vitam, simu[m] haurit infans,
 Uberc mortem.

Fatim

Credo mortali genitrice natos
Obrui fato, sed is est creatus
Siderum Patri, Dominæq; matris
 Sidera fixit.

Astra

Astra ferali quoties tributo

Fatūm

Eximunt Divos, mihi nota lex est,
Et meus semper lapis imperata

Quæq; capeſſit.

Jure communi Deus astra cefſit,

Mars

Quando victores animos adegit

Pectori magno, specialis an rex

Deroget illi?

Vivit æternus, cui mens Polorum,

Fatūm

Et triumphales animi, ſalutisq;

Occidunt nunquam, cùi pulchra famæ

Sidera lucent.

Fer Themis legem, mihi prompta tela,

Mars

Jus sagittarum cohibebit effrons

Crimen, attracto ferietur arcu

Hostia Marti.

O D E XLI.

Eidem Armorum Decori maximo, Lessum parentale Lithuania deponit, eius victorys accensa.

Borealis jacet ingens metus hostis;

Jacet Arcton, tot acervis populatus,

Geten, Hænum, dominanti pede calcans

Rhodopenq;!

In Araxen

In Araxen ruiturus, vel Edós,
Nisi fatum Ducis æstus tenuisset,
Quod iniquâ nece magnum tumulavit

Domitorem!

Ubi tristes genâ nimbi? querulosæ
Ubi lymphæ? quis ademit pluviorum
Mare mæstum, Notus audax, vel Iapix
Oculorum?

Dolor ingens morienti prope cordi,
Grave vulnus truculento tulit iætu,
Glaciali nive fluxas sttit undas

Lachrymarum!

Ut nec ullos queat umbris dare planctus,
Neq; tingi fluviali vice lumen,
Pius humor miserorum perit omnis

Populorum.

Decus impar foret undis, lachrymæq;
Animosí Ducis artus madidasse,
Thetis æquor nigra fundat, cineresq;

Lavet ipsa.

Sed & orbis lachrymoso juvet imbre,
Ubi nostri tonuerunt Ducis arma,
Ubi bellax minitantis radiavit

Iuba cristæ!

R

Flet

Flet Alani liquefactus humor Hebri ,
 Rhodopææ maduerunt juga brumæ ,
 Ferus Ister vaga magno reseravit

Freta luctu.

Eques audax Litavorum calet irâ ,
 Ope belli cumulatus , titulisch ,
 Movet hastas , quatit enses , in Olympi

Furit arces.

Famulanti proba Balthis flet arenâ ,
 Sacra castæ vitra Vendæ , pelagusch
 Flet ab Arcto glaciali , gemit Oder

Bugiusch.

Fluit in nos Iachrymosum simul æquor ,
Quibus æquè Cynosuræ decus ingens ,
 Honor , & lux , favor , & spes vice flentur

Ducis ægrâ.

Age Ductor pie , nostros pete luctus ,
 Iovis instar bibe nectar lachrymarum ,
Quod avitis tibi noster cumulavit

Dolor undis.

ODE

ODE XLII.

*Eidem ad Turcarum Imperatorem Legato Magno a Republ: Polon: in causa Tractatus pacis Ne-
reus e Bosphoro Constantinopolim affluente , ap-
plaudit.*

O Rbem Polonæ , pectore Tydeo
 Legatus aulæ , qualis Adraſtia
 Portabat in Thebas trophæa ,
 Ad Getici populosa Regis
 Cùm ferret Heros caſtra RZEWUSCIUS ,
 Multo Gelonos jam ſibi cognitæ
 Horrore famæ , Baſtra multis
 Ac Asiam tremefecit aſtris.
 Effusa denſo corpora civium
 Stetere muro ; plebs animosior
 Jam tela , jam miratur enſes ,
 Jam rigidæ proba signa frontis ,
 Et læta ſpectat , quod amuit priūs
 Vultus ſerenum . Bophoreos ſinus
 Tunc Rex aquarum permeabat ,
 Concilium domino tridente

R 2

Dicturus

Dicturus undis; qui simul audijt,
 Quis intret Urbem, quem populus gravi
 Et Aula Bizantina cultu,
 Quem Proceres venerentur Ortūs,
 Erectus alto Nereus æquore,
 Ut est comarum in colla fluentium,
 Orisq; vasti, frontis amplæ,
 Et patula spacioſus urnâ,
 Exlex capillis, populeâ caput
 Cinctus corona, squammigeros greges
 Præ ſe fatigans, turbidoq;
 Navibus infidiatus Euro;
 Cûi laxa prætant carbasa porticus,
 Et picta ſerto puppis eburneos
 Toros & auguftale concha;
 Diva Ceres agitata fluctu,
 Puerq; Regi Triptolemus ſuo,
 Ut & Priapus pomifer affident,
 Nymphæq; rorantes, & Iris
 Hinc variæ propè nant carinæ.
 In vota Princeps undiq; ſubditos
 Accire fontes, & fluvios jubet,
 Pontumq; Thyrrenamq; Tethyn,
 Ionios, Siculosq; fluctus,

Et

Et quidquid usquam fluminis , aut freti

Nomen meretur ; jussa celer sequi

Cōit deorum multitudo ,

Æquoreis opulenta regnis.

Quos ille , sceptro mitius annuens ,

Ut considerent , talibus admonet ;

Scirent , quid Euxinum bibenti

Moldaviae , Scythiaeque portent ,

Quid Gaditano , quid Siculo salo

Vicina possint mænia discere ,

Quid regna Phasi , quidvè Xantho ,

Quid Rhodano , Tanaique pota ;

Venisse multa Martis adorâ ,

Regniisque cinetum flore RZEWUSCIUM ,

Venisse , scirent , Sarmatarum ,

Et gemini decus orbis ingens ;

Hic , ille , Græcis urbibus influit ,

Hunc bellicosæ Rex Asiae colit ,

Auroque , gemmarumque lucro ,

Et medio propè pluris Ortus ,

Suique juris Regibus æstimat ;

Hic , ille , navim Sarmaticæ rei

Gubernat aurato rudente .

Consilijs , gladiisque Typhis .

Orator Arctos , promovet igneâ
 Petita Regni mente , stupentibus
 Getis , & arresto Tyranno ,

Qui toties sua Tauricanis
 Ductor tetendit carbasa cædibus ,
 In vorticoso sanguinis æquore ;

Praxis trophæorum perita
 Ionium superat profundum.

Hoc in natantes Americæ feram

Urbes & oras; hoc ego littori

Narrabo Nomen Mexicanø ,

Oceanus proba gesta discet :

Vos in remoti regnaq; castraq;

Mundi , capacis ferte Ducem sagi ,

Quamcunq; vel torrens , vel æquor

Tingit aquis , reficitq; terram ,

Docete magni sertæ RZEWUSCIJ;

Canat propinquis Adria Regibus ,

Præceps trecentas obsequenti

Danubius vhat amne laurus ,

In Martialis jugera Theutonis ,

Hunniq; colles , & Daciæ juga ;

Quæ turbulenta Balthis errat ,

Quæ tumidos Aquitana Tethis

Egisse

Egisse fluctus gaudet, opes sonent

RZEWUSCIANÆ, sit bimaris licet

Corynthus hinc procul, sit ardens

Erydanus Phætonte laps⁹

Remotus undis, sit Tagus aurea

Felix arenâ; nil oberit, sciānt

Quæ mando, victurasq; laudes,

Armaq; Threijciasq; palmas,

Mentisq; doctæ consilium grave,

Ubiq; clangant; quanta supercili

Jlli⁹ effulget voluptas?

Quis, jubeant ubi bella, terror?

Ut otiali nescia, classicis,

Ferroq; virtus pascitur, ultimo

Narretur orbi; dixit: omne

Imperium citò complet æquor,

Cantatur udo Balthidis accolæ,

Cantatur Afris civibus, & nimis

Ustæ Syeni, laurearum

Atq; Sagi decus acre Ductor.

ODE XLIII.

Ad Fontem Solis Eucharistici pro fine Libri primi.

AD Te nectarei fluminis ostium,
Æquor mellifluis amnibus enatans,

Ad Te nostra recurrit,

Parvæ gloria sepiæ.

Ut sphæra niveæ clauderis Hostiæ,

Sic gyrant celeri carmina circulo .

Et quocunq; vagentur ,

Ad metam properant suam.

Tu dulcem Cytharæ sufficis entheum ,

Tu Cæli Digitus lene moves melos ,

Miti verbere tangens ,

Vatum fatidicam chelyn.

Vix primum subiit pagina limitem ,

Musarum trivio , Te lapidem jacit ,

Signatura latente ,

Chartas & Studium DEO.



LIBER



LIBER SECUNDUS LYRICORVM ODE I.

*Ad Regem Regum in Eucharistici Panis
Imperio latentem.*

REx ille Regum ? Cæsaribus Caput ?
Corona Mundj ? Gloria Siderum ?
Ingens trophæorum lacertus ,
In modica jacet arce clausus
Aræ , vel arcti sede Ciborij ?
Captivus auro pyxidis aureæ ,
Serâq; munitus minori ;
Papilio , nive candicantis
Est Sphæra Panis ; Quo latet abdita
Vis Summa Cæli , quo Superûm Ducem ,
Velata Majestas còercet ,
Qui tenui capit orbe Numen.

noN

A

Quem

Quem Regna terræ, quem nequeunt Poli
 Arctare fines, qui digito sua
 Metitur astra, limitari
 Se patitur breviore circo.
 Arx est in ara; dat solium Calix,
 Et tela mollis, muricis est loco;
 In Pane pæan, Doricarum
 Ipse sibi vice victimarum
 Augusta victis hostibus hostia.
 Pro Sole parvâ Lampade, vel face
 Contentus unâ, cûi polorum
 Siderei famulantur ignes;
 Cur ergo tantis Mars legionibus?
 Cur tot coactis Regna cohortibus,
 Crudele portentum Gradivi,
 Sarmatico minitantur Orbi?
 Cur in Polonam Barbares necem
 Exasperatis agminibus ruit?
 Totiq; formidandus Arcto,
 Innumeros Aquilo maniplos
 In arma dicit? Taurica Civibus
 Exhausta tellus, Bosphorus insolens,
 Istriq; Propontisq; ripæ
 Belligerò vacuata vulgo;

Non

Non sic sarissis, quam numero gravis;
 Magisq; Lechi frugibus, & bonis
 Infesta tuis, quam Gothorum
 Oppositis metuenda telis.

Quid Vandalorum? quid querar Esthonum
 In arma tractas ire Monarchias?

Finnasq; , Norvegasq; vires
 Occiduae fera castra Tethys.
Quæ bella? vel quos Balthicus evehit
 In nos furores Nereus? & quibus
 It retrò dimotus triumphis,
 Scuta ducum, galeasq; volvens?

Quas Panno clades? quas Alemannius
 Molitur hostis? sufficit omnibus

In damna, gens attrita Lechi,
 Quondam Asia, Lybiæq; terror.

Sic quisq; magnis promovet ausibus,
 Ferrisq; nisu, quod jubet ambitus?

Sic pube stipantur Tyranni,
 Ut validas sciat Orbis iras?

DEUS modestâ vite, vel hostiâ
 Regnum coerces; nullus eques nitet,

Nullæ Sarissarum Coronæ,
 In tenui situantur ara.

Huc fastuosos flectite vertices,
 Huc colla Reges, Marte pedissequo,
 Stipante bellorum catervâ;
 Sceptra simul, galeas, & arcus,
 Clavas, & enses, & diademata
 Usumq; palmæ, scutaq; ponite,
 In Regis æterni trophæum,
 Quem cohibet cerealis aula.
 Qui sceptra tristi compede mancipat,
 Cui superbas fert manicas eques,
 Aicusq; confringit Gelonos,
 Ac Arabes premit igne peltas.

O D E II.

*Illusterrissimo D. STANISLAO, MATTHÆO
 in Rozdof RZEWUSKI, Palatino Podlachiae,
 & Campi Ducori Regni, Maximi Pa-
 rentis, Maximo Hæredi.*

Palatinus Honor.

PUlsavit arcem Lechia Regij
 Honoris, & mox sponte adamantinus

Car-

L Y R I C O R V M

5

Cardo recedens , Dignitatum

Magnificam patefecit Aram.

Ibi calentūm præmia frontium ,

Et Martialis sidera dexteræ ,

Palmæq; , vernantesq; laurus ,

Armigeris saga nexa Clavis ;

Ibi trecentis Curia tænijs ,

Rectiq; dives Scipio censibus ,

Favor Coronarum p̄ennnis ,

Ac equitum jacet ordo certus..

Arae , superbis fultus adoreis ,

Honor decorâ mole supercubat ;

Multūmq; desudat capaci

Emeritas redimire frontes ,

Ambage ferti ; nulla quies Deo ,

Hunc purpuratis fascibus applicat ,

Illum sigillis , hic Coronam ,

Ille Togam capit , aut Tyaram .

Vix ara votis sufficit ; & cui

Priùs faventem deferat aleam ,

Ignorat , oppressus frequenti

Officio popularis æstus .

Nec forsan incus tot Lypareja

In signa par est , debita malleis

A3

Vir-

Virtus hebescit, dignitate
Assiduos repetente fasces.

Respersa belli pulvere Lechia,
Quæ sola præsens vidit, & ambijt
Tuos in hostico labores,
Huc Aquilis citò vecta pergit,
Tardas honorum conqueritur vices:
Quòusq; tanti stat pretium Viri
Extra Palatinas curules?

Quis melior tua ferre dona?
Quis præmiorum censibus erigi?
Nullus Gradivo, vel capulis honor?
Spes lenta torpet, bellicosas
Cum decuit recreare dextras?
Cæsis, Adrasti munera, Tydeus
Meretur Urbis Regibus, ac jugis
Cruore Thebarum refectis,

Quas valido populatur armo.
Armata virtus, ut sibi bellica
Venire gaudet sëpe pericula,
Sic optat insignes honorum
Militie cumulare dotes.

Noster cruentis non nisi prælijs,
Durosq; natus ferre RZEWUSCIUS

Mar-

L Y R I C O R V M

7

Martis labores ? sola cassis ,
Aut clypeus , sua vota stringet ?

Assurge tandem , dignaq; strenuæ
Herois offer præmia dexteræ ;

Me teste sudavit , Gothorum ,
Ac Scythiae benè notus armis.

Adhuc volebat Lechia dicere ,
Et quodq; primum sumit honor decus ,

Tuos redempturus labores ,
Arma , salutiferumq; robur

Invicte Ductor , jam proba Curiæ
Regni Ministro munera destinat ,

Jam jus Palatini Senatûs ,

Jam Dominæ Celestina Clavæ.

Et plura mundi sidera præparat ,

Quæ Tu quieto pectore præteris ,

Ratus labori majus esse ,

Quam titulis , trabeisq; pondus .



ODE

ODE III.

*Eidem Imperatori Campestri Exercitūs Regni,
 Magno Hostium Terrori.
 Clavae Ducalis Maiestas.
 Ad recuperandos Sarmatiæ limites.
 Omen felicissimum.*

ME purpuratis fert avium Lechi
 Regina pennis, & Superos prope
 Enixa conventus Polorum,
 Remigio qvatientis alæ,
 Incusat audax Lechica sidera
 Regesq; stellas, quæ prope Martium
 Stetere sidus, & rubenti
 Grande solum nimis igne terrent.
 Frustranè vobis porrigo fulmina?
 Exhausta telis Lemnos, inermis est;
 Vix est, quod irato Tonanti
 Exhibeam, nisi mite fulmen;
 Et nulla terris Laurea fronduit?
 Nullus Polonis æstuat ignibus
 Accensus Orbis, his ad OEtam
 Propulerim fera bella flammis.

Arant

Arant inulti Sarmaticos agros
 Nostris Geloni Civibus, & graves
 Trahens catenas messor, atro
 Falce Lechi, secat arva Partho.
 Nam quā Threissus Sol Ocakovias
 Detexit arces, prataq; littori
 Ostendit Euxino, Polonis
 Nigra Thetis famulata sceptris;
 Vectasq; Russis s̄epe celocibus
 Per evagantis vitra Borysthenis,
 Istrumq; bellacem, Tyramq;,
 Jonio, Scythicoq; ponto
 Fruges adegit, nobilibus retro
 Colchi, vel Indi splendida mercibus;
 At cūm catenaret nivales
 Bruma, gelu subeunte, ripas,
 Gratas Eleusi plausta trahunt opes;
 Nunc, nunc Gelono censibus improbis
 Servit Tyranno! Bistonesq;
 Barbarico colit ore Lunas.
 Mox Tauricanæ spectra Propontidis
 In Budziacenses colluvie ferā
 Fluxere campos, & fugaces
 Arcubus impetere damas.

B

Fru

Frustranè Lecho sangvine Rossias

Mercatus Urbes, Danubium suo

Adjunxit Orbi, JAZYGESq;

Sarmatiæ sociavit Audax?

Frustra Polono contudit efferam

Mars Chersonesum milite, quam suæ

Sic decoloravere cædes,

Ut rubei Maris instar iret?

Frustra cruentis Dacia cladibus,

Et liberali cæde Valachia

Afferta? jam Pluto superbos?

Et Sereto tolerante Thraces?

Quid subjugatæ castra Silesiæ?

Et quos retortus dissecat Odera

Ad usq; Balthim; quid Columnæ

Theutonici Domitoris arrhæ,

Par sudor ipsis Gadibus Herculis?

Quas in recepto Sarmaticus Chrobi

Erexit Albi? num pigebit

Arma Patrum, similesq; laurus

Sequi Nepotes? quo Maris Accolæ?

Quo Balthis omni littore perdita?

Borussa quid fides Vasalli

Rege novo tumet ausplicata?

Aüt

Aût nostra Mavors regna procul vide,
Aût bellicoſo fervida pectora

Ardore Palmarum recenſe,

Exſtimulet generoſa Regum

Virtus Polonos; ſufficiam mei

Ignes Tonantis. Mars Aquilæ notans

Justos dolores, bis querenti

Inſinuat ſua juſſa verbis.

Adire terras res mea non feret,

Sed arma forti cedo RZEWUSCIO;

Scutumq; Mucronemq; noſtrum,

Et galeas, & acuta tela

Thracis Sagittæ, cedo potentiam,

Et jura Clavæ; me vice, barbaros

Invadet arcus, & revulſas

Imperio moderationi

Gentes, & Urbes, ſub Lechici jugum

Coget Senatūs, signa Mæoticos

Ultra recessus, poſt Araxen,

Poſt Tanaim, liquidumq; Tigrim

Victor movebit; Numina ſic jubent,

Hoc omen aſtri, quod mihi creditur,

Urgebo dextras Sarmatarum,

Ac animos populi feroceſ

B2

Ut

Ut pulchra current ferta, RZEWUSCIUM
Ducem secuti. Delijt, & vaga

Jam plausta strident Tartarorum,

Jam trepidum retro pulsata cornu
Servat Mæotis; Carpathus, Othryis
Saxis, & Albi, Vistula nequitur;

Et Balthis Euxino recepta,
Sarmatico cōalescit Orbi.

Tibi severum reddit acinacem

Clavamq̄ Martis, Regia mox Avis,

Et Flumen in Phlegram paratum,
In Geticas animare cædes,

Dacosq̄ contra, Mulciberem jubet.

Quām fausta nostris Numina Copijs

O! Ductor importas! Tuorum

Quæ meruit proba fama morum!

O D E IV.

Eidem Victoriosissimi Parentis, Victoriosissimo
Heredi, in Paterna Arma, & palmas succeden-
ti, ad Lopuſnam, accepto lethali propè in bra-
chio vulnere, Tartarorum & Turcarum Vido-
ri, cum Serenissimo IACOBO Cameneci expu-
gnato-

gnatori; in Valachia pedestris militiae M. D.

L. Generalissimo, Oppidi Nemec Vindicatori.

IN bella Patri, Maxime DUX venis,

Ilræ potentum non minor hostium;

Nec pro triumphali lacerto,

Substituis mediocriorem;

Sed par laborum vis, & in arduas

Æqualis æstus, Bessarabum, Tibi

Ruisse cædes; sola Divi

Anticipat Genitoris ætas,

Priorq; Campus Bithonios Duces,

Prior nivosæ prælia Tauricæ

Umbone frangendi, sed idem

Ardor in exitium perenne

Sudare Thracum, castra frequentius,

Quam chara Regni quærere limina;

Non desisse, rapta fatis,

Sed potius, bone Ductor, in Te

Transisse virtus Patria creditur.

Sic arma tractas, sic Clypeo vales,

Satur trophæorum, beatâ

Cum Genitor fruitur quiete,

Poliq; cernens è specula Tuos

In bella nîsus, fervida prælia,

Palmasq; Castrenses , datae q;

Imperium generale Clavæ;

Se gaudet in Te vivere Filio ,

Ut nil Polonis gentibus , inclyti

Per fata deceßisse Patris ,

Te Dōmino , videatur , arma

Tenente Regni. Sic nihil aureo

Decedit astro Castoris ; aureus

Dum mox latente clariora

Pro socio dabit astra Pollux.

Sic Juno fortem surrogat Herculem

Robusto Atlanti , non quod inertior

Atlas sit Alcida , sed ingens

Quod meruit sua frons vacare.

Timendus armis , & senio Leo

Cedit jugosis saltibus alteri

Regnum Leoni , mitiori

Ipsè juba viget explicatis

Per antra membris , aut validos pari

Spectans juvencos robore deiici ,

Aût bella taurorum coire ,

Et similes sibi laudat iras.

Quanto Gelenos pectore turbines ,

Et Thracas urges , Ascanius Patri

Con-

Coniunctus Æneæ ! calentem
 Hostibus evacuas Lopusnam ?
Quàmvis cruento non sine vulnere
 Hæc palma cessit , dum Tibi livida
 Glans ausa plumbi , Martiale ,
 Littaviæ Legionis ignes
 Protunc regenti , lædere brachium .
 Cessaret Ajax saucius aggredi
 Trojam minacem ; læsus ipse
 Desereret sua castra Mavors ;
Imò *vetus* *aucta* *decoribus*
Exæstuantis *gloria* *pectoris*
 Amat subinde feriari ,
 Mox alijs fruitura palmis ;
 Intensa magnis laudibus indeles ,
 Cladem per ipsam præcipitat sui
 Plerumq; vecigale fatum ,
 Emeritâ nisi temperetur
 Quietè pacis ; qui Patriæ bono
 Regnisq; vivit , non sibi , propriæ
 Augmenta contemnit salutis ,
 Commodiùs magis Attavorum
 Putans decoris mortibus immori ,
 Quàm sera vitæ ducero tempora ;

Talis

Talis relaxari solutis

Dignus amor, studiumq; curis.

Non semper armis utilis, Ilio

Ferox Achilles; Pergama Scyriâ

Evitat aula, Matre Tethy

Præcipitem cohibente natum.

Tuo labori nec mora, nec modus;

Non ulla mentem distinet igneam

Objecta ferri difficultas,

Per medios ruis acer hostes,

Perfringis Urbem, fulmineâ manu

Victor Lopusnæ, vulnera nil movent,

Parvaq; Te levante cura

In Scythicas iterum cohortes

Sub Cameneci mænia bellicas

Extendis alas, Principis intimus

Comes Poloni, Bisthonesq;

Egregio cohibetis ausu.

Hinc in rebelles, Te DUCE, Littavus

Currit tumultus Moldaviæ, pedes,

Multoq; prædonum cruento

Fædifragæ maculantur arces;

Sub nostra denso jura Nemec cadit

Nimbo globorum. Non Tibi debilis

Est

Est cura vitæ, non feroceſ
 Massagetas, Valachosq; pendis,
 Intentus armis. O! Patriæ Pater!
 O! magna Lechi lux Hyperionis,
 O! ſiduſ armorum perenne!
 Patriijs Cynofura ceris!
 Sed ecce plantas Lechia triftior
 Tuas prehendens, armaq;, poſtulat,
 Ut Te futuris Barbarorum
 Cladibus, exitioq; ſerxes.

O D E V.

*Eidem ad Turcarum Imperatorem à Republ:
 Polon: Oratori Magno in cauſa Tractatūſ
 pacifici.*

AD Ottomanni fædera Cæſaris
 Orator, ipſi Mercurio gravis,
 Firmando cum ſtatu Polono,
 Ex acie propè militari
 Caſtrisq; tendit, ſumma RZEWUSCIUS
 Laus præliorum, Moldavicis adhuc
 Calens trophæis, ore multam
 Pulvereas patiente nubes,

C

Et

Et Astra Cæli ; suggere barbiton
 Chelynq; grandem , quâ Danaos Duces ,
 Fortemq; Pelidam , Latinos
 Quâ cecinit generosa Clio
 Plerûmq; Reges ; ipse RZEWUSCIJ ,
 Apollo miles signa velis sequi ,
 Majore fas Regni Ministrum ,
 Quâ solito sonuisse plectro ,
 A quo Getarum latius imperans
 Pendebat Orbis ; Græcia juribus
 Subiecta portæ , cultiori
 Visa sibi ratione fari ,
 Ut eloquentis flumina combibit
 Oris , Polonæ cùm docuit Rei
 Legatus , insignes triumphos ,
 Et quod amicitiae perenni
 Studeret Ortus Lechia , si modo
 Certis teneri legibus insolens
 Possit rapina Tartarorum ,
 Si veteres retro cedat Ortus
 Ad usq; fines . Quâm fuit id Getæ ,
 Parthiq; terris , ac Asiæ procul
 Oraculorum vocis instar !
 Gesta docent , & adepta pacta .

Nil

Nil Tusculanos Lechia Tullios,
 Tenente pensat rostra RZEWUSCIO;
 Nil Curiarum lex Periclis
 Fulmen habet, quoties perorat.
Quis dula mulcet; prospera justius
Quis Te coercet? quis melius foro
 Decreta sancit? Magne DUX, Te
Quis potior Themidem beatam,
 Intaminatos aut dabit AEacos?
 Tuo movetur Sarmata Spiritu,
 Seu bella svades, seu Senatum
 Confilijs animare pergis.
 Audite Lechi! plus solium probae
 Debet Minervae, quam patrimonijs;
 Plus erudita mens honoris,
 Quam Patriae meruere Cerae.
 Vtcungj Mater Sanguine nobili
 Creata, fetum reddere nobilem
 Potest, vel impensa parentum,
 Vel Dominae favor altus aule;
 Sed apta Regni consilijs manus,
 Vel vi Deorum, vel merito nisi
 Floret Camenarum labore,
 Regificis adamanda Scepbris.

*Vnâ trecentos si Fabios dier
Mars tollet, unâ restituet Parens
Lucina Rome; Tulliorum
Progenies it inexcitata.*

*Et quisq; Regum pro lubitu Duces,
Augere belli, sive potentibus*

Ornare ceris, sed nec unum

*Imperiū valet arte totā
Creare doctum. Delphica Regio
Exculta laurus munere dignius*

Frondet, sed ipsius feraci

Inseritur nisi mente Phæbi.

*Tu quot dilerti sensibus affluis,
Tot magna gestas ferta Poloniæ,*

Tot aula Byzantina nexus

Et pedicas animi recepit.

*Quot ergo celsis inde curulibus
Adauctus ibis? par simul & manu,*

Et voce defendisse Sceptra,

Rex, quoties, populusq; jussit.

ODE

ODE VI.

Eidem fervidissimo ad Calissium hostilis potentiæ expugnatori.

*Umbra Sarmatica cum descriptione cladis Calissiensis implorat vindicem Illusterrimum
Ducem RZEWUSCIUM.*

SErus diei, jam face langvidâ,
Urebat axem sol, Lybicas procul
Prægressus, ad Mauros, arenas,
Occiduum feriente mundum
Temone toto, cùm Scythico redux
A Marte, notas miles in areas
Domûs Paternæ convolaret,
Sed varijs onerata prædis
Jumenta fesso pabula corpori,
Et qui ferebat fractus, herum, vijs,
Circumtuebatur veredus,
Vix per humum fluitante cornu.
Tunc prata miles non procul hinc videns,
Equos resolvi Bisfhone sarcinâ
Jubet, pharetratum virenti
Præcipitans latus in cubili.

C3

Illum

Illum recenti vulnere squallida
 Sic umbra coram, quo jaceat loco,
 Monet, sepulchralemp̄ campum,
 Cornipedum docet ære lædi.

Parumne sævis ensibus impia
 Nos pressit Arctos? Threijcis rotis,
 Equisq; vultus semivivos
 Dum cadimus, laceravit hostis?
 Ut nostra turbes, Tu quoq; funera
 Cognatus hospes? sic vigor excidit?
 Sic nullus exsolvet peremptis
 Inferias animabus ensis?

Polluta tellus cædibus improbis
 Nullo expiatur sangvine Barbaro?
 Miscemur Umbræ Sarmatarum,
 Hæmonijs leve funus umbris.

O! quanta Lechi gloria Nominis
 Jacet sub isto cespite, quem premis!
 Quis splendor armorum! decusq;
 Quot juvenum grave robur alget!

Alget cadaver nobile rusticâ
 Mistum sepulchris lege gregarijs;
 Idemq; nos obtexit agger
 Qui famulos, & equos, & hostes.

Nullâ

Nullâ notatus fronde Ducum cinis
 Assurgit; hastis, & pharetris latus
 Exarmat Istri prædo sævus,
 Non requies datur alta bustis.
Quanto tumultu diripimur Scythis!
 Non nos mucrones, non clypei tegunt,
 Fortesq; loricæ, Sagumq;
 In spolio rapientis hostiis.
 Vix nuda mittunt corpora Barbari,
 Soloq; tinctos pulvere, vel suo
 Cruore vultus, & recisis
 Cum manibus digitale servi
 Furantur aurum; viscera, proh! nefas!
 Dissecta palpat sangvineâ manu,
 Scrutatus infames rapinas
 Caſmucus, Astrahanæq; fæces,
 Manesq; turbant. Non ego dixerim
 Effusa diris calcibus ilia
 Immanè rumpi! non adacta
 Per medium jecur ire tela,
 Fixasq; lato vulnere gutturi
 Hastas, & enses, non capulo tenus
 Sedisse ferrum; quos dolores
 Expulerit morientis exti

Arun-

Arundo Daci; patria quis cadat
In arma miles, moleq; pectoris
Extingvit oppressum Corallum,

Morte feri licitatus hostis
Exangve lethum; quæ manus aera
Ultura cædem verberat? & caput

Est ense demessum; quis ægro
Irruerit violentus ictu
In ora labens? quis super incubat
Sveco? ruinâ Victor adhuc sua.

Affixus in terram quis hastâ
Longa trahit moribundus ora?
Quem grando pronum plumbea dejicit,
Ructantq; multo pectora sanguine?

Quem fulmen explosum peremit
Et miseros laceravit artus?
Quæcunq; dixi funera, non queror;
Hæc major est mors, hoc iterum mori
Me cogit, ut cognata bella
Ambiguis cecidere fatis.

Ut frater, ori fratris, iniquior
Adegit ensem; per jugulum Patris
It natus effrons, & tenentem
Fortè genu secat usq; dextram.

Ut

Ut serò frātrum cognita corpora,
Cūm morte largā jam capulus fluit!

Per arma complexi lacertos,
Congenito gemuere luctu.

Quos Mater uno sustinuit sinu,
Jam terra non vult; funera mutuis
Luctantur umbris, nec receptæ

Exanimes querulantur iræ.

Adhuc quiescis? nec Tibi vindicem
Cruenta fratrum lachryma suscitat

In arma mentem? da perenne,

Quisquis es, officium Sepulchri;

Quanquam benigni sidera Numinis
Cessere nobis, Vesta RZEWUSCIO

Quod castra Ductori regenda,

Præstiterint; Dominumq; Clavæ

Jam Thrax adorat, Bessarabes timent;
Hic funerales pector Martio

Lustrabit umbras, & severo

Inferias dabit ense bustis.

Hic nostra multo vulnera vulnere,
Cædem trecentis cædibus hostium,

Hic ossa pensabit Gelonis

Ossibus, exitioq; Ponti.

D

No-

Novi, quid acris possit acinace,
Quanto Virorum robore cingitur,
 Qui jussa vix audita Clavæ
 More Noti volitantis implent.
 Ipsos per ignes, vidi ego, quas Gothi
 Præ se phalanges, quot pepulit manus,
 Hinc, inde clade pingviori
 Exsaturans, tumulisq; campos.
Quā voce Martem, signaq; bellica
 Pertæsa pugnæ, quo stimulo suos
 Accendit Heroës, solutas
 Irruerent, ut in hostis alas.
 Legem sed ultra, longius immoror
 Vocante nostri funeris arbitro;
 I, perge, quo tendis, Tuoq;
 Verba Duci refer ista, quæso.
 Hæc umbra dixit. Miles equos jubet
 Ad fræna duci, certior hoc tegi
 Campo sepultos consodales,
 Et lachrymis rigat arva fusis.

ODE

ODE VII.

*Eidem ad Varsaviam Gotborum copias in se
audaci conatu sustinenti.*

*Syren, quod est stemma Urbis Varsav: deplo-
rat Urbis suæ ruinam, & Martiam Vir-
tutem Illusterrimi commendat.*

URBI propinquis amnibus enatans,
Spumosa vasti flumina Vandali
Auctura Syren, turbidarum
Insolita vice lachrymarum,
Sic ingemebat : *Quis Superi furor?*
Quæ fata tristes præcipitant dies?
Sic nostra Yobis Urbs pudori?
Sic veteres sepelire Regum
Amor triumphos? cur mihi credita
Sensu polorum? Numinis optimi
Cur lege consecrata quondam,
Varsavij fuit Urbs Senatus?
Jovi Curetes, vel Corybantica
Sunt Regna curæ; Juno Samon fovet;
Neptunus Ilium; venustæ
Est Veneri Paphus æstimata.

D2

Tethys

Tethys Jolcon regia diligit,
 Natoq; servat Myrmidores suo;
 Et Pallas Argivum tuetur,
 Cui colitur, galeata, Civem.
 Mihi vetustis redditia legibus
 Sedes Poloni splendida Principis,
 Inulta vastatur? pudetq;
 Barbaricos temerare fastus?
 Tot clara Regum munera, Martiæ
 Tot signa gentis, laurigeras aves,
 Vulcanus indignatus urit.
 Sarmaticæ monumenta dextræ;
 Quæ, cum superbis fræna Dragonibus,
 Ipsiq; Ponto vincula poneret
 Victor Sigismundus, cruento,
 Magnanimos populata Reges,
 Exarsit ausu. Nil Patrias opes,
 Exhausta nummis mænia, divites
 Censuſ ademptos, nil minutæ
 Virginibus memorabo dotes;
 Nil jussa largis millia luxibus
 Mensæ bibaci, nil epulas gravi
 Servire pompâ, nil petitas
 A Rhodano, Tanaiq; merces;

Aut

Aut quas remoto devehit Armenus
E subjugatae limite Patriae,
Aut quas Carinis in Gedanum
Dives Iber Mare saepe dicit;

Plus rapta nostris dona Palatijs,
Magniꝝ Regis, plus spolium queror

Aulæ Novævillensis, atqꝫ

Facta manus nimis empta caro;
Aurata Regum Marmora, quæ Rhodus,
Quæ sola rupes fert Sypileja,

Vivoꝝ suscitata gypso

Prælia pennigeræ cohortis;
Et quidquid usquam nobile splenduit,
Avara lucri surripuit manus;

Flores Eoi, rarerꝝ

Usqꝫ Chinæ, Libiesqꝫ planta,
Est præda turbæ; quidquid odorifer
Hymettus ad nos, quot Cyprus, aut Hybla

Aut Tybur herbas, quot Citrorum

Hesperio bene comparati

Horti Priapo; Punica quot tulit
Carthago Lechæ mala Cupidini,

Multoꝝ nutrienda sumptu

Luxuries miseranda Regum;

D 3

Efre-

Effrenis aufert cuncta licentia !

Sic , sic modesto tot populi neces
Spectabo vultu ? tot rapinas ?

Nec meriti mihi cura civis ?

Num sola Ponto sidere pessimo

Enixa dicar ? Calliope Parens

Frustra canetur ? nulla nobis

Præter inops , erit ira , vitrum ?

Ego Sicanis naufraga Classibus

Portenta movi , diripui rates ,

Ducesq ; fortunasq ; mersi ,

Adriaco , Siculoq ; fluctu ;

Unus meorum Dulichius fuit

Elusor , artis munere , virium ;

Sed nunc & in ceras Ulyssis

Est medium mihi , flamma Martis .

Quodsi meorum , glandibus est minor

Virtus Vadorum , squammasq ; plumbeis ,

Supplex RZEWUSCIANA Castra

Ut repetat mea damna , poscam .

Me teste , forti prælia spiritu

Tulit Gothorum , fulminibus Svecum ,

Dextro , minacem , Marte lusit ,

Et rabiem propè solus hostis

Ce-

Cedente Lecho sustinuit, suis
Confisus armis; hæc mihi laurea

Plus æstimatur, jam ruentes

Sorte bonâ stimulante belli,
Stitisse turmas. Res levis est ferè,
Magnoq; prorsus dedecori Duci,

Fractum maniplis, & fugacem

Atq; sibi grave pondus ipsi,
Hostem calenti milite persequi;
At insequentem viribus integris

Tentare, grandis palma sanè,

Actiacis potior trophæis.

*Hic ille, nostræ Presidium rei,
Avulsa, quondam, regna, RZEWVSCIVS,*

Hic damna, majori reponet

Cladæ Ducum, spolijsq; Victor.

O D E VIII.

*Eidem gloriosissimo ad Petricoviam Succorum
Triumphatori.*

QValem potentis culmen Honorij
In arma Tusco margine dissita,
Getenvè, Maurorumvè cædes,
Ignis agi, Scilicona, more,

Par-

Partisq; vidit, post fera prælia,
 Redire fertis, per jugulum Scythes,
 Ut clara regnorum trophæa,
 Sic propriæ documenta famæ
 Latè afferentem, quem Lybicæ sibi
 Urunt arenæ, quem stimulat Ducum
 Porrecta virtus, æquor ultrà
 Adriacum, Siculasq; syrites;
Qualemvè Medi rex opulentior
 Persæq; Sceptris, optat Achaica
 In bella Ductorem, protervas
 Qui gravibus populetur Urbes
 Victor ruinis, quem metuat pigro
 Ægæa Tethys gurgite fluctuans;
 Quot grana fert agreste pomum,
 Tot Zopyros benè præstolatus:
 Talem Lechorum cladibus obruta
 Vidêre dextram Regna RZEWUSCIJ,
 Immite Svecorum feroci
 Ense supercilium domantis,
 Cum pertinaces milite strenuo
 Fregisset hostes, in Petricoviæ
 Campis reluctantem Gradivum
 Egregio cicurasset ausu.

Sen-

Sensêre, quid vis ignea, quid manus
Ducis valeret? quid Clypeus potens?

Armata scloporum tremendis

Fulminibus, gladioq; præstans

Pubes Gothorum; fusa volatili

Bis sena plumbo millia; vindici

Excisa ferro, pinguorem

Ruricolis pepigêre glebam.

Infecit agros Vandalicus cruor,

Tempestuosi fluminis in modum,

Rubente Bogajense stagnum,

Et Saravum, Pilicenq; tabo

Abundè tinxit; plurima ferreis

Attinnierunt corpora vinculis,

Lateq; victores superba

Balthis abhinc trepidavit enses.

Quid nostra debent Sceptra RZEWUSCIJS?

Testatur omnis Syradiensium

Ordo Colonorum, frequenti

Lapponis exagitatus irâ.

Qui primus illâ crevit adoreâ,

Victosq; spargi per latebras Gothos

Vidit refrondescantis Umbræ,

Et tumulis satis edocetur;

E

Fer-

Fervore quali Patritium decus,
 Opesq; Regni, quo studio ruit,
 Dux noster extirpare sævum
 Theutonicæ genus Amphitrites.
Quis ergo Parthos? quis gelidum Scythen?
Quis arma posthac horreat Aulidos?
 Hænumvè, Pyrenenq; vastam,
 Incolumi Duce Sarmatarum?
 Certe per ipsas quærere Cyclades,
 Finniq; littus, per juga Cimbrica,
 Ultraq; Thulen, pervicaces
 Certus, opem Patriæ ferendo,
 Hastas & enses; nulla RZEWUSCIUM
 Restinguet æstum temperies freti,
 Vis nulla frænabit laborum,
 Nulla fames, nec acuta bella.
 Messes, & uvas, largaq; fructuum,
 Rurale munus, præmia colliget,
 Seu mane, seu serò potentem
 Regna canent populosa Clavam.

ODE

ODE IX.

*Eidem, in Ducali Regimine, prout & ubiq^{ue}
magnæ Clementiae Domino.*

Mansveta Regum Nomina, mitiùs
Hinc in subactos discite limites
Regnare, clementesq^{ue} vultus
Ad placidum reparate vultum
Ducis RZEWUSKI, quem proba comitas
Blandum serenis vestit honoribus,
Quem digna spectari yenuistæ
Effigiat Charis ipsa frontis.

Clemens, ut ajunt, Romuleo fuit
Augustus Orbi, dum sibi quolibet
Licebat in sinu tremendum
Absq^{ue} metu posuisse Sceptrum.
Tu plūs es illo; nam Tua subdito est
In corde sedes, pectoris intimi
Invadis arcem, possidesq^{ue},

Non gremium populare tantum.
Clemens Achilles; qui grave Telephi
Vulnus perosus, jussit eam Duci
Hastam mederi, qua nocebat,
Par in opem, rigidamq^{ue} cladem.

E 2

Achille

Achille major crederis; aspero
Mens ægra telo saucia luctuum,

Ictusq; fortunæ ferocis,

Te quoties sibi postularunt.

Lenis eodem consilio malum

Quo provocasti; vulnera sic pati

Gaudebit Heros, dum medentem

Sæpè manum licet experiri.

Est charus astris Juppiter, aureo

Frontem sereno semper amans trahi,

Qui fulmen iratum ministris

Alitibus dat, ut omnis à se

Rigor recedat, non nisi vindices

Sumpturus ignes; cumq; tonat, feros

Minatur ictus, non statim vult,

Missilibus nocuisse flammis.

Tu, DUX, vel ipso mitior es Jove,

Quem sola blandi gratia pectoris

Obarmat, & svavis voluptas,

Ac hilaris bona ruga frontis,

Non fulmen ardens, non Aquilæ truces;

Amore turmas, non trepido metu,

Nutuq;, non vibice sævâ,

Atq; probæ regis amne svadæ.

Scis,

Scis, mite Regnum faustius erigi.
Exasperatis raro diu stetit

Fortuna Sceptrorum Ministris;

At quod amor popularis ornat,

Perenne terris Imperium viget.

Ærugo telis est, odium Ducus:

Pestis Coronarum, Corona

Dissidijs animosa vulgi.

Qui sæpe fuso sanguine Civium

Inaugurari Principibus thronis,

Soloq. vult rubere tabo:

Cum trabeis, solijsq; vitâ

Mox exuendus, funus agit suum.

Sane ferarum, non hominum rigor,

Semper timeri, semper acre

Supplicijs maculare ferrum.

Vngues Leonis, cerva pavens fugit;

Horrendus armis accipiter suis;

Damnatur ira fulminantis

Sæpe aquile, tonitruq; crebrum.

O! quæ Ducalis gratia gloriæ

Amatur in Te! quanta superciliâ

Nitet voluptas! quæ severos,

Ex placido fugat ore fasces.

Amamus omnes dulce potentiae
Ferriq; robur, sed simul & metu

Illos amores temperamus,

Si patitur timor, atq; verus

Amor jugari; plus tamen eminet
Innube sidus frontis, & inclyto

Plus vincis affectu, timendis

Quam cohibus Tua castra jussis.

O D E X.

*Eidem felicissimo Bellatori, ut tot clàdibus,
& ruinis hostium, eruatur armis & con-
silio Illustrissimi, Polonia supplicat.*

Defendit Hector Pergama; Tydeus
Desudat Argis; Scipio Punicos
Refregit incursus; Achilles
Restituit saga lapsa Græcis.

Polona virtus, quæ semel excidit,
Nunquam redibit? sub veteri jugo
Sqvallere pulchrum? nec feroceſ
Est animus cohibere turmas?

Quas longa Septem-bella-Trionibus;
Quas Sveca Thethys exonerat mari;

Thra-

Thracum, Gelonorum, Dacorum

Colluvies it inulta passim.

Timent Lechæ, murmura Calmuci

Oris, Parentes, & trepidos ijs

Terrent puellarum pudores,

Jam Scythicas simulare doctæ

Voces & ipsæ. Sæpè Sagittifer

Thrax lustrat aulas sævior aspici;

Fugâ juvamur; o! Polonæ

Dedecus, opprobriumq; Genti!

Passim vagatur decolor Astrachan,

Molestus agris, & famulum genus

Cosacus insultat timendo

Sarmatiæ dominantis ensi.

Dant cana tristes agmina lachrymas,

Dum flos suorum cædibus impijs

Cadit Nepotum; dum valentes

In jugulo rubuêre nati.

Tot signa belli, tot pereuntium

Stirpes Virorum, tot Procerum manus

Pendent remissæ, nobiles dum

Barbaricis animæ ruinis

Aguntur extra. Quod magis afficit,

Additq; fatis exitialibus

Imma-

Immane pondus, ultor háud est,
 Qui Lechicas reparare mortes
 Vellet Sùévis; flere juvat nisi,
 Adempta spes est fortior arduæ
 Virtutis; extinctos parentes
 Funereis colit atra flammis
 Bellax juventus; flent gravidæ suis
 Matres relictæ pignoribus; Patrem
 Flet orbus hæres, atq; nupta
 Post varias inhumata cædes
 Jacere sponsi corpora certior;
 Quò, quis dolorum materia fuit
 Majore pressus, cedit illi
 Uberior via lachrymarum.
 Sic ergo nobis lachryma Martios
 Extingvet ignes? ensibus hosticis
 Addemus enses? Theutonesq;
 Mars Aquilas, Aqvilis jugabit
 Nostris, vel Arctos Threijciæ jubis?
 Nullus Polonis ossibus est honor?
 Hyems inermis pectus ambit;
 Et juvenes gelidi Paternis
 Non excitantur Manibus, impios
 Passi triumphos? Exorere è Lechis

Ajax

Ajax ruinis ; frigidosq;
 Impatiens Borealis iræ
 Luctus , & iram corrigē laureis ,
 Refunde crudo sanguine Barbari
 Cædes , & indecocta Lethi
 Vandalico mala pelle letho .
 Ajace longè fortior , id nisi ,
 Præstet potentis Fama RZEWUSCIJ ,
 Cui militaris omne virtus
 Obsequium proba pollicetur :
Quem nulla belli decipit alea ,
 Nullus ruinæ distinet impetus ,
Quæcunq; , ferro Martiali
 Ad placitum cohibente fata :
Quem tot Lechorum signa Ducum sequi
 Parata , Thracen , Caspia Marmora ,
 Thulenq; , scrutarentur ipsam ,
 Si jubeat , minimovè nutu
 Audere strictis ensibus imperet .
 Scit Hæmus excors , quid Clypeus Ducis
 Quid clava possit ; quid subacto
 Bellipotens Aquilone miles ?
Quam dura Sveco dextra RZEWUSCIJ
 Novēre Cimbri , quo toties agros

F

Op-

Oppressit, infecutus hostem
Et retudit fera tela, telis.

O D E XI.

Eidem, cum Illustrissimo STANISLAO in Potok POTOCKI Excubiarum M. D. L.

Præfecto, dignissimam Heroidem suam elocaret Filiam.

Quæ fama Regum? quæ popularibus
Exempta curis purpura Principum
Vestrīs remisit fæderari

Luminibus, jubariq; magno?

Quis non in alti vincula sanguinis

Aspirat ordo? quis titulus Sacer,

Aût quæ curulis mancipari

Officio meliore nolit?

Quæ fulgidorum munera fascium

Servire vitent? estnè RZEWUSCIUS

Quem præteriret, & Tuorum

Grandis honor, Neo-Sponse, Patrum?

Accensa magno sidere Nomina

Solem, vel ultra quid radiosus

Si jacket Orbis, ex aprico

Mentis agunt, Proavumq; Cælo.

Nec

Nec plus serenæ lucis inestuat,
 Cùm Thrax Boôtes tinxerit aureos
 Currus in Eôdo profundo,
 Quam pelago generosioris
 Educta præbet gloria sanguinis;
Qualemq; nunquam purpurea face
 Aurora subministrat Ortum,
 Patrijs sua fama ceris
 Confœderato murice sufficit.
 Est, est avitis lux proba fascibus;
 Nec sic Planetarum coruscat,
 Ut Procerum numerosa virtus.
Quid debet istis luminibus Polus
Quæ terra gignit? quàm bonus est dies!
Quem lux Avorum, quem Gradivi
 Flamma parat, memoresq; palmæ.
POTOCIANI gloria Nominis
 Hoc ardet æstu; sic rutilat Domus,
 Quam clara Majorum propago,
 Perpetuis animavit astris.
 Sic Martali fulgida pulvere
 Frons laurearum sustinet Ilion,
 Et celsa mens RZEWUSCIORUM
 In Patrijs nitet alta curis.

Sed instat ardens connubialibus
 Hymen triumphis ; cedite tristia
 Portenta bellorum ; recincto
 Ad Cytharam sedet ense Mavors.
 Æternet ergo tot Proavum jubar,
 Seris vetustæ gentis adoreis
 Adspiret æther ! stent in ævum
 Per trabeas , titulosq; grandes ,
 Per castra crebro murice splendidi
 Utrinq; Patres ; dulcibus affluat
 In vota Nuptorum procellis ,
 Mite animis , thalamisq; Cælum.

O D E XII.

Eidem Gloriosissimo Parenti, Aciem Martialem in saltus Hymenales Illusterrimæ Filiae suæ Excubitrici M. D. L. in die Nuptiarum apparanti.

Lectas ex Asia , Thraceq; laureas
 Pro fertis Eryces , frondeq; myrthea ,
 Junctorum Procerum Bellipotentibus
 Musæ frontibus offerant ;

Sed

Sed cur bella Sacris connubialibus

Miscentur, rubeo tristia sidere?

Cur Mars Hæmonijs collibus abstinenſ

Permutat trabeæ, Sagum?

Stat victrix acies sangvine barbaro,

Helleſpontiacis fulgida cladibus;

Stat cespes Danaos ferre capax Duces,

Ipsi par Agamemnoni:

Cum molles Cytharæ, cum fidicen Deus

Svavi debuerat ludere jurgio,

Et se Patriijs Pierides Chori

Permittere Choragijs:

Cessit mitis honor, Scenaq; luxuum,

Armorum rigidis pulsa nitoribus;

Cessit lætities, Martia bellicas

Dum res gloria promovet.

Perstringunt hilares ardua Principum

Aures, terrifico cornua murmure;

Nudorum cohibet Virgineos minax

Vultus horror acinacum.

Desudare novo robore militum

Ingentes, video, Sarmatiæ Viros,

Celsas emerito pulvere cassides

Inferri Superum Thronis.

Terrarum Dominus regnaqz, castraqz
 Percellit gladius, fama RZEWUSCIÆ
 Gentis terret Athon, terret Othryn simul
 Dextræ Clava POTOCCIAÆ.

Quæ non Bisthonijs terra croribus
 Pingvis, laurigeras fertilior parit
 Messes tot Clypeis? quis Daciæ latex,
 Aût saltus Scythiæ vacat?
 Sed nè prorsùs, amans pacis Hymen, fera
 Inter militiæ signa ferociat,
 Dùm plectrum melius gaudia postulant,

Laurus tangere sat DUCIS:

Qvàmvis Hectoream profuit indolem
 Sic Iaxare jocis, ut memor ardui
 Sit semper gladij; ruga severior
 Qvævis otia temperet.

Pelides validâ Thessalicam Chelyn
 Cùm pulsare manu vellet, in aspero
 Chironis Getici nixus erat toro:

Hastam, supposuit lyrae.

Innutrita suis pectora laureis,
 Ægre dulce melos, siftra Laconica,
 Imbellesqz jocos, mollia Cypridis
 Aulæ munera sustinent.

Aut

Aût si contigerit plausibus inseri,
 Multâ belligeræ laude ferociæ;
 Constans in medijs cantibus, oris est
 Et mentis dominæ rigor.

ODE XIII.

Ad Apes Atticas.

Ut Illustrissimis STANISLAO in Potok POTOCKI Excubiarum M. D. L. Praefecto & MARIANNÆ RZEWUSKA Illustrissimi Palat: Podlach: Filiæ Neosponsis mellea sœcula conficerent.

Hybleæ volucres, dulcia pignora,
 Huc è Thessalicis currite pascuis,
 Et quas Attica Pallas

Ceris, nutrit apes, Ducum.

Hic vos nobilius nectar habebitis,
 Qvam, quod fidereo præbet Hebe Jovi,
 Solertiq; feretis

In proboscide Græciæ.

Hic fertis Procerum perpetuis virent,
 Florentesq; ferunt Regna propagines;

Hic

Hic stirps florida Gentis,
Gratis fragrat odoribus.

Hic vernal rosei purpura sanguinis,
Pæstanæ potior, vel Sybaritide,
Florum Regia Mater
Quam nobis, minor, invidet.

Hic intacta nigro lilia funere
Candor Patriæ lacteus indolis;
Hic mens nescia falsis
Tingi dotibus, eminet.

Civis, nempè, bonus, *Flos Patriæ est*; neq;
Sic proles Zephyri prospera pullulat,
Vt Maje Genitricis

Floret Mercurius Iovi.

Regum gratus odor, *Vir fidei tenax*;
Nullus nobilis nectare pascitur,
Quam sudore calentum
Princeps *Regia frontium*.

Ergo mellifices, posthabitâ Samo,
Matres, huc properis ite volatibus,
Et condite beatis
Sponsis mellea secula.

ODE

ODE XIV.

*Illusterrimo ADAMO in Rozdol RZEWU-
SKI Castellano Podlachiae, Colonello Cataphra-
etæ Cobortis, S. R. M. magnæ clementiæ
Domino, Fratri Illusterrimi Palatini.*

Vis multa placidam Daphnide lauræ
 Vinctus cæsariem, fvavius os rosa,
 Vernantemq; propinat
 Svadam Melpomene Tibi?
 Verbis nectar inest, sive ferocium
 Demulcet fremitus, bellaq; militum,
 Sêu certamen equestre
 Blandis sedat amoribus.
 Sêu promissa ferat, munifica manu
 Exsolvenda statim, dulcius est nihil
 Illo, sive dolores
 Soletur miseri status.
 Nescit multifido ludere Protheo,
 Aût mutare fidem rebus in arduis,
 Aût miscere serenum
 Infestis Aquilonibus.

G

Lætas

Lætas frons eadem, quæ pluvialibus
 Res tinctas nebulis excipit, aureo
 Multum lucis honestæ
 Circumfusa meridie.
 Nemo dissimilem conspiciet sibi
 Vultum; semper amans quamlibet infimas
 Excepisse querelas,
 Quosvis vincere turbines.
 Fallaces animi damnat Ethesias;
 Nudis, cùm libuit, non nisi pertinax,
 Mentitosq; perosis
 Fucos, consilijs frui.
 Felix, qvem tumido gurgite tristium
 Huc fraudum laceræ præcipitant rates,
 Quo secura reduxit
 Promontoria veritas.
 Sed quanto populis dulcior est Lechi,
 Tanto Barbaricas ille severior
 Magnis cladibus Urbes,
 Multo stringere funere.
 Quo perfusa favi nectare Tymbrico
 Plus dulcescit apis, plus nocet acribus,
 Pingves melle lacunas
 Si quis pulset, aculeis.

Illum

Illum non rigidi Thracis acinaces
 Non livens Gothicæ pyxidis, obvium,
 Glans, Parthævè sagittæ
 Nimbus terret iniquior.

Castris assiduus, nonnisi publica
 Cùm res excierit, cespite Martio
 Ægrè cedit, & inde
 Vix factâ celerat mora.

Qvo turbas Asiæ ! quo fera prælia,
 Armatus Scythiæ, diruit impetu !
Quis sit, scire laboras ?

Sidus, Melpomene, Ducum.
Hector Sarmaticus; grande RZEWUSCIJ
Augmentum Generis, qvo Duce mille fert

Besso sangvine partas
 Constantinus adores.

Castellana suis purpura fascibus
 Bellacis decorat Podlachiæ Virum,
 Centum servit ADAMO
 Tellus subdita messibus.

ODE XV.

*Illusterrimo MAURITIO in Rozdorff RZEWSKI Capitaneo Drohoviensi Bellatori strenuo, sed præmature fatis è vita rapto
Fratri Illusterrimi Palatini.*

O ! Summis animi dotibus invida !
 Atrox, o ! quid habes svavius Eumenis !
 Quam crudele minari,
 Illis quos honor evehit.
 Num per fluctivagi cœrula Nerei ,
Quâ mundus specie pingitur, omnibus
 Sic errantibus urnis ,
 Portus mortis habebitur ?
 Sed dici melius naufragium potest ,
 Seu pejor scopolis Acrocerâunia
 Rupes , perdita vitæ
 Qvo ventis agitur ratis.
 Nisæamnè , prius forfice barbarâ ,
 Ac rursus pelagi crimine noxiā ,
 His , è Virgine Scyllam ,
 Parcæ contulerim malis ?

Nil

Nil nos remigium flexible brachij,
Nil nos vela juvant Alcibiadea,

Ibit nostra Liburnis,

Quo lethi rapit Africus.

*Frustra, nescio quæ, plena spci bidens
De prora jacitur pectoris anchora,*

Quam feralis arena

Cum Typhi tumulus premet.

Frustra purpureis vincula funibus

Annorum celeri vis onerarie

Injecisse furenti,

Mortis ludibrium, Noto.

Quantus terror Othry! quantus Alanicis

Sudor Principibus MAURITIUS fuit!

Et sævæ tamen iustum

Non eluserat Atropos.

Qui tot distribuit vindice dexterâ

Infestis Patriæ funera gentibus,

Hænum fregerat armis,

Falci succubuit Pugil.

Cujus frons rigidas ferre animosior

Rugas belligeri Martis? aut manus

Stricto promptior ense?

Quod sic est patiens latus?

Jactari vel equis , vel frameâ premi ?

Qvod pectus jaculis plus patuit Daci ?

Qvis sic Thracas , & Othrym ,
Ut Dux ille represserat ?

Sentit robur adhuc , & genus , & manum
Fortem MAURITIJ Bosphorus insolens ,

Æternisq; coronat

Manes Thracia laureis .

O D E XVI.

*Illusterrimo JOSEPHO in Rozdol' RZE-
WUSKI Capitaneo Olchowecensi Viro
Martiali, Fratri Illustrissimi Palatini.*

JOSEPHUM trepidæ discite Cyclades ,
Euxiniq; ferox accola littoris ,

JOSEPHUM Mareothis

Tellus , ac Arabes sciant .

Quà se prona feris unda Propontidos

Apris Sauromatûm , & Taurogetæ gregi

Pigro fonte propinat ,

Vastis cincta paludibus .

Con-

Conjurata Tyræ flumina, quæ gravi
Tempestate tument, quæ Tanais Scytha
Eûropæa tributa

A Regnis Afriæ fecat;

Hinc Mars, hinc Clariæ Numina Curiæ,
Cynthi molle decus, ferta RZEWUSCIJ

Alternâ vice bellis,

Exertam referant manum.

*Et imbelli chelys murmur, ad arduos
Quantumcumq; volet viribus integris,*

Excrevisse labores

Bellacis gladij, nequit.

Clangori valido, cedimus id tubæ;

Nos vel mite juvat nectar amabilis

Linguæ, tangere molli

Mulcentis Cytharæ modo.

Quis comi facie supplicibus magis

Affulsit miseris? quis sacra largius

Auri grandine manat

In delubra, vel indigos?

Claros militiâ, quis potior fuit

Dilexisse Viros? nemo redit pugil

A se muneric expers,

Nemo spe vacua venit.

Hos

Hos dives pharetræ bractea , Norico
 Illos ense Chalybs nobilior gravat ,
 His aurata supellex ,

Illis Thrax eqvus obtigit.

Cræsi divitias , aût sabulum Midæ
 Tantis contulerim munificæ manûs
 Nimbis , quos propè damno
 Fortunæ cumulat suæ.

JOSEPHUM teneri Pierides chori ,
 Intonsi Cytharâ clangite Delij ,
 JOSEPHUM pia musa
 Plausu perpetuo colet.

ODE XVII.

*Illusterrimo FRANCISCO in Rozdof RZE-
 WUSKI Capitan: Czułcensi Colonell: Exo-
 ticæ Militiæ S. R. M. Fratri Illustri-
 simi Palatini, Exterorum Regnorum
 diligentissimo lustratori.*

ADIBO gentes Alpibus obrutas ,
 Rheniq; ripis , & Sequanæ procul
 Aulas inhærentes , & Istrum
 Et Veneti Thetidem profundi ;

Urbem

Urbem Latinis Regibus inclytam
 Adibo vates, Imperij caput,
 Sedem trophæorum beatam,
 Quæ famulo dominatur Orbì.

Da Phæbe currus; ipse volubiles
 Regam viarum subsidio rotas:
 Jugabo temoni calentem
 Gemmiferis Pyroénta frænis:

Cesset Boótes; & licet Hespero
 Ignotus astro, Romulei fere
 Ignarus axis: sed monebit

Nos, Italas speculatus oras
 Auditus Urbi, & Regibus Adriæ
 Sessor corusci splendidus essedi
 Pro sole, FRANCISCUS, quis amnis,

Quæ bijugis via sit tenenda,
 Quid deserendum? sidereis ego
 Urgebo solus præcipitem lupis
 Æthona, nutus ut serenos

Ad Domini ruat evocantis,
 Cedatq; Phæbum; nec mora. Cracij
 Jugum Vaveli, Carpathias nives
 Calcamus, & super Bohemas
 Evehimur properanter arces.

H

Qua

Quà Panno fætis vitibus accubat,
 Et inviorum viscera montium
 Exscindit irato ligone,
 Donec opum pretiosiore
 Venâ liquecant: quà jacet Austria
 Nutrix potentum Regia Cæsarum;
 Et quà Bisurmannis decora
 Sidereos ferit usq; vultus
 Vienna palmis: quà Venetus Leo
 Captivat alti marmora Nerei;
 Alpes apertæ, Punicorum
 In Latios, ope malleorum:
 Et jam Quirinis invehimur jugis.
 Te Roma passis obvia brachijs
 Excepit, & dilecta svavi
 Officio super ora fluxit.
 Mihi jugales ad Tiberim satis
 Duxisse Phæbi, quas & edant, rosas
 (Aurora sic pavisse fertur)
 In vacuis posuisse ripis.
 Tu curioso lumine Principes
 Metiris aulas; quis terit Appiam,
 Quis hospes in forum Qvirini
 Aureliae regione pergit?

Quà

Quà septicollis Curia grandibus

Mundi trophæis , & spolijs tumet ?

Quà Cæsar arce post subactum

Patritio perit ense Magnum ?

Qua fastuosus dimidiam Nero

Exussit Urbem ; quà Capitolium

Defendit anser ; quàqz stabat

Dardanij Domus alta Regis ;

Quæ Scipiones , quæ Fabios tulit

Aulæ vetustas ; Cocles Horatius

Quo ponte retro fregit hostem ,

Finitimis metuendus armis ? -

Quæ rostra Romæ Tullius occupat ;

Quà parituris jura Quiritibus

In arce Tarpejâ modestus

Ægeriâ, Numa, mente fcripsit ;

Quam primus Afer fregerat Annibal

Mucrone portam ; Sarmata qua venit ,

Orbis triumphati trophæa

In jugulo populatus Urbis ;

Altrix relictum quà lupa Romulum

Ripâ fovebat ; quis Phrygium sinus

Excepit Æneam : capaci

Est animus retro scire sensu.

H 2

Sed

Sed obfoletæ qui meminit rei ,
 Vix est repertus Dardanius senex ;
 Vix restat ex Anchisis aula
 Semiruti nota parva mari :
Quæ regna ? vel quis ? sed mora longior
 Te distineret , singula dum volet
 Lustrare mens assveta luci ,
 Et Pyrōis negat attineri ,
 In astra pronus currere. Surripe
 Te rursùs Urbi , Gallica Cynthio
 Feremur ad trophæa curru ,
Quæ Rhodanum , Seqvanamq; fortes
 Bibunt Coloni ; Belgica qvà viret
 Sertis juventus , belligeros ciet
Quæ Narbo , Pyrenæq; Cives ,
 In Geticas , Arabesq; pugnas :
Quæ Rhenus , & quæ flumen Arar suum
 Propinat agris ; gens Aquitanico
 Offusa Neptuno , superbis
Quæ radiat speciosa palmis :
Quæ Mosa vasto gurgite dissecat
 Gallos feroce à Batavis , vagis
Quæ ripa Scaldis in Morinos
 Exonerat sua lucra campos .

Spe-

Spectare pulchrum. sed repetit sua
 Algente mundo Cynthius eseda,
 Et Te Polona tædiosis
 Arcto sibi retro poscit astris.

Redimus ergo; flectite cernuos
 In plana colles jugera Carpathi,
 Centum trophæa, Martiales
 Omnis honor cadat ante plantas.

ODE XVIII.

*Illusterrimo SEVERINO RZEWUSKI Ca-
 pitaneo Chełm: Lubomlensi Filio Illusterrimi
 Palatini Podlach: dignissimo, protunc adhuc
 Palæstricâ Scholarum Piarum velitatione
 distento, Eximiae indolis Juveni.*

JOvis minores æs Corybanticum
JTexisse cunas fertur, & arduus
 Clangor tubarum, ne quis Arctos
 Sidereo dominantis Orbi
Novisset ortus Principis, & manum
Telis inermem; Nilus originis
 Caput, coronandumq; fontem
 In Phario tumulayit agro,

Septena quamvis largius ostia,
Siticulosæ, quæ patet, eggerant
Flumen Canopo, strictiores
Impatiens tolerare ripas.

Sic, omne quod sors inclita sustulit,
Perenne texit principium sui;
Detecta vilescunt theatra,
Quæ pretio latuere magno.

Cur, ergo, magnas purpureæ Domus
Apollo cunas, cur nitidum Tuæ
Virtutis emetitur ortum,
Cùm melius jubar est latentis?
Hunc atra nubes funere squallido,
Primæq; celet semina gloriæ,
Qui sorte prodi se minore
Et tenui timet apparatu.

Nil est, quod in Te maxima, maximum
Virtus avito splendida sangvine
Cervice non adoret altâ,
Et superos locet inter ignes;
Augustus, Infans; Pusio grandibus
Jam par Phlegræis; imperij capax
Statim videbaris; ferenos
Sol medius Tibi coxit ortus.

Luci-

Lucina magno vix tenerum sinu
 Corpus prehendit, fascia jam togæ
 Implexa, fascibusq; Regni,
 Patritio radiavit ostro.
 Robustiori florida sanguine
 Dum pubet ætas, Lechica nobilem
 Aulæa suspexere mentem;
 Totus erit Tibi vastus orbis
 Famæ theatrum; Regna perennibus
 Implere gestis, spargere Martias
 Ubique palmas, & trecentis
 Sarmatiam cumulare fertis,
 Fervor capacem provocat indolem;
 Rosæ nitebant, Acrisius puer
 Quocunq; venit; Laurearum
 Qua steteris, Tibi sylva crescat.
 Dum regna vises, non aliud boni
 Exindè disces, quod dabis, ordinis:
 Te Sceptra virtutis Magistrum,
 Te Latiae colet ara Musæ.
 Mox ipse clarâ deterior Chely
 Phæbus Cytheron subdet, & Ilion;
 Rupes stupebunt Thessalorum
 Æmonio sene doctiorem.

Te

Te credet ardens Mantua Publum,
 Te septicollis Regia Principem
 Svadæ salutabit, suisq;
 Posthabito Cicerone rostris
 Aptabit exnunc: qui Phætontios
 Extinxit ignes, Erydanus, Tuæ
 Flammatur ad momenta famæ,
 Æthereis gravis inde flammis.
 Hispana Calpe Te sciet Herculem,
 Tuisq; mallet cedere laureis
 In pignus, & grandem columnam
 Ni renuant Tua gesta stringi,
 Quiesq; Regnis; ibis Iberij
 Trans septa mundi, sed pretium Tago
 Tui relinquetur, videbit
 Gemmiferum meliore Gangem
 Gemmâ bearri Memphis opum ferax;
 A Te vetustis Gallia Lilijs
 Exposcet argentum, innocentis,
 Quo radias, ubicunq; vitæ,
 Flos pulcher Arctos. Te sibi Cimbrica
 Trophæa poscent; Te juga Pannonis,
 Te vasta Tethys Battavorum;
 Sed Patrij placeant triones,

Et

Et gens perenni tempore libera.

Quod terra nutrit, quod pelagus lavat,
Favore libertas avorum

Exsuperat pretiosiore.

Quid gemma servis mentibus addidit?

Quid subjugatis aurea Civibus
Prodest supellex? Liberarum
Vna salus, preiumq; dotum.

Invita Tethys littore clauditur,

Et sepe moto gurgite prælia
Intentat, hæc quamvis superbas
Evomit ambitiosa gazas.

ODE XIX.

Illusterrimo VENCESLAO RZEWUSKI
Capitaneo Drohovicensi Filio Illustrissimi Pa-
latinii, Scholasticæ Palladis Piarum Scho-
larum protunc Tyroni, magna expe-
ditionis Hæredi.

O! Flos Patritij, candidior rosâ,
Claro nobilior murice, sanguinis,
Quo donabere fert?

Quæ Te Regna colent satis?

I

Astris

Astris orte bonis, & Jove fulgido,
VENCESLAE, novum sidus in Arcticas

Quo splendore curules,

Olim Purpureus flues!

Primis, quos probitas educat Attica
Annis, & trabeas, & fera prælia

Jam spirare videris,

Magnorum soboles Ducum.

Te fortuna suis aptat honoribus,

Te Mars tergeminâ signat adoreâ,

Tu spes optima Genti

Adscribèrē RZEWUSCIÆ:

Ingens, ut video, Mercurialium

Pennarum labor, & materies sacrîs

Fies magna Camænis,

Castris, seu caleas foro.

Sed nasci veteri, noveris, è Domo,

Nil prodesse Patrum, degener arduas

Si vitaverit Hères

Laurus, ac aciem Scythes.

Quid juvit Priami patria desidem

Ignavi Paridis Regia dexteram,

Qui Lædeja fûta

Non pugnas adamaverat?

Fortem

*Fortem Scipiadam Scipio procreat,
Pænorum jugulis clarus, & Africæ;
Drusus, prælia Druſi
Patris filius occupet.*

*Bellaces Aquile, degeneres Paphi
Oderunt volucres; & Lybicuſ Leo
Acres ungue Leones
Taurorum generat metum.*

Dodonæa rudes ferre cucurbitas
Ilex non poterit; nec rosa Punica
Germen vilius herbæ.

Lappas gignit inutiles.
Tu fortis genitus de Patre, fortia
Tentabis Scythiae non nisi prælia,
Sertis, plurima serta,
Addes par Atavis pugil.

O D E XX.

*Illusterrimo MIGHAELI RZEWUSKI Capitaneo
Wyßynensi magnæ spei Filio Illustrissimi Castella-
ni Podlachiae. Nihil felicius regno sui pacato.*

A Straea, cæli pegmata defere,
Quam prava morum vis pepulit solo,
Iz Stipa-

Stipata virtutum catervis
 Rossiacas cito vise terras ;
 Mens innocentis nectare candido
 Suffusa vitae , Te vocat è polis ,
 Pectusq; spem suprà modestum ,
 Atq; probi MICHAELIS æstus .
 Videtis ? en jam sidereas movet
 Astræa vires , quam pietas sequi
 Quam mille faustitate junctâ
 Accelerant redimire dotes ,
 In arce recti pectoris inclytam ,
 Ut MICHAELIS ferre coloniam
 Honore possint purpurato ,
 Unde regant , peragrentq; gentes .
 Non sola Regnum mænia fidili
 Recocita saxo , quæ manus artifex
 Longo coarctavit labore ,
 Constituunt , sociosq; cives ;
 Sui potestas , & vigor arduæ
 Mentis , subacto latius imperat
 Vite voluntatis colono ,
 Quam Phrygiæ Pylos aucta Trojæ ,
 Aut Creta centum mænius affluens ,
 Amplæve Gades , vel domitrix maris

Iol-

Iolcos, ausa pelle Phryxi
Æmonios spoliare Reges.

Perenne Regnum, quod sibi divitis
In orbe mentis Rex animus locat;
Parente virtutum Senatu,
Cive Sacros obeunte ritus

Rigore vitae; mitior aspici
Potentiarum curia; sensuum
Conforme vulgus præstat ingens
Officium famulantis aulæ.

At bella, si quæ seditiosior
Affectus infert, Dux ratio domat,
Pulchrosq; Bellonæ triumphos
Edomito grege passionum
Præsentat astris, aut spolium frequens
Pugnacis iræ sub pede principis
Deponit æqui, dum sat ipsa est
Laurigeris opulenta donis.

Hic pax amænis ridet adoreis,
Hic consepultis lætior Halcyon
Natat procellarum duellis;
• Hic animus sibi regnat insons.
Non ille duris frangitur ictibus
Depræliantis sæpe ferociæ;

I3

Non

Non tela formidat, nec enses,
 Nec rigidæ fera monstra Dirces,
 Tectus capaci pectus aheneum
 Umbone recti. Nil animum movet
 De sede regnaticis aulæ ,
 Quem chalybi solidoꝝ fato
 Duravit usus. Quisquis agat minax
 Fulmen deorum ; quidquid iniquior
 Fortuna , vel Reges minentur ,
 Impavido feret ista vultu.
 Pari serenos fronte Favonios ,
 Tristemq; nimbis excipit Africum ,
 Ne dum reniteretur astris
 Ipse suæ gravis incubaret
 Pænæ Tyrannus. Nam venientibus
 Qui servit auris, & fluidos sinit
 Vndare sensus hinc , & inde ,
 Ambiguis laceratur Euris.
 At qui beato pectoris otio
 Inclusus , omnes de specula sui
 Cantemnit inconcussus iras ,
 In solita sibi pace regnat.
 Non ille sævi vulture tædij ,
 Non inquieto pascitur ambitu ,

Mæ-

Mæretq; non cessisse longis,
Quæ studium tenuere, votis.

Non ille Thraces Jafoniâ rate
Invadit urbes, non quatitur vago
 Errore per scyllas latrantes,
 Jenij Siculivè Ponti

Propola avarus; sed Dominus sui
Intrà modesti limina pectoris
 Còercet immortale Regnum,
 Seq; sibi, nihil optat extra,

In tale Virtus imperium venit,
Fundatq; seris Sceptra Nepotibus,
 Tuâ recepta mentis arâ,
 Ac animi statione vasti,

O ! pulchra Patrum gloria MICHAEL !
Tu Regna præter Dardana, faustius
 In Te coronarum tributum
 Victor habes, populiq; census.



ODE

ODE XXI.

Illusterrimo Supremi Tribunalis Regni Deputato Judici JOANNI STANISLAO RZEWSKI Canonico Chełmensi, Camenecensi in Podolia, Præposito Koniecpoliensi, Rownensi.

IBis in celos animosa colles,
Post Hyapnææ, quibus alta Vatum
Laus refloescit, cava saxa rupis,
Musa triumphans.

Tyridis quà se vagus humor undæ
Volvit, arentis juga Cameneci
Ut suo, quem Thrax cruor ampliavit,
Flumine potet.

Quà coronatus propè surgit astra
Turribus vertex, grave fulmen hosti,
Thressa, naturâ fabricante, tantum
Robur in arma.

Quà Cathedralis speciosa fulgent
Tecta structuræ, nitet ara Nostro
Fulta RZEWSKI, cui laureatis
Fascibus ardet.

Hic

Hic verecundæ decus omne frontis,
 Cælitem vultum, niveosq; mores,
 Atq; facundæ licet intueri
 Munera svadæ.

Hic salutares monitus, fidemq;
 Castra regnantem per aperta Daci
 Audies, hic vox tonat è disertô
 Ore JOANNIS.

Ibis, annosas ubi Creta laurus,
 Jam novo florens Jove, plantat astris,
 Candidos menses lapis in niventi
 Lacte propinat.

Non ego Dycten volo, Gnoſſiosq;
 Fulgidis cives spoliare fertis,
 Virgo quæ princeps Ariadna comi
 Vertice jactat.

Non Amalhææ radiosa capræ
 Astra, quæ nutrix Jovis occupavit,
 Non ego cornu Cereale quæram,
 Fabula sunt hæc.

Verius Nostræ tribuisse Cheimæ
 Tanta contendat mea Musa dona,
 Sufficit Myſtes cui pulchra mentis

Serta R Z E W U S K I.

K

Opti-

Optimæ frugi, teneræq; multùm
Indolis, quasvis Dominus curules
In sui cogit famulare semper

Munus honoris.

Qualiter Grajis cecidisse terris
Juppiter fulvo memoratur imbre,
Ille felicis rutilante dextræ
Depluit auro.

Hæc ubi spectat, vocat ad Tribunal
Te suum dulci Petra melle manans
Judicis lingvæ, forà sivè mulcet,
Sivè còercet.

Sparta Lublini vocat eruditis
Freta sanctis, ubi Deputatus
Assidet Judex, sua cùm dat amplis
Jura colonis.

Ibis in culmen Lechici Tyaræ
Astra portantis gemino bicolle,
Hic Tibi Cynthus, Tuus hâc Apollo
Sede quiescat.

ODE

ODE XXII.

Illusterrimo JOANNI in Koniecpole KONIECPOLSKI Palatino Siradiensi; Illusterrimae ELISABETHÆ FEBRONIAE RZEWUSKA, Sororis Illustris Palatini Podlach: Purpurato Coniugi, Multorum Senatorum Palatinæ, & Castellanæ Carulis, nec non Ducum Regni Exercituum Hæredi.

QUæ ferta Patrum? quævè regentium
Trophæa grandis militiæ Ducum?
Quæ celsa KONIECPOLSCIORUM
Gesta chelys satis elaboret?
Séu dum Coronam Principis Ordinis,
Séu dum cōércent vota Quiritium,
Ut in Palatino Senatu,
Sic in Equestribus adjuvandis
Rebus potentes. Nulla ferè tubæ
Formido Lechos terruit incolas,
Nullus Bisurmanni furoris
Clamor ijt, Scythicævè turbæ,
Aūt ex equino sanguine Concani
Robustioris; quem validâ manu,

Nervoq; belli ditiore,

Non repulit proba vis Avorum,
Multoq; Thraces dedocuit jubas
Polona tabo limina transgredi,

Clangente verbenas in ævum

Podoliae, Daciæq; regno.

Quæcunq; Lescus prælia multiplex,
Seu Dux ad Offam, seu tulit ad Rabam,

Quæ tot Boleslai Lechæis

Per titulos, memoresq; palmas
Sceptris legendi, bella sub Alpibus
Egêre Russis, ac Oderam vagum

Et Albin ultra, quævè passim

Fama Jagellonij Gradivi

Adusq; præsens exhibuit Sago

Præclara tempus, milite plurimum

Sudata KONIECPOLSCIANO

Egregijs viruere fertis.

Ut verò bello, sic ope Civica,

Spectanda gens hæc; consilijs parem

Fortiæ tutelam lacerto

Principibus, populisq; præstat.

Insedit altæ culmina purpuræ,

Quæ vel Senatus, vel sibi Regium

Evexit ampliore librâ

Grande ministerium Thronivè.

Tali JOANNES Sagvine fulgidus ,
Sertisq; Patrum , mille RZEWUSCIAE
Adjungit , in Consorte magna ,
Serta Domūs sibi , posterisq;

Et ipse Thraci robore Martio
Timendus Othry , barbara dūm gravi

Ferro fatigaret trophæa ,
Vandalicosq; Duces , & Arcton

Totam Polonis censibus invidam ,
Audace turmas impiger hostium
Stravisse dextrâ , militari

Vi medios secuisse muros ,
Rursusq; doctæ mentis acumine
In consulentis munera Curiæ

Armatus , obstantes procellas
Dissidij popularis ardens ,

Dūm multiformi consilio domat ,
Utroq; Cæsar Marte notabilis ,

Séu de Palatina curuli ,
Séu tonet ex Equitum catervis.

ODE

ODE XXIII.

*Illusterrissimo CAROLO KRASICKI Comiti,
 & Castellano Chełmensi, Illusterrissimæ AN-
 NÆ RZEWUSKA, Sororis Illustrissimi
 Palatini Podlach: Dignissimo Coniugi.*

MAgnum Comitum maxima sors, Comes,
 Te Regni trabes, Te saga postulant
 Martis Threijcij, sed rapuit sibi
 Grandi funere fascium,
 Augustis Helice splendida civibus,
 Chełmensem rutilo sidere Curiam
 Incendens, gelidas quæ Tibi Bisthonis
 Brumæ subiicit nives:
 Quæ Thraces animas, vim Borealium
 Armorum Thetio frigore turgidam,
 Arcton Vandalicam quæ glacialibus
 Par strinxisse favoribus;
 At miti nimium se Tibi murice
 Addicit famulam, dum juga destinat
 Castellana Tuis fulgida laureis,
 Bugi flumina mancipat.

Hic!

Hic ! hic ! pacifica Palladis uberes
 Sylvescunt oleæ, candida faustitas
 Et Divina Themis, famaq; Nobilem

Hic nidum volucris locat.

Ludunt in tenero gramine pensiles

Vulgæ deliciæ, Rossia culmina

Delectant, & agros, otia Civium

Colles Pannoniae cident.

Dulci regna siti proxima diffluunt,

Dos insignis ubi Patriæ Domus,

Tu virtute gravi figis ubi Tuam

Sedem purpureus Comes.

Quivis vester honor grandibus accubat

Sceptrorum Superis; pulchrius est forum

Quo-se-cunq; modis svavibus inserit,

Te, KRASICCIA Gens, Duce.

Quantum de nitida laude RZEWUSCLÆ

Consortis sociat tot titulis jubat;

Nam famæ veteri spes generat novas

Tot lux juncta decoribus;

Hæc Tu concilias gaudia Patribus,

Venturisq; Comes Magne, Nepotibus,

Immunem tumuli ponis opem Domus

Multa dives adoreâ.

O D E

ODE XXIV.

*Illusterrissimæ OBORSCIORUM Prosapie Pa-
latinis, & Regni Ministerialibus titulis incly-
tae, in Illusterrissima ANNA RZEWUSKA
Sorore Patrueli, Con sorte olim Illusterrissimi
ZBIGNEI OBORSKI Capitanei Go-
łembscensis Splendoribus RZEWU-
SCIORUM adunatae.*

LAudes avitæ laudibus afferunt
Novis, calentem pulvere bellico
Laurugj Riphæa Nepotem,
Quem Patriæ simulacra famæ
Vssere multum. Nitimur in decus
Per ipsa vitæ saepe pericula
Virtute majorum, probisq;
Luminibus, super, elibratum
Augusta mundi culmina, ne minor
Nos ira Martis degeneres probet.
Svavem Themistocli quietem
Miltiadis bona ferta turbant,

Ur-

Vrgentq; totis viribus in parem
 Exire laudem, prælia prælijs,
 Trophea tercentum trophæis,
 Ac aquilas aquilis decoro
 Conferre nisu. Aesculus aesculum,
 Vix nata grandem, vincere pertinax,
 Attollit imbecille robur,
 In similes animosa frondes,
 Optatq; cedi fulminibus Iovis
 Se ferre nondum stipite debili
 Matura; sic parvo vigore
 Enceladum juvat emulari,
 Cum prima Patrum præslitit id manus
 Supplente vires munere glorie,
 Magnasq; proritante flamas
 Ex Atavis, Proavisq; dote.
 Cur ergo tantis orta Parentibus
 OBORSCIORUM nomina, maximos
 Non occuparent, ut triumphos,
 Sic animi generosioris
 Perenne sidus? nulla ferè viret,
 Quam non rigarent sanguine Thracio
 Polona laurus, nulla fulget
 Patriij series honoris,

L**Quæ**

Quæ non COLUMNÆ laudibus inclytis
Ornata staret. Celsiùs hīc sibi

Figi videret terminales

Herculeus labor ille Gadeš,

Quem vasta Calpe, limes Iberiæ,

Quem Maurus alti fregit apex jugi.

Plūs nec tubarum Martiale,

Nec Rhodij sonat æs colosſi;

Ut fama nostræ Pyramidis truces

Percellit hostes, Odrysij premit

Fastus Planetæ, dum futuros

Signat Avis obeliscus ingens

Ortūs triumphos. Hīc ego faustius

Incido carmen, quod Rhodopeius

Legat Tyrannus, quod Nepotum

Sarmatici colat aula Sceptri.

OBORSCIORUM sic gravis eminet

Fortuna Patrum; certa sit omnibus

Vt dignitatum, bellicæg,

Culminibus sua meta palmæ.

Sed plūs in altum juncta RZEWUSCIJS

Libratur astris, cui Samo-Thracius

Mavors triumphales acervos

Imperio Duceis aggregabit.

ODE

ODE XXV.

*Augustæ CZERNIEIOWSCIORUM Familiæ, in Caraffis Pontificum diademata, in Zardis, Regni Hungariae Sceptra, in Principibus de Bibel Principum Mitras occupanti, quæ decora cum Avia Illusterrimi Palatini Succameraride Leopol: perenni RZEWU-
SCIORUM gloriæ consecravit.*

QUæ tanta denso se premit agmine
 Tot purpurarum congeries nova?
 Quis tot coronarum tumultus
 Sarmaticam grave flammat Arcton?
 Jam parva tellus, quam lavat Istula,
 Quam belluoso Balthis obit freto,
 Thrax Ister, Euxinumq; littus,
 Ac Oderæ cui ripa servit;
 Arctatur orbis sideribus; breve
 Quodcunq; regnum, quo tot opum Duces,
 Quo tot reclinarent curules,
 Inferior foret omnis aula;
 RZEWUSCIANÆ sufficit area
 In hæc thronorum culmina, gloriæ;

L 2

Hic

Hic regiarum mole summâ
 Grandis honor, numerusq; certat,
 Lateq; spargit, lumina frontium;
 Hic Vaticanæ ter radiosius
 Æstu repercuso Coronæ
 Pontifices cumulant triumphos,
 Caraffianis nexibus indita,
Quos in Nepotum munera detulit
 Fortuna CZERNIEJOWSCIORUM,
 Ac Avio Tibi jure cedit,
 Invicte Ductor. Pannonis arduus
 Hic pulchra Mavors fænora censuum
 Præsentat in sertis ZOARDI,
 Illyricosq; sinus, & arces.
 Hic celsa BIBEL gloria Principum
 Decus Mitrarum nobile mancipat;
 Extensa regnorum theatra
 Innumeris cumulantur astris:
 Tum laxa ramis laurea multiplex,
Quæ Barbarorum nil pavet iætuum
 Immane fulmen, evirenti
 Umbrat opes, titulosq; luco.
 Non tot Coronis regia Pergama
 Fulsere, magno cum Paris Hectori

Con-

Conjunctus armis imperarent,
Et Priamus, Socijꝝ Reges.

Non tot trophæis Dorica floruit
Bellona, centum jura ferens thronis;

Hinc rex Achivorum, Pylosꝝ

Hinc Ithacæ, Dolopumꝝ Sceptra,

Longoꝝ murex constitit ordine;

RZE WUSCIORUM Purpurei Patres,

Quot jam perennatura Regum

Nomina, Pontificesꝝ laurus,

Quot Martiali cespite splendidos

Fasces recensent! regia sidera

Dextræ triumphatricis ausu,

Et meritis decorando fertis.

ODE XXVI.

Inviictissimis SNOPKOWSCIORUM Aboriginibus in STANISLAO ZOŁKIEWSKI, Cancellario & Magno Duce Exercituum Regni, Serenissimis in JOANNE III. Rege Poloniae, luminosissimis in JACOBO SOBIESKI, Castellano Cracov: & ex illo Genitore, in RADZIEJOWIIS, PRAZMOWIIS, ROZRA-

ZEWSCHIIS, WODYNSCHIIS, DUCIBUS de
Ostrog, WISNIOWIECCIIS, RADZIWILI-
IS, SAPIEHIS, LUBOMIRSCIIS, quibus
SNOPKOWSCIÆ, aut Coniuges, aut Parentes
fuere, in Abavia Illusterrimi Palatini Podlach:
RZEWUSCIORUM gloriæ assertis.

DVx Magne, sēu Te purpura multiplex,
Sēu clavae belli vendicat, ex Avis
In hanc honorum surgis augem
Regibus, Imperijq; fulcris.

Nec longa multūm Te series Patrum
Ab eminenti murice dimovet,

Nepos ter AUGUSTI JOANNIS,
Ex Atavâ numeraris aula.

SNOPKOWSCIORUM fertilis hanc Tibi,
Fastigiatæ cedere gloriæ,

Messem videbatur Maniplus,
Unde seges fluit ampla laudum.

Cratere pleno purpureum bibis

Quod KORCZAK, Arctos gloria, suggerit,
Nectar Coronarum, Tuæq;
Rursus Avis cumulatiorem

Famæ

Famæ propinas ambrosiam, gravis
 Tutela Regum; quanta Tibi parit
 ZOŁKIEWSCIORUM ferta consors!

Imperium quibus in Polonas

Bellona Victrix tradidit alites;

Quot celsa nutrit sidera, siderum

Parens, Lacænis faustiore

Matribus, Attalicisq; partu,

SOBIESCIORUM, quæ socias faces

Junxere toti Sarmatiæ Polo,

Datis, in immortale fædus

Conjugij, nuribus, thorisq;.

Hinc vellus ardet civibus aureum

Majore Phryxi munere Principis

Agni, quod æternum Lechæis

Ver aperit, reficitq; Scepbris,

Opima nexûs Spes RADEOVIJ.

Hinc Tauricanis æmula Cynthia

Minatur inconcussa Lunis,

Regificis KORYBUTHEORUM

Flammis Parentum non male fervida;

Jam SAPIEHANAS, Arcitenens suis,

Mutat sagittas, jam capacem

OSTROGIJS parat Arcton æther.

Cen-

Centumque fulgent siderei Duces,
SNOPKOWSCIANI lumina sangvinis,

Quæ sub Tuarum jura laudum
Conveniunt, similique formant

Astro Nepotem, solibus Arcticis,

Formidolofo Bisthonis ortui

Semper timendum, qui tot æstris
Patritij stimularis Ostri.

Te nec trisulcis Juppiter ignibus,

Nec, si quis esset, Centimanus Gyges,

Non ægis asperata monstro
Acrisioniadæ superbi,

Non Orbe centum pellibus obruto

Invictus Ajax, aut vigor Herculis

Terrebit unquam, dum potenti

Tot Procerum radiabis æstu.

O D E XXVII.

Gloriosissimis DZIERZKOWIORUM Hæredibus, in ULRICO Senatoria CZECHORUM purpura, in DERSLAO Pocillatore Regni Pol: in Palatino Sandomir: Duce Exercituum, in LUCA, CHRISTOPHORO, JOANNE, ADA-

ADAMO Castellanis & Ministris Regni æterno honore, in STADNICCIIS Palatinâ dignitate, in JAZŁOWIECCIJS, MIELECCIJS, TYSKIEWICIJS Ducali Imperio florentibus, cum Illusterrima ANNA DZIERZKOWNA,

*Castell: Rospiriens: Capitan: Zydaczovien:
Matre Illusterrimi Palatini Podlach:*

RZEWUSCIORUM splendoribus
coniunctis.

Quæ terra, vel quod, fertilis, est capax
Novale palmæ, quam recalentium
Spectata DZIERZKORUM trophæa
Grandibus asseruere gestis?

Illi nefastos, vindice brachio,
Quicunq; tandem constiterint dies,
In fædus armati Polonum,
Fulmigera pepulere dextrâ
Ipsumq; Solem, si minus aspici
Velle cruentis candidus ensibus,
Docti per obstantes coluros
Pulvereâ tumulare nube.

Ipsi, protervâ si gravet aleâ,
Immane Marti ferre negotium

M

Ausi,

Ausi, triumphatura fert
 Ni cumulet meliore castra.
 Heroa virtus, quæ sat in Arcticas
 Se tuta cædes, non amat extero
 Honore fulciri, nec astris
 Flectitur ominibusvè certis;
 Lædæa poscit, dum fragili rate
 Sulcat profundum, navita sidera;
 Hic agmen ex Athlante natum,
 Pharrasios ciet ille villos.
 Ambit, serenam Juppiter ut regat
 In vasta frontem jugera Punicus
 Arator, æstu mox valente,
 In pluvij Jovis ardet aras.
 Sic quisq; noto fidere vult trahi;
 At bellicosæ vis proba pectoris
 Et numen armorum est, & astrum,
 Ipsa sibi, nec inane quærit
 Juvamen exti; talis in ardua
 Summum petentis culmina spiritus
 Fert omne DZIERZKORUM trophæum,
 Quos animi vigor aptat armis:
 Non ulla belli commoda promovent,
 Non sæva Thracis cornua Bosphori,
 Non

Non laxa deterret Mæotis ,
 Ipsa per ossa , necesq; centum ,
 Ruunt in hostes ; vulnere computant
 Multaq; lauru , non stationibus ,
 Aūt messe præterlapsa Regum
 Tempora , belligerosq; menses ;
Quam læta svavi Regna Poloniæ
 Hic laude pulcher Flos Procerum replet ?
Quam pænè quævis aula quærerit
 DZIERZKOVIJS caluiss tædis ?
Quivis perenni murice serviunt
 Fasces honorum ? Regia Civibus ,
 Splendore Magnatum Senatus ,
 Arma Viris , Ducibusq; gaudent .
 Parente tantà , Dux bone , nasceris ,
 Cujus vetustæ sidera gloriæ ,
 Auges Tuarum luminosæ ,
 Post Atavos , ope laurearum .



ODE XXVIII.

*Illusterrimæ ac bellicosissimæ POTOCIO-
RUM Genti, Paleologorum Orientis Cæsarum,
Regum Poloniæ, & Hungariæ, Ducum Vala-
chiæ, Moldaviæ, Procerum Regni fermè
Univerorum nexu gloriosissimæ, in AN-
NA POTOCKA Illusterrimi Thesau-
rarij Con sorte, RZEWUSCIORUM
splendoribus adunata.*

Cantabo fortæ Sarmatiæ Duces,
Et quæ Gelonos, quæ Macetas proba
Fixere per campos trophæa,
Quæ Tanais colit, & Tibiscus:
Audite! quos lux deserit ultima,
Quos Phæbus infans æquore, vel solo
Aspexit errantes, ad Austrum,
Quæ medios vaga torret axes
Fax solis alti, seu glacialibus
Quæ flamma ad Arcton nox Aquilonibus
Abscondit æstivale lumen,
Instabiles toleratis auras.

Quis

Quis campus, aut quæ flumina barbaro
Infecta tabo, certa POTOCCIAE

Virtutis argumenta non dant?

Quæ Geticâ sanie paludes

Non plus pigrescunt? quod stadium patet,
Aût strictiores Termopyalibus

Fauces cavernis? quas probrofæ

Non cumuli necis obruerunt?

Lustratus Othrys, belligerantibus

Athosq; signis, Teutho decempeda,

Sicamber armatus bipenni,

Ense ferox graviore Panno,

Jam diminuti, fræna POTOCCIJ

Tulêre Martis; Balthis, & Odera

Arsere bello, militari

Arsit hyems face Caspiana.

Victoriosæ, nam, Jovis alites,

Simulq; nostræ, sub quibus igneos

Exercet ardores Polonus

Semper Eques, peditumq; nimbi,

Bis ferre scenos, bellica fulmina,

POTOCCHIANI Nominis annuunt

Duces, coronatæq; Regni

Militæ decus omne signant.

M 3

Hinc

Hinc, quid-quid alta laude per hosticos
 Egisse campos Lechia dicitur,
 Sertis abusq; Boleslai,
 PILAVIJS Crucibus peractum est.
 Attrita Russo cornua Cæsari,
 Ister catenas, ac Hypanis tulit,
 Tyræ rebelles, Serethiq;
 In jugulis rubuêre ripæ.
 Euxina Thethys ad sua palluit
 Conterminorum funera Civium,
 Captiva Mæotis cruento
 Ingemuit glaciata fato.
 Jussus Poloni limitis æreas
 Albis columnas, &c regimen pati,
 Spiræq; flumen, Prægelæq;
 Gentibus adjicitur subactis.
 Nec Martiali terminus indoli
 Ponetur unquam; nos vocat Adriæ,
 Ductore sub POTOCCIANO
 Illyrici vocat ira ponti.



ODE

ODE XXIX.

Illusterrimæ KUNICCIORUM Propagini, Præfularibus Infulis, Palatinis Curulibus, Castellanis fascibus, Ministerialibus Regni trabes, Splendidissimæ, BARANOWSCIORUM, SWIĘCICCIORUM, KIERDEJORUM, BIENIEWSCIORUM, ZAHOROWSCIORUM, LESZCZYNSCIORUM, DUCUM SOŁOMERECCIORUM, ZOŁKIEWSCIORUM, SOBIESCIORUM, BRZOSTOWSCIORUM fæderibus clarissimæ, in Illusterrima LUDOVICA KUNICKA, Illusterrimi Palatini Podlach: Con sorte, RZEWUSCIORUM decoribus assertæ.

Sublimè vasti culmina Carpathi
Ephippiato vincere Pegaso,
Famæq; prævolantis alâ,
Est animus, sitis est novarum
Immensa rerum. Nec mora præpeti
Feror caballo, quâq; nivalibus
Depexa ventis, quâ severis
Est pluvijs bene lota rupes,

Hinc

Hinc inde jaēto fulmigeri Jovis
Dolata telo, porrigit obvias

Stylo laboranti tabellas,

Et silicem spatiōsiorem,

Cū magna Gentis ferta KUNICCIÆ,

Et præliaris fænora dexteræ

Incido, victurasq; laudes;

Et quid amor, LUDOVICA, mundi,

Quid sidus Arctos nobile conferat;

Quām pertinaci RHINOCEROS suus

RZEWUSCIORUM junctus armis

Jactat Othrym, Rhodopenq; cornu,

Donec triumphet. Non ego marmore

Iden superbam, vel Sypileias

Rupes, nec Alcidæ columnas,

Nec Rhodios spoliabo portus

Æris metallo; non ebur Indiæ,

Sed nec tenacis postulo corticem

Cedri, vigore quæ recentis

Obliterat vetus acta succi.

Fulmen colosso, laurigeræ cedrum

Sternent bipennes; Carpathus ad gravem

Tonantis inconcussum ictum

Teste, palam, mea scripta Cælo

Ser-

Servabit unus. Prælia nil Noti,

Nil pervicaci nimbiger Africus

Furore, nil hic verticosas

Grando nocet jaculata rupes;

Quodsi nivales deciderint strues

Peccante brumâ, Mars propè fulgurat

Avectus Hæmo, notiori

Ut Lechicas animaret Urbes

In bella flammâ, quem juga Carpathi

Cæpere primò; Mars premet ignibus

Nives; & ad KUNICCIANOS

In lachrymas liquidatur æstus,

Quæcunq; pugnat frigore Thrax Hyems;

Instat minaci trux gladio vagis

Cæli capellis, terret Ursas,

Quæ dubium peperere sudum,

Orion ingens, ne Sacra Carpathæ

Incisa rupi Nomina proluant,

Plerumq; vel guttâ minore

Sysiphios lapides cavante.

Quæ prima sculpam sidera? quod jubar

KUNICCIANI Sangvinis, & Sagi?

Fæcunda gestorum, trementem

Materies premit ipsa dextram.

N

Si

Si purpuratæ mentis adoresas
 Svadæq; palmam, si proba Curiæ
 Trophæa dicam, laurearum
 Mars avidus sua ferta dictat,
 Virosq; belli laudibus excitos,
 Et mille fortis prælia dexteræ;
 Si rursus armorum triumphos
 Aggredior, genus Attavorum
 Prægrande nîsus avocat, & suis
 Sudare ceris, ac opibus jubet.
 Duces, Palatinæq; dotes,
 Innumeris cumulantur astris.
 Sed ut potentum congerie brevi
 Laudes Virorum prosequar, unicum
 Nomen sat est KUNICCIORUM
 In memori posuisse Saxo.
 Sculpisse nostræ Nomen, & inclytos
 Iunonis Ortus, Iliadem facit,
 Cui per incisas lituras
 Vena stuet melioris auri.



ODE

ODE XXX.

*Illustrissimis ZBROZKOVIORUM sideribus
Senatorio murice, Regni Ministerijs, armorum
trophæis, abunde florentibus, Magno Confæde-
ratarum Domorum nexu spectatissimis in Filia*

*Illustrissimi ZBROZEK Excubiarum Re-
gni Praefecti, Con sorte Dignissima Illustris-
simi Castellani Podlach: RZEWU-
SCIORUM Famæ adscriptis.*

NOvos Lechæis gentibus educat
ZBROZKOVIORUM gloria luminum
Lucos corymborum, futuro
In meritam, quoties calebit
Umbram Nepotij. Tollite Cynthiæ
Portenta Sylvæ, Pierum nemus,
Solisq; lugendas colubris,
Egelidas Heliconis Umbras
Arcete Musæ; pulchrior hic viret
In Martiales laurca vertices,
Quam quæ Dionæo triumpho, &
Gecropijs fuit aucta fertis,

*N_o**Et*

Et fronde Phæbi. Bellerophontios

Odit liquores, garrula flumina,

Quam sat Gelonorum frequenti

Alluvie cruor irrigavit;

Quam blandus Auster, quam Zephyri cohors

Pennata leni munere flaminis

Hinc inde perflat, ut vel ipsos

ZBROZKOVIJ tolerare Martis

Edicta ventos noveris, & sequi

Quocunqz belli jussa vocaverint,

Quo miles irer, dum perenne

Ver animant, renovantqz campis.

Quid illa Dirces? quid Nemees juga?

Quid Sylva Dictæ? quid viridis Samos?

Tantum torosos, vel Leones.

Vel pecudes aluisse natæ;

Hic aureorum bajula vellierum

Corona fulget, laurea laureis

Connexa, ramorum tenaci

Officio tegit omne Regnum.

Hic liberali clava potens comæ,

Ut Thracis Ortum, sic mala sidera,

Quæ nos ab obliquo intuentur

Orbe, suis meliora terris,

Arcet

L Y R I C O R V M

101

Arcet, nec ulli spes volet æstui
Patere nostras; Scipio vernal hic,
Ferax honoris Curiarum,
Vernat Acer radiosa Sceptris.

O! quas curulis Patriæ nemus.
Affinitatum concipit arbores!

Qualesq; prætergressa Olympum.
Hesperidum potiore fructu
Præsentat astris fertilis Indoles
Sylvas Avorum prodiga fascium!
Quanto reflorescentis aulæ,

Vere nitet, fruiturq; cælo!
Hic pálma fracti Bithonis eminet,
Per mille cædes, per fera prælia

Quæfita Brennorum, hic cruenti
Luxuriat gravis herba Martis.

Sic, sic Avitæ serta potentiae
ZBROZKOVIANÆ præsidio manūs
Pulchrè vigescunt, ut decori
Sarmatico, populiq; crescant.



N₃

ODE

ODE XXXI.

*Illusterrimis WYHOWSCIORUM Aborigi-
nibus, Palatinis, Castellanis Curulibus. nec non
Luceoriensi Infula Gloriosissimis in Illustrissi-
ma WYHOSKA Consorte Illustrissimi
Capitanei Olchovicensis, RZEWUSCI-
ORUM laudi associatis.*

*Ad Illustrissimum ALEXANDRUM WY-
HOSKI Episcopum Luceoriensem
Comitem in Wybon.*

Quis eloquenti labitur alveo
 Per regna Lechi, per juga Littavi,
 Urbesq; Ruthenas, & Arctos
 Edomitas, procùl, ense terras
 Emanat amnis? nec patitur brevi
 Ripæ teneri compede, liberos
 Undæ disertioris æstus,
 Sed patulis spatiatur agris
 Majore fluctu; jam Superum Sacra
 Delubra, magnas jam Procerum domos,
 Aulasq; tempestate pulchrâ
 Egregiæ rapit ille laudis. Inun-

LYRICORVM

103

Inundat arces, & fora Lechizæ,

Ad consulentis limina Curiæ

Ascendit emanante svadâ, &

Purpurei lavat os Senatûs.

Aperta septem non satis ostia

Illi videntur, quæ Phario satis

Fuere Nilo, dum propinat

Cannigenas tibi Memphi lymphas.

Perrumpit Isthmum, si celeres sibi

Moretur undas; littora subruit,

Et saxa, regnantesq; quercus,

In spolium grave mergit orbis.

At Hebrus Hæmo vertice decidens

Tagusq; certant, qui magis aurea

Reddat tributa, gemmeosq;

Gange vehat paciente census;

Pactolus Heimi jungit opes, suis

Erythra servit jussa corallijs,

Gavis Hydaspes; at diserto

Ipse sibi satis undat auro,

Oditq; limo divite pollui

Fulgentis Hebri, non amat in rudi

Langvere captivus saburra,

Qui bibulas nisi potat aures.

Opes

Opes avaro lubrica Nereo
Det Amphitrite: Tu Tagus es mihi,

Tuæq; tempestas Minervæ

Nos pretio meliore ditat

Auguste Præsul. Non ego Pegasi
Excussa cornu flumina postulo,

Disertioris quando lingvæ

Amne mihi potiore manas.

Offundis aras eloquij freto,

Civesq; Regni, Palladius vigor,

Et fons venustatis, Tuarum

Gemmiferum Mare gratiarum

Involvit orbem, quo pius enat

Honor polorum, quo Patriæ salus.

Nec saxa, nodososq; truncos,

Sed studium populare jaçtat.

O! quam profundis sensibus effluis!

Dum Te curulis fulgida sustulit,

Dum rostra verborum nitore,

Et liquida ratione fulcis.

Quam purpuratis svavius atrijs

Aurum propinas! dum Clypeos Ducum,

Palmasq; , laurentesq; fasces

Patritij vehis amne nexus.

Quis

Quis tot Tibiscus, vel Simois tulit
 Parmas Virorum? quo solidæ fluunt
 E fonte spes WYHOWSCIORUM
 Quæ Lechicas aluere laurus?

ODE XXXII.

*Illustri Magnifico Domino MATHIÆ KU-
 NICKI, Venatori terra Chelm: Cata-
 phractæ Cohortis Colonello.*

Quousq; tersæ mentis adoreæ,
 Et laureati sidera verticis,
 Ortusq; felices triumphi,
 Et toties spoliatus Ister,
 Justis carebunt censibus, & gravi
 Honore Regni? cur trabeæ Patrum,
 Et celsa dignitatis auges
 Emeritos cumulare differt
 Belli labores? Non bene fertiles
 Virtutis aptat gloria surculos,
 Quos non sequentis irrigavit
 Amne Padi pretiosiore.

In bellicosis frontibus æstuans
 Sudor, Coronæ fulgere vult premi;

O

Auro.

*Auroq; fortune refundi,
Pulvereas jaculante nubes.*

*Quinimò tales semper avarior
Frontis procellas tenia combibit;*

Nec est còercenda hæc honoris
Ambitio, bene dimicantes

Ornare dextras; tædet atrocia

Non præmiatos fulmina vertices
Sufferre belli, ne remota

Spe, pugilum manus obrigescat.

Cruenta quamvis lætus Olympia

Decurret, aût Tros, aût Lybicus pedes,

Cùm nemo non donatus ibit

Ex acie, stadiove miles

Pro laude nisûs; quisq; labor suo

Amat reponi munere, sed magis

Armata virtus, quæ trecentos

In Clypeos, cuneosq; fertur.

Tutus Paternæ limite gloriæ

Contentus ardor, præmia Principum,

Regniq; non quærit curules,

Nil trabeas, titulosq; pensat.

Quis tangat illos pectoris ardui

Æstus, domandis quos adhibes Getis?

Quis

Quis Martis ignescente ferro

Magnanimos recitaret ausus?

Quantis abundas laudibus hosticos

Emensus agros? quo profugum Scytham,

Quo cordis infracti decore

In medias ruis usq; turmas?

Si tela pulsent pectus aheneum,

Robustiori mente repercutis,

Hæc mox in hostem, seq; lædit,

Non animum, fera turba vastum.

Nec in triumphos est nimius tumor;

Stravisse magnum sat Tibi Pelion;

Nec lucra curas, subjugati

In spolium cadit ira Thracis.

Tot ergo belli clarus adoreis,

Adhuc curules, Purpureos adhuc

Fasces recusas? largiora

Quæ fugis, experiere ferta.



ODE XXXIII.

*Illustri Magnifico Domino NICOLAO KU-
NICKI, Ensifero Terræ Chetmensis,
Cataphractæ Cohortis Colonello.*

INauguratæ sidere laureæ
 Partos honores, sangvine muricem
 Dignare qvæsitum subire,
 Sarmaticæ grave fulmen Arctos.
 Pridem tot armis debita præmia,
 In protegendæ munere Patriæ;
 Pridem triumphali Coronâ
 Tergeminos pepigisse fasces
Augemq; dignus; cur nisi prospicis
Campestre sudum? cur in eqvo placet
 Palmaris exegisse vitæ
 Curriculum? Tibi dūm curulis
 Se jungit omnis, purpura dūm suo
 Cessisse qvævis gaudet Honorio?
 Si Medus infringetur arcus,
 Ni solitum manus apta nervi
 Laxet rigorem? quò magis ignea
 Ardore Martis vincitur Indoles,

Dum

Dùm nil cataphracto remittit
Ex studio, facibusq; bellis?

Nec feriari sustinet uspiam

Petita celsæ subsidio togæ?

Forsan, ter insignes orexi

Ue titulos Tibi longiore

Et Regna subdas? aut meritis nisi,

Non ominosis spebus, &c aleis,

Debere magnas vis curules?

Ipse Tui bonus Author astri.

Adepta longis fama laboribus

Nullæ malorum vi poterit quatî,

At sorte, vel favore partâ

Instabilit ruit acta fato.

Quassata toto Troja decennio,

Iraza Grajum fulmina non paver,

Quam trulla Neptuni, Clarosq;

Ætherea solidavit arte.

At ipse Thebas Tydeus eruit,

Amphionæ que sonitu lyre,

Molliq; surrexere cantu,

Femineis acubus domandæ.

Leves myrice, pampinus impotens,

Quovis ab ipsa turbine subruis

Radice possunt, ast adiſtæ
 Fulminibus viruere quercus
 In clade fortes, quæ nisi sæculis
 Crevisse norunt; fulgura quæ celer
 Accendit áer, vix coruscâ
 Dispereunt, modo luce factâ.
 Fulmen coácto sulphure duriùs
 Nubi recoctum, non nisi maxima
 Cadit ruinâ; sic potentes
 Stare diu nequiere fasces,
 Quos longa virtus non satis imbuit;
 Sic parta centum laurus adoreis
 Florebit æternum, feretq;
 Intrepida grave fronde telum.
 Et tu mereri Patrios diu
 Mavis honores, quæm levibus Tibi
 Venire donis, & decorâ
 Canitie galeas replere,
 Ut flore possis purpureo frui;
 Sed, cede votis, cede curulibus,
 Quæ Te Senatorum nitenti
 Accelerant sociare circo.

ODE

ODE XXXIV.

*Eucharisticon, Eucharistico Principi
pro fine II. Libri.*

SUpplex flecte genu, collaq̄ cernua
Demiſſo viridis palmite Daphnidos,
Notas fronte profunda
Aras Mufa reverbera.

Dūm portum tabulis jam tenet alteris,
Et sudat gemino pagina littore,
Prona puppe ſaluta
Æternæ Cereris Pharon.

Aūt quot ſunt apices, quot tenues notæ,
Quot signat memores linea margines,
Quot dat charta lituras,
Tot JESUM titulis cole.

Toto Pierij munere carminis,
Et buxi modulis, & ſonitu lyræ,
Pennarumq̄ tributis,
Toto culmine ſervies.

Augustis niveæ laudibus Hostiæ
Impensura niues candida pagina,

Et

Et lac svave papyri
Plenis eggeret alvèis,

At Tu Musa tuæ sis memor orbitæ,
Et jacta lapidem, quæ vacat, alterum,
Insculptura perenni
Laudes, & Calamos DEO.



LIBER

I



LIBER TERTIUS LYRICORVM ODE I.

REX CORDIUM JESUS,
*In Eucharistica Pampa
Regnum animorum occupat.*

Quid mihi tellus, vel amata Tethys
Ferre, dilecto potuere JESU
Dignus? quid spes gravis? & potentum
Curia Regum?

Omne possedit meus ille Princeps
Atrium cordis, quoties in simas,
Esedo Panis vehitur rotundo,

Pectoris arces.

Obviām supplex ruit aula tota
Sensuum, totis, animam secuti,
Viribus, Givis rationis; & jam
Fracta voluntas:

A

Hinc

LIBER III.

Hinc potestates animæ , profundo
 Afflunt cultu , tenuemq; censum
 Ære virtutis , vel amoris auro

Divite , solvunt.

Inde , quas misit D E U S ipse dotes ,
 Gratiaæ magno cōeunt tributo ,
 Et quod ex usu sibi forte tanti

Muneris extat.

Ad pedes manceps cadit appetitus ,
 Plebsq; multarum vaga passionum ;
 Jussa jam molles tolerare frænos ,

Principe J E S U .

Hic , ubi sedit medio quieti
 In Throno Cordis , quod amicit undans
 Sangvinis murex , quod honorat almis

Gratia gazis ;

Intimis Regem profitetur extis ,
 Omnibus stillis , atomisq; laxat
 Carnis , & pulsu quatiente venas

Subditus ardor.

Parte venarum fluit æquor unâ ,
 Alluens blando solium susurre ;
 Alterâ , flamas amor innocentî
 Iride flectit.

Side-

Siderum Cæli vice , lampadumvē ,
 Ossa torrentes animant medullas ,
 Et calet roto , D E U S æstuosi
 Pectoris Orbe.

ODE II.

Aulicos fastus pauper animus triumphat.

Mhi tepentem pauper obit fœcum ,
 Frondes Sabeas , aut salices Paphos
 Perosus ignis : nec Gelonam
 Torret avim , Dolopesq; Cervos ;
 Non educatas Hæmoniâ nive
 Feras , nec aprum fert Erymanthium
 Venator audax , quem retortis ,
 Urat edax meus ignis , extis :
 Non ære multo , vel Seqvanâ nimis
 Obsesus offa pugnat inermibus
 Aqvis ; sed immuni calore ,
 Exiguum recreat caminum .
 Pingves Attræi , vel Sybaritidis ,
 Regniq; gemmæ Niliaci cibos
 Fastidit infames , colono
 Farre satur , tenuiq; caulç.

A 2

Fabæ

Fabæ minores, aut olus innocens,
Et quod Paternus nutrit ager, mihi

Frugalis elus; & tenella

Lanigeræ satis agna Matris:

Necdumq; Lunam cornibus exhibens
Frons parva tauri; sat volucris vigil,

Anserq; Sano, Vistulave,

Non Tyberi, Rhodanoq; lotus.

Quod si nec illis fas epulis frui;

Parco domatur saepius arida

Fames salino, vel refectæ

Parva Ceres famulata mensæ.

Quid turba coetrix? quid tumidæ procax

Agmen culinæ? naribus invidis.

Cibos, & aspectu famente,

Quam Dominus, prius abligurit.

Sat unus, uni vernula ferculo,

Odi ministros: qui parat, hic ferat;

Sit mensa simplex, quæ Phlegræos

Non animet, Cypriosq; vultus;

Raptus Sicanos, aut Phrygias faces,

Joviq; questum non det Agenorem:

O! quam beatiore cultu,

Liba, rudit, sua cespes ornat.

Sed

Sed & lacunar non amo fulgidum :
Exile tectum me fovet, aureas

Domos supergressum Neronis,

Et paries nisi nudus alget.

Quid illa gemmis torpida stragula ?

Et igne tortum, sub pedibus novas,

Aurum, tremiscens malleorum,

Et soleæ petulantis iras ?

Quid marmor exul ? gypsea prælia ?

Rodensq; fastum dens ferus Indiæ ?

Quid tot catenatæ superbo

Nereides, fluvijq; , sumptu ?

Laudes avitas, & patrimonia

Quæsita longo sanguine, distrahunt :

At pauper usus, sæpe magnos

Accumulat moderando census.

Hem ! quanta torvis præda sumus Getis !

Quantos refigit Thrax laquearibus

Nostris triumphos !! & Polono

Bosphoreas inamicit aulas

Superbus auro ! quot Gothicæ rates

Vexere victa Balthide Patrios

Fastus, & adjecere Svecis

Conjugibus, spolium Lecharum

Insigne Matrum ! Moschus , & Artaces ,
 Nos pñne nostris contudit ensibus ,
 Uf sitq; turpes , conflagrato
 Orbe notas , memoremq; cladem .

ODE III.

*Ad limitatam in Eucharistico Orbe JESU
 Maiestatem.*

ADverte Cælum ! Sidera ! Sidera !
 Ultro relictis currite sedibus ;
 Agmenq; flammarum minorum
 De superis properate sphæris ;
 Fixæ , tenaces rumpite compedes ,
 Jam majus axi pondus , & integer
 Si vos retardet fractus Orbis ,
 Ad Dominæ ruat astra plantæ !
 En mota tellus cardine frigido ,
 Miratur aras , atq; loquacibus
 A Sole divagante raptis
 Totum atomis treme-fecit Orbem ;
 Testata magnum , scilicet , Incolam
 In Arce Templi , posthabitis Deum
 Astris morari , quam secuta
 In similes fluit aura cultus .

Sed

Sed ecce clarâ qui facie , polos ,

Qui l u c u l e n t i s comit Iberium

Solem capillis , ut remotos

Irradiet Cilices , & Indos ;

Hic ipse , parvo fragmine candidi

Panis coactus , sub nivco latet

Immensus orbe , limitata

Luce DEUS , positoq; Sceptro ;

Qui Regna magnis Regibus adjicit ;

Ipsosq; Reges ungit , & inclytâ

Martis Corona , Civiumq;

Laurigeris latus armat hastis ;

Hic ipse nullo milite cingitur ,

Aras inermes exhibit , & brevis

Est parma Panis , quæ potentes

Mille Ducum vice , texit artus.

Si planta vili s , quos habet , exerit

De flore fructus ; parvaq; plu i mo

Scintilla convalescit igne ,

Quam gelidus cinis obtegebatur ;

Cur flamma Cæli ; cur DEUS igneos

Condit triumphos virgineâ nive ?

O ! quanta Majestas sub almo

Pane latet & modicâq; vite !

Hæc

Hæc noster illi vincula fert amor,
Molles catenas injicit hostiæ:

Ne quis coruscantes honores

Ætherei trepidaret oris?

Hâc arte solers condit amor DEUM;

Quis illa solvat vincula? quis mihi

Enodet arcanæ latentis

Delicias Cereris, fidemq;

Nam sêu minori gente quis editus,

Sêu purpurato vellere nobilis,

Conviva Christi, par uterq;

Angelicâ dape recreatur.

O D E IV.

*Infelix animi Regnum, ubi nec sibi paret,
nec imperat.*

PArere frenis, quos agit ambitus,
Turpesq; luxus, servitium grave:

Cùm nec tot impendi labores

Sufficient, quot obire poscit

Cupido rerum; seq; suo premit

Desideratæ munere copiæ;

Sic ore vix libante primo,

Mox animum novus ardor urit;

Illoq;

Illoq; pulso, provocat igneam
 Mentem voluptas, lenior arripi,
 Ut sic perenne mancipatis
 Dissidium nisi crescat annis.
 Nunc pelta Spartæ, nunc clypei placent,
 Jam parvus Ajax, jam minor Hercules,
 Spirante bellacem Gradivum,
 Et populos, aciesq; , mente.
 Sed vix severa Mars face splenduit,
 Pacatioris limina Curiæ
 Plus æstimantur ; hinc quieti
 Est melior rata palma Phæbi,
 Umbrasq; Cyrrhæ quærimus, & breve
 Intemperatis viribus otium;
 Nam mens curuli, Patriæq;
 Nata diu nequit attineri
 Umbris, vel antris; hinc, iterum, leves
 Coquit medullas, aut honor, aut Paphus;
 Nunquam quieturo calore,
 Dum miseræ fluet aura vitæ:
 Quo tanta vergit luxuries sui?
 Et fervor exlex? & vaga pectora?
 Nec mite mentis purpuratae
 Imperium tolerare possunt?

B

Dum

Dùm laxa voti ferre licentia
 Æqui regentis non patitur jugum,
 Sed quò, vel effrænis Cupido,
 Vel nimij trahit ardor auri,
 Nec his tenendus mercibus, evolat,
 Suo ruinam pondere corrigit,
 Semperq; votorum Tyrannis
 Impatiens jecur inflat, urit.
 Torquent avaræ sollicitudines
 Cor inquietum; torquet amor novus:
 Immane tormentum est, quod angit
 Instabiles animi calores.
 Cæpisse gaudet, quod spatio brevi
 Odit, suorum prodigus æstuum;
 Hinc rursùs in novos honores
 Spes agitur; sed & hanc repellit
 Formido mentis, ne quid inertius,
 Suoq; tentet non satis efficax
 Culmen tumor; sic rebelles
 Imperio rationis ausus
 Tumultuanti semper ineptiâ
 Nutant, nec ipsi ferre jugum sui,
 Nec imperare contumaci
 Ambitus, vitijsq; possunt.

ODE

ODE V.

Ad CLEMENTEM XI.

*Urbinateñsis Collegij Piarum Scholarum
Fundatorem Munificentissimum.*

ATtolle frontem ! sidera vertice
 Metire summo ! non mihi paupere
 Posthac triumphatura censu
 Relligio Calasantiana ,
 Cum liberalis flumine Dexteræ ,
 Sanctiç largis imbris Hesperi ,
 Suoç CLEMENTINA Stella
 Te cumulat , sociatç Cælo.
 Hic ille Divi mite supercilii
 Demittit astrum Pauperibus Scholis ,
 Dignatur aspectu beato ,
 Et Dominâ super instat alâ.
 Hic ille nostris æthereum Caput
 Implere curis , sollicito sinu
 Non temnit infantile vulgus
 Ferre Domus Calasantianæ !
 Quem Sol Eòo , sideris abstinenſ
 Colit profundo , cui capitis minor

Inclinat occasum Boötes,
 Ac humili cedit Orbe flamma
 Sub usq; terras: & quoties suum
 Ascendit axem Phæbus, amabile
 Signum ter augustæ curulis
 Deposito radiorum honore,
 Adorat ingens; Acroceràunia,
 Notamq; magnis laudibus excitat
 Rhodon, Quirinalemq; passim
 Memnonio canit ære famam;
 Hinc in Threissi se glaciem freti
 Multum minaci sidere projicit,
 Flectiq; designata saxa,
 Vindicibus radijs flagellat.
 Invadit Hæmum, Bistonio gravis
 Marti; Latinis quod ferus obstrepat
 Cornu rigoroso triumphis,
 Et famulas jubet ire palmas
 In vota Romæ; sensit Athos DEUM,
 Sensit ruenti vertice Pelion,
 Cædemq; formidans Phlegræam,
 Præsidium sibi Vaticani
 Implorat astri; jam Capitolio
 Septemq; tutus collibus in Jovem;

Dacus

Dacus, capillofusq; Saxo
 Et nimium furiosa Balthis,
 Semperq; Scepbris his Aquilo minax,
 Et juncta Dano portibus Anglia,
 Sensere, quid Phæbus minetur,
 Atq; suis tremuere Regnis;
 Nam Pindus, & qui viscera digerit
 Flammis Vesevus, gratus Eryx Deæ,
 Alpesq; jam Pænis timendæ,
 Jōniæ, Siculæq; Scyllæ,
 Myrtoā Tethys, & Venetus Leo,
 Cilix, & Indus, Nilus, & Aethiops,
 Tuis cōercentur trophæis,
 Et Lybiæ seges, & Canopi,
 Servit tributo; Te Babylon ferax,
 Te Persa, quondam, Medus, & Armenus
 Colet profundiore cultu,
 Et spolijs onerabit aras;
 Canêris Orbi Maximus Arbiter,
Quem præter altæ culmina gloriæ,
 Opesq; Regnorum, fidemq;,
 Sarmaticæ recitabit Arcto
 Urbinatensis stirps Calasantij;
 Tot ora famæ, tot Tibi Memnones

B3

Datu-

Datura , quot pennis vigebit ,
 Quot tenerâ Tibi Pube mundus .

O D E VI.

Ad MARIAM de Gratijs
pro avertenda, & cohibenda Peste,
 Septem Sagittæ Ejaculatoriæ ;

S A G I T T A P R I M A
pro Regno.

JAm satis diræ necis , atq; ferri
 Grando Lechæos populata Cives ,
 Impijs Lethi spatiofa mersit
 Regna procellis .

Terror armorum , faciesq; crudæ
 Militis , nunquam priùs ante visi ,
 Pænè supremo tenuere mæstas
 Funere Matres .

Sylva villofis habitanda Pardis ,
 Aut ferox antrum , domus est fugatis ,
 Thrace pellito , vel atroce Moscho ,
 Sola puellis .

Rura

Rura crudeli peragrata ferro,
 Fertiles flavâ sine messe pagi,
 Absq; fæcundis gemit hâud aratus.

Campus aristis.

Carduos pingues, vel inamovendas
 Gignit urticas, vice Punicarum
 Messium, tellus latitante cæcâ

Rupe Colono.

Sola cristati galeata Martis,
 Et sarissarum seges ampla nutat;
 Solus in castris viret efferati

Umbo maniplî.

Non pecus pleno grege, non mariti
 Candidas Matres comitantur hædi,
 Dum vorax hostis pecudum cruenta

Cæde rubescit;

Non sibi balans ovis innocentes
 Educat fætus, neq; vacca lactans,
 Justius, si non peperisset, hirto

Pasta Gelono.

Jamq; diversis agitamur armis,
 Moschici crudas Aquilonis iras,
 Atq; Svecorum graviora passi

Fræna Leonum.

Hic

Hic Quirinales ope fraudulenta
 Allicit fasces, & iniqua solvi
 Ære Civili jubet aggregatis
 Præmia signis.

Ille divisus Equitum vocatus
 Sensibus, toto ruit axe Septem-
 Prorsus expulsis populis, & omni
 Cive Trionum.

Et quod innatis odijs alebant,
 Censibus nostris reparare bellum,
 Atq; Lechæo male nundinari
 Sangvine gaudent.

Obrutæ marent sine Cive sedes,
 Urbium splendor tepet in favillis,
 Nulla jam ferrum meditantur uultis
 Oppida muris.

Ipse tantorum propè funeratus
 Mole bellorum, sua fata trudit,
 Ipse dissentit sibi luctuosis
 Sarmata damnis.

Major, at Russis, Gothicisq; bellis,
 Ingruit læsi gravis ira Cæli,
 Et supergressas fera tela Martis
 Fulminat arces.

Occu-

Occupat nigris vaga pestis alis
 Arduas urbes, tenuesq; vicos,
 Pallet exangvi tremefacta passim

Curia morte.

Bubo ferales ululatus umbras,
 Non vacaturis sedet in sepulchris;
 Sed magis tristes inhumata terrent

Corpora campos.

Deserit bellax sua tecta Lechus,
 In parentales animosus ignes;
 Ipsa Majestas Superum fugatur

Mortibus attis.

Suplices ergo Tibi Gratiarum
 Mater uremus, vel olente fumo
 Vel flagratura prece, vel Sabæis

Nubibus aras.

Pruna vel candens, vel acerra pingvis
 Thure facundo tua munerari,
 Vel verecundis pia Flora perget

Numina fertis.

Carpathi colles, & avarus Hanno,
 Quidquid argenti cumulant, vel auri,
 In Tuas olim Lyparæa coget

Flamma coronas.

C

Splen-

Splendidas turres dabit hospitalis
Lechus, affuso Tibi Cive supplex,
Gratiæ Matrem colet ara facri

Conscia voti.

Sume langventis modo Virgo curam
Sarmatæ, nostras miserata clades,
Pelle confusas acies, & ipsos.

Pelle Tyrannos.

Cedat innotas vagus Ister oras,
Et Tuis pridem Draco victus armis;
Barbarus laxo Scytha, Calmucusq;
Exeat arcu.

Balthis armatas revocet phalanges,
Jussa Neptuno Patre limitari,
Tinniat serà Tibi mancipata

Compede Tethys.

Astra depresso inimica terris
Blanda componat Tua frons, amorq;
Si Tibi cessit D E U S impediti
Tela furoris.

Cessit; en fractas Tua fert sagittas
Dextra, fert ingens spolium sinistra,
Frangis offensi, Pia Virgo fulmen
Flexile Cæli.

O D E

ODE VII.

SAGITTA SECUNDA

pro Ecclesia.

Exul à templis honor, & sacrarum
Fama curarum, vacuæq; sedes,
Improbis cedunt, viduata cultu
Jura, ruinis.

Nullus ambusto color est Tonanti,
Insolens parvis viret herba tectis,
Nulla Delubris vigiles adornat
Flamma lucernas.

Frigidæ Divum sine luce mensæ,
Cereas ædes apîs exulantis,
Barbaro passim rapiente torvi
Milite Thracis.

Si profanatis minor ara Sacris
Mansit, hæc fumo tenui vaporat;
Quæ volet Divis dare, dat Gelonis
Dona Sacerdos.

Sola dejectis remorata tectis
Luna, Divinas nisi lustrat aras,
Sola per noctem famulantur aptis
Sidera flammis.

C 2

Ple-

Plejas hybernis lachrymata nimbis,
 Obruit, quas flet, Superum ruinas,
 Ac suam crebro jaculatur æther
 Fulmine turrita.

O pudor! quantis furiosa Dirce,
 Aut Arabs, aut Phryx, sua fana gemmis
 Ornat, & quali laqueata Cypris
 Emicat auro!

Roma Junoni speculum ministrat;
 Linteo tectus, strigiliq; fulvo
 Juppiter sudat, mala fax Dearum
 Langvet in ostro.

Aureum Thraci Rhodopaea Marti
 Regna cervical posuere, quando
 Jam redit bello, & sanie refectis
 Incubat armis.

Numinis veri tumulantur aræ,
 Vix manet quædam morientis ignis
 Atra fuligo, positiq; parvo
 Cespite Manes.

Corruunt ædes; cineres Avorum
 A superfluis rapiuntur undis,
 Enatas mersis male clausa Patrum
 Umbra sepulchris.

Si

Si tamen tantæ superest ruinæ
Una, vel plures Domus alta Divum,
Hanc ferus Regni misero tumultu

Prædo fatigat.

Non graves gazzæ, nec avara tolli
Pyxis aurato benè tuta fundo,
Quidquid huc Seres, Tyrijvæ portant,
Expavet hostem.

Pro dolor! Sancti calices profano
Usui parent, bibit aut falernum,
Aut apum nectar ferus è dicata
Pyxide Parthus.

Audet insignes trepidante flammâ
Tauricus raptor patinas Alanis
Ferre vaginis, liquidumq; ferro
Mancipat aurum.

Gemma Phænissas, superis adempta,
Insidet plumas, adamante rapto
Uritur thorax, vel adacta nigro
Vitta galero.

Nec Palatinis honor est asylis;
Porticus Sanctæ, pia claustra, sævos,
Jussa recludi, patiuntur hostes,
Spes perit aræ.

C₃

Quod

Quo magis diras, ubi pestis, auras
 Per supernarum jubet evagari
 Arcium sedes, ubi regnat audax

Parca sepulchris.

Quis Tibi dignas cumulabit arrhas?
 Obsequi pronus, quis agente lethum
 Peste, Divinis vigilabit alma

Virgo triumphis?

Si premat Divas Libitina turres,
 Nullus astrorum radiabit ignis,
 Sola Parcarum vitirosa circum

Umbra volabit.

Irruet mæstos, animabus auctis
 Atropos pallens, Supèrum decores,
 Ni tuis, Virgo, jaculeris atra

Fata sagittis.

Tolle mortales, avidasq; lethi
 Forfices Parcæ, Tibi molle stamen
 Reddat Alecto, Tibi clausa Ditis

Serviat aula.

Nos Tibi grates, & amata Cælo
 Publico sumptu dabimus trophæa,
 Atq; Nisæo decorare saxo

Templa volemus.

ODE

ODE VIII.

SAGITTA TERTIA

Pro Academij.

QUæ premit sacram gravis aura Cyrrham
Pallidis lethi vitiata pennis?

Hippocrenæas quis amarus horror
Inficit undas?

Thespias rupes, Aganippidosq;
Stagna, faustarum vice tibiarum,
Dissonis latrans ululatus implet
Luctibus orci.

Error umbrarum novus in Pelasgos
Insolens lucos, ruit orbe magno,
Et salutares Heliconis audax

Increpat umbras.

Tristior quassi vaga frons corymbi
Nutat, & lætam faciem remittit,
Cum Cytheronem volat atra circum
Palladis ales.

Hic Medusææ sibi murmur undæ
Mæstiùs garrit, lachrymante rivo
Virgines Lymphæ sibi longa rumpi
Somnia plorant.

Hic

Hic supinatum feriente cornu
Pegasum freno Lachesis recepit,
Et super celsas equitavit arces,
Regnaq; Phæbi.

Cynthius Grajis fidicen Camænis,
Vix chely raptæ, radijsq; frontis,
Flebili Musas metui relinquens,
Fugit in astra.

Nullus in vastis Heliconis antris
Cantus, & reddens sonat Echo cantum.
Nullib[us] cygnus, facilisq; lingvæ,
Garrula cornix.

Heu! filet Sacri nemus omne Cynthi,
Phocidos rupes, & amæna lauri
Sylva ferali jacet incubantis
Funere Parcæ!

Non minus Divi spatiofa Craci
Luget infvetis Academus umbris,
Nobili passim viduata lætæ
Flore juventæ.

Quas Stagyræi generosa circi
Fama? quas docti senium Platonis?
Peste Civiles peragrante Sedes,

Ibit in aras?

Por-

Porticus doctas nisi rauca tussis,
 Et Magistralis Cathedras fatigat;
 Mors Athenææ gelido Palæstræ
 Pulvere sordet.

Parca vicitrices tegit umbra frontes
 Laureæ, raro calet Ulpianus
 Curiæ fert; jacet obseratæ

Gymnadiſ ardor.

Ipſe miratur medices, Galenus,
 Artibus, crudas, & inobſequentes
 Atropos strages, nihil Aſculapi
 Pharmaca poſſe.

Virgo Divini ſtudioſa Verbi,
 Quod ſuperfuſâ, Tibi luce, Sanctum
 Vīrgines Chartas ſuperante, ſcribit
 Flamen in alvo.

Sic & Infantis Schola prima Verbi,
 Diceris nobis, cùi Dux Aquinas,
 Cùi ſtudet Scotus, ſtudet æmulanti

CANTIUS æſtu.

Te ſequi pronæ, Cynofura clemens,
 Invocant Muſæ; Tibi Delon altum
 Et verecundæ proba ſerta frontis

Thuraq̄ ponunt.

D

Tu

Tu Lechi faustas habita Palaestras,
 Morte, victrici pede, comminutâ,
 Elbreat semper tua per Lechæos.
 Gratia fastos.

Tu mihi dulcem sonitum modestæ
 Tempera buxi, placeamne Musis?
 Mitto scrutari; sed ubiqꝫ mitem
 Spiro MARIAM.

O D E IX.

S A L G I T T A Q U A R T A.

Pro limitibus Regni.

Quis modus lethi? quis euntis iræ?
 Per coronati juga celsa Craci
 Limes? an nusquam DEUS in reliquias?
 Prospicit arces?

Omnis, ærumnâ, lachrymisqꝫ victa
 Urbs in exangvi faciem coruscans
 Nube palloris moderata, Divas:

Occupat aras;

Crine mærenti legit obsoletum
 Pulverem templi, lateresqꝫ siccans
 Aut humum prono scopat ore pallens;
 Curia Patrum.

Non

Non Tyri largo toga tincta succo,
 Non Erythræis agitata conchis
 Gemma, cunarum vice, purpuratas
 Veltijt Urbes.

Mygdones cultus, Phrygiasq; pallas,
Quas acu molli bona duxit Hebe,
 In rudes succos, & amara luctu
 Funera mutant.

Non Hydaspo saturata censu,
 Aût ab amoto Rubicone vœcta,
 Urit insignes Chlamys æmulanti
 Luce lacertos.

Tutus involvit sua fata bombyx;
 Nemo, quem, textis spoliat sepulchris;
 Dum vacant Seres, neq; pinguet aucto
 Visceri murex.

Nauta Tyrreñus gravidas Achæis
 Mercibus classes, dolet attineri
 Anchoris longum, nihil æstimante
 Fænora luctu.

Nullus afflito nîmiūm Senatu
 Est honor gazis; teneant Mycenæ,
Quas vchunt merces; habeat superbos
 Adria census

D 2

Hic

Hic Viro conjunx viduata mæret,
Nec volet tantis superesse fatis,
Aut supercumbit morientis ori
Ipsa mariti.

Hic comam Mater querulosa scindit,
Prole ferali pereunte tabe,
Aut sibi curæ, fugit insepultos
Saucia partus.

Vile jam gemmis caput atra comunt
Vela; non pavo, nec opes Cytheræ,
Nec catenatis adamante plumis
Crista renidet.

Gemmeis dives lachrymatur undis
Despici Ganges, freta Gaditanæ
Tethyos plorant inamata nantis
Pignora conchæ.

Gallici prodest minus aura flabri,
Jam venenato fruitura vento;
Cera pullosa cute glis marinus
Funera signat.

Sola lugendis operata sacris,
Prodit amissio mulier marito;
Aut puellari lachryma Parentum
Offa vigescunt.

Vir-

Virginum Virgo, satis est malorum,
Et feræ mortis; Tua regna semper,
Quæ laceſſuntur, Tua ſunt vetuſti.

Mænia Lechi..

Mille verbenas, Glypeosq; mille,
Sustines Turris, pharetras, & arcus,
Et Tibi septem ſupero remiſſas.

Jure Sagittas.

O! Domus Divūm fabricata puro,
Quod parit Sion, vel Olympus, auro,
Gestias nostris pia limitari.

Ædibus Hospes.

Surge, mortales, age, jurgiosæ
Atropos leges Acheronte mergi,
Cùm mori parcus Tibi fert olementes.

Civis acerras..

Surge, felices age, rursus horas,
Sospitem muris revocare turbam,
Grande vextigal Tibi manat aucto

Vistula fluctu.

Serviet multa Tibi Lechus æde,
Læta devotæ veniet ſupellex.
Plebis in censum, modo nos avaris.
Exime Parois.

D 3

ODE

ODE X.

SAGITTA QVINTA.

Pro Ministris utriusq; Ordinis.

Fragitur longis grave pulla dannis,
Si relaxari nequit a ruina,
Sit licet partis toties triumphis,

Excita virtus.

Biston excussis toties sagittis,

Decapillata Merce, fugatur;

Ni relanguentem moderere nervum,

Frangitur arcus.

Quae tulit ventos, hyemesq; sèvas,

Ac obèratos Aquilone nimbos,

Concidit crebro male verberata

Fulmine quercus.

Sæpius vasto ratis acta Ponto

Mergitur tandem, rapiente nigrâ

Nube Pollucem, nisi quassa siccat

Littore vela.

Abstinent bellis aliquando Thraces;

Antra Gætulus Leo cæde longâ

Respicit Sordens; hebetata condit

Spicula Medus.

Quid

L Y R I C O R V M

31

Quid? sub immensis animus procellis,

Jam senescenti minor Orbis ira

Non cadet? magnas superante vires

Mole dolorum:

Quid? Musurmanis animosa palmis,

Ad tot hostiles Equitum tumultus

Non ruet, multum tenuata grandi

Lechia fato?

Sternit infractum Paris ense Phithium,

Ipsa quem ferro Thetis asperavit;

Durus Alcides, tamen igne lento

Perditur Octæ.

Jam novem cæsæ rediere messes,

Cum gravis belli seges, & rapinæ

Fertili damno viret, in Polonis

Undique Regnis.

Excolit fætos Scythicis, Gothisque

Falcibus campos, & equis Colonus,,

Nostra diffusis humus exterorum

Luxibus undat.

Quo Palatinæ decor altus aulæ,

Pube festivos ineunte plausus?

Quo pharetratae cecidit cohortis

Splendor avitus?

Aurei

Aurei currus , & adempta brumæ
 Nix quadrigarum , phaleræq; solis
 Æmulæ ? totis abeunt severo
 Usibus hosti.

Hic , ubi castæ tepuere nuptæ ,
 Barbarus turpi jacet hostis armo ,
 Qui verecundos thorus egit ignes ,
 Sudat Alano !

Hicnè Thrax , cespes tibi Martialis ?
 Hic lapis , parvam caput in quietem
 Excipit ? talem Rhodopæa portant
 Plausta Gradivum ?

Non viris tutum latus assidente
 Est Heræ , sœvus quoties Gelonus
 Accubat ; nufquam licet expetitos
 Ire per agros.

Quæ potest longam Domus ulla pacem
 Ferre ? quis parvum sedet ad salinum
 Tutus ? aut feræ cohibere lentos

Falce maniplos ?
 Terror infecti maculosus oris ,
 Murinur Hircanæ tigridis , vel Ursi ,
 In salebrosæ cava saxa sylvæ

Vulgus abegit.

Quis

Quis Scytham torvum , furiasq; Moschi
Non pavet? nullis ubi freta signis ,
Cogitur scisso latitare tristis

Patria Cive.

Sed malum trudunt , mala duriora ,
Quod chalybs atrox nece præterivit ;
Atra lethali sibi pestis agmen

Vendicat urnâ.

More balantis gregis , aût sonoræ ,
Quæ simul clauso perit alveari
Alitis , toto maculosa pallent

Corpora campo.

Tecta , vagitu comitante , mæstæ
Delerunt Matres , nemora alta quærunt ;
Nec nemus tutum ; ruit evaganti

Funere pestis ;

Flebilis ripas , fluvioq; nantes
Insulas poscit , sed & insulari
Pace submotâ , cadit insoluto

Navita naulo.

Virgo Gastrenses imitata palmas
Nobili Patrum , Pro-Avumq; famâ
Nata , sis Lecho Decus , Ordiniq;
Sidus Equestri.

E

Pel-

Pelle gentiles acies Gradivi,
 Pelle mortalis maculas furoris,
 Regna per, nullis celerare fas sit,
 Te Duce fatis.

Nos ubi Virgo regis; Arctos audax,
 Et pharetrati fera bella Parthi,
 Nil nocent; laxas inimica pestis
 Contrahit alas.

At Lechus multâ prece, victimisq;
 Gestet sacras cumulare laudes;
 Ædibus nostris Tua preferetur
 Semper Imago.

Hinnulos capræ, vel ovis, falaces,
 Usta taurorum juga non litamus,
 Cor Tibi supplex, & opes Paternæ
 Virgo placebunt.

O D E XI.

S A G I T T A S E X T A.

Pro Plebe.

Mercuri, nam tu potis es supernis
 Irreluctantes revocare manes
 Arcibus, notos cane jam silente
 Eripe vultus.

D u m

Dum renitenti freta scindit ære
 Vix capax tantis animabus unus
 Portitor nigræ Stygis , & gravata
Cymba laborat.

Redde , qui nostras propè testis aures
 Instruat , quanto ruitur tumultu ?
Quos Avernal is modo mancipavit
Regia manes?

Jamq; sopitus vigilante virgâ
 Janitor ; terras adit obsecuta
 Umbra , quæ Regno , populisq; tali
Voce minatur:

Desinant crudæ fera monstra terræ ,
 Et malæ fraudes , & avarus ardor ,
 Omne fas ruptum , scelus , & dolosæ

Crimina mentis:

Dira vicinæ segetis cupido ,
 Alteri natis spoliata botris
 Vitis , & nunquam satis invidendi

Cura peculii:

Quidquid Ægæo , ratis , Apuloq;
 Avehit Cælo ; quod ager Sichæus
 Educat ; nostro sitis atra velle

Ferre novali:

Ez

Mel-

Mella quæ sylvæ dat apis Calabræ,
 Aut Hymettæis operosa campis,
 Vellus Argivum, Tyriasq; lanas
 Fervor habendi.

Dives armentis vocat hos Agenor,
 Vallis Admeti benè mugit illis,
 Et sibi parvo nisi grex videtur
 Ire juvenco.

Impiæ cædes, socijsq; tincti
 Cladibus Manes, & iniqua Fratrum
 Bella, de parvo genialis agri
 Limite mota.

Nullus expulso titulus parenti,
 Præter atroces furias, & ictus,
 Et famem duram, datus in scelesto
 Sæpe Nepote.

Livor invisus, mala vis fruendi,
 Quæ rigorosas acies cœgit,
 Vel Duces turpi laqueo, vel ipso
 Sustulit ense.

Ignis incæstus, Paphicq; flammæ,
 Et maritalis spolium cubilis,
 Aut quod infames simul educarunt
 Crimen Erynnæs.

Nul-

Nullus infirmæ decor est senectæ;
 Nulla languentis pietas egeni;
 Pauperes nullo manus ampla mensas
 Munere donat.

Dixit; & rursùs properante fato
 In Charonthæ retro vecta cymba est;
 Tot viros uno populosq; Parcæ
 Remige fertis!

Justa nos læsi premit ira Cæli,
 Justa ferales Libitina taxos
 Plantat, & longo remeantis hostis

Marte domatur.

Exeat nostris furor omnis aulis,
 Et verecundi redeant pudores,
 Pulsa Lechæas Themis ultrò sedes
 Rursùs obibit.

Rursùs aurato radiata sole
 Pax, & innubis facies avorum,
 Et triumphales rutilante flammæ
 Arce recurrent.

Ibit attrito cicurata collo
 Sub coruscanti pede gratiose
 Virginis, fractis mala pestis ibit
 Viribus Orci.

E3

Illa

Illa funestis cita subvenire
 Civibus, gratas ubi sentit ædes;
 Illa fæcundis opulenta fertis

Sæcula reddet.

O D E XII.

SAGITTA SEPTIMA.

Pro Religione.

NOs quidem Divæ, pia cura, Matris
 Sub lacertosâ satis ejus alâ
 Vivimus tuti, nec acuta Parcæ

Arma timemus.

Novimus, quid sit Dea cæca? quantum
 Irrepercusso jaculetur arcu,
 Et quibus telis noceat, quis atri
 Limes averni?

Mors mihi, vox est, & inane nomen,
 Sivè privatæ via parva vitæ,
Quâ data liber petit eminentes

Spiritus arces.

Vana Parcarum colus otioso
 Dicitur fuso, Siculâ jubente
 In suum raptæ, sibi forte nere

Stamina mundum.

Nec

Nec coronatis, Tyriæ, Phrygumq;
 Manibus lanæ, vel opes perosis
 Simplicis villi, sed idem est utrisq;
 Tonsile filum..

Tænari portas, & avara Ditis
 Regna, Cocytum, Stygiasq; ripas
 Rideo, vel quam Radamanthe pulsas
 Litibus urnam.

Tantalus sicco vaga poma trudens
 In fretum mento, Tytiusq; vultur,
 Et Charon raucus, nisi ficta Graijs
 Nomina Musis.

Styx, & invise pecus omne Lethes,
 Mors Avernalii famulata Regi,
Quam scelus gignit, pede trita Christi
 Fræna momordit.

Sola, quæ Divas animabus arces
 Dimovet, mansit, mala mors vocata;
Quæ nisi vitam meliore vita
 Fænore mutat.

Ergo ferales metuemus horas?
Quæ Polo mites animas redonant,
 Funeri multâ facc prænitente
 Ætheris alti?

Non

Non quod optatæ sit inanis horror
 Mortis, aut lethum gelidi timemus,
 Sed quod astrorum maculosa pestis
Implicitat iram.

Parce stellati pie Rex Olympi
 Et mori prouum cohibe furorem,
 Pestis offenso nisi dente dura
Marmora lædat.

Virgo, quâ nostræ Duce signa vitæ
 Calasantino cumulamus Astro,
 Flecte placatos in egena lucis
Agmina cultus.

Nos adhuc statim tibi parva turba,
 More surgentis sine fronde plantæ,
 Nec recollectis ubi languet infans
Viribus amnis.

Si ferâ nostram temerare falce
 Mors volet messem, quod abiret agmen
 Sospes? & quanto colereris igne
Pauperis aræ?

Dextra pennatis tibi stricta telis
 Exitum victo minitatur Orco,
 Nata cœu Delos, vel Amazon audax,
Uteris armis.

Pri-

Prima Sirene benè jam Zacyntho
 Ac Ulyssææ metuenda ceræ,
 Prima Te nobis Italo colendam
 Transtulit Orbe.

Nam Faventini priùs axe Cæli,
 Peste quassato populo vocata es,
 Et sagittatâ nece, Gratiarum
 Virgo recepta.

Inde Lechæas miserata mortes,
 Hesperas gentes, Latiosq; colles
 Deferens, cani pharetrata Lechi
 Regna revisis.

Nos Tibi primas pia turba curas,
 Nos trophæorum decus immolamus,
 Diceris passim Calasantiani

Gratia Templi.

Hic venenato nece pestis atræ
 Æger, affuso Tibi civis auro,
 Sistitur, sanos cùi Diva soles
 Virgo reducis.

Quæ faves toti pia Mater Orbi,
 Et Tuam serva peto Mariani
 Nominis gentem, Tibi quæ modestis
 Supplicat aris.

F

Lar-

Largior posthac mea penna toto
 Fonte Musarum, Tibi liberales
 Obruct chartas, Tibi fundet amnes

Pagina laudum.

Te mihi læto canet ore Phæbus,
 Te vigil Lunæ foret igne lampas,
 Immori magno sine labe Natae

Dicar honori.

O D E XIII.

G R A T I A R U M M A R I Æ.

Ad sagittas argenteas è Scholis oblatas.

Carmen Votivum.

R Egina, densis cincta phalangibus,
 Quas armat æther, quas Thetis & soluta?
 Hinc clangor admugit tubarum,
 Hinc equitum, peditumq; raucæ
 Quid grande voces, tristeq; murmurant?
 Enses, & arcus, tela, Erymanthides
 Surgunt in Ornus, fulgurantis
 Celsa ferit niter astra ferri?
 Latepatentes occupat areas
 Vis magna belli; quid fibi tanta vult

Seges

Seges Gradivi? nūm Tonantem
Centimani Gygis arma pulsant?

Tu nempe robur, Tu popularibus
Adaucta signis prælia conseres,
Tu Virgo castrorum Trophæa
Ac aciem dabis ordinatam.

Tibi cruento Phyllirius pugil
Potus veneno, quas super æthera
Evexit è Lerna Sagittas,
Jam pretij melioris offert;
Dictæ Princeps cum pharetra gravi,
Feris timendum, Thracibus abstinenſ
Diana cornu, Gnossiosq;
Mille simul Tibi flectit arcus.

Sêu Bactra, sêu nos terreat insolens
Multum timendi Massagetae manus;
Auriga quondam, jam Tyrannus,
Sêu rigido populetur igne
Terras Boótes; sêu Borealibus
Inflatus armis, classeq; Balthica
Prædo coronarum perennis,

Sarmaticum premat ense mundum;
Quicunq; demum barbarus irruat
Arcton Polonam, debilis ad Tua

Labetur arma , vix beatam
 Obijcies aciem MARIA;
Quæ , dum minacem dextera Numinis
 Tetendit arcum , sœvaq; spicula
 Direxit in caput nocentūm ,
 Armigerā prece restitisti.
 Ut ergo Præses Mercurialium
 Sis hinc laborum , nostraq; cælico
 Lycea defendas favore ,
 Cum calamis simul immolamus
 Leves Sagittas , quæ vel Apollinis ,
 Vel Sarmatarum pondus amabile
 Latus tuentur , prosperoq;
 Sæpè Duces , Arabesq; turmas
 Ictu laceſſunt ; sic Tibi Martios
 In apparatus tela volucria
 Litamus , æternæ voventes
 Militiæ pia signa Cæli.



ODE

ODE XIV.

AD CLEMENTEM XI.
P. T. O. M.

Regia eius magnificentia Tybri comparatur.

Inducis Urbi Maxime Pontifex,
Extra torosas non solitum Tybrim
Ripas vagari, dum profuso
Munificæ ruis amne dextræ,
Et æmulanti flumine divitis
Gazæ, per agros, per juga Dauniæ;
• Per recta Divorum, Laresq;
In superos populumq; manas.
Sed Tu potenti latius ostio
Fluctuq; major defluis aureo;
Miratur Apenninus ingens,
Unde novus spatioiore
Amnis profundo, quam Tybris æstuat?
Illiq; rupes grandibus ostijs
Laxat, recepturus ruentem;
Illi humiles jubet ire colles;
Ni clausa sernas viscera montium,
Captumq; ditem turpiter inferis

Servire lucris, & sepultos

In tenebris latitare censua

Damnes fluentis munere gratiae,

Quæ per nitentes volvitur areas

Aulæ Quirinalis, sitimq;

Tantalei fugat ore vulgi:

Inundat aras, Templaq; gemmeis

Indi procellis, ne sibi ditior

Ganges, Erythræumq; littus,

Quam superæ videantur arces:

Assurgit intra mænia Romuli,

Pecuniosi viribus alvei,

Littusq; Tyrrenum relaxat

Diluvio melioris auri.

Sic sic beatæ nummifluæ manûs,

Gentem Latinam fluctibus obruis,

Gemmæq; tempestate claræ

Hesperios saturas penates.

Sic nostra toto Maxime Pontifex,

Lycæa sacræ Tybri opulentiae

Offundis, ut Tibi Sicanis

Vorticibus minor Hippocrene

Adaucta crescat, quæ rutilas Hebrei

Non sic arenas, non pretium fluens,

Curat

Curat vadorum, quām quod alta,

Grande Tuum vehit amne nomen.

Et jam coruscos Erydanus Tibi

Inflectit amnes, ut sociabili

In astra diffundatur æstu

Sidereis cumulatus undis;

Ni præter ignes ætheris & Padi

Adulta Romæ jam Tibi sidera

Accendat orbis, quæ Latino

Hesperiæ vice lucis ardent:

Et ipse servit flumine subdito

Commixtus astris Erydanus Tibi,

Tuisq; stellis, ille quamvis

Obruerit Phaetontis ignes.

O D E X V.

Ad COR JESU.

Cor JESU teneris ignibus æstuans

Rupit contigi vincula pectoris,

Æternamq; salutem

Pleno prodidit ostio.

Non hoc Assyriæ credite lanceæ

Vulnus, qua resum dissecuit latus,

Non sunt crimina dextræ,

Portam fregit amor sibi.

Affi-

Affixit nimis viscera luctibus,
 Concessit validis pectora pulsibus,
 Ut solvisset Asylum
 Per prærupta ruentibus.

En quantis Cor amans laxat hiatibus!

Ut toto miseris thauriat advenas

Fundo cordis aperti,

Extra tela Proserpinæ!

Ut secum superis inferat arcibus,

Pignus dulce animæ, quod scelus impotens

De stellante beatæ

Arcet limite Patriæ.

Effundit rapidi fluminis in modum

Angusti rubeos sanguinis alveos,

Ut raptas Stygis amne

Astris invehernet rates.

Et ne, quæ medijs gutta meatibus

Hæsisset, moriens, flectit amor caput,

Ut vidisset an omnis

Effluxit lateri liquor.

O! quis sollicitum Cor superet DEI?

Quis J E S U M paribus vincat amoribus

Ut si flagret ut Aethna,

Uraturq; Vesuvio.

Quo

Quo desiderio fervet atrocibus
 Configi jaculis, ut reparet meæ
 Vulnus flebile vitæ
 Æterno medicamine?
 O! cor quo Tyriæ murice purpuræ,
 Gemmarumq; piâ grandine Te mihi
 Supplex obteget ara?
 Dives Regia vestiet?
 Ut tanti pretium sangvinis innocens
 Murex restituat, vel niveum jubar
 Gemmæ, suavè refundat
 Guttarum pelagus Tibi?
 Sed nec Sidonij velleris ambitu,
 Nec quovis tumidae munere Regiæ
 Placatur, nisi tristem
 Impendas lachrymam Deo.

ODE XVI.

PANEGYRIS LYRICA
 CLEMENTI XI.

P. T. O. M.

In arma Gentilitia Montium.

Regnare Montes credimus; ut Tuo
 In septicolli Culmine, Regiam

G <http://rcin.org.pl> Firmavit

Firmavit orbis, & ter auctum
 Imposuit Diadema Monti.
 Mox Oéta sacris manibus Herculis
 Stipatus, alto se minuit jugo,
 Umbrâq; compressit jacentes
 Thessalîæ, Macetumq; terras;
 Secum lacerti grandis at astrifer
 Maurus, minores præcipitat Deos,
 Jovemq; , Saturnumq; vinctum
 Ad Dominas jicit usq; plantas.
 Superba secum culmina deiicit
 Olympus, & quod sideribus caput
 Invexit, huc fert, quem sequetur
 Pugil , Olympiacæq; palmæ.
 Submittit Hæmus Bistone nobiles
 Cum Marte laurus, & nemus inclytum
 Sternit corymborum, Latinis
 Quæ reparent nova ferta sceptris.
 Parnassus audax collibus & Deo ,
 Extra jugosæ limina Phocidos
 Molitur ire, Vaticanis
 Associans Helicona clivis.
 Ut pressit amnem , Flumina Tybrio,
 Et Hippocrenen miscuit æquori ,

Movit

L Y R I C O R V M

51

Movit Camænas, Cynthiumqz

E gemina recitare rupe

Altera Romæ classica; quod Deæ

Parere molles, ipseqz Delius,

Ultrò soluturi tributum,

Pontifex cecinêre plausas.

Pulchro venustæ fænore gloriæ

Apollo

Regnes Deorum Maxime Maxime,

CLEMENS, Coronarum vetusti

Exuperans monumenta sceptri.

Alto beati culmine Nominis

Musa

Affurge Regum Maxime Maxime,

CLEMENS, Tyararum per ævum

Septuplici memorande Regno.

Unus Latinis fascibus emines,

Apollo

Quem Regna Patrem, quem Superi sibi

Legere Tutorem, Tuusqz

Quem populus petit esse Regem.

Solus trecentis major Honoribus,

Musa

Vel ore mundi, vel placito Dei,

Vocaris in caput Polorum,

Purpurei vel amore circi.

Vices superni Numinis exhibes,

Apollo

Sû danda terris gaudia, seu grave

G 2

Fulmen

Fulmen coercendo furori,

Sed levius Tua flamma plectit.

Sedem Tonantis non minor occupas,

Seu blanda spiras otia, seu rubens

Manus trisulco punit igne,

Mite tamen nisi fulmen urges.

Tu Fata Regum, Tu populi necem,

Vitamq; sacro pectore sustines;

Sortesq; fortunasq; toti

Distribuit Tua dextra mundo.

Tu vota terræ sufficis, & pias

Imples curules, emerito Duee,

Fasces, Galeratumq; culmen

Sidereis aciebus ornas.

Quidquid sereno fulgurat æthere,

Quidquid secundis riserit aleis,

Manabit à Te, reddis orbì

Lætitias, hilaremq; vultum.

Quidquid remotis scripseris Urbibus,

Quidquid propinquo dixeris accolæ,

Pontiq; Terrarumq; Regnis,

Pulchra salus fluit hinc in orbem.

Compescet cantum Cynthie, Virginum

Respirat ardor; maxima gloria,

Muse

Apollo

Muse

Apollo

Muse

Uno

Uno recenseri triumpho

Non poterit; sed ut acriores
 In tanta vires classica colliges ,
 Mentremp̄ plenam Musa repperit ;
 Rursus ter Augustum Parentem
 Perpetuo geminate plectro.

ODE XVII.

Quies inquieta ambitio.

Componat ingens Carpathium mare,
 Et pertinacem fervore Nereum,
 Ipsamq; Tethyn belluosam

In modico prius amne claudat
 Leni timendam s̄æpe silentio;

Qui fluctuosis ambitionibus

Limen , quiescentesq; ripas
 Regnivago jacit in calore.

Prius tumenti mobilis in freto

Nascente Delos stabit Apolline ,

Ne tanta Latona propago

Ambiguis agitur undis ,

Jam cerra fundi; Taurifero prius

Coget receptos Dux Ithacæ leves

In utre ventorum furores,
 Hippotadâ minûs id probante;
 Et ipsa Phæbe currere debilis
 Menses avaris non rapiet rotis,
 Motusq; sphærarum perennes
 Obriguo priùs axe stabunt;
Quam curiosi labilis ingenij
 Libido certæ limine gloriæ
 Arctetur, & constante rerum
 Continuet sua vota fundo:
Quam magna parvis ambitio fibris
 Sedebit, auri, & sanguinis abstinenſ;
Quæ dum coarctari videtur,
 Sollicito magis igne fervet.
Quem Pella Regem non capit, aut Athos
 Umbriâ nivali Lemnon inambulans,
 Illum nec Eos, nec Canopus,
 Frænat, Achæmeniæq; gazzæ;
 Sic orbe victo, vincitur ambitu,
 Servitq; votis post juga Persiæ,
 Nunquam reperturus capacem
 Tot solijs animo quietem.
 Sed & minores imperio viri
 Semper vaganti p. store fluctuant,

Nunc

Nunc æquor Ægæum, brevesq;
 Cycladas, Ionumq; marmor
 Placet Sicano remige frangere,
 Longos avaris classibus, aût rati,
 Fulgente Phryxæi rapinâ
 Velleris, indigitare portus;
 Rursus protervum Castora dicimus,
 Infame crebris naufragijs mare;
 Mollis Sagunthini voluptas
 Ridet agri, segetesq; Mauræ;
 Sed sæpe mendax displicuit Ceres,
 Aût mersa largis imbribus, aût siti
 Adusta plus torrentis astri,
 Aût gelidâ populata bruma,
 Nec vasta plenis horrea messibus,
 Nec jacta grato fænore semina
 Reddens laboranti Colono
 In viridi morietur herba.
 Hinc læta Dicte, vel Sybaris vocat;
 Venale ridet mercibus atrium,
 Damnante rusticos pudores,
 Urbe viris, opibusq; clara;
 Nec hic avaræ flamma libidinis
 Quiescit; & quo plu^s habet, invidio

Plus

Plus ardet igne, vix domanda
Attalico Lybicoq; censu.

ODE XVIII.

Virtus in adversis erectior.

Mors affuetā periculis
Infra se rigidos despicit impetus;
Frontem cladibus erigit,
Et gaudet, quoties integra ceditur.
Palmæ præmia vulnerum:
Quae nunquam caluit, quomodo laureæ
Est frons, ut stybij capax?
Sudores recreat pulvis Olympicus,
Et pingves olco toros,
Quos Athleta feris contudit ictibus.
Molles frigida surculos
Euri flabra necant; at validas pyrus
Non franget gravis Æolus.
Sic magnes chalybis pabula diligit;
Virtus est bona prælijs.
Nam cum dura manu fata repercutit,
Pulchris crescit adoreis;
Insultant scopolis æquora, non nocent,

Et

Et quæ Nereus æstuans
 Non fregit, placidis Acroceraunia
 Lambit rufus aquis mare.
 In scyllas Siculæ marmora Tethyos
 Impingunt, sed inaniter;
 Iras non metuant saxea pectora;
 Daphnen fulmina lauream
 Terrent, non feriunt; pulchrius eviret,
 Quæ fluxit fragor igneus.
 Altorum tetigit culmina montium
 Nimbis Juppiter impiger,
 Sed jactus resilit saepius in Jovem
 Ignis, rupe superstite.
 Nec tristes Hyadæ, nec niger Africus,
 Phæbum, nec Notus obruet;
 Nam quamvis pluvia nube reconditur,
 Noctem sidere verberat.
 Sic pulsata malis pectora, nobili
 Effulgent sibi laurea;
 Sæu fatum quatiat, sæu rabies fera
 Armorum, nihil æstimes;
 Si sortem rapuit, mænia diffidit,
 Fortis mens manet integra.
 Libertas animi maxima, turbidos

H

Casus,

*Casus posse pati, & malum;
Vires quisq; suas, cum tolerat, probat.*

ODE XIX

PANEGYRIS LYRICA.

CLEMENTI

P. T. O. M.

Eius Regia Clementia.

REsume laudes, & sonitum lyræ,
Grandes triumphos Cynthie suscita;

Si Musa tantarum capax est

Et tenuis lyra laurearum.

Sed plus, vel æquis viribus aggredi,

Imparq; carmen dicere præcipit

Serena CLEMENTIS venustas,

Et Domine nota blanda frontis.

CLEMENS, aperti gratia pectoris,

Innube sidus, Gentis amer Tuæ,

Cui Nomen in mansveta traxit

Ora Charis, placidosq; mores.

CLEMENS, serenis vultibus Ausonem

Apollo

Dignatus orbem, paceq; cordeq;

Cui Nomen, & Fortuna clemens,

In similes vocat astra laudes.

Musa

Quoscunq; finxit Roma vetus sibi

Apollo

Regnare miti sidere Principes,

Dicentur immanes Tyranni,

Sceptra quibus Tua comparantur.

Quidcunq; fausti concipit Hesperus,

Musæ

Jovemq; nobis si Capitolium

Præsentet, ad Tuos amores,

Est rigidus, nimirq; flammæ.

Augustus alter; sed senio probus

Apollo

Rex iste fulget, sangvine civium

In flore sordet; Tu per omne

Conspiceris bonus esse Regnum.

Non hic amatos Ægerio Numas

Musæ

Pio colemus munere, Te penes;

Vincis, quid aut sanctum Latinis,

Aut placidum, memoratur aris.

Nullum cruentis civibus Actium,

Nulla coerces imperium nece;

Aphæ

Tuæq; detrimenta vita

Post populi proba vota ponis.

Nullus charybdes sanguis inebriat,

Musæ

Rarusq; lictor fascibus inclytas

Cruentat Urbes, dum nec unam

Civis amas cecidisse stillam.

H 2

O! quâma

O! quam benignis floret honoribus
Volente divo Dáunia Principe!

Apollo

Quando pererrant unde quaque
Anotriæ grege Faustitates.

Quam grata terræ ridet amænitas ,
Lætoq; vulgus solvit otio ,

Musæ

Salusq; , candorq; , & jocosus
Ausonijs lepos, undat agris !

Reges in ipsos jus Tibi tradidit

Apollo

Fortuna mundi ; non tamen exeris

Vires ter insignis Tiaræ ,

Aût tumido teris arma fastu.

Regum coronas , aurea frontium

Musæ

Donas remotis præmia gentibus ,

Tamen nec ostendis potentes ,

Nec toleras animi triumphos .

Quæ surgit orbis gloria? quod decus

Apollo

Erecta eingit tempora Regium?

Quod non ad augustas jaceret ,

Officio meliore plantas.

Quis splendor Urbes permeat , aût novis

Musæ

Arrisit astris ? quin simul à Tua

Non manet in nos sanctitate .

Unde salus fluit , atq; vita.

Nos

L Y R I C O R V M

61

Nos parva, Princeps, cura Tibi sumus ;
Nec forte magnis Regibus expedit,

Apollo

Imbellē misceri tributum,

Quod tenues cecinēre Musæ.

Sed si minores sol atomos trahit,

Musæ

Qui Regna lustrat, sideribus præest ;

Jam ferta Phæbi , subditasque

Respicies Pius Author aras.

Subsistit rursus Phæbe ! recentibus

Opus trophæis , publica spes vocat ,

Causæque sceptrorum beatas

Pontificis petière curas.

O D E XX

Septem ancipites Gladij

Seu Septem dolorosi cordis funera

B. M. VIRGINIS DOLOROSÆ.

G L A D I V S P R I M V S

IESUS per iugulos puerorum quæsitus, Fugâ in

Ægyptum servatur.

Sic Palæstinas , pia Virgo Matres ,

Dulce regnantis Genus Isaaci ,

Et nurus sanctas , & amica Cælo

Deseris arva ?

Sic Idumææ Tibi Regna terræ,
 Et triumphales Solymæ corymbi,
 Et rosæ Gades, Libaniq; Cedrus
Non satis apta?

Cinnami frondes, et odora sylva
 Balsami, myrræ graciles manipli,
 Et propinquorum Cilicum virentes
Non sat aristæ?

Svave Phænicum thymiana, vile est?
 Et Sabæarum segetum tributa,
 Nazareth tellus, &c avita Judæ
Viluit ora?

Non satis perflat Nabathæus Auster
 Virgines hortos? Nasamonis aura
 Blandiùs spirat, Phariæq; Septem
Flumina ripæ?

In Canopæas celer ibis arces?
 Horridas rupes, Lybicosq; villos,
 Et Leænarum nihil expavesces
Murmur acerbum?

Sæva Getulæ magis antra tigris,
 Et pharetrati nigra spectra Mauri,
 Quam coronatæ speciosa Sion
Suspicias ora?

Non

Non quod Hæbrææ Tibi displicerent
 Serta telluris, sed iniqua fævi
 Cogit Herodis rabies, Paternis

Cedere Regnis.

Impiæ cædes, puerile lethum,
 Et quod infantes juguli dederunt,
 Triste lamentum, Tibi causa charam
 Linquere Juden.

Sêu, quod exangves tolerare truncos,
 Mite cor cæsæ nequissæ Urbis,
 Sêu, quod infantî nimiuma timebas

Mater IESU.

Quis dolor pectus Tibi molle pressit,
 Quo Parens ictu pia sæpe quassa es?
 Cum per iratos peteretur enses;

Regia proles?

Quilibet parvis, datus ense diro,
 Filijs Sion, tua verberavit:
 Ictus, Atræis, inamantioe:

Pectora luctu;

Dum per immensos jugulos tenellus
 Quæritur IESUS, sanieq; multâ,
 Iesseæ multo saturantur urbes:

Sangvine Regni.

Ergo

Ergo Judæi fuge luctuosa,
Lympha Jordanis; potiore fluctu
Nilus Ægypti Tibi mancipatis

Serviet undis.

Torridi cives, pluviaq; parca
Memphis, effuso cupit irrigari
Rore justorum, cupit æstuantem

Tingere cancrum.

Seu velis, Nubes gravidata Cælo,
Seu perennantum Mare gratiarum,
Sive Fons dici, steriles arenas

Vise Syennes.

Africæ messes, Cererem novellam,
Et beatorum fore crediderunt
Dulce frumentum, subiectq; panis

Munera IESUS.

His Pharos lampas trepidante flammâ
Annuit votis, Dominos mundi
Cedit, & rupes, & aperta magni

Littora Nili.

Sic Palæstinæ vice, militari
Æthiops arcu Tibi serviet gens;
Servient Mauri, pharetris JESU

Serviet Afer.

ODE

ODE XXI.

*GLADIUS SECUNDUS.
Plandus MARIAE JESUM per triduum
querentis.*

Cor mihi tristes tutudere pulsus,
Et repentinæ caluere flammæ,
Mens quid advertit? vel inauspicatos
Pectora luctus?

Aût quis ex nostra perit Urbe Princeps,
Aût quid ingratum meditantur astra;
Non enim frustra mihi cor frequenti
Cæditur iœtu.

Estnè dilectus propè tecta JESUS?
An Domo traxit socialis illum
Turba vicini Laris, & quid ægri
Contigit ipsi?

Hei mihi! nusquam mea cura, nusquam
Lumen apparet! foris, intus, omne
Limen excussi, nec habere possum
Nobile pignus.

Aût novâ rursus mihi cæde raptus
Regis Hebræi; nihil in Canopum

J

Juvit

Juvit & Pænos fuga, nil, amatus

Perditur Infans.

Aūt Numantinæ petière Matres

Barbarum, qui nos sequeretur, ut, cùm

Nil minus dulci Puerto timemus,

Tollat IESUM.

Nam puellares memini choreæ,

Sæpè jucundos cecinêre vultus,

Et poposcerunt sibi nostra Pænæ

Fædera Matres.

Sed Pelusinus furor improbaret

Prole mærentem spoliare Matrem;

Effet & testis Phariæ vel manus,

Prædo rapinæ.

Imò jam mallem Nasamone furto

Filium tolli, quia sic rediret,

Et meo rursus repararet ampla,

Gaudia cordi.

Sed leo forsan, vel avara tigris,

Aūt Lycaon spem rapuit Parentum,

Nec sinu nostro poterit tepere

Amplius infans.

Falsus afflictam timor iste mentem

Conficit, si trax lupa, si leæna

Filio

Filio pasta est , superesset undans
Sangvine vestis .

Sic cruentatam chlamydem pudici
Offerunt Ioseph , timidæ Racheli
Impij fratres , ut ab ungve sevo

Crederet ictum.

An ? quod infelix timeo , vaganti
Accidit Nato , tumulenta nostri
Ripa Cedronis rapuit tenellum

Flumine corpus;

Ibo , crudeles vel aquas lacesam ,
Vel retrò pulsum miserante fluctu
Corpus exangvis moriente Mater

Pectore stringam.

Sed Cedron parvâ modo manat undâ ;
In cavernosæ juga forte sylvæ
Ursa , vel tigris tulit educandum

Ubere crudo?

Quis mihi thædas Cereris Sicanæ ?
Aut quis accendet face Trinacræ
Iesseos colles , & inhospitalem

Fulmine sylvam?

Ibo , frondosas penetrabo rupes ,
Svave dilecti per aprica saxa

J 2

Filij

Filij pignus, miserâ per Urbes

Voce requiram.

Hei mihi! surdæ siluêre cautes,
Nec repercussos dedit aura fletus,
Omne conspirat nemus in gementis

Vulnera Matris.

Nate! si vivis, quis amor Parentum?
Quis Tibi sensus? pateris severo
Me premi luctu? liceat vocatae

Cedere morti.

Vive Divinæ generosa Prolis
Mater! ea JESUS Solymæa templa
Erudit, docto movet Israelem

Ore Senatum.

O D E XXII.

G L A D I U S T E R T I U S
Affectus MARIÆ commorientis CHRISTO
in occursu ad Montem Calvariae.

Lle flos vultûs, jubar illud oris?
Et rosas miscens gena pulchra lacti,
Nil suæ formæ tenet, & cruento

Mergitur imbre?

Sub

Sub catenata trabe lassa cervix,
 Quæ mihi sedem dedit osculorum,
 Frons rigorofis perarata spinis,

Nidus amorum.

Ah! quis exangves tenet humor artus?

Quis vigor labi faciles, moriç,
 Sustinet vires feriente mæstas

Ense medullas?

Jamq; languentes oculos, & omne
 Lumen obscurat tenebrosa nubes,
 Ultimæ venis periære misto

Frigore flammæ.

Et manus, & mens cecidere viætæ,
 Hæret infirmum titubante gressu
 Corpus, & solam moribunda quærunt

Membra ruinam.

Distrahit sævo dolor ungve molles
 Pectoris fibras, animamq; tristem,
 Intrat abjectæ trabis, & probrosi

Scomma latronis.

Corruo totis miseranda moles
 Artibus, diræ priùs ipsa morti
 Pabulum, quam lux mea fastuosæ

Præda Sionis.

J 3

Qui

Quis juvat vitam, fera quæ Tyrannis
Non sinit justo periisse letho?
Viva cradeles ego Mater ictus

Cernere possum?

Torva lictorum nihil ora terrent?

Et scelus nudum radiantis ensis?

Cruda spectabo patientioris

Vulnera nati?

Jam sat afflito facies recepta est

Corde, jam durâ cruce fracta labor,

Mutuo nostri perimuntur ictu

Pectoris æstus.

Et meos IESUS patitur dolores,

Et repercussis ego lædor armis,

Nostra conspirant simul, & vicissim

Corda necantur.

Aût mori pronam Superi juvate;

Aût maniplares ego sola turmas

In volo, sævis perimenda telis,

Sospite IESU.

Barbarus quod si mea colla viter

Miles, aversos rapiam mucrones,

Et sub hac mamma loco, quam beatus

Suxit alumnus.

Pila,

Pila, quæ munit Cyclopæa cuspis,
 Lanceas in me gladiosq; vertam,
 Fortior tantas ego ferre clades;

Debilis ille.

Molle cor duro mihi calle ductum,
 Jam potest crudam tolerare mortem,
 Et manus longis animata damnis

Sufficit ensi.

Si capillosum generosa Judith
 Plectit insuetis Holophernen armis,
 Cur mihi stricto minus esset audax

Dextera ferro?

Illa bellaces poterat pavere
 Hostium cristas; ego quid timebo?
 Me manus solam feriet; quis inde

Amovet horror?

Ah! minæ Matrum minus efficaces!
 Arma distringam? mihi vix superstes;
 Tota nec vox est; perit ejulanti

Halitus ore.

ODE

ODE XXIII.

G L A D I U S Q U A R T U S.
*Deliquum MARIÆ, cum Crucifigeretur
 J E S U S.*

Huc Idumææ properate Matres !
 Virginum castæ properate magni
 Pectoris turbæ , precor excitato

Currite passu.

An pari sævos libet æmulari
 Corde lictores? pepulitq; totâ
 Urbe mansueti titulos honoris

Ara Tyrannis?

Filiæ Sion, pia stirps Rachelis,
 Vos decet saltem miserante duci
 Spiritu ; duri rigeant severâ

Fronte mariti.

Obsecro mites celerate Nuptæ ,
 Balsami thecas,, et odora lucra
 Ferte ramorum ; pietasñè vobis

Victa furore ?

An quod Hircanis , Lybicisq; tantum
 Matribus servit ; mihi sustinetis

Barbaræ

Babaræ dici? quod in Isaaco

Sangvine crimen?

Sit ferus conjunx Solymæ; Parentes

Nesciant ullâ feritate pâsci;

Ite, per dulces animas & ipsa

Viscera quæso.

Quæ dolorosæ dabitis Mariæ,

Quis scit? an verso retumentis Euri

Impetu, vobis, ea non petetis

Munera ferri?

Sunt piæ vobis bona cura natæ,

Sunt Patrum sangvis pueri; quis augur

Quod pari fato, vel iniquiore

Non cruce cedent?

Quid moror? sanctæ properate Matres,

Per fidem charam, superosq; cælos

Per genus vestrum, rogo, corrudentem

Flete MARIAM.

Quid juvat fleri? revocate dulcem

Balsami succis animam, vel undis;

Quæ solent ægris reparare pulsus,

Corda serenant.

Seu vaporosis animata nardis;

Seu vigorosis medicata flammis,

K

Lympha,

Lympha, quam lebes coquit, aut oleni
Stillat acerrà.

Sive, quæ fractis pretiosa gemmis
Langvidos virtus retrò ducit ignes,
Sive quas sumi, vel adusta causant
Cinnama vires;

Ocyùs lapsæ cumulate Matri,
Dum vigor, parvus licet, hæret extis,
Debili motu moribunda quando
Vena laborat.

Pectus immanis dolor occupavit,
Cor fatigatum mala vis subegit,
Et brevis vitæ nisi spes medenti
Arte tenetur.

Cessit exangvi calor omnis ore,
Et gelu, tristi vice, complet artus;
Vix moraturos nota parva sensus

Prodidit ictu.
Heu! quid exambit pietas nefanda;
Hoc enim solo gravis est MARIÆ
Noster affectus, quod abire lœtam;

Frenat ab astris.
Vita, nam, pejor nece, nuncupanda est,
Posse dilecti Crucis tensa IESU

Membra

Membra , clavorum scelus intueri

Atque Tyrannos.

Posse , quod tangi radio nequibat

Solis, augustum sine veste corpus,

Ire spectatum; morere o! dolorum

Gloria Mater.

O D E XXIV.

G L A D I U S Q U I N T U S.

*Ad latus IESU lanceâ transfixum exanimis
M A R I A.*

NEc mori fas est, neque vita cordi ,
Scindit alterno dolor ense pectus ,
Cui prius cedat ? dubioque sensus

Fluctuat æstu.

Mors mihi tristes cruciantis iræ
Sopit ærumnas , nec amara reddit
Ora , nec mersos oculos videre

Sangvine Nati.

Estque consultum bene sauciato
Pectori, dum quæ tegit atra nubes
Noctis, affligunt minus, & sepulta

Cura quiescit

K 2

Sed

Sed quis exangves morientis artus
Filij, tandem sinus obtinebit?

Quo caput langvens gremio supremos
Tollet honores?

Mater occumbam? meus ille quantas
Nescio pænas amor, & furorem,
Quas Palæstini tolerabit ultra

Judicis iras?

Et licet sævos ego non Tyrannos,
Non cataphractas cohibebo dextras,
Quis meum funus sepeliret? & quæ
Lachryma fleret?

Imò præsentes levat id dolores,
Quod vel offusis oculis ferendum
Adjuvent lethum; magis angit absens
Pectora luctus.

Plus timet, qui plus amat; & nocentes
Credit augeri cuneos malorum,
Cùm simul non est; geminata torquent
Damna remotos.

Nolo mortalis tegat umbra nostrum
Lumen, extremos ut adire casus
Cum meo possim gemebunda Mater,
Ferreq; Nato.

Si pedes

Si pedes langvent, gelidusq; pallor
 Robur exhaust, nequeunt levare
 Membra de terra, tamen assidere

Saucia possum.

Et velut turtur, vel alauda sœvum
 Fronde vicina, vel agro tremiscens
 Aspicit milvum, secat ut recurvo

Pignora rostro:

Aūt palabundos ubi cerva mærens
 Proxima forsan, videt è caverna
 Hinnulos, duro tigris aūt Leænæ

Ungve necari.

Sic modò rubro coma tincta Christi
 Coccino, nostros oculos tenebit,
 Nunc acetoso malè pota cernam

Labra veneno.

Nunc madens vultus, modò frons cruenta,
 Sangvinis largo gena picta nimbo,
 Nunc ab infami trabe stabit ante

Pendula cervix.

Heū! quid infelix video, perivi!
 Cur supervivo? mea cur morata est
 Vita, crudelis latus impetitum

Hasta peregit.

K;

Dixeram

Dixeram, lenit gemitus, malumq;
Visa præsenti facie Tyrannis,
Nunc mori mallem; cado nunc eodem

Vulnere læsa.

Heū! quid expectem laceranda Mater;
Non satis vel crux, vel acuta lethi
Hasta lugendum jecur, ac acerba

Viscera rupit.

Mitte singultus moritura Virgo,
Te Genitricem DEUS esse Verbi
Iussit, an nescis? benè ferre magnos

Disce dolores.

O D E XXV.

G L A D I U S S E X T U S

*Cum lucu totius orbis MARIA in sinum
recipit exangue CORPUS IESV.*

HEi mihi! magno mortientis orbis
Vincor affectu gemebunda Mater,
Atra nox mundum rapit, & fugata

Sidera lugent.

Phæbus auratam faciem cruento
Induit peplo, radiosq; frontis
Erubescenti sepelivit Eos

Æquore mersa.

Cæde manantes ego specto plagas?
 Sol recusavit, pluviâq; nube
 Condidit vultus, & amicit atro

Funere spheras;

Mugit inclusum regione tota
 Fulmen, iratos coquit orbis ignes,
 Et procellosis onerata marent

Nubila nimbis.

Attremit tellus penetrata nostris
 Luctibus, tristes maduere campi;
 Executi dignæ impatiens Idumæ

Terra dehiscit.

Mollius cerâ liquet omne saxum;
 Intimis rupes gemuere venis;
 Magna vis luctus replet excavatas

Undiq; petras.

Hinc Erythræi freta rubra ponti,
 Bis rubent aucto minio cruoris;
 Inde Iordanis tumidas relaxat

Planctibus undas.

Audijit nostros gemitus Eleusis,
 Barbarus quamvis, tamen ingemiscit
 Afer, & septem stupuere nigri

Littora Nili.

Tale

Tale quid mæstum timet ominari
 Vulgus Ægypti, cui dulce Nomen,
 Et pij mores, satis exulantis

Cognita IESU.

Mox ubi vidit Pharon occidisse,
 Dirui montes, cava saxa scindi,
 Ultimam sero didicit beati

Hospitis horam.

Ivit is terror per aprica mundi
 Regna, dilecti gemuere cygni,
 Attici cives, & Areopagus

Funera sensit.

Et tibi causa est pie Dyonisi,
Quod Nazarenæ sociaris aulæ,
 Cùm vides solem retro compulisse

Arcton, equosq.

Nilus & Ganges, Syrus, ac Orontes;
 Quiq; Judæam fluit, Aulidemq;
 Inter, Euripus, gemit, & Sophorum

Increpat ædes.

Ergo gentilis jugæ dura terræ
 Sentiunt nostri grave funus astri,
 Et Palæstinos ea nil abhorrent

Fata furores?

Nun

Nunc licet gratâ perisse morte,
 Cùm meos totus ruit ad dolores
 Orbis, & justas lachrymas perempto
 Fundit alumno.

Huc trucidati date membra IESU

In sinus nostros, ego luctuosis

Diluam nimbis, pretiosa dextrâ

Vulnera tergam.

State funestæ super ora, state

Lachrymæ tristes, cohibete rivos,

Ut latus fractum, lacerata spætem

Membra parumper.

Aût vado grandi potius madentis

Alveos totos oculi replete,

Ne tot ærumnas videam, meo me

Mergite fluctu.

O D E XXVI.

G L A D I V S S E P T I M U S.

*Ad Sepulturam JESV Cor MARIÆ ex-
 tremo iðu confectum.*

L

Redditum

REdditum charis pia Mater ulnis
Ocyus Netum fer in impetrata
Saxa , quid cestas? age, dulce pignus
Conde sepulchro.

Ne furor Judæ nova tela cudat,
Aūt sacrum funus Tibi tollat excors ,
Ac in exangves simul omne virus

Exerat artus.

Differ immanes gemitus parumper ,
Lachrymæ ne mox pietas scelestos
Evocet motus, & iniqua rursùs

Concitet arma.

Iussa supremi Patris esse nescis ?
Qui subarrhatum miseratus orbem
Vinculis Orci, dedit immolandum

Hostibus Agnum ?

Ut quod infami coluber veneno
Polluit vitæ decus innocentis ,
Ille profuso repararet almæ

Sangvine carnis.

Hoc tibi prisci cecinere Vates,
Unus amissam populi salutem
Quod redempturus sit , inaugurate

Munere vitæ

Hoc

Hoc coronati petiere Patres,
Inter obscuri monumenta limbi,
Qui tuo lucem nisi debuerunt,

Astraq; Nato.

Hoc tibi IESUS, quoties dolebas,
Sæpe dicebat; monuitq; mortis,
Credidit nostras Tibi sæpe MATER

Ille ruinas.

Dixit, ut lapsi volet orbis usum
Proprio nobis reparare letho,
Et redonandis, animam Polorum

Tradere Regnis.

Nec tibi longum manet ille funus,
Quem thronus cæli, Patriumq; sceptrum,
Poscit Hæredem, cùi dimovetur

Limen Olympi.

Flebis? an sacros cita condis artus?
Et brevi luctu premis insepultas
Cordis ærumnas, ubi fida Matrum

Agmina stipant?

Nil juvant nostri monitus, precesq;,
Manat injussis oculus procellis;
Tota singulu quauntur ægræ

Pectora Matris.

L 2

Nescit

Nescit adstantūm proba turba Patrum,
Cūi prius fidam det opem, manumq; ;
Deferant Christum? vel acerba frenent

Fata MARIÆ?

Incubat membris; queriturq; tantæ
Posse se MATREM superesse morti;
Et simul condi sua poscit uno

Membra sepulchro.

Detine luctus! rapit umbra noctis,
Et vias, & quæ monumenta Christo
Digna quærantur; sine, corpus apto

Marmore claudi.

Flere tu noli, nimioq; planctu
Nil habens plangi, precor abstineto;
Sed tuos fletus, mihi luctuosas

Cede procellas.

Illud, o! MATER mihi vulnus infer;

Illud afflictæ pluviale flumen

Cede pupillæ, tenerosq; cordis

Cede dolores.

An tuo luctu mihi culpa flere?

Nec cor exustum vacuis amorum

Ignibus par est gemuisse sancti

Funera Nati?

Ergo

Ergo cum planctu mihi cede MATER
 Cor tuum, nostrum vetus amoveto,
 Illud intensis, Tibi quod dolorum

Fluctibus undat:

Illud extremo quod adest agoni,

Quod fuit tactum truculentiore

Cæde lictorum; liceat pari me

Vulnere tangi.

Flebo, maternos ut amariore

Sentiat IESUS lachrymâ dolores,

Et mihi tandem, miseræq; sorti

Compatiatur.

ODE XXVII.

EVCHARISTICON

*Latenti in Eucharistia DEO**Pro fine tertii Libri.*

Ternâ fronde Sacræ victimæ Hostiæ,
 Et ter laurigero vertice verberet

Tripi Numinis aras

Ter versus pelago Liber.

L 3

Hac

Hac de Vite levet Pieriam sitim

Hoc de Pane famem Maoniam domet;

Istis viribus uti

Fas in quæq; pericula.

Augustæ Cereri sudet olympia,

Et dulces recitet tibia Laureas,

Fundat sepia passim

Syaves ambrosias Jovis.





LIBER IV. LYRICORVM ODE I.

REGI IMMORTALI

*In SSma Eucharistia regnanti
Homagium Orbis.*

REX immensus adest; Numen adest poli
Divinæ Cereris sub nive candida
Ingens depositum; pro popularibus
Sceptris excubitor novus.

Huc de Patrijs currite sedibus
Gentes indomitæ; Martia pectora,
Civiles cunei; quosq; modestior
Plebis dissociat status.

A

Huc

Huc Augusta soli Lumina Principes,
Quos immite sagum, quos toga protegit,
Quos intacta Themis, currite; Purpuræ
Grandi concilio ruant!

Et quæ virgineis turba pudoribus,

Et quæ nobilibus floret adoreis,

Castorum juvenum gloria, simplici-

Regem pectore concinant.

Seu tectum meritâ canitie caput,

Seu frons cæsariem pectere fulgidam,

Cincinnosq; studens, huc paribus sua

Flectat colla laboribus.

At vos æthiereæ sidera Regiæ,

Quæ sphæras agiles, quæ rutilas faces;

Impletis Superum, reddite Principi

Vestigalia luminum.

Sol Tartessiaco latus in æquore.

Munda luce Sacram basiet Hostiam,

Aut flexis radijs in genuum vicem,

Toto sidere defluat.

Phæbe deposito mitior aspici

Cornu, nec facie pallida debili,

Sed pleno nitidæ lampadis ambiat.

Plantas ore volubiles.

Stellantes

L Y R I C O R V M

3

Stellantes populi , fulgida mœnia,
Et plebœ magna facum , quæ vocat Hesperus,
Aût quæ Bosphorei Curia Sideris ,
Pronis ignibus accident.

Hic fons Sidereæ lucis apertior ,
Quo Cæli radiant , quo melius dies ,
Et sol fulgidius , puniceis suum
Flammis recreat æthera.

Advertit medijs de stationibus
Aversata polum , currere lumina ,
Et cogit validas terra simul trahi
Cum radicibus arbores.

Hinc sylvæ celerant , nudaq; culmina
Saxorum retegunt , aût abies gravis ,
Aût umbrosa Cedrus , laurus & ambiens
Magni tempora Pugilis.

Montes inde ruunt ; pigritiem suam
Damnantes ; supero cernua Principi
Gaudent cum socijs saltibus , & feris
Dejecisse cacumina.

Nec labi facilis Pontus inertior ,
Longè littoreos destituit toros ,
Ut sacras famulo gurgite , vel pijs
Aras fontibus alluat.

A z

Ó Iefu

L I B E R IV.

O IESU ! cupidis quisquis amoribus
Te stringit , Dominum se vocet omnium ;
In Te Regna , polos , & populos habet ,
Terram possidet & mare.

O D E II.

AD CLEMENTEM. XI.
P. O. M.

Divine CLEMENS ? jam toties Tua,
Te Musa flexo poplite Principem
Adorat orbis , sœculares
Cûi geminâ vice condis ædes ,
Utramq; censu Regibus æmulo ;
Augusta Sacræ Roma stupet manûs ,
Miratur Urbinas , theatra
In Laribus Calasantianis.

*Hic hic beati nomen adeptus est ,
Instar Deorum , qui pluvio manûs
Exundat auro , subditasq;
Muneribus levat Author Arces .*

An ista stringi limite Tybrio ?
Canisq; credas Alpibus , & Pado ?

An hæc coérceri vetustis
Eximio Rubicone fertis ?

Latè

L Y R I C O R V M

5

Latè fluentem Civis ad Istulam
Cantabo Magnæ præmia Dexteræ ,
Divisus in gentes viritim
Attonitas dabit Orbis aures.

Non sola famæ tuta Semiramis
Persas superbis excipit arcibus ,
Muroq; sublimi coronat
Purpureos Babylonis ortus ,

Tumetvē bustis Curia Regijs ,
Quæ subjugato fixit in ære
Regina mærens ; non coruscis

Pyramidum redimita saxis
Est sola Memphis ; non Rhodius Gigas
Æris diserti , molis & aureæ

Splendore solus fulgurabit ,
Nec bimaris Dea Thrax Corynhi;

Par liberali dextera munere
Æquare Troūm regia Pergama ,
Urbemq; , quam c onjux Sichæi
In Lybicis situavit agris.

Par in Quirinos est tibi gloria
Ivisse muros , ni prior hoc opus
Explesset ille , quem ferarum
Mars aluit , sibi lacte Regem.

A3.

Quis

Quis non minor Te? quem Tua dignitas
Non præterivit? major es omnibus

Terræ Monathis, unde nunquam

Inferius Tua dextra quidquam

Præsentat Orbi; sat Calasantijs

Famæ Lycæis, quod Tua nuncupes;

Miraculorum summa mundi,

Hoc, populis referentur, ipso.

Tantænè laudes, donaq; tot Tua,

In nos tot auri muneribus graves

Meis inornatas relinquam

Ire manûs, pretiumq; Musis?

Impunè nunquam cederet id mihi

Urgente Cælo; nam DEUS omnibus,

Plus semper ingratæ Camænæ

Criminibus, scelus odit atrox,

Multatq; pænis: Carmine Martio

Legeris Arctos, Maxime Principum,

Pontoq;, Thyrrenæq; Tethy,

Ionijs, Siculisq; Regnis;

Te Bactra noscent, Medus, &c Artaces,

Te parva Thule, Te Batavus, rei

Spem Calasantinæ, decusq;,

Pieræ memorabit aulæ.

ODE

ODE III.

Ad Eundem.

Quem cani mundo, cui subjugata
Tibiā velles placuisse Clio,

Ille Divorum caput, ac virorum:

Gloria, Princeps !!

Non in argutis Heliconis umbris,

Aūt Hyantheæ statione rupis,

Sed super Regum, Capitolijq;

Vertice regnat:

Arce Tarpejâ, prout ergo, celsus

Est minor Pindus, minor est Cytheron,

Sic Tibi CLEMENS, speciosiore

Laude canendus.

Quass prius magno tribuisse fertur:

Roma dum crevit populis, Tonanti.

Victimas, & quot trabeata Sacras.

Curia Laurus;

Quot Quirinali, radiosa Pallas,

Lucis & lucri tulit ex honore,

Seu ferox hastâ Dea, seu virenti

Mitis Olivâ.

Sangvinis.

B

L I B E R IV.

Sangvinis Mayors avidus cruenta
Sacra quot tinxit; solidum biformis
Ostium Iani quoties adegit,

Atque reclusit.

Quidquid Alpinis inimica cervis
Hic acerrarum sibi vedit uri
Virgo, quae Parthi ratione fortem
Attrahit arcum;

Isidis census, pretiosa fratum
Dona, quos Lædæ pueros vocamus,
Ennias tigres, vetus & Quirino
Si quid habetur:

In Vaticani populare Regis
Confluat munus, vice qui Tonantis
Imperat terris, superoque clarus
Fulget honore.

Romuli tractas in Hetrusca palmas
Arva regnorum domitore ferro,
Et Numæ leges, & honesta Divi
Iura Catonis;

Grande Brutorum decus, ac potentes
Consulum fasces, animosa Drusi
Serta, Marcellos, Fabiosque celsa
Mente triumphas.

Unus

L Y R I C O R V M

9

Unus humanæ Pater, atq; custos
Gentis, armorum moderator unus,
Omnibus præstas, superasq; CLEMENS
Laude triumphos.

Crescit ingenti Tua mole virtus;
Ut myricarum premit alta quercus
Debiles sylvas, mare cœu minores
Occupat amnes.

Ut genis Phæbes numerosa cedit
Flamma stellarum, Tua purpurati
Sic ferè soles penes Astra parvo
Lumine splendent.

Tu meam, quæso, mihi luce tantâ
Barbiton condi; simul hoc dedisti,
Musa stellatum rutilante curru
Sulcat Olympum.

O D E IV.

Ad Eundem

O ! molles animæ Castalides, novum
Est nobis pelagus sangvinis inclyti,
Sudorumq; Mæander
Tentandus rate Cynthiâ.

B

Sed

Sed nec docta manus findere marmora,
Nec pennæ levius remigium capax,

Tanti vasta profundi
Evitare pericula.

Malus præcipiti, quem movet aspera
Censorum facies, cæditur Africo,
Nec frons innuba Daphnes,
Par est Hippotadæ minis.

Antennas fragiles Pindus alit nisi;
Funes debilitat Juppiter imbribus;
Vix in carbasa crescat

Musæ nobile flammeum:

Quamvis Pierijs eruta montibus,
Sylvæ pulcher honos, quercus, iners tamen;

Tali Musa carinâ

Ibis per Siculum mare!

At spes Pontifici, Principis, & Parris
Ablaçtata throno, spirat opem bonam,

Maturatq; ruentes

Hæc ad vota Favonios.

Malum, grande Pedum; pontica lintea,
Regum mite decus, Purpura sufficit;

Antennas potiores,

Torques Patriæ ferent.

In remos

L Y R I C O R V M

In remos gladij, quos Tibi, qvos Tuō
CLEMENS, imperio mundus uterq; dat,

Aptabuntur in augem,
Laudum classis, ut enatet.

Tu Musæ tenues, Ionio salo
Conatus adhibes, dūm Tua Sidera,
Ledæis meliore
Stellis luce movent ratim.

Cur ægras Hyades, imperiosius
Sceptrum cœrulei cur ego Nerei,
His dūm dirigor astris,
Tutus navita deprecor?

Argo belligeræ filia Doridos,
Audax Jasonio nomine per freta,
Per Scylleia saxa

Vellus detulit aureum:
Magni cymba minor Cæsaris, integrum,
Nil sœvis pelagi territa belluis,

Fortunam capit, illo
Sat munita sibi Duce.

CLEMENTINA mihi faustiùs arduam
Signant Astra viam; concidit Africus,
Nubes effugit atra,
Hæc dūm Sidera fulserint.

Sic, sic in Tyberim, vastaꝝ littora
 Hetruscae Thetidis, sic ego defluam,
 Auctus merce libelli
 CLEMENS ante Tuos pedes.

O D E V.

Septem Sidera Ecclesiae
Septem Festivitates B. M. V.
IMMACULATA CONCEPTIO.

TYrrhenum modicā quis trabe Nereūm
 Tentet, nec pelagus, monstra nec æstimans?
 Nec Ledæa sciens sidera? quod nocet?
 Quod classes jubar adjuvat?

Cûi spes remigij tardior, & manus
 Non assuta salo; langvida carbasa
 Appulso scopulis certius offerunt

Fractæ naufragium ratis:
 Tali jactor ego nautæ periculo,
 Dum non Æmoniæ vellera Colchidis,
 Sed vellus Gedeon, per tumidos stygis
 Jason vindico gurgites.

Non

Non Ætide tamen, non sanie ferâ,
Aût succo viridi perfruor, ut domem
Tauros ignipedes, rustica quos Adæ
Nobis improperant juga.

Serpentem Dominis calcibus obteret,
Frustra lethifero pectore turgidum,
Et morsus gelidos innocuo pede

Vincet Maxima Virginum.

Sanè Virginei Purpura sangvinis,
Auratum superat vellus, & inclytam
Ostri dote Tyron; paller honor Ducum

Ad mentis decus innocens.

Lanæ nempe nives decolor inficit
Cæni stilla cadens, inficiunt Noti
Undantes pluvijs; at niveum jubar

MARIE macula caret.

Excussus propero lanigerum pede
Campus, pulvereis nubibus obruit
Villosas pecudes; hic ea nil humus;

Nil hic pulvis Adæ nocet.

Nil puræ, Iuteo de Patre, VIRGINIS
Illimes animi, vitaq; combibit;
Nam quasvis atomos terrigenæ Patris

Iam Sol justitiæ tulit.

Si spumosa fero guttura toxico
 In pomum, stygius quod rapit arbori
 Serpens, exonerat, totaꝝ credulæ
 Matris viscera polluit;
 Ut quoscunꝝ dehinc improba funderet
 Partus fertilitas, non priꝝ hauriant
 Auras, quam stygium virus, edentulæ

Immortale nefas gulæ;
 At flammæ, colubri tabificum gelu
 Non norunt, quibus est edita Jesseis,
 Munivitꝝ jecur gratia, candidis
 Intus nixa pudoribus.

Si vis tanta viret Thesaliæ, truces
 Herbarum medicis usibus aspides
 Ut mox exanimet, pesteꝝ noxiâ
 Venas membraꝝ liberet:

An tristem stygij, non melius queat
 Vis Divina necem pellere toxicí?
 An castis colubrum Virgineus pudor

Non sopiret odoribus?
 Si crudam saniem Ponticus ebit,
 Herbâ Colchiacâ Mihridates satur;
 An non ambrosijnectare sangvinis
 Sit MARIA beatior?

Hos

Hos tristi perimit dente venenifer
 Hostis, qui patriā nascimur ex humo,
Quæ gignit colubros, & socio malo
 Contabescimus obruti;

At Divina Parens, quid misero Patris
 De limo caperet? quam DEUS è sacris
 Conflavit radijs, & cor amans poli
 Informavit honoribus?

Hanc legem, memoras, omnibus editam?
 Num qui jura tulit, solvere non potest?
 Aut laxare suum, quod statuit Breve
 Legislator, ubi decet?

Quorū Musa voles? hēū cave, ne lyrae
 Garritu, niveis ne male paginis
 Lædas Virginei sidera pectoris,

Lac illime modestiæ.
 Nam quæ munda satis littera gemmeos
 Non fuscet latices? ater abhinc liquor
 Pennis abstineat, ne noceat nigræ
 Is fuligine sepiæ.

ODE

ODE VI.

Nativitas B. M. Virginis

P Rinceps Assyrijs edita Regibus ,
Et stirps Isacidum maxima , nobiles
Cunas irradiat ; mollia Regiae
Arctant pectora fasciæ .

Quos plausus dabimus ? quæ tuba martia ?
Explosæq; petent æthera machinæ ?
Quas telis pharetras ? quas nitrio manus
Suffitu vacuabimus ?

Curetum sonitus , & Corybantica
Cessent æra Iovis fallere lachrymas :
Ridebunt , genitâ Principe siderum ,
Et Saturnia sidera .

Victores clypeos , scuta Laconica
Det Bellona Scythis , quæ tenerum latus
Reginæ capiant , stamina brachij
Bellaces aquilæ juvent .

Cunas ornet ebur , sed benè mitius ,
Eois , Solymæ quod fera miserit ;
Mæandri niveus serviat incola ,

Argento volucri , sibi .

At quæ

L Y R I C O R V M

17

At quæ Sidonijs mercibus est gravis,
Quæ Medi spolijs, quæ Marathoniâ
Palmâ dives erit purpura, vestiat

Incunabula Virginis.

Servet byssus acu picta Phrygum brevi,
Infantile latus; sed nihil asperet
Auri Dalmatici, vel Garamantidis

Gemmæ strata rigor gravis.

Augusto capiti, Persa Semiramis
Cervical Pharium, munere diviti
Aptet; si Babylon luxibus ebria

Hic est obsequij capax.

Plantas purpureis fascia nexibus,
Sed ne quid nimium durius, alliget,
Quas lambat famulis Cynthia cornibus,

Quas sol Syrmate protegat.

At nos vulgus iners Pierides Dex,
Nulos inserimus tot popularibus
Votis, Mæonij carminis ambitus?

Et Phæbus filet, & chelys?

Vel Musæ gerulas, si liceat, manus
Infanti dabitis, vel modulo levi
Vagitus teneros, mollesq; Virginis

Cor mulcebitis inclytæ.

C

Alterno

Alterno Cytharæ munere Delius
Aures Sidereas Principis increpet;
Arguto sonitu difficiles movens

Somnos, otia bellula.

Dormit, purpureis condita fascijs
Infans Diva; sine! quisquis Iberio.
Emersus pelago nubila concitas

Auster junctus Iapigi.

Sopivit vigiles Gratia palpebras,
Altrix turba, sile! vix tenui sono
Mussent irrigui, qui propius meant,
Humores Aganippidos.

Ne fulmen rigidum detonet, aut focus.
Auditis Lyparæ verberet ictibus;
Blandis aura fluat risibus, & polum:

Urat flamma serenior.

Ne stridat tremulis cardo reductibus,
Allisaq; fores; ne vaga virginum,
Aut Pubis remeent agmina; sanctius.

Lustret tecta silentium.

Nullus terror eat, raucaq; murmura
Mavortis Getici; stent aquilæ Jovis,
Et solis liceat lenè fluentibus

Arridere Favonij.

Apollo

Muse

Apollo

Muse

Apollo

Ales

LYRICO RVM

Ales nullus ovet, rostraq; garrula

19
Musa

Threissæ volucris, turbatq; Cygnea

Altum conticeant, Alcyones nisi

Dilecta Thetidi meent.

O mites oculi! sic, jubar aureum

Apollo

Cum Sol imbriferis nubibus obtegit,

Marent arva soli: vos ubi palpebrae

Clauerunt, moritur dies!

O! dulces oculi! jam satis invidus

Musa

Vos somnus temuit, cernite flebiles

Vultus Pieridum; vos ubi sidera

Spectatis, melius nitent.

ODE VII.

ARA DEI

Per Præsentationem suam facta

In Templo Hierosolymæ MARIAM.

MARIAM repetit lux Solymæia,
MARIAM socij ducite conjuges,
MARIAM superis, tempus ut ad sacra,

Præsentetis honoribus!

Sed vix Templa subit, jam melior coli
Nobis ara DEI surgit; & æmulis

C 2

Splen-

Splendorem Solymæ subjugat ignibus;
Aras vincit, & hostias.

Huc Gentes Syriæ, Regna Canopica,
Devoti Cilices, pingvibus ad tholos
Taurorum jugulis currite, Regia
Fumet sanguine porticus.

Aût qui laurigeris bruta bipennibus
Fanorum solitas cæditis hostias,
Aût cultris saniem fundere quos decet,
Immani pecorum nece.

Imò sangvineas hinc procul hostias,
Ac armenta suis reddite pascuis;

Quæ morti jugulum fregit, atrocibus

Odit cædibus infici.

Forsan Templivagas ara beatior

Nubes thuris amat? det Nabathèïæ

Plebs censum Cereris, Panchaicis calens

Carbo flagret odoribus;

Quas Eða suis, quasq; Sabæa fert

Tellus svaveolens Civibus arbores,

Accendant subitis Virgineam rogis

Aram, munere nobili.

Sed fumos Arabes, thurea nubila,

Innubes animæ, mensq; serenior

Damnat

Damnat, quæ niveis fulget honoribus,
Fucos, & maculas fugit.

Ergo, cum nec olens thus Tibi sufficit,
Nec cæsæ pecudes, Ara DEI potens
Aurum suscipes; muneribus bene

Jam placaberis aureis?

Rupes Pannonicæ viscera detegant,
Et totis opibus, mercede serviant,
Venis divitibus Virgineos pedes

Ac altaria mancipent.

Cognatis gemini fluctibus accidunt
Lydorum fluvij; quasq; vehunt opes
Et limi pretium, Jesseiæ vehant

Plenogurgite Virgini.

Aurum gleba parit vilis, & abdita,
Vel limus luteus: nil habet ex humo
Felix Ara DEI; divitijs sibi

Multūm nobilis & DEO.

Gemmæ lacte suo pulchrius emicant:

Gemmas Virgineis ire nitoribus
In collum Dominæ; vel niveas manus

Admittet placitum poli.

Spumet gemmigenis littus Erythrium
Conchis, quas Pharius retibus invidis

C 3

Piscatur

Piscatur populus; quas vagus expuit

Pontus Gangis, ament capi.

Et conchas maculat filia nequior,

Spumâ nata maris; quid mihi gemmeus

Candor, si Veneri connatat improba?

Gemmas Ara DEI fugit.

Saltem Gens Zephyri, plebs redolens Hyblæ,

Ennæi soboles veris, erunt Tuæ

Aræ, mite decus; jam jubeas Tibi

Sterni fertaq; , prataq; .

Huc plenis calathis Naiades citæ ,

Seu nardos graciles, seu thyma Corsicum,

Molles ferte rosas, florilegis mea

Vittis ara renideat.

Tempe succifero Thessala germe

Aut quæ Phasiacas prærior allui

Ripas herba colit, dulcia misceant

Cultis agmina floribus.

Quæ gazas repulit, gemmea munera,

Herbis Virgineos hæc aperit sinus ,

Flos campi Solymis, seu rosa Myistica

Dici passa canentibus.

Vos Cyrrhæ segetem, Pierides meæ

Permessiq; rosas nocte Virginis,

Quæ

Quæ jam Jesseicis Ara DEI stetit
Præsentata Parentibus.

ODE VIII.

Annuntiatio B. M. V:

Paranymphus Angelus

Ad Augustam Cæli Reginam DEI Matrem.

Regali Proavum sangvine splendida,
Regum Mater erit; sceptraq; subdit:
Et centum populos Imperio premet
Regnatrix nova siderum.

En grandes thalamos Aulicus Angelus
Poscit pro Superis; lumina confluunt
In erinale decus, fulgurat arrhabo

In mensis Pharanymphicus.

Audis Anna Parens? in socias faces
Divam cella vocant Numinæ Virginem,
Sublimesq; thronos, Regius ad Tua

Defert limina Nuntius.

Aulam purpureis censibus instrue,
Externa paries luce superbiat
Persi, vel Phrygij muricis, ac ebur
Captivet laquearia.

Mensam

Mensam texta Tux munera Filiae,
 Quæ gemmante manu regificis acus
 Oppressit titulis, moleq; Principum,
 Castis luxibus obtegant.

Aût quod, (forte sui præscia Nominis)
 Non falsi monitu nevit Esaiae,
 Mammis Isaciæ Matris ali DEUM,
 Et se pinxit acu suâ.

Urat gemma thoros ; quos Alyaticum
 Incendisse jubar gaudet, & Hermijs
 Gazis irradiat ; quos animat sacris
 Flammis aurifaber pudor.

Limen seruet onyx ; cardo adamantinus
 Compactus Lybicis de tabulis nisi
 Sustentare fores ambiat, æmulo

Reddant tecta Polos die.

Audis Anna Parens ? Rex Superûm Nepos
 Pleno flore thori , Virgineo piæ
 Matris , summa parit quod tibi gaudia ,
 Ablactabitur ubere ?

In Dotem quis ager ? quæ Tibi prædia ?
 Urbes , aût Populi ? quod satis est solum ?
 Regnorum Dominam mille sequi greges

Debent , mille boum juga

Phænices

Phænices tumidos, Isaciam Silon,
 Et terras Chanaan, si dederis? parum;
 Illi Thraces arent, Indus, & Æthiops
 Maturas segetes legant.

Et rursus Gabijs, aut Curibus juga
 Avertens Fabius, bobus agrestium
 Imponat, Dominæ, qui sua jugera
 Vejentesq; terant agros.

Ganges gemmifluo serviat æquore,
 Reginæ niveis mercibus adjuvans
 Mundum, Virginis Anna paratior
 Quem consignet honoribus.

Audis Anna Parens? Sponsus erit Tibi,
 Cui sol est solium; Luna decus pedum,
 Eos quem rubeo sidere circumit,

Ac ortus pedicas trahit:
MARIAM quis apex? quæ benè Purpura
 Insignit? quis honor verticis aureus?
 Ardentesq; comæ fulgure gemmeo,

Aut caris adamantibus?
 Quæ pectus geminâ, quæ nive candidum
 Armillæ decorant? quod pretium manus?
 Quod sidus digit? quæ Samij nitet

Dives sphæra Polycratis?

D

Jam

Jam tandem placidi Nuntius ætheris
 Cælo fulta subit Virginis atria,
 Et spem sidereæ quam tulit, accipit
 Matris Sionæ domus.

Hic cum de veteri stirpe sit Abrahæ,
 Stellarum populos, & quod arenifer
 Pontus Regna colit, tot Genitæ Parenæ.

In dotem numerat suæ.

Frustra Virgo Potens, improperas Tibi
 Ancillare jugum, purpureo sinu
 Emollita Patrum; Te Dominam Poli.

Dicunt subdita sidera:

Tu Regum Genitrix, nataq; Regibus,
 Nunc & magna DEI Mater; id Attavis
 Addis dulce decus, quod populis ibi,

Hic Cælo Genus afflit.

O D E IX.

Purificatio B. M. V.

Quam culpam redimi turturo petit
 Gens censu Solymæ? plumanè sic levis,
 Ut quasvis atomos illa levissimæ
 Evitat maculæ Parenæ.

Co

Cor diro citiās felle columbeum
 Turgebit, vel apis s̄aviet impotens,
 Quām Virgo minimi pura mali, levem
 Culpæ ferre potest notam.

Turtur continuis luctibus incubat,
 Cum deflet socium tristior alitem,
 Quid MARIA gemat? quæ gemitus Adæ,
 Quæ nescit lachrymas Evæ?
 Illum perpetuis fas ululatibus
 Immugire sibi, quem scelus arguit,
 Torquet culpa frequens; hic nec imagini est,
 Aut umbræ sceleris locus.

In puro calidus s̄æpe meridie
 Sol languet; gelidæ mundities nivis
 Nondum læsa Noto, Virginæ adhuc
 Est immunda penes nives.

Qui per saxa latex, per juga limpidas
 Multum purgat aquas, & lapidum in toris
 Fæces exonerat; turpis ad integrum est
 Hincemq; decentiam.

Flammæ, quæ scrupulos excoquit aureos,
 Mollis s̄æpe vapor connatæ, & famem
 Ignis pascit; at hic Virginis nihil
 Est commune pudoribus.

D 2

Tunc,

Tunc , cùm lana recens lota fuit freto ,
 Lac , quod sol radijs deperientibus
 Nondum vidit ; adhuc non satis est nitens
 Candorem penes intimum.

Quid tandem redimi Solyma postulat?

O! si divitias , & pretium DEI

Nosset , quod gerulà sustinuit manu ,

Virgo Maxima Virginum !

Non jam par volucrum , non querulas aves ,

Sed centum validas posceret hostias ,

Et magnis populi debuerat Parens

Exolvi nisi censibus.

An quod sis humilis , viluit & DEUS ?

O! Regum Genitrix , jam melius Tui

Attollas pretium ; pauperiem premit

Cæli Conditor & soli.

Gemmam Concha paris , quæ radiantium

Sphærarum medio fulgurat annulo

In molem digitii totaq; sidera ,

Et gentes obit ultimas.

O! quam magna Tuæ Sarcina dexteræ

Incumbit , geminum quæ simul erigis

Axem cum Genito , qui tenera manu

Mundum sustinet & Polos.

Et cur

Et cur quæris aves? Quid Tibi? quid precor
 Est cum turturibus? se nisi rostrulis
 Deplumare avidis, ut spolio suo
 Christi cor tepeat, velint.

An desiderijs Virgo Puerpera
 Alas terrigenis sufficiis, ut graves
 Elibrent animos, sub cava Cynthiæ,
 Sphærarumq; habitacula?
 O! seū nostra juves commoda, seū Tuos
 Felix Virgo sinus; non opus est tamen
 Ut culpam redimas: Solyma quid petis?
 Deplumaberis hostibus.

Præludit volucri, nec stabili diu
 Sorti nempè tuæ, par leve turturum;
 Dirus Purpuream Mulciber excoquet
 Sion, pabula Gentibus.

O D E X.

Visitatio B. M. V.

IN Montes abijt, se Duce, se auspice
 Amplexura pias Elisabeth Nurus,
 Cognatamq; domum, Virgo fidelibus
 Præmunita pudoribus.

D 3

Pronos

Pronos præcipitant culmina vertices ;
 Insigniꝝ petræ lætitiâ fluunt ;
 Currentis Dominæ mollibus excipit
 Mons vestigia rupibus.

At quocunq; stetit pes niveus loco ,
 Hauserunt avidis , hinc humus osculis ,
 Hinc cedens liquidâ caute silex , pios
 Gressus Virginis advenæ.

Lambit temperies grata Favonij
 Plantas , atq; genas ; Bisthonium procul
 Exclusura gregem , tristia nubila ,
 Crudeles animas Scythum :

Attollunt levibus brachia brachijs ,
 Mansuetiꝝ suo remigio vehunt
 Corpus Virgineum , non ut in æquore ,
 Venti , carbasa distrahunt .

Tellus læta premi , floribus obvijs ,
 Herbarumq; novo munere cespitem
 In circum redimit , quâ venit inclyto ,

Et quâ præterijt pede.

Vix sphæræ retinent cernua Sidera ,
 Commigrare volent obsequijs poli ;
 Currum sol , & equos , Hesperio procul
 Declinavit ab æthere.

Si campos

Si campos hilari lumine respicis,
 Quævis herba volet, quodlibet arbutum
 Incurrissè oculos; scq; suis premunt
 Connitendo tumultibus.

Jam pratum melius gramine tonsili,
 Jam plenæ segetes fertilius suis
 Arrident cumulis, pulchrius arborum
 Nutant pendula germina.

Affulsit Superis vultus ubi tuus,
 Spectari cupidæ se tremulis faces
 Confudere genis, sidera fulgido
 Certarunt vaga lumine.

Æstivam rigidis Arcadius Leo
 Multâ luce jubam, pexuit ungvibus,
 Donavit segetum, quas regit obsidem,
 Reginæ Cererem suæ.

Ignes, Sidereæ Virginis ad sacros
 Defluxere pedes, ut steriles priùs
 Fæcundo valeant lumine, cùm gravat
 Numen Virgineos sinus.

Forsan montivagæ carmine fistulæ
 Custodes ovium pingvia pascua
 Mulcebant, tacitum cùm subito stetit
 Curvavitq; genu pecus.

Hinc

Hinc passis aries cornibus accidit,
 Hinc plebs lanigeris matribus accuba
 Balatu placido; rustica tibia
 Urbano sonitu calet.

Sentis Elisabeth? Pusio subsilit,
 Conturbatq; novis viscera gaudijs,
 Tardis improperans mensibus, & dies
 Lentâ luce sibi trahi.

Erumpet gremio, ni ruit obviam
 Dilectæ Nurui, ni teneris procul
 Vultus Sidereos Virginis osculis,
 Ac amplexibus occupies.

O D E XI.

ASSUMPTIO B. M. V.

IBis Sidereis vecta jugalibus
 In dilecta Tuæ limina Curiæ,
 Cùm Te Rex Superûm, cùm rutilæ faces
 Reginam sibi postulant.

Sed Regnis oritur litigium grave,
 Ac incensa novis Phlegra furoribus
 Pro Te bella geret; terra tenacibus
 Ulnis comprimet æthera.

Nos;

Nos , nos , cura minor, quo Tibi pectora
 Inter Tænariæ castra Proserpinæ
 Linquemur medij ? quis clypeus teget ?
 Quæ nos suppetiæ manent ?
 Cùm Tu spes miseris unica Civibus
 Ac ancile potens astra subiveris ?
 Regnantemq; feres proxima Filium,
 Junges pectora pectori.

Orbis siste minas ! desine prælia
 Moliri superis ! blandior est polus ,
 Et desiderijs pronius obsequi

Cælum, supplice Virgine.

Felix causa animæ , cuius aget bonas
 Præsens illa vices , molleq; cor suæ .
 Inclinabit humo , telaq; fulminum

Componet placidâ manu.

Ergo perge Parens maxima siderum ,
 Terræ semper amans , & populi memor ,
 Mater perge DEI ! Te vocat excubans

Veri Regia Numinis.

Aût grandes aquilas , aût Cybeleios
 Ad currum facili lege ligabimus
 Lucorum Dominos ; aût det amicius

Si quid terra jugum mihi.

E

Laetentes

Lactentes animas, fræna Caystria,

Iunonis bijuges centoculas aves,

Et si quid Danais educat amnibus

Falso Leda tempeste Iove.

Sed non illa feras, non volucres sibi

Aptari patitur, fortior in DEUM,

Quam vis libratur ab hinc, & teneris calens

Nati pectus amoribus.

Quæ Te pompa vehet? quis Tibi sufficit

Rhedæ magnus honor, maxima Principum!

Nam nec nube levi, nec tumidis bene

Ferri vis Aquilonibus?

En jam mille ruunt aligeræ manus;

Hi sternunt pedibus colla volucria,

Illi mite latus molliter adjuvant,

Fervente officio Poli.

It Regina super culmina montium,

Cui flectunt humili se juga vertice,

Alæ remigio concomites aves

Urgent mollia brachia.

Iam partes gelidi contigit ætheris,

Quas obsedit hyems, & rigor imbrium,

Grando nata recens, diraq; fulmina,

Et plebs lubrica nubium.

Diffluxere

Difluxere nives; algida nubila,
 Rupes Threjicias, Caspia littora
 Quærunt, & quod erat fulmen adhuc ferox,
 Virgo contudit inclyta.

Exarsit nitidis lætius ignibus
 Flammæ sphæra calens, atq; perennibus
 Irritata rogis, in decus & graves
 Pompas Hospitis exteræ.

Iam tunc perpetuo se vovet adjacens
 Phæbe mancipio; cornua, regios
 Amplexura pedes, in spolium piæ,
 Et laudem Dominæ cadunt.

Sol succincta tegit murice brachia;
 Sed vix ipse capax tangere Virgines
 Artus, vix aliquâ parte sui benè²
 Tantis servit honoribus.

Sertum Gnossiados Jupiter obtulit
 In crinale decus; sed quid id aureæ
 Meriti tota fluant cum Jove sidera

Ornatura Caput Sacrum.

Sic Regina Poli, sic Tibi subditi
 Ignes officio currere fervido
 Jussi, dum properas ad superos, Tuis
 Regnatura Trionibus.

ODE XII.

*Author Podolinij ad Carpathij montis radices
subsistens, considerat:
Extra se nihil suum esse.*

Excedo terris; non ego candido
Vatis Sabini vestiar alite,
Spe certus insultare Regnis,
Et bijuges superare colles;
Sarbievianis non ego nubibus,
Ut seffor audax, evehar ad Deos,
Vix tutus, in sedes Tonantis
Semiferis equitare ventis;
Ferocientem non ego Pegasum,
Memor ruinæ Bellerophon, peto;
Non æstuosos solis axes
Icariâ propè portor alâ;
Est, est severi jam patientior
Calcaris, alas qui Superûm Domos
Ascendat, immensoſq; mecum
Prætereat populos, asellus.
Odi volatus; segnior est mihi
Tenendus ardor; calcar edat latus,

Duræq;

L Y R I C O R V M

57

Duræq; vibices , feraq;
Cura mihi macilenta carnis;

Hoc tutus ibo seffor in arduas

Virtutis arces ; hoc volucres petam

 Vectore nubes ; hic beata,

 Hic socius feret astra mecum ,

Et Numen ipsum . nunquid inutiles

Sectabor auras præpete Pegaso ?

Nunquid favorum contumaces

 Alitibus sequar usq; ventos ?

Et tardus olim fregit Olynthias

Portas asellus , Regnaq; Persico

 Onustus auro . si bubulcus

 Astra tenet? juba si leonis ?

Cur non asellus sidera permeet ?

Moramur ? & me jam meus evchit

 Per saxa, pendentesq; rupes

 Carpathij super antra montis ,

Ipsaq; nubes portitor assilit.

Tendebat ultra ; sed mihi devium

 Arrisit antrum , quo remissos

 Colligerem rationis æstus.

Salve meorum Regia sensuum !

Umbræq; tristes , nigraq; portieus !

Salve

Salvete rivi consolades ,

Et patiens gemuisse rupes.

Hoc, post fugaces temporis orbitas,

Me quæro regno ; cætera Prothei ,

Quis quis vel augmentat, vel optat ,

Possideat bona fluxa mundi.

In me reflexis tendo meatibus ;

Sed parva mentis semita , nec satis

Inter virescentes tumultus

Et salices mihi nota culpæ.

Quot fæta largis Daunia messibus ,

Quot vasta surgant horrea Lydij

Vulgo Tyranni ? quot carinis

Afra Ceres vehit in Latinas

Frumenta ripas ? quæ melior Dijs ;

Quæ terra bellis aptior , & fretum ?

Quid Troja possit ? quid Mycenæ ?

Annibali quis ademit arma ?

Percontor ; & me non benè desero ,

Regnumq; mentis; quis vitijs modus ?

Quæ cura servandi pudoris ?

Quot studium melioris ævi ?

Quis bella crudi sangvinis , & feros

Componat ignes? vela superbiæ

Quis

Quis inflet Eurus, quis remittat?

Nulla meam movet ansa mentem.

Quid præter unum me, mihi competit?

Non aula dives, non ager, aut greges,

Non nos amicus hinc sequetur

In tumulum; brevis urna Regnum est.

OD E XIII.

Serò ad pericula, post pericula instruimur.

ET ferro & Clypeis juvat
Præmunire latus, cum fera barbari
Tentanda est acies Getæ:
Non tunc arma dari velle sibi, grave
Cùm tergo jaculum sedet,
Et densis premimur viribus, aut equis;
Mens jam fracta periculis,
Non pugnas alias, bellaq; cogitat,
Et quæ tela resumeret,
Adversis iterum mota furoribus,
Sed lento gemitu perit,
Nullâ spe meritæ concita laureæ.
At quæ de specula sui,

Observat

Observat, quis eat, quo numero nocet?
 Hostis, fataq; quid sonent,
 Quo ferro capulum, quo clypeo premat
 Instantes clypeos retro?
 Nunquam barbarico proteritur pede;
 Non laedunt animum mala,
 Quæ cautum feriunt; imò ruentibus
 Insultare periculis
 Gaudet, qui validæ certior est manus;
 Quis ceromate lubrico
 Non unctus, rigidæ prælia gymnadis
 Luctator Terapnëius
 Intrat? nec facili vincitur impetu?
 Victrix frons datur Herculis
 Illi, tincta cutis quem satisasperat.
 Seris viribus utimur,
 Cum nos difficilis contudit alea,
 Et cervicibus incubat
 Fractis grande malum, nec finit erigi.
 Frustra littora respicit
 Oblitus soliti navita carbasii;
 Cum nudas celet Africus
 Antennas lacerat, sceptraq; Nerei
 Puppim lubrica distrahunt.

Nec

Nec fraterna juvant sidera , nec Venus ,
 Langvet remigibus manus ,
 Indignata jugo se ratis excutit .
 Sic est , æquore turbido
 Fatorum rapimur : mens tumidis opum
 Tempestatibus æstuat ,
 Nec remus tamen est , nec bona linteas ,
 Ignavo vehimur metu ,
 Propellente ratem ludibrio Noti .

ODE XIV.

AD DIVAM CEREREM

*Ut Regnante latenter in Orbe Panis Eucharistici
 Principem fertis coronet
 JESUM CHRISTUM.*

P Rinceps Triticeo se locat in Throno ,
 Vestitus proprij murice sangvinis ,
 Divos obtegit artus
 Byssus candidior nive ;
 Aut in Pampineo navigat æquore ,
 Sub velis niveis , nubesq; candida ;
 Remex ipse , Ratisq; ,
 Et Dux , & Pharos est sibi .

F

Huc

Huc Regina Ceres, consociibili
Adscito viridum fædere Najadum,

Quas vel detinet Enna,

Vel florum Zephyrus Pater,

Huc molles violas, huc tulipas age,
Pæstanamq; rosam, Punica Lilia,

Quidquid dives odorum

Cæ nucopia sufficit,

Pignus jam Sicula, traditur hic tibi,

Raptæ nobilius, cùi face plurimâ

Accendas nemus omne,

Ætnæ lustra Typhoëos;

Rex in Pane latens, & DEUS in tuo

Servari gremio diligit; o Ceres!

Centum sume Coronas,

Primi muricis es capax.

De culmis segetes, floribus & citris,

Commixtæ celerant, flava decemplices.

Census fundit arista;

Messes jugera conferunt.

Miratur vacuos frugibus aureis

Agros Triptolemus, messeq; detegi;

Pingves currere glebas,

Duci pingvia jugera.

Vernæ

Vernæ de calathis effugiunt rosæ,
 Nympharum medias destituunt manus,
 Orbos floribus hortos,
 Tempe Thessala jara stupent;
 Tu, postquam steterint, hinc segetes tuæ,
 Hinc horti spolium, felige, qui caput
 Flores aptius ornent,
 Quæ messes latus ambiant.
 Tum felix apium, quâ Nemæn tegit,
 Frontem, fronde tegat, sœu breve lilium;
 Ad plantas rosa supplex,
 Herbarumq; genus cedat.
 Sed prono segetes vertice, Triticum
 Princeps, ac aliæ ruris opes, colant,
 Omnis culmus adoret,
 Et respublica messium:
 Quod Regem meruit sidereum probœ
 Abscondisse sinu, quod teneros DEO
 De se sufficit artus,
 Ipsum transmeat in DEUM.
 O! cur Triticeum non mihi contulit
 Cor Lucina potens? cur ego non molor
 In massam? lachrymarum
 Undis non ego diluor?

Cur non assiduis excoquor ignibus?

Sic tanti Superis, officij capax

Pulchro redderer uſu,

Et dissolverer in DEUM.

O D E XV.

P A N E G Y R I S.

C L E M E N T I XI.

P. T. O. M.

In Serenissimum ſidus

Quæ tanta ſcilli ſeditio Poli

Confæderatis æſtuat ignibus?

Quis motus astrorum repente

Ambiguâ statione fervet?

Tumultuantis more licentiae

Accensa cælo ſidera fluctuant;

Sedesq; permутant, thronosq;,

It dubio Jovis aula ſenu?

Rufusnè grandi Porphyrius ſitu,

Et gens jugofis horrida brachijs

Assurgit in Regnum Tonantis?

Et regerit nova Phlegra bellum?

Nil

Nil mundus horum cogitat , ægidem
Pallas cruentam projicit , & suos

Arcus Apollo , sola cælum

Lætities face lambit amplâ.

Cessit paterno Juppiter æthere ,

Ultròq; surgens , stat solium penes ;

Vacat curulis , digniorem

Sideribus positura Regem.

Phæbus calenti desilit esedo ,

Pronoq; spheras lumine verberans ,

Invitat ad Règnum Polorum ,

Et medio locat axe currum .

Nudata Pallas casside , Martium

Inerme sidus , blandiùs emicant ;

Gemmante detectus galero

Mercurius ferit astra fronte :

Quæ pompa surgit ? quis novus æthera

Invadit hospes ? cùi famulantibus

Flammis Triones obsecuti ,

Ad Dominas cecidere plantas ?

Tibi calefcunt Numina , Te pius

Invitat æther , quâ melius poli

Vis parte collocare divam

Imperij Solijq; sedem ;

Tuo ministrant Sidera Sideri,
 Suoq; cedent, si jubeas, loco;
Quocunq; malis axe sisti,
 Et famulis radiare terris;
 Sed opto, grandis qua rota Cynthij est,
 Sidus recumbat purpureum Tibi,
 Ut inde nostros mitiori
 Luce queat recreare colles.
 Gravis severo fulmine Juppiter,
 Exæstuanti Mars rigidus face;
 Et stella Saturni timende
 Sæpe supercilios minatur.
 Phæbus serenos aptior in dies
 Tibi nitenti, Maxime Pontifex,
 Ardebit ore, subditasq;
 Officio rutilantis astri
 Mulcabit oras, si propè sit Tuum
 Innube Sidus; si niteas pari
 Cum sole majestate, nostris
 Perpetuum memorandus aris.
 Has ergo causas, hinc video, poli
 Fluxisse motus, ut tibi debitos
 Se donet in census, Tuisq;
 Sideribus sua cedat astra.

ODE

ODE XVI.

In Rosam SZEMBEKIAM

Florum & animorum Reginam

*Celissimo Principi, & Archi-Episcopo
Gnesnensi STANISLAO SZEMBEK.*

ET Regna florent, & solijs præst
Flos Purpurarum, quando leves thoras
Regina prætergressa Florum,
Principibus Rosa vestra mitris
Insedit altum; nec sua Punicis
Vult Regna stringi sepibus, aut brevi
Umbone Pæsti, cui superbo
Sarmatici viruere clivi
Regum triumpho; cui vice Cypridis
Deæ, vel ipsum præter Adonidem,
Amæniore subditorum
Flos Equitum, famulæq; pubis
Decore servit; nempe suus Rosis
Perenne murex Imperium notat,
Pulchri Coronarum nitores,
In Roseis viguere sertis;

Et

Et ipsa Princeps Infula cernuo
Bicolle, tantis ambit honoribus

Florere Regnaticis aræ ,

SZEMBEKIIS animosa Ceris.

Exeste sævi frigora Caucaſi ,

Scythæq; venti , bellaq; Caspia ,

Et quidquid indignum Polonis

Mars Aquilo minitatur astris ,

Adusq; seros exulet Artaces ;

Hic namq; , blandis flabit Ethesijs ,

Et solus in Regno Rosarum

Vel Zephyrus , vel amatus hortis

Semper tenebit jura Favonius ,

Ut pulchra vernæ gloria Principis

In ferta fæcundetur orbis ,

In solidum decus Infularum.

Hanc irrigabunt pro pluvialibus

Cæli Capellis , SZEMBECIÆ Capræ ,

Florebit æternum Tyaris ,

Et Lechico Rosa purpurata

Florebit Orbi ; cum popularibus

Eiectus ulnis , Judice Principe

Probatus , & Septemtrione

Ausonijs recitatus Astris ,

Gnesnense

Gnesnense Regnum, Gloria Principum,
SZEMBE CIANI Murice sanguinis

Ad auctus intras, æviterno

In similes simul Abnepotes

Iacturus olim semina gloriæ,

Fæcundiori quæ Tibi laureâ

Repullulabunt in Coronas,

Et Patrijs in avita surgent

Trophæa Scepbris. Jam Tibi Sarmata,

Jam fæderati prælia Littavi,

Mavorisq; Roxolanus, Ister,

Perpetuos viret in triumphos

Messemq; laudis. Debet amoribus

Tuis, vetusto reddita limiti

Captiva libertas, potentum

Barbarico pede preffa Regum.

Quis credat olim? Finno bibt vagum

Impune Sanum; Sveca Borysthene

Potata cassis, Tauricusq;

Istuleos eques hausit amnes.

Sed qua Polonas colluvie mali

Invasit urbes, hac retro barbaros

Rejectus hostis in Triones

Consilij melioris armo.

G

Aether

Æther calescens muncribus Tuis,
Inclinat ipsum è sideribus DEUM,
Qui tanta fragrantis Ministri

Dona suis inodorat astris,
Iussitq; magnos Principe purpura
Tibi lacertos, jussit & inclyto

Ambire nexus Tæniarum,
Emeritam DEUS ipse, frontem.

Assensit illis Roma favoribus;

Votumq; Divæ par dedit indoli,

Qua teste, si virtus probetur,

Sidereos propè surgit ignes,
Intratq; cælum; non tamen & Pij

Damnabis aras, votaq; Cynthij,

Qui pronus inflexo bicolle
Præsuleas cedit ante plantas,

Et astra frontis dejicit, & suam

In iura laurum SZEMBECIÆ Rosæ

Addicit, hæredesq; toto.

Sponte Rosas Helicone scribit.

ODE

ODE XVII.

Opes, & honores mendicitas sequitur.

O ! quām lubrica gloria ?
 Cujus præcipiti trudimur impetu ;
 Ut nos in glaciem malū
 Allisos, graviūs deprimat ; & sui
 Fatis incineret vitri.
Quo plus evehimur , plus cadimus retrō
 Nostrā mole graves thronis.
 Ut plures oculi summa pericula
 Spectent, surgimus altius ;
 Fortunæ volucris ludibrium breve.
Quis sic censibus affluit ?
 Aut quem conspicuo sustulit effedo
 Aulæ spes Berecynthiæ ?
 Ut non mox gemitus , & miserias vices ,
 Longis combibat auribus ,
 Dicaturq; suo Rex asinus Phrygiæ
 Fulgur , quod micat , occidit ;
 Tempestas pelagi , dissidio brevi
 Lenes pellit Ethesias.

G 2

Fæcundam

Fæcundam Ceterem promptior insequi
 Exhausta macie fames ;
 Grandes divitias pauperies premit
 Vicino nimium gradu.
 Felix principium funere lugubri
 Infamat malus exitus .
 Et qui tergeminis fulget honoribus,
 Gras angusta mapalia,
 Aut pastoritas, squalidus incola ,
 Quærit cum lachrymis casas.
 Vix duri lapidis , vix teneri caput
 Compos cespitis extitit,
 Et vilis lacero culcitra linteo
 Sopivit vaga lumina,
 Cui cygni spolium , plumaq; Theutonis
 Nondum mollia stragula,
 Byssorum cumuli , non satis arserant.
 Imponit validis jugum
 Bobus ; vel rigidis urget equos flagris ,
 Terram vomere subjugat ,
 Et fessos iterum pascit in arbutis
 Auit cantu recreat boves,
 Cum vellunt avidis grama dentibus ,
 Qui jus imperij dedit ,

Frænavit

Frænavit veterum colla Qviritium.

O quam tristia munera !

Quæ longis lachrymis, morteque vaneunt.

Quo Pompeia dignitas ?

Gentes Aemathiae ? sceptraque Thessalæ

Vastis urbibus imperans,

Immensisque fretis Rex, sine frigida

Ignota premitur fame ;

Sejanus populi præda ; quid aureis

Juvit curribus invehi ?

Si corpus rapidæ diripiunt manus ,

Ac in mille cadavera

Discerpunt avidis ungibus Ausones..

Lyda Gloria Regiae ,

Infami Arsacidum splenduit in rogo..

Sic omnis nitor aureus

Post se pauperiem provocat invidam.

Corrasas Alyattici

Fatum divitias tollit avarius.

ODE

O D E XVIII.

*Ad Cor ardentissimum
SSmae Matris M A R I A E*

O ! Cor cæruleo lympidius vitro ;
Cæli sidereis blandius æstibus !

Regum dignius auro !

Gemmarumq; nitoribus.

O ! quæ flamma Tuis candet amoribus !

Incensura Polos, &c superum faces,

Exiliq; favillâ

Confundens Hyperionem.

Hinc sol signifero mutuat ætheri

Lucem conspicuam, Lunaq; pallida

Immortale beati

Cordis participat jubar;

Hinc ignis rutili sphæra superior,

Haustorum tumuit munere lumenum ;

Hinc incendia regnis

Incautus Phaeton tulit.

O ! si vel minimam pectoris ignei

Scintillam raperem ! non ego vulturem,

Thracum saxa, timerem,

Proles jam nova Japeti

Non

Non sic æstiferi fax fera Sirij
 Torret, cùm gravidis jugera messibus ,
 Ardentiq; recocitos

Urit terrigenas siti.

Quàm castis MARIAE cor flagrat ignibus ,
 Flammantiq; foco viscera permeat ,

In JESUM calor omnis ,
 Ac incendia convolant.

Has, auspex superi Flaminis Arbitr
 Flamas Virgineo pectore colligit ,

Totiusq; beatis
 Cæli defluit æstibus.

Cùm Te sidereo commonet alite ,
 O ! Virgo roseis tincta pudoribus ,

Æterni fore Verbi
 Matrem jam superis parem ;

Exarsit teneris molle cor ignibus ,
 Victuroq; flagrat somite siderum ,

Maternis aliturum

Tantum pignus amoribus.

O ! quo Virgineas, dic age, cor pium,
 Aras thure Tibi vis recalescere ?

Eos fumet odora ?

An fragrans Arabum seges ?

An

An centum jugulis victimæ pingvior .
Offundet calidâ cæde Sacrarium ?

Sed cor mite cruoris ,

Odit cædibus infici.

Ceras ambrosiæ mellificis feres ,
Et lumen tremulæ lampadis innocens ;

Hâc donaberis arrhâ,

Carbonumq; vaporibus.

O D E XIX.

A D M U S A M

Quod audeat ultra sonitum lyræ magna N.
mina & gesta canere.

AUdesnè tantis Musa laboribus ,
Audes Deorum luminibus parem
Miscere pompam ? splendidosq;
Atra suis temerabit umbris
Impunè fasces sepia ? plectitur
Vis parva jacto fulmine , quæ Jovem
Regnis, & armentis colendum ,
Vix humili colit arcta farre.

Tu

Tu vilioris munere sepiæ
 Assveta summis nomina laudibus,
 Cerbriq; jam pertæsa voti,
 Imparibus revocabis undis?
 Et fonte parvo? scilicet: altius
 Quād quemq; fortis conditio locat,
 Conamur eniti; pudetq;
 Si modico tenuemur ausa.
 Assurgit extra limina Vandalus
 Ripæ minoris , nec patitur brevi
 Urnâ cōarctari vadourum ,
 Sed tumido mare pulsat amne ;
 Gaudet pyrorum stipite pampinus,
 Ulmiq; vastis frondibus erigi ,
 Serpunt inaspectæ colonæ
 In stadijs trivijsc; lappæ.
 Et parvus olim fulmigeræ Jovis
 Opem ministræ Trochilus ambiit ,
 Evectus alarum favore ,
 Quo proprijs timet ire pennis.
 Sic nostra Magno lumine Numinum
 Oppressa pondus Musa recolligit ;
 Sic penna vialis à potentî
 In pretium fibi surgit auro.

H

Sic

Sic plūs honoris, quam dedit, accipit;
 Intenta Sacris Pallas honoribus,
 Et fama major paginarum.
 Magnificis fluit à tropheis.

ODE XX.

Inſtabile fortunæ Ingenium

Affingat fragili vitro,
 Vires Oebalij marmoris, & grave:
 Pondus rupis Odrysiae,
 Aut plumas volucres repere plumbeis,
 Assyescat pedibus solo,
 Fortunæ nimia qui retinet manu,
 Sisti difficiles rotas..
 Non hic proficeret Mytilus, axibus;
 Fractis Hyppodamæ nocens,
 Si victam teneat, lubrica strenuos.
 Amplexus Pélopis, fugit.
 Et cùm te lepidis risibus occupat,
 Fatum trudit acerbius;
 Aut rursus tetrico basia vultui
 Offert, quæ nece corrigit,
 Quæstu perpetuo lætitiam brevem
 Vendens, & lachrymis jocos;

Cùm

Cùm blandis oculi fulgurat ignibus,
 Arridetq; serenior,
 Præludit miseris improba luctibus,
 Arroditq; labrum minax.
 Et quâ poma manu porrigit aurea,
 Hâc ferrum rotat insolens,
 Compensans querulo munera funere,
 Nullis certa favoribus,
 Nam vel Trinacrium de figulo Duceat,
 Vel de Rege lutum facit.
 Findet non solitis jugera sarculis,
 Quæ ferro domuit prius;
 Rursus cornigerum qui pepulit gregem,
 Regnorum vehitur jugo:
 Sic nunquam stabili sors vacat otio;
 Et quem non movet hæc Dea,
 Affixumq; sua mentis honoribus
 Pectus Regia munera
 Non torquent, nec opes, nec decus aureum,
 Ridet fortis ineptias;
 Immotus, Macedo si ruat, aut Arabs.

ODE XXI.

*Victima Coronata Celsissimus POMIAN, ad Aras
 Salutis publicæ, Minervæ, & Gradivi immolatus
 Celsissimi & Reverendissimi CASIMIRI ŁĘ-
 BINSKI EPISCOPI Cracov: DUCIS SE-
 VERIÆ.*

Ara Salutis publicæ

INcidō marmor grande perennibus
 Gestis notandum, quod super hostias
 Ter mille, regnorum sacerdos.

Instituit Tibi gratitudo.

Non hic cruenta cæde bidentium,

Non sumptuosæ sangvine victimæ

Liturat; id vulgi mæcellis

Et rudibus nisi servit.

Ignava tabo Numinæ sordeant,

Quæ mugienti de pecudum grege

Vix separari, contrahic;

In Tyrios voluêre Tauros.

Hic ipse sacrî collâ securibus

Submittat igni Juppiter abstinens;

Nivalis Hæmi, Tauricæ;

Hic domiaus, jaculoc; certa

Sorœ

Soror Gradivi; quidquid Erix colit,
Samosq; duram sentiat asciam,

Dum fracta jam cervix peremptæ
Hæresecos truculenta nutat.

At nostra laurus Principibus mitrie
Annexa, lætis frontibus induet

Aram Coronarum capacem,

LUBIENIAE pia ferta frontis.

Cruoris expers dextera gratius,

Quam que jugosas pasta per ilices,

Armenta suffocat, beatis

Cælitibus manus immolabit.

O D E XXII.

ARA MINERVÆ

Germen Idæi, proba saxa, collis,
Sypilum marmor, lapis Esquilini
Verticis, quidquid tenet obsoletis
Roma Columnis;

Quidquid in fastus Jovis, atq; doctæ
Palladis vexit mare Caspianum,
Quidquid Ægyptus colit, in perennem
Crescit acervum.

H 3

Littus

Littus Hetruscum Tiberina laxet
 Ora, quæ nostræ monumenta famæ
 Fluctibus lambant, ubi laureatam
 Ponimus aram.

Instar undarum, fluit eruditio
 Amne sermonis, liquidosq; sensus
 Lingua facundi Ducis æstuoso
 Sufficit orbi.

Obruit terras valido profundæ
 Nero svadæ, vaga consulentis
 Gratiæ Tethys, per aprica Regum
 Fluat ora.

It per immensos populare campos
 Auribus vulgi pelagus receptum,
 Summa Regnorum juga, bellicasq;
 Potat arenas.

Svavior, dulcis vice manat Hyblæ,
 Unda doctrinæ, reficitq; sacros
 Cælites; largis in amæna currens
 Templa fluentis.

Unde vicinas premet ara ripas
 Crine flaventi Tibris, aut diserto
 Tullius noster Tiberina pulsat,
 Ostia fluctu.

Docta

Docta victuro fluet in colosso,
 Quam Quirinalis bibat Urbs frequenter
Fama LUBIENJ,, memor insepulta
 Principis aulæ.

ODE XXIII.

ARA TROPHÆORUM

ARAM non solitus excitat artifex:
 Trullis Calliope, quas domitor freti
 Neptunus, Phrygijs mænibus intulit,
 Cùm res cingeret Ilij.

Quas Phæbus, superum juribus obsequens
 Urbi Dardaniæ, post habitâ chely
 Impendit, valido Laomedontia.

Stringens aggere Pergama.

Sed nunc LUBIENIJS dedita plausibus,
 Illas Musa capit; currite sidera!
 Ignes, astrifero vertice quos tenet

Atlas, currite fulgidi,

Respiret Lybicus, sub vacuo senex
 Cælo, dum vigiles cedere senserit
 E cervice faces, lucida corpora,
 Erecto melior jugo.

Laxe

Laxo crine nitens lucifer aureus,
Et sol, & niveæ cornua Cynthiæ,
Intertexta polis Gnostiados comæ

Cedant serta LUBIENIO.

Quidquid purpureo fluxit ab ubere
Junonis Dominæ, lactea pignora,
Quidquid stelligeris Erydanus vadis

Astrorum tolerat capax;

Clarus Mænalijs portitor essedi,
Arctos bina suis promptior axibus,
Fratres Tyndaridæ, quidquid alit favens

Æther, desuper affluat.

Sed tristes lachrymis Pleiadum genæ
Orionq; minax, Olenium pecus,
Et quæcunq; faces sunt rigidæ, sacris

Secernantur ab ignibus.

De tot sideribus LUBIENIO Duci
Assurgat cumulus faustior ignium,
Præsenterq; polo, quanta sit inclytæ

Virtus, famaq; Principis.

Certant astra pari lumine cum Jove
Mentis sidereæ; certat honor Mitræ,
Incorrupta pij gratia pectoris

Confundit rutilum jubar.

Accendet

Accendet niveos ipse sibi dies,
 Si Phæbus renuat; vos tamen aureum
 Illi conspicuis sidera cinctibus,
 Illustrate meridiem.

ODE XXIV.

Illusterrimis BOGUSLAO LUBINSKI Generali Exercitus Germanici & MATHIAE Syradiensi Thesaurario, Fratribus Celsissimi Principis, Episcopi Cracov.

ARA GRADIVI.

Non hæc Olenij prælia Tydei,
 Aut petiles rigidas fulmineæ suis,
 Non fert Ara, Leonis

Horrorem Theūmesij.

Cadmæos cineres, bellaq; respuit
 Scissi Multiberis, qui geminos Duces
 Uno tangvine natos,

Uno non patitur rogo.

Sphyngis præda triplex, aut miser OEdipus,
 Lernæ monstra, sacris ignibus abstinent,

Quos hæc Ara Gradii
 Sertis Principibus parat.

J

Raptus

Raptus Annibal is , mensa capacibus
Cannarum modijs gemma Quiritium ,

Et quidquid dat iniqua
Belli causa , sit hinc procul .

Solos illa Duces sustinet , integer
Quos accendit amor Regis Olympici ,

Quos spes Patria palmæ
Pulchris urit honoribus .

Huc post edomitæ bella Propontidis ,
Attonisæ gelidi cæsarie Gothi ,

Eluctabitur acris

BOGUSLAUS acinaces

Illum mille faces Martis , & Istrij
Arcus , frugiferæ ferta Podoliæ ,

Illum læta sequentur

Defensæ freta Balthidos .

O ! quot Barbarici jam metuunt Duces !

Quanto purpureus Vistula sanguine

Undat , quando pedestres ,

Exercet Patriæ manus !

Quæ sentit Boreas ire pericula ,

Optaretq; suis cauti bus indui ,

Cum LUBIENIUS instat

Turmis rursus equestribus .

Quâ

Quali sorte nitet ! fed Patriæ rei
 Felix consilijs , plus modo prospicit
 Inter docta MATHIAS

Thesaurarius otia.

Illi Syradius cedit eques suos
 Cum nummis animos ; fulget honor Domus ;
 Largis horrea donis

Felix replet Eleusia.

Quidquid LUBIENIÆ celsa Propaginis
 Sertorum meruit Gloria , Martiam
 Comportatur in Aram ,
 Æternum Lechiæ decus.

O D E XXV.

In Gentilitios Montes SSmi D. N. P. T. O.
CLEMENTIS XI.

PAtritij Montes ad sidera culmina tollunt ;
 Gloria cedat Athos ;

Cedat Apollineæ Parnassus cura catervæ
 Pegaseusq; latex.

Pontificis Juga celsa throni meliore fluento ,
 - Obsequijsq; nitent.

Bellerophontæ potior fluit æquore Tybris,
Eloquijq; fretum.

Huc ab Hyantæis Musæ celerate cavernis,
Fonteq; inertis equi.

Nempè Cytheronem Colles CLEMENTIS adæquant,
Quos Tiberina Thetis

Lambit, & immensis tenues premit amnibus, ortus,
Admodulantis aquæ.

Huc ego Phryxæo radiantes vellere reges
Insequar usq; gregum.

Hic ego, non quali lusit Melibæus avenâ,
Maxima gestâ canam.

Nec pudet, Augusti Vates, & opilio dicar
Quod simul esse mei.

Non etenim simili reliquis cum montibus umbrâ,
Arboribusq; virent;

Non hâc Purpurei colles, quâ mole vigere
Cætera saxa solent;

Non prout Hybla tepet vernis animosior herbis,
Hic decus ardet idem.

Sunt alij flores, quos regia purpura præbet,
Et trabeatus honor:

Herbaq;, quam vietrix peperit verbena, jugo.
Insidet una globo.

Si

L Y R I C O R V M

69

Si quod inest clivis, ut inest nemus, aurea mundo
Non nisi poma dabit.

Aūt in ferta comas, aūt frondes regibus aptat
In rata sceptræ suis.

Sola fere Zephyris sylvam circummeat aura,
Bruma fugatur incers.

Solus honor veris Nabathæo fulgurat auro,
Terrea messis abest.

Hæc Juga digna, reor, lotas in sanguine Christi
Pascere semper oves.

His ego felices horas in collibus, omni
Tempore latus agam.

O D E XXVI.

E U C H A R I S T I C O N

Præsentि in Eucharistia DEO.

Clio flecte genu; sat pede libero
Lusisti, Procerum jussa per areas,
Bellorumq; maniplôs,
Magnis ire periculis.

JESUS, meta tibi; quidquid olympico
Portas curriculo, quidquid ab ardua
Vectas Martis arenâ,
Uni fer spolium DEO.

L I B E R IV.

Sed jam Pegaseas non mihi plus aquas
Permessumve bipes, ex humeris lyram,

Frontis ferta repones

Ad plantas Cereris sacræ.

Non hos vena Duces, ebria sanguine

Agni purpurei, visceribus chelys

Non his tinniet aucta,

Dat nervos Cytharæ DEUS,

Nunc impone modum, frenaque barbito,

Impensura tuam Panis Olympici

Sertis atque trophæis

Flexo poplite Tibiam.



EPO-

E P O D O N
L I B E R V N V S

De cultura Panis, & Vitis Eucharisticae.

AD

Incolam Panis Eucharistici JESUM.

O D E I.

Rusticas laudes, Venusina palset,
Atq[ue] balantem grege, Mula, vallem,
Et canum morsus, & acuta mæstis
Cornua Sylvis.

Me nec emundatæ pecudes, nec auceps
Cura, nec fontis liquor occupabit,
Allium nolo, viridesq[ue] succos

Nolo veneni.

Agnus

Agnus armatæ mihi frontis expers
Pascitur sacrâ, sine labe, lauru;
Et Ceres casto redimita Divi

Munere Panis.

Fertiles illi coluisse glebas,
Et virescentes ego dicar olim,
Mollibus laudes pepulisse fistris,

Rusticus author.

Non minor Sanctæ mihi cura Vitis,
Quæ fatigatae sitibunda Musæ
Ora demulcet, superatq; prisci

Nectar Olympi.

Persa dilectam platanum, superbis
Induat Xerxes phaleris, & auro;
Juppiter fætam tueatur acri

Fulmine Quercum.

Jactet Hetrufcas lyra Statiana
Laudibus Thermas; alias Leonem
Cæsaris, setas alias minacis

Laudet Echini.

Me coronatæ Cereris maniplus,
Sacra me vitis melioris Uvæ
Recreat, totis ego sudo magnæ

Viribus Aræ.

SS. Cereri

*SS. Cereri Eucharistice
Sicula Ceres se victimat.*

O D E II.

Am me Sicanæ, nolo, Matres aureis
Deam vocate messibus;
Non coronatus Afer orbe spicio,
Agri resectis fætibus,
Latas ad aram virginum Numantidum
Ducat choreas, & jocos;
Nostræq; laxo flava ferta fænore,
Eieusis, aptet alteri.

Cedo, mearum quidquid est opum mihi,

In Pace Regnanti DEC.

Et me perenni regijs homagio

Effundo plantis victimam.

Illi subacti pendulo collo boves

Trahant sequacem vomerem;

Seu sicca findet arva sudor rusticus,

Totoq; se glebam premet;

Seu retro notos langvido jugo lares

Potent monente vespere:

K

Illi

Illi modestâ nube` balantes greges.

Densum movebunt pulverem;
Seu pingviori pascuorum de freto

Iussi redibunt hinnuli,

Domumq; pleno convolabunt ubere

Matres onustæ vellere;

Seu de reclusis diffluent ovibus:

In arva saltu præpete;

Illi comatos asperatis demetet

Massylus agros falcibus;

Multâq; messe, Triticôq; Punico;

Impleta solvet horrea:

Illi Priapus aggravatos stipites;

Pendente pomorum jugo,

Ulmusq; supplex, conjuges vites, rubris

Inflectet ad nutum botris.

Ego jugosæ torridas Æthnæ faces,

Ennæa prata defero;

Spartana quidquid, educato Principe

Mihi tenetur Regia;

Quidquid Canopus detumente flumine,

Præsento Panis Incolæ,

Meoq; Regi, quem nivosa vestijt

Chlamys tegentis Hostiæ.

Laudes

Laudes Principis Tritici

ODE III.

O! Mite granum, Daunio natum solo,
 Genusque sacrum Tritici!
 Te gleba pingvis, te juvat sulcus tener,
 Crebroque cultus vomere;
 Effundis uno saepe partu divitem
 Sylvam virentis Enniæ,
 Lautisque culmis semen effrondet Tuum,
 Alente fontis ubere.
 Sed nulla frontem, vel caput severior
 Palea catenanit Tibi;
 Cristata spicam serta circumvinciunt
 Miti coronarum vice:
 Non spina terret, ut minax est hordeum,
 Plumas avenæ non amas;
 Sed subrubenti dum calet messis coma,
 Nutas adusto vertice.
 Marita tutur, vel vagis perdix timens
 Pullis, aluntur te benè.
 Præpes coturnix, & palumbes garrulus,
 Svaves alaudarum chori;

At Thressa pellex ; passer infamis , procul
 Fictis aguntur brachijs :
 Implente multis àerem terroribus ,
 Manu coloni pauperis ,
 Ne prædo passer , ex aristis pendulus ,
 Fruges opimas ebibat .
 Siticulosa , mox , ubi canicula ,
 Granis adussit purpuram ,
 Venit , gravato falce tersâ brachio ,
 Quam cote rursus asperat ,
 Ut cæde leni terga messor occupet ,
 Ne nimbus è spicis fluat .
 Tunc in maniplos alligat , ruralibus
 Messem reponens areis .
Quæ clara Lesbo barbitos ? quæ Thracij
 Cantata sylvis Orphei ?
 Aût Mantuano verberata pollice
 Chelys per agros Dauniæ ?
Quæ Musa digno concinet metro ? quibus
 Sertis comatur Triticum ?
 Frequentat aulas ; & superbis Principes
 Mensas adornat ferculis ;
 Séu curiosâ Pistor arte , tostiles
 Furno recondit machinas ;

Scia

Sèu cocta Panis Martij libamina,
 Auro reluent divite;
 In omne munus commodatur Regium
 Pingvi farinâ Triticum.
 Sed quid tumentes, improbo luxu Duces?
 Quid sceptrâ quæro Regia?
 En ipse casto commoratur Tritici
 Deus receptus in sinu;
 In Pane regnat, candidisq; fascibus,
 Thronoq; gaudet Tritici.
 Huc, huc, Eleusis, Punicos census age;
 Compelle messes jugerum;
 Crinita quidquid educat culmis humus,
 Regi còacerva novo,
 Quem Christus, inquam, Purpurâ donat suâ,
 Spicæ coronant circinis;
 Abhinc colonis imperabit frugibus,
 Princeps Agrorum Triticum.
 Descendat unum civis in campum viror,
 Et plebs aristarum gravis;
 Culmi, subacta deserant novalia,
 Curvetur ad thronum seges.
 Siligo bellax, ac in hybernas nives
 Armata duro cortice;

Setis, & asperâ forocius eute
Deponat iras hordeum.

Hinc stent avenæ mitiores ; hinc Scythia
Ceres præustis vultibus ;

Arabs oryzum , serviens linum colo,
Ab usq; Memphi convolet:
Et tota demum messium Republica
Fasces adorent Tritici.

Tu Musa fronti Delphicas recingito
Frondes, corymbum flexilem ;
Et nocte magno digna serta Cynthio,
Prætexta spicis mollibus.

Io ! triumphet Rex Aristarum novus,
Regnet perenne Triticum .

Laudes Reginae Vitis

O D E IV.

Regina Vitis ; quo beatas culmine
Egisse radices voles ?

Amnosus Ida, discrepante gurgite
Simeontis , & Xanthi , placet ?

Ut, quam præustis sol botris coquet sitim ,
Vicus humor temperet ?

Sed

Sed hic Dearum litibus famosior,
 Quas movit in malo Paris;
 Ergo nitentis ex Olympi vertice
 Spectabis urbes subditas?
 Ubi, per annum, scriptor intactos Noto
 Redux characteres legit?
 Sed hic superbo prostitutus est Jove,
 Et sordet hostijs boum.
 Cybelus, athletæ fastuosø pulvere,
 Matri Deorum serviens,
 Est dignus almis fronduisse vitibus,
 Dignus racemis obtegi?
 Et hic profanis cæderetur ascijs,
 In serra vitis Attica;
 Certè Lyæi forsan arrident Tibi
 Rupes Cytheronis sacræ?
 Quas sylva vestit pampinorum cultior,
 Suusq; sol uvas fovet,
 Et Rex abortu patrium gravans femur,
 Ulmo maritat diviti?
 Num bina Phæbi, Liberiq; te manus
 Dignam coronis excolet?
 Exeste potis ebrij colles Dijs!
 Hæc nostra Vitis innocens;

Nunquid

Nunquid petulcæ carperent Edonides,

Thyrsis eam bacchantibus?

Aùt sub modesta vite plebs lymphatica

Cubaret in trièteride?

Non illa Dircen, non agros Lernejos,

Amat, nec infamem DEUM;

Et quidquid aris fabulosæ Græciæ,

Quidquid celebratur jugis,

Odit, beatis educanda collibus

Vitis, superno muneri.

Hispana Calpe, vel sinus Tartessici,

Alpes Pyrenææ placent;

Aùt Gallicanis fæta terra lilijs,

Et ripa pinguis Sequanæ:

Placet Sicambri garrulus Rheni thorus,

Siticulosi Pannones.

Falerna septa Massicæ vindemiæ,

Aùt Exquilini vertices:

Quæcunq; demùm sceptræ norunt, Iessidis

Bibuntq; Vitis sanguinem;

Illis moratur, Regios illis botros

Augusta Vitis educat.

O! si liceret, omnibus fastigijs,

Servire tantæ Principi!

Si noster

Si noster omnes occuparet Pannonum
 Colles verecundus labor !
 Ego maritis alligarem frondibus ,
 Ego rigarem pampinos ,
 Tristemq; sylvam perfidorum cæderem
 Doctâ , stolonum , forfice .

De agro Tritici excolendo.

O D E V.

Felix agellus , qui beatâ Tritici
 Umbrâ còercet Sirium ;
 Tantæq; prolis , Cælicorum munerum ,
 Dici Parens merebitur ?
 Illius , opto , nobiles glebas ego
 Sudore longo vertere .
 Jubar priusquam riserit Tháumantium ,
 Rosasq; pascendis equis
 Aurora Phæbo deferet ; famelicos
 In prata deducam boves ,
 Ut rore largo Cynthiæ natantia ,
 Vellant avari gramina ,
 Mistoq; succo pascuorum roscidis
 Herbis , famem citò edoment .

L

Hinc

Hinc, ut calentes sol quadrigas aureo
 Jugabit Arctos esedo,
 Urgebo pastos ad suum boves jugum,
 Lunare cornu deprimens;
 Notæq; quemvis applicabo semitæ,
 Cervice consuetâ sequi.
 Parvis aratrum, rusticâ manu rotis
 Aptabo, juncta vomere,
 Fundumq; saerum, nobilem votis humum,
 Multo domabo sarculo.
 Tunc si vel asper invium sulcum lapis,
 Vel spina crudelis gravet,
 Radice totâ germen infelix traham,
 Lapidès acervabo procul.
 Sic, usq; plenum Cynthius meridiem
 Accendat axe torrido;
 Sic, usq; sero commoretur Hespero,
 Glebas heriles excolam.
 Fæcunda Nili, quis mihi det flumina?
 Famescat Ægyptus licet,
 Ut nostra mergat arva lambenti salo,
 Fæcundet undis jugera.
 Hunc dives Hebrus, hunc Iberus alluat;
 Padus corusco gurgite,

Gangesq;

Gangesq; lactet gemmeis aquis agrum,

Fluant ab astris sequora;

Et solus Avster spiret; ac ethesiæ,

Aquilo recedat ad Scythas.

O! dulce terris, dulce Numini solum!

Quod pignus aris educas,

Et dona condis Tritici; quod propriam

Cedit DEO substantiam!

*Cor hominis contriti, ager beatus
PANIS EUCHARISTICI.*

O D E VI.

QTerra sancta! seu venis de Libano,

Seu Te Damascus obtulit,

Quæ prima nobis ponis incunabula,

Tuoq; de limo sumus.

Non Tu trahentis sauciaberis jugi

Cornu bisulco, non equis,

Non dente scinderis fero, non carptili

Rudis coloni pectine;

Tamen benignis eviresces messibus,

Luco tumebis spicco;

L 2

Undabis

Undabis amplis frugibus; pinguedine
Soli refundes germina.

Te nempe bobus Cultor exercet novis,
Sedens asello corporis.

Agrumq; solus, & jugum præstat sibi,
Bos, & colonus est sibi;
Et falx & oeca, vomer, & rastrum sibi,
Seges, maniplus, omnia.

Hædum pluentem, seu puellares genas
Flentum cachinnat Plejadum,
Notumq; nimbis efficacem respuit,
Felix procella lachrymæ;
Hoc fore fundum pectoris deliniet,
Phæben triumphans roscidam;
Et vitrearum more scaturiginum,
Fletus tepentes garrient;
Hoc imbre, cordis pullulantes surculos
Rigabit, & vitim sacram.

Postquam rebellem subjugarit spiritum,
Et coget astris obsequi;
Domabit agrum, duriore barbari
Seta camelii saucius;
Franget severis pertinax catenulis
Latus, vel addet compedes,

Præceps

Præceps ruenti, quò velit ferociæ;
 Sulcabit, & tergum flagris.
 Spinæ, & omne carduorum subruet
 Nemus, stolones improbos;
 Tunc grande semen, Regis æterni manus
 Jactabit, & cælestibus
 Offundet undis, ut perenne germinet
 In corde pignus gratiæ.
 O Terra felix! pectorum lugentium,
 Quæ tanta mentis germina,
 Vitim cruentam, atq; Frumentum DEI
 Plantas in agro cordium.

*Beatus Agricola Adam,
 Terram Pani Eucharistico excolit.*

O D E VII.

Tandem ligone fracta colla montium,
 Novamq; glebam subjuga;
 Fatalis arbor non satis Tibi sapit
 Adam, nec umbrosæ Domus;
 Domanda tellus, in suæq; viscera
 Sævire Matris non pudet.

L 3

Ut apta

Ut apta tanto dona gignat Filio,
 Agnoscat hæredem suum,
 Quem non ligavit fascijs, non ubere
 Lactavit, agris educet.
 Futura nempe rusticæ prolis mala,
 Adam tyrannum jugerum,
 Suasq; cædes terra mater sentijt;
 Et über illi non dedit.
 J, scinde glebas; arva finde sarculo,
 Colonus Orbis, & Pater;
 Illi laboras, & colis terram DEO,
 Qui tollet hoc a Te jugum.
 Et quam dolosus angvis expuit luem,
 Mali propinans toxicum,
 Pensabit ille, digniore sangvinis
 Vitam redonans munere.
 Illi virentes hinc aristæ fluctuant,
 Et flava procumbat Ceres;
 Undet trecentis messibus Nazarij
 Seges beata Tritici.
 In Orbe Panis purpurâ tectus suâ
 Regnum coronavit novum.
 In vite, vitam; sangvinisq; Massicum
 Propinat uvæ nobilis.

Adam

E P O D O N

37

Adam triumpha! cuius is contagia

Pestis nefandæ sustulit;

Simulq; panis clausus albo cortice

Tuos labores consecrat.

Affunde pronam falce messem ferreâ,

Et coge frugum vertices,

Iube maniplos mole curvari suâ,

Frugifq; magnæ Principem,

Totis adora subjugatæ colibus

Telluris, & boum jugis,

In pane, quando, mitius tentorium,

Sedemq; figit regiam;

Quot grana fruges, pingviorq; quot feret

Plenas aristas hinc humus,

Quot sunt arenæ littori, quot herbidæ

Comæ, tot offer victimas.

S. VENCESLAUS BOHEMIÆ REX.

SERENISSIMUS MESSOR,

Ipse in usum Eucharisticum, Triticum messuit.

O D E VIII

Illæne falci rusticæ parent manus?

Quas mucro pressu bellicus?

Ex

Et quæ subactis dant Bohemis vincula ;
Ligant maniplos Tritici ?

Quas Martialis asperat cassis genas ,
Sudore manant simplici ?

O ! Sancte MESSOR , quis subire tot mala ?
Quis rusticari Te jubet ?

An purpuratæ serviunt mentes Polo ,
Deiq; manceps est thronus ?

Hoc præstasti, cùm Mitratum verticem
Sub falce fleetis asperâ ,
Divoq; messem colligis DUX Principi ,
Qui Panis insedit thronum.

Si tu tot armis , urbis tot Cechijs ,
Tot viribus REX imperans ,

Manus severâ falce messor occupas ,
Calesq; flammis Sirij ,

Quæ nos manebunt rusticorum munia ,
Quod nos tributum solvimus ?

Admitte nostras lachrymas , argentea
Supplere tandem flumina ,

Quæ tardiores adjuvent undis molas ,
Volvaniq; tritico rotas .

Lugere prorsus , & tepentes lachrymas
Milcere torrenti libet ,

Ut

Ut cūm medulla farris inclyti, suo
 Regi cibisq; serviet,
 Hæc unda massam, lachrymatum molliat,
 Aptetq; donis Hostiæ.
 Tunc & calentem pectus ardens offeret
 Furnum, vel Æthnam cor dabit,
 Ut nostra possint immolari munera,
 Et decoquuntur lachrymæ,

DIADEMA EUCHARISTICUM.

Seu

Alphonsus Aragoniæ Rex
Pane Azymo coronatus.

O D E IX.

Sic est, Corona Regiarum frontium !
 Serium coronarum DEVS.
 Ius est in omne Principum caput Polo ;
 Reddant Triumphales come,
 Virente fronde laurearum nobiles
 Illi tributum glorie ;
 Aurumq; regnans, quod revincit tempora,
 Et gemma vittarum jubar,

M

Submittat

Submittat uni sc̄e, decusq; Regium,

In Pane præsenti DEO.

Alphonsus illo , vim ferente cassidis,

Caput coronarum capax ,

In omne cinxit hostium periculum ,

Vittâ revinctus azymâ;

Sic non capillos tantum , at auream simul

Mentem coronavit DEO.

Sit prima cura Cæsarum, sit Principum,

Se consecrare Numini;

Cujus tuentur jus throni vicarium;

Opesq; missas desuper;

Nec ulla dona plebis abjectæ , neq;

Calcare cives ambiant;

Nam quod coronat , Numen, illorum caput ,

Tales meretur victimas.

Regnabis Atlas ; non Sicanis Urbibus

Tantum , vel Afro , vel Tibri ,

Sed Orbis Hæres , possidebis ultimos

Jndos , & Artacen ferum ,

Cervice Numen , cælitumve sustines,

Qui regna nunquam flexili.

Nec vana , Phlegræ Marte , signa perdita ,

Jovem tueris Gnoſſum ,

Sed

Sed hunc tremiscunt, quem Jovis palatia,

Vigilque stellarum cohors.

Alphonse perge ! fertiles Aragoni

Tuo redonabis dies !

Dum Rex sub azymâ coleris Tæniâ,

Arcebis è regno famem.

Promoconda Panis Eucharistici.

S. B A R B A R A

O D E X.

I Ter secundo moliemur alite

Vitæ soluti sarcina ;

Quod meta nulla , terminusvè præpedit ,

Nec signat Appius lapis ;

In astra dicit , nec tenetur limite

Quocunque sphærarum tamen.

Sed cùm , Tribunal ante nos deduxerit ,

Vix innocentí flexible ,

Hinc , concitatâ devehet sortis rotâ ,

Vitæ , vel æternæ neci.

O! ergo panem provide Virgo sacrum ,

Hac defatigandis viâ:

M 2

Cui

Cùi Sancta Cereris creditur mundæ penus;
 Quæ pascis ora langvida,
 Et sæpe dulce ferculum petentibus
 Manu reportas propriâ,
 Aùt obsequentis escedo Favonij,
 Lingvæ famenti devehis.
 Sed plus minister Te sacerdos auspice
 Noctu diuq; præstitit.
 O Promoconda Panis in terra DEI!
 O spes viatorum bona!
 Quàm sæpè crudo sustines in vulnere
 Non expiatos halitus!
 Et fixa truncu membra, cælitum doces
 Adire cum pæna Lares;
 Aùt colla fune luctuoso pendula,
 Magnis relaxas viribus,
 Aùt ipsa servas guttur illæsum reis,
 Donec sacerdos advolet.
 Nos dura lethi dum ciebunt marmora,
 Falx sæva mortis impetet,
 Cùm lingua torrido calebit sirio,
 DEUM vocare nesciet;
 Audi gementes, ac iniquam cælico
 Famem cõerce ferculo.

Mensa

E P O D O N
M E N S A R E G I A
Eucharistico Ferculo instructa.

93

O D E XI.

M Ensam terrigenæ DEI,
Bonis olympæ Domūs,
Vivo sanguine Numinis,
Et Carne Divina gravem,
Quam byssi vice, candida
Ceres aristarum dea,
Vicis Cæcuba quam tegit,
Faustâ redordiar chely.
Lymphæ fons Aganippidos,
Et tortus Eurippi liquor,
Et si Cynthia culmina
Quid, præter, undarum fovent,
Cedant in silices cavae
Sui Cytheronis retro;
Nobis gemmea lachryma
Offundet argutum melos:
Largis fletibus hic opus,
Humana cristallus natet,
Nc de Principe Cælitum
Viti, cor illotum bibat;

M 3

Undâ

Undâ Virgine luminum

Labes coércetur Stygis ,

Et noxæ color æthiops

Adinſtar albescit nivis.

Hinc , hinc Lynceus exulet ,

Quondam coronatus face

Centenâ caput arduum

Junonis armentarius ;

Cæcâ plūs agitur fide

In hoc beatorum cibo ,

Sub Panis nive cum latet

Uvæq; sub yelo DEÙS.

Artaxerxis inctior

Sit longa quantumvis manus ,

Et quæ sceptrâ prehenderat ,

Inops capessit hic nihil ;

Sic cùm tangitur hostia

Persona palpari nequit ,

Et solæ species nisi ,

Non quod sub illis est , patet.

Mento poma natantia

Adhucq; sectetur fretum ,

Si gustu Pelopèjus .

Certare præsumat- senex.

Omnis

Omnis fallitur hic sapor,
 Licet triumphetur fames,
 Et cum subdita qualitas
 Gustatur, esse nos alit.
 Nec quas cæsarie vagâ
 Texit rigorosus Phrygum
 Dux, aures asini, Midas,
 Ad ista reclino sacra,
 Quæ vix Angelicæ queunt
 Intrare mentes; ast homo
 Fidis auribus innocens
 Dum credit, immunis capit.
 Ipsis tanta triclinia
 Cernuntur, inquam, quos fides
 Umbris exoculat suis;
 Solus levandi jus famem
 Fortis Scævola possidet,
 Ex hac supernæ vis dape;
 Et qui dat vacuas poli
 Aures Magistro, quæ jubet.
 Tantum, nil ego Cælites,
 Nil astra thesaurum penes,
 Spes nil Pygmalionias,
 Nil curo Pactoli lutum;

Summo

Summo sidera cum DEO

Feruntur in terras simul,
Sphæram divitis hostiæ,

Qui Pane tectus occupat.

Panis regnat ab æthere,

Augusta Majestas DEI;

Thesauri sapientiæ

In hoc reconduntur globo,

Quo florens animæ vigor,

Quo sancta vestitur Caro,

Divi Flaminis ignibus

In Matris ardescens sanguine.

Isto, summa scientiæ

Et plenitudo gentium,

Isto, maxima circulo

Tenetur omnis spes throni ;

Cælestis bona gratiæ

Virtutis immensus decus,

Cœu Regum diademate,

Ambitum orbe candido,

Quas Antonius exhibet

Cratere non magno satis,

Sed regni pretio graves

Nili relapsuras opes ;

Si guttam

Si guttam Lybico mari ,
 Phæbo rogum, si comparem ,
 Hoc præstat Cleopatra
 Inauris ad Christi dapem.
 Vedit Roma superbius
 Nil inter auratos cibos ,
 Luxu mersa Vitellij ,
 Quam fulsit in mensis Ceres ;
 Sed si Thermopylis velim
 Arctare Thmolen, ac Athos ,
 Cæli censibus obrutas
 Æquabo mensas Regijs .
Quantis fragrat odoribus .
 Peruncta Galbae porticus !
Qui Phænicia ballama
 Gemmante thecâ mancipat ;
 Sed Cræsos Curijs priùs ,
 Jrum redonabo Midæ ,
Quam Regum solijs , sacri
 Opes & auxilium poli .
 Nostræ allusit Eleusiæ
 Heri potentis de Salem ,
 Victori Thario Duci
 Panis coronatâ manu

N

Oblatus

Oblatus, simul & calix,
Vitis beatæ symbolum.

Quid? Rex Salemius soli
Fert dona, se donat DEUS.

Panes propositi Sion
Multet vetustatis notā,

Excludat procul Israel
Uſo in Syenen & Pharon;

Implet sancta Ceres vicem,
Imò quid illis plus potest,

In qua munera Cœlitum,
Deic Majestas viget.

Thesbites volet igneus
Errare semper advena,

Si talem cinerum doli
Sibi placentam conderent.

Sed, quid sub imagine
Qua nostra velatur Ceres?

Ara pignus amabile
Latebat illa sub dape;

Agnus victima Paschatos
Summæ canebatur notæ,

Cûi nec grex Athamantius,
Præiret auro xelleris;

Nam

Nam de compede ferrea-

Exsolvit, immanis Pharos,

Gentes Isacæ Domus,

Ducturus in colles Sion.

Nostro vicitus uterq; dat

Palmam minoris gloria;

Seu quæ stirps Tharidæ colit,

Seu grex inauratae cutis,

Qui jam sangvine Regio

Adæ triumphavit malum,

Jam conceptibus aureis

Se monstrat authorem DEUM.

Tempestas nova siderum,

Nil manna ferre par potest,

Quod cum guttura plurium

Farcivit, extinxit simul.

Hac quisquis dape fit satur,

Vitam perennantem trahit,

Nec Parcam, nec onus grave

Timet ferocis Tænari.

Arcæ depositum grave

Leges, superna quas manu

Moyses viderat imprimi,

Et virga florens Aaron,

In nostræ Cereris sinu,
 Quam velat immensum chaos,
 Et quicunq; dari potest
 In orbe thesaurus , latent.
 Hic lex , quam digitus Patris
 Descriptis æterni , viget ,
 Verbo suâ sat unico ,
 Alvus tabellarum est vice.
 Hic flos virgineus nitet ,
 Arente Cyprorum rosa ,
 Qui jam germina virginum ,
 Jam serta virtutum parit.
 Tellus quidquid amara fert;
 Herbas nocentes Thraciæ ,
 Sævæ toxica Colchidis ,
 Virusq; Lernæum ferox ,
 Angues congregæ Gorgonum ;
 Virtute majori procul ,
 Quem ros cælicus imbuit ,
 Flos, hanc refrænabit luem.
 Ut claram faciem penes
 Phæbi coruscantis perit
 Quodvis sidereum jubat ,
 Flammâ minori se tenens;

Sic

E P O D O N

101

Sic quidquid vetus extulit
 Figura, noctes Atticas,
Umbras Cymmerij poli
 Incurrit hunc penes cibum.
O! si cernere vis foret,
 Quos Angelorum jam chori
Magnis plausibus exhibent
 Cultus in altari sito;
Quantis nisibus explicant
 Alas verecundi Cherub,
Tecturi Cererem sacram
 Sub qua catenatur DEO.
O! si stringere pertinax
 Auderet ignitos Patrum
Affectus mea pagina,
 Quibus flagraverunt modis!
Quo cor molle Vesuvio
 Candebat inquam, quot pyras
Incendit sitiens amor,
 Hac dum tenerentur dape:
Quales Hippon, & Africa?
 Carthago quales jam proba
Æstus Praefulvis ignei
 Vidit, redonatos sacro

N₃

Maternæ

Maternæ lachrymæ lytro,
 Dum totus arderet siti
 Mystæ ambrosiæ poli,
 Grandi laboraret fame.
Quali Sol Aquinaticus
 Aras serenavit face,
 Sëu conceptibus arduis,
 Fervore sëu magno calens,
 Tecti sub nivibus DEI,
 Quas præbet Eleüsис parens.
 Certè patriæ Flumina
 Non edomarent hunc focum.
 Ut lampas Mareotica
 Pectus Damasceni fluit,
 Dum miratur in Hostia
 Brevi tot Authorem tegi
 Sceprrorum, quibus integra
 Est terra stringendis minor,
 Quæ vastum mare non capit,
 Nec ullus angustat lapis.
Quali spes Abulæ potens
 Et fama non viliæ Tagi
 Fulsit mente Theressia
 Refecta carne Numinis!

Quo

Quo laus nobilis Africæ !

(Ortus Alexander dedit
Urbi , quos dedit urbs sibi)

Virgo liquata est spiritu ?

Quantis Nerius æstibus

Nullo coercendis freto ,
Extra mentis opem suæ

Raptus flagrabat non semel ?

Dum , cœu Marmaricus leo -

Prædâ potitus de feris ,

Sumpta sidereâ dape

Lambebat os suum.

Quot noster Szczepanovius

Caput Tyaratum Craci

Flammabatur amoribus

Litans in altari DEO ?

Qui dissectus acinace

Diræ Boleslai manus ,

Amplexus medios mori

Inter volebat Numinis.

Quid Lojola ? quid asseclæ

Sancti ? Stanislaus tener

Civis Kostka Poloniæ ,

Hoc Panæ cœlesti satur ?

Quid

Quid Princeps Aloysius
Virtute florens & togâ?

Quid centum reliqui , pijs
Exæstuantes ignibus ?

Misceri Calasantijs
Quæ non triumphis mens volet?

Qui raptatur in àera
Manente sub plantis humo;

Cêu dum sol atomos leves
Ad se vigorosus trahit ,

Sic cæli volet invehi
Tectis reducturus DEUM.

Symplegas prius ardua
Ponti procellas in Padum,

Aût Hebri laticem , suâ
De sede proœdens , trahet ;

Et Rex Arsacides prius
Quot poma granis Punica

Turgent , tot Zopyros feret ,
Belli lacertosos Duces;

Audax ensis Orionis
Prius reluctant sibi

Unà congerie faccs
Lucere coget , & loco ;

Quam

Quām nōster calamus rudis
 Svavi tot incensas sacri
 Mentes somite ferculi,
 Arctare par ibit metro.

O! quām frigida pectorum
 Hyems! in Hæmi rupibus,
 Aut dira Rhodopes nive
 Nutrita concreto gelu!

Quām non solveret igneus
 Niventis Hostiæ globus,
 Quæ non in tepidos statim
 Abiret imbres lachrymæ.

Scis, hoc, cuius amore sit?
 Quod orbe tam parvo DEUS

Panis stringitur, & meri?
 Quod esse Divinum subest

Signis Triticeæ dapis
 Vitisq; castæ? quæ, simul

Myste• verba recensuit,
 Miscetur in totum DEO?

Nec jam vel Cererem voces
 Terra propagatam sinu,

Nec musti quid Iachij,
 Quod uva gemmescens parit.

O

Sed

Sed Christum specie meri
 Farrisq; crede conditum,
 Virtus cælica quam bene
 Et absq; subje~~cto~~ fovet.
Quod plūs; Pallas acu potens
 Manusvē textrices Phrygum
 Alterna vice sœviant,
 Pungantq; Divinas dapes,
 Nec sentire potest, necq;
 Pati cruenta quid caro,
Quæ cæli propriâ nitens
 Virtute, corrumpi nequit.
 Æthnæ faucibus igncis,
 Tauro Perilli noxio
 Uratur, procul omnibus
 Immunis à pænis erit;
 Nullo vulnere saucia
 Dentis maligni, sumitur,
 Et dum fregeris Hostiam,
 Hanc semper infractam scias.
O! nos saxea pectora!
 Immite de Pyrrha genuo,
 Si non Icaræ modo
 Ceræ liquefcemus statim;

Si

Si non in cineres fluet

Phænix cor accensum DEO,

Quod vectus nive candida

Sanctæ subintrabit dapis.

Hac dum fas refici mihi,

Nolo coronati Jovis

Stellanti niteam coma,

Adonis aut novus rosam

Floræ Cypridis induam;

Ajacis herbam non amo,

Christo pascar ubi meo,

Comuter in Christum , satis.

O D E XII.

Illusterrissimo FLORIANO MICHAELI RZE-WUSKI Thesaurario Curiae Regni maximo Eucharistici Principis cultori, qui prælium nunquā inijt, nisi prius Eucharistiâ munitus.

Thraciâ quisquis studet eminere ,

Quam ferox Cynthus parit aut Cytheron,

Laureâ , non vi Dolopum, nec Afro

Domicet ense.

O 2

Non

Non Achillæa cute fretus anceps
 Æquor hostilis subeat Grædivi,
 Quem Thetis Mater tenus usq; talo
 In styge tinxit.

Non Oillæi Ducas orbe septem
 Bobus induito, cùi Dardanorum
 In decus palmæ viruere Regum,
 Pectus obarmet.

Omnibus telis potiore famâ
 Nititur, celso quod ab axe manat,
 Numinis Sancti cereale scutum,
 Hostia Princeps.

Illa, quam præceps vibrat Hector, hasta
 Sæpe fallentem retrò pulsa Grajum
 Transvolans, ipsas per inane vastum
 Verberat auras.

Ille, quo cœli vaga terret astra,
 Durus Orion, sine laude mucro,
 Fertilis palmæ, toties resumptnm
 Perdidit iustum.

Non luus stipes bene sat ferocem
 Munit Alcidam, licet in trecentis
 Cædibus, nunquam minor hoste fulsit;
 Vincitur Oeta.

Non

Non minax ægis spolio Medusæ,
 Aurei Patris nec honora tela,
 Perseum fortem sibi nigra supra

Funera librant.

At cùi sacrum tegit alma pectus
 Parma Divinæ Cereris , nec orcum ,
 Nec trucem Maurum , nec acuta Martis
 Fulmina pensat:

Corruunt firmæ sine vindicatis
 Civibus turres , animosa Regum
 Signa languescunt in iniquioris
 Pulvere belli.

Quamlibet grandis dabit hostis ira
 Regibus pœnas , ubi Pane tectus
 Excubat vindex generosiori

Pro Duce belli.

Tale munimen sibi FLORIANUS
 Noster in quævis proba bella quærit ,
 Numinis tutus mactuenda victor

Praælia frangit.

Quippè sœu Thraces , fera sœu Dacorum
 Castra bellaci quaterentur ausu ,
 Sœu fugat vulgus Scythiaæ severo

Marte secutus;

Non

Non prius densas acie cohortes
 Movit adversâ , licet Ister audax
 Arma jactaret propè , quâm beatâ

Fortior esca;

Aut per infestam glacialis Arctos
 Si sagittarum minus id procellam
 Debitum solvi licuit, propinquis

Accidit aris;

Ut sacer, quando litat incruentas
 Victimâs Mystes pretij perennis,
 Pronus in terram, nîve consepultum

Numen adoret.

Sic in armatas, grave fulmen, instar,
 Se jacit turmas, ferit, instat, urget,
 De salutari recreante mensa

Viribus auctis.

Sic in hostiles ruat omnis enses
 Ductor armorum , cùi ferta signat
 Pinsili præsens DEUS in Corona,

Quem notat æther.



<http://rcin.org.pl>

2826

XVIII.2.54